

ТАФАККУР



ИЖТИМОЙ-ФАЛСАФИЙ,
МАЊАВИЙ-МАЃРИФИЙ,
ЖУРНАЛ

ТАФАККУР 3/2005



1875 - 2005

Дунёда түрмөж учун дунёвий илму фан лозимдур. Замона илму фанидан бебаҳра милят бошقا миллатларга поймол бўлур.

Махмудхўжа БЕҲБУДИЙ

ТО'YMAS KO'Z



Бир одам чет элдан кўп пул билан келди. Аввал бир нечта хона-дон — квартира сотиб олди, кейин шаҳарнинг этасизроқ манзилидан зўр жой қилиб, иморат курди. Битта эмас, албатта — кўша-кўша. Таъсифлаш шарт бўлмаса керак. Дарвоқе, шу орада бир талай кўшмаю хусусий корхона ҳам барпо этди. Махсулот чиқарди, фойда олди, дуо ҳам олгандир. Қабул бўлсин.

Лекин ўзи тиним билмади. Одамга ўхшаб бемалол, баҳузур яшамади ҳисоб. Ва ана шу банда бир кечада оёқ узатди-кўйди. Ажал.

Бу умрдан саволлар қолди: ўлигина кетар экансан, шунча даҳмаза нимага керак эди? Одамзод бир бурда нон билан ҳам тўяди-ку! Яшайман деганга одмироқ бир бошпана ҳам кифоя-ку! „Ўзингизнинг еган-ичганингизу кўнгилдан чиқариб бирорвга берганингизина — сизники, қолгани бекор!“ Аждодларнинг хаёт хуносаси шундай. Унда бунча дўкон-дасттоҳ не даркор эди?

Кўз тўймайди, кўз! Битта ҳовлим иккита бўлсин дейди, иккита мошинаси тўртта бўлишини хоҳлайди. Орзу-ҳавас эса чек-чегарасиз — Саҳройи Кабир! Жон-чи? Бир мартагина ато этладиган умр-чи? Йўқ, бошқалар ўлса ўлар, мен ҳали-вери ўлмасам керак, деб ўйлайди. Муқаррар ажал билан шартнома тузмоқ бўлади. Беҳуда хаёл! Майли, ўлсам, орқамдаги бола-чақамга қолар-ку, деб юҳолигига таскин ҳам излайди ўзича. Тўғри, йикқани қолади. Солиҳ меросхўрлар бирини икки қилиб, асрраб-авайлаб, номини эслаб-хотирлаб турса-ку, ҳарна, акс ҳолда — не-не азобу машаққатлар эвазига тўплланган мол-давлат исқот, сабил, садқаи сар!

Замон одамлари нафс балосига гирифтор бўлгани аён. Хўш, замон айбордими ё замон берган эркинликни биргина нафс эркинлиги деб билган одамзодми? Умр деганлари, ҳаётнинг мазмуни деганлари шугинами? Бу ёруғ оламга мол-дунё йигиши илинжиидагина келган экансан-да, эй банда? Бўлмаса, бебаҳо умрни бебако дунёга шу тариқа сарфлашда яна қандай мантиқ бор?

Кўз факат кўрмок, тўймоқ учунгина эмас, билмоқ, англомоқ, демакки, оқибатни, охиратни ўйламоқ учун ҳам берилмаганми одамзодга?!

Лекин, ажабки, Иқбол Мирзо таассуф ила айтганидек:

*Қарасам, бешикдан тобутга қадар
Бирор умр сўрар, яна бирор — зар.
Берганга биттаси кўпдир, биродар,
Олганга мингтаси кам кўринади.*

Умр ато этдинг, дунё неъматларини аямадинг, шукр. Энди бандангга инсоф ҳам бергил, ё Оллоҳ!



ТАФАККУР

3
2005
(44)

Тафаккур


ИЖТИМОЙ-ФАЛСАФИЙ, МАЊНАВИЙ-МАЊРИФИЙ ЖУРНАЛ

МИЛЛАТ ВА МАЊНАВИЯТ

- | | |
|---|----|
| Фахриддин МУСАЕВ. Бунёдкор диалектика..... | 4 |
| Нурбой АБДУЛҲАКИМ. Мањрифат нимадир,
жаҳолат надир?..... | 10 |

ТАРИХ ВА ТАРАККИЁТ

- | | |
|--|----|
| Абдурахим ЭРКАЕВ. Тафаккур эркинлиги. Иккинчи
мақола..... | 16 |
|--|----|



Матназар Абдулҳаким

Бош муҳаррир
Эркин АЪЗАМ

Таҳририят:

- Нурбой АБДУЛҲАКИМ
(бош муҳаррир ўринбосари)
Баҳодир ЗОКИР
(масъул котиб)
Ольга ЖОЛДАСОВА
(бадиий безак бўлими мудири)
Мусаҳид Шоҳ Санам
Журнални Наргиза Иброҳимова
саҳифалаган.
Машраб Нуринбоев олган сурат-
лардан фойдаланилди.

- Жамоат кенгаши:*
Дилором АЛИМОВА
Абдулла АЪЗАМ
Муҳсин АШУРОВ
Хуршид ДАВРОН
Нурилдин ЗАЙНИЕВ
Нажмиддин КОМИЛ
Султонмурод ОЛИМ
Хайрилдин СУЛТОН
Қобилижон ТОШМАТОВ
Нурислом ТЎҲЛИЕВ
Озод ШАРАФИДДИНОВ
Абдураҳим ЭРКАЕВ
Тўлепберген ҚАЙИПБЕРГЕНОВ
Муртазо ҚАРШИБОЙ
Фарҳод ҲАМРОЕВ
Иброҳим ҲАҚҚУЛ

Муассис — Республика Мањновият ва
мањрифат кенгashi
Ўзбекистон Республикаси Матбуот ва
охборот агентлигига 120-рақам
билин рўйхатга олинган.

Матнарда фойдаланилган мисол,
кўчирма ва маълумотлар аникилиги учун
муаллифор жавобгардир.

Журналдан кўчирби босилганда манба
кейд этилиши шарт.

Монизилим: 700047, Тошкент шаҳри,
Моварооннаҳр кўчаси, 6-й



133-10-68
139-05-19

Журнал андозаси таҳририятнинг компьютер бўлимida тайёрланди.

“Шарқ” нашириёт-матбоя акциядорлик
компанияси босмахонаси, 700029,
Тошкент шаҳри, Буюк Турон кўчаси, 41-й

2005 йил 17 май куни босмахонага
топширилди. Қоғоз бичими 70x100 1/¹⁶
8 босма тобок. 1398-буюртма. Нашр
адади 4000 нусха.

SAHIFALARIDA

саҳифаларида

ЮРАК ТИЛГА КИРДИ

- Чингиз АЙТМАТОВ. Болалигим.
Хотиралар..... 44

ТАҚДИРДАГИ ТАДБИРЛАР

- Наим КАРИМОВ. Беҳбудийнинг
сўнгги кунлари..... 64

БҮЮКЛИК ТИМСОЛЛАРИ

- Иброҳим ҲАҚҚУЛ. Аҳмад Калла..... 74

АКЛ МУНОЗАРАСИ

- 30 Виктор АЛИМАСОВ. Экзистенциа-
лизмнинг “ота”си..... 88

Жан Полъ Сартр




МИЛЛАТ ВА МАЊНАВИЯТ

- ултонмурод ОЛИМ. “Чигатой
афзи ила рақам урдум...” 94

БОҚИЙ САРЧАШМАЛАР

- Будюқодир ЗОХИДИЙ. Берунийнинг
чироғи..... 102



Чингиз Айтматов

ЖАВОНДАГИ ЖАВОХИР

- Умарали НОРМАТОВ мутолаа
қилади..... 108


ТАЛКИН ВА ТАДҚИҚОТЛАР

- Мұхаббат ИСАЕВА. Инсон омилиниңг
фаоллашув асри..... 116
Элдор УСМОНОВ. Экологик
барқарорлик омиллари..... 117
Гулноза ЭРНАЗАРОВА. Бахт берарми
одамга одам?..... 118
Феруза ОБИДЖОНОВА. Рұхнинг
эстетик манзараалари..... 120
Раъно ЭГАМШУҚУРОВА. Этник
стереотип..... 122
Нилуфар МИРСАИДОВА. Олис-олис-
ларда күринар ёғду..... 123
Ойгул СУЮНОВА. Мустамлака
стратегиясининг бир күриниши..... 124
Фазлиддин РАВШАНОВ. Хос
Хожибининг ҳукмдорга ўгитлари..... 125
Журналнинг инглизча муҳтасар
мазмуни..... 127



МИЛЛАТ ВА МАЪНАВИЯТ

Фахридин МУСАЕВ



Дунёда ҳамма нарсанинг диалектик моҳияти бўлади. Айнан ана шу моҳият орқали нарса-ҳодисаларнинг пайдо бўлиш, ўзгариш ва ривожланиш, камол ёки заволга юз тутиш қонуниятларини билиш мумкин.

Маълумки, диалектика турли қарама-қаршиликлар ўртасидаги боғлиқликни, уларнинг сабаб ва оқибатларини ўрганади. Шу боис тараққиёт қонуниятларини тушуниш, улардан тегишли сабоқ ва хулосалар чиқаришда диалектиканинг аҳамияти бекиёс. Бу таълимот инсонга қиёсий-тахлилий асосда фикрлаш, ҳар қандай масала ҳақида бир томонлама эмас, балки турли ракурсдан ёндашган ҳолда кенг мулоҳаза юритиш, дунёни кўпқиррали, тез ўзгарувчан ҳодиса сифатида тасаввур қилиш имконини беради. Шунинг учун ҳам диалектик асосда фикрлайдиган одам нарса-ҳодисаларнинг нафақат ташқи жиҳатларини, айни пайтда ички боғланишларини ҳам назарда тутади, хусусий ҳолатлардан умумий хулосалар чиқаради, умумий натижалар мисолида хусусий ҳолатларнинг маъно-мазмунини англаб олади. Ана шу мулоҳазаларга таяниб, диалектика — ҳақиқатни бутун мураккаблиги билан англашга интиладиган инсон тафаккурининг муҳим белгиси, борлиқни қандай бўлса шундайлигича тушуниш заруратидан туғилган билиш ва фикрлаш шакли эканини таъкидлаш мумкин. Бинобарин, одамзод оламдаги хилмажил ва зиддиятли ҳодисаларни бир-биридан фарқлаш, ўзаро қиёслаш асосида тахлилий фикрлашни ўрганган даврлардан бошлабоқ билиш ва англашнинг диалектик усули ҳам шакллана бошлаган.

Юртимиз ҳудудида етмиш йилдан зиёд ҳукмронлик қилган коммунистик мафкура барча инсоний қадриялар қатори диалектик таълимотни ҳам соҳталаштиришга, унинг моҳиятини бузиб, ҳаётга бирёклама татбиқ этишга уринди. Мустабид мафкура инсониятнинг неча минг йиллик тафаккур тарихи билан боғлиқ бўлган мазкур таълимотни ўта тор ва чек-

ланган тарзда тушунтиришга ҳаракат қиласади. Чунончи, коммунистлар ўзининг фаразли мақсадларидан келиб чиқсан ҳолда, диалектика деганда кўпроқ қарама-қаршиликлар ўртасидаги доимий кураш жараёнини тушунар ва жамият ҳаётига унинг фақат шу хусусиятларини сингдиришга интилар эди. Улар айнан ана шу қарама-қаршиликлар диалектикасини баҳона қилиб, жамиятда сунъий равишда зиддиятлар чиқариш, уларни йўқ жойдан ўйлаб топишга зўр берарди. Собиқ шўро давлати тарихидан бунга кўплаб мисоллар келтириш мумкин. Пролетар доҳийларидан бири бўлмиш Иосиф Сталлининг жамият ривожлангани сари синфлар ўртасидаги зиддият ва қарама-қаршиликлар ҳам кучайиб боради, деган сохта назариясини олайлик. Бундай заرارли қураш оқибатида СССР худудида қанчадан-қанча фожиали воқеалар, қирғин ва қатғонлар юз бергани кечаги ўтмишимиздан яхши маълум. Энг ёмони, ҳаёт қонуниятларини шундай юзаки тушуниш туфайли одамларда диалектика ҳақидаги тасаввур ҳам ўзгарди. Гўёки диалектика фақат қарама-қаршиликлар ўртасидаги боғлиқликни, уларнинг кучайиб бориш ва ягона мантиқий ечим — қонли инқилобга олиб келиш қонуниятларини ўрганадиган ва бундай ҳаракатларни ёқладиган, яъни турли хил зиддиятларга тўла вайронкор жараёнларни тадқиқ этадиган фан сифатида тушуниладиган бўлиб қолди.



Аслида, ҳар қайси мафкура, ҳар қайси фалсафа ўз олдига қўйган мақсад-муддаосига қараб, диалектикани турлича тушунади ва талқин қиласади. Яъни, бунёдкор мафкуралар диалектикани эзгуликка хизмат қиласадиган, тарихий жараёнлардан ибратли хуносалар чиқаришга ёрдам берадиган бунёдкор диалектика сифатида, вайронкор мафкуралар эса ёвузликни кучайтириш, ижтимоий ҳодисалар моҳиятини сохталаштиришга қаратилган вайронкор диалектика сифатида тушунади ва дунёни изоҳлашда ундан услубий асос тариқасида фойдаланади. Собиқ коммунистик мафкура вайронкор бўлгани учун унинг танлаган ва ўзига курол қилиб олган диалектикаси ҳам шунга монанд эди. Ватанимиз мустақилликка эришганидан сўнг шаклланган, халқимизнинг асрий орзу-умидларини ўзида мужассам этган миллий истиқлолғояси эса бунёдкор қарашлар мажмуй бўлгани учун диалектикадан воқеликнинг асл моҳиятини ҳақоний акс эттирадиган асос, билишнинг ҳаёт синовларидан ўтган илмий шакли сифатида фойдаланди. Масалан, «Миллий истиқлолғояси: асосий тушунча ва тамойиллар» рисолосини дикқат билан мутолаа қилсангиз, нарса-ҳодисалар, қадриятлар ўртасидаги узвий боғлиқлик ёки фарқни сунъий равишда ажратиш ёхуд кучайтиришга қаратилган биронта фикр ёки қарашни кўрмайсиз. Аксинча, ундаги тушунча ва тамойилларнинг барчаси нарса-ҳодисалар ўртасидаги боғлиқлик ва фарқни инобатга олган, ҳаммаси учун хос бўлган умумий моҳият ва манбадан келиб чиқсан ҳолда, уларни ўзаро яқинлаштириш, уйғуллаштиришга қаратилганига ишонч ҳосил қиласиз. Бу эса миллий истиқлолғоясининг билиш ва фикрлашнинг халқимизга, миллий тафаккуримизга хос усулига, таъбир жоиз бўлса, бунёдкор диалектик қарашга асосланганини кўрсатади.

Шу ўринда миллий истиқлолғоясининг, бунёдкор диалектика қонуниятларига асосланган ҳолда, ижтимоий-сиёсий жараёнларни ўзаро боғлиқлик-

да, бир бутун ва ягона ҳолда тушунтириши ва бундай дунёқарашни замонавий тараққиётнинг асоси деб билишига алоҳида тўхталиб ўтиш лозим. Бугунги мураккаб дунёни, шиддатли тараққиётни айнан ана шундай нуқтаи назардан тушуниш жамиятни турли қарама-қарши гуруҳларга бўлиб юборишни эмас, аксинча, уларни ўзаро бирлаштириш, уйғунлаштириш, улуф мақсадлар йўлида ягона кучга айлантиришни тақозо этади.

Миллий истиқлол ғояси ана шундай интилишни асосий тамойил деб билиши бугунги кунда қандай ижобий натижалар бераётганини бир қанча мисолларда кўриб ўтайлик.

Маълумки, собиқ коммунистик мафкура нафақат турли ижтимоий синф ва гуруҳларни, айни пайтда ўтмиш ва келажакни, шундан келиб чиқкан тарзда аждодлар ва авлодларни ҳам бир-бирига қарама-қарши кўяр эди. Унинг ҳаётга, азалий қадриятларга вайронкор диалектика асосида ёндашгани ва айнан шу асосда ривожланганини мазкур далилнинг ўзиёқ яққол тасдиқлайди. Миллий истиқлол ғояси эса ўтмиш ва келажакни, аждодлар ва авлодлар ўртасидаги ворисийликни, уларнинг ягона мақсад йўлидаги узлуксиз ҳаракатини эътироф этади. Шунинг учун ҳам Президентимиз Ислом Каримов миллий истиқлол ғояси ҳақида тўхталар экан, «У Ватанимизнинг шонли ўтмиши ва буюк келажагини узвий боғлаб туришга, ўзимизни улуф аждодларимиз бокий меросининг муносиб ворислари деб хис қилиш, шу билан бирга, жаҳон ва замон умумбашарий ютуқларига эришмоққа йўл очиб берадиган ва шу мақсадларга муттасил даъват қиласидан фоя бўлиши керак» деб алоҳида таъкидлагани бежиз эмас. Миллий истиқлол ғоясининг бундай хусусиятга эга бўлиши жамиятдаги турли партия ҳамда сиёсий кучлар, ҳар хил эътиқод ва дунёқарашдаги кишиларнинг ўзаро ҳамкорлигу ҳамжиҳатлиқда яшашига хизмат қиласиди. Шунинг учун ҳам «Миллий истиқлол ғояси: асосий тушунча ва тамойиллар» рисоласида бу тамойил алоҳида шарҳлаб, изоҳлаб берилган: «Миллий истиқлол мафкураси турли сиёсий партия ва ижтимоий гуруҳлар мафкурасидан устун турадиган социал феномен — ижтимоий ҳодисадир».

Давлатимиз раҳбари ўзининг чиқишиларида миллий истиқлол ғоясининг ана шу хусусияти, яъни сиёсий қараш ва интилишларидан, ижтимоий манбаатларидан қатъи назар, барча партия ва гуруҳлар, жамиятдаги турли тоифа ва қатламларни бирлаштирувчилик тамойилини алоҳида таъкидлаб келаётгани бежиз эмас. Жумладан, жорий йил бошида бўлиб ўтган Олий Мажлис Қонунчилик палатаси ва Сенатининг қўшма мажлисидаги маъруzasида ҳам Юртбошимиз шу масалага алоҳида эътибор қаратди.

Мазкур маърузада илгари сурилган фикр ва қарашлар, янги ғоялар миллий истиқлол мафкурасининг диалектик асосини янада мустаҳкамлайди, унинг амалий қимматини оширади, энг муҳими, келгусидаги бунёдкорлик ишларимизда услубий асос, дастуриламал бўлиб хизмат қиласиди.

Бугунги нотинч дунёдаги мураккаб вазият ҳақида ўйлаганда, миллий истиқлол ғояси юртдошларимиз, аввало ёш авлод дунёқарашини соғлом асосда шакллантириш, диёримиздаги тинчлик-осойишталикни сақлаш, мустақиллигимизни амалий ишлар билан мустаҳкамлашда муҳим аҳамият касб этаётганига яна бир бор ишонч ҳосил қиласиди. Айниқса, «Ватан равнақи», «Юрт тинчлиги», «Халқ фаровонлиги» каби шу заминда яшаётган инсонларнинг барчаси учун бирдек қадрли бўлган муқаддас тушунча ва тамойилларнинг асосий ғояларимиз сифатида шаклланиб, халқимизнинг қалби ва онгига чукур сингиб бораётгани, бу эса юртимиздаги тинчлик-барқарор-

ликнинг, иқтисодий ўсиш ва ривожланишнинг муҳим асосларидан бири бўлиб хизмат килаётгани ҳаммамизни қувонтиради.

Шунингдек, мазкур тизимда «Ижтимоий ҳамкорлик» foясининг асосий та-мойиллардан бири сифатида эътироф этилиши жамиятимизда ўзаро ҳам-жиҳатлик муҳитини мустаҳкамлашга хизмат қилмоқда.

Асосий foяларимиздан бирининг «Динларо бағрикенглик» деб аталиши ҳам миллый истиқлол мағкурасида жамиятнинг барча аъзоларини, тили, дини ва миллатидан қатъи назар, ягона мақсад йўлида бирлаштириш энг муҳим масалалардан бири эканидан далолат беради.

Миллый истиқлол foясининг муҳим хусусиятларидан яна бири шундан иборатки, у мамлакатимиз тараққиёти, ёруғ келажагини жаҳон ҳамжамияти билан яқин ҳамкорликда, ҳамоҳанг яшашда кўради. Бундай натижага эришишда, бошқа омиллар қатори, миллий ва умумбашарий қадриятлар уйғулиги ҳам муҳим ўрин тутади. Шунинг учун юртимизда, истиқлолнинг дастлабки йилларидан бошлаб, бу масалага катта эътибор берилмокда. Чунки собиқ коммунистик мағкура «буржуа маданияти», «бойлар ва камбағаллар маданияти», «пролетар маданияти» деб ягона ва умумбашарий бўлган қадриятлар ўртасига турли тўсиклар кўйиб, уларни бир-бирига қарама-қарши қилиб ташлаган эди. Энг ёмони, мустабид тузум маданият ва қадриятларни нафақат бир-бирига, балки ўз-ўзига ҳам қарши кўярди. Унинг ҳар қандай маданиятдан шаклан миллый, мазмунан социалистик бўлишини талаб қилиши, ҳар қандай маданиятда илғор ва реакцион маданият бор деб уларни бўлиб ўргатишга интилиши неча асрлар, минг йиллардан буён умумбашарий тараққиётнинг яхлитлиги ва узвийлигини таъминлаб келаётган ҳаёт тарзи ҳамда ривожланиш диалектикасига мутлақо зид эди. Шу ўринда устоз шоирларимиздан бирининг фикрлари ёдга тушади: «Маълумки, шўро мағкураси адабий меросни «прогрессив» ва «реакцион» деб иккига ажратиб кўйган эди. Масалан, Навоий — прогрессив, лекин унинг замондоши ва дўсти бўлган Хусайний — реакцион... Худди шундай Нодирабегим — прогрессив, унинг умр йўлдоши, Амирий тахаллуси билан шеърлар ёзган Амир Умархон реакцион ҳисобланган».

Бундан ташқари, мазмунан социалистик бўлишдек мавхум бир вазифа қўйилиши билан ҳар қандай миллый маданият доирасида яратилган янги асарларга нисбатан мақсадга мувофиқми ёки йўқми, деган савол пайдо бўларди. Ана шу зиддиятнинг ўзи ўша маданиятни охир-оқибатда миллыйликдан маҳрум бўлишга олиб келарди.

Собиқ шўро мағкураси моддий ва маънавий қадриятлар ўртасидаги боғлиқликни ҳам мутлақо тан олмас, уларни имкон қадар бир-бирига қарама-қарши кўяр эди. Шунинг учун ҳам меъёридан озгина кўпроқ моддий бойлик орттирган одам албатта жазоланар, унинг ҳалол меҳнат билан топган мол-мулки эса мусодара қилинар эди. Миллый истиқлол мағкураси эса моддий маънавий қадриятларни инсон ҳаётининг энг муҳим ва ажралмас бир қисми сифатида тан олади, уларни ўзаро уйғулиқда ривожлантиришни тарғиб этади. Юртбошимиз бу ҳақда тўхталиб бундай дегани ҳам бежиз эмас: «Мен тараққиётга нисбатан доим мана бундай ўхшатишни қўллашни ўринли деб ҳисоблайман: моддий ва маънавий бойлик — юксак парвозга шайланган қушнинг қўш қанотидир. Табиийки, битта қанот билан парвоз қилиб бўлмайди». Бу — моддий ва маънавий эҳтиёжларни том маънода диалектик тушуниш маҳсули бўлган ҳаққоний таъриф. Давлатимиз раҳбари юқорида зикр этилган қўшма мажлисдан сўнг хорижий ва оммавий ахборот восита-

лари вакилларига берган интервьюсида бу ҳақиқатни яна бир бор таъкидлаб, моддий ва маънавий тараққиётнинг диалектик бирлиги ҳақида янгича фикрларини баён этди.

Дарҳақиқат, моддият ва маънавиятнинг нечоғли боғлиқлигини бугунги тараққий этган дунёнинг ютуқлари ҳам исботламоқда. Ривожланган давлатлар тажрибаси моддий ва маънавий бойликларни бирдек қадрлаган тақдирдагина юксак натижаларга эришиш мумкинлигини кўрсатмоқда.

Энг муҳими, миллий истиқлол гояси инсонни фақат ижтимоий муносабатлар маҳсули деб эмас, балки турли интилиш ва мақсадларни ўзида мужассам этадиган, доимо зиддият ҳамда олишувлар ичida яшайдиган яхлит мураккаб бир тизим, ижтимоий ҳодиса сифатида тушунтиради. Яъни, бу мафкура нуқтаи назарида инсон, бир томондан, юксак орзу ва мақсадларни кўзлаб яшайдиган буюк бунёдкор, иккинчи томондан эса, турли таъсирларга берилувчан, ишонувчан, адашишга мойил, баъзан эса урушлар, инқиlobлар содир этишдан ҳам қайтмайдиган вайронкор куч. Инсоннинг бундай чигал ва мураккаб моҳиятини Ислом Каримов жуда аниқ таърифлаб берган: «Аслида, менинг назаримда, одамнинг қалбида иккита куч — бунёдкорлик ва вайронкорлик ҳамиша ўзаро курашади. Афсус билан таъкидлашимиз лозим: тарих тажрибаси шундан далолат беради, инсон табиатидаги инсонийликдан кўра ваҳшийлик, ур-йиқит инстинктлари, яъни хатти-ҳаракатларини кўзғатиб юбориш осонроқ».

Ҳақиқатан ҳам, инсоннинг қалбида, ўй-хаёлида доимо кураш боради. Буни фан ҳам, дин ҳам асрлар давомида эътироф этиб келган ва бундай кураш бугунги кунда ҳам давом этмоқда. Балки дунёдаги турли талотўплар, бунёдкорлик ва вайронкорликларнинг диалектик моҳиятини ҳам ана шу кураш ташкил этса ажаб эмас.

Миллий истиқлол гояси ана шу ҳақиқатни аниқ тасаввур қилган ҳолда, комил инсонни вояга етказишини асосий мақсадлардан бири сифатида белгилаб беради. Бу эса миллий формиз асосий тушунча ва тамойилларининг барчаси диалектик жиҳатдан ўзаро боғлиқ ва бир-бирини тақозо этишини кўрсатади.

Кечаги ўтмишимиздан аёнки, мустабид мафкура шахснинг тарихдаги ролини мутлақо тан олмас, уни омманинг кичик бир бўлаги, улкан давлат машинасининг арзимас мурвати деб қарабди. Миллий истиқлол мафкураси эса шахсни буюк бунёдкор кучга айлантириши бош вазифа деб билади. Шунинг учун комил инсон масаласи унинг асосий гояларидан бири ҳисобланади.

Шунингдек, миллий мафкурамизда шахс ва жамият манфаатлари ўзаро қарама-қарши кўйилмайди, балки уларни уйғунлаштириш масаласига алоҳида эътибор берилади. Шахс ва жамият манфаатлари уйғунлашгандагина тараққиёт бўлишини эътироф этиш жамиятимиздаги юксалиш бунёдкор диалектика қонуниятлари асосида кечеётганинг яна бир далилидир.

Шу билан бирга, миллий истиқлол гоясида шахс камолотида жисмоний ва маънавий тарбия муҳим аҳамият касб этишига, умуман, инсонда барча сифатлар уйғунлашган ҳолда мужассам бўлишига алоҳида эътибор берилади. Бундай олижаноб мақсад теран илдизга эга. Чунки бизнинг буюк аждодларимиз келгуси авлодларининг ҳар томонлама баркамол бўлишини орзу қилган. Улуғ мутафаккир бобомиз Алишер Навоий тасавvuридаги комил инсон тимсоли бўлмиш Фарходга берган таърифини эсга олайлик. «Ўзи поку сўзи поку кўзи пок...» Ёки халқимиз маънавиятнинг ноёб ёдгорлиги бўлмиш

«Авесто» китобида эзгу фикр, эзгу сўз ва эзгу амал деган даъватларга урғу берилиши аждодларимизнинг комилликни жуда кенг маънода тушунганини кўрсатади. Шунинг учун ҳам бизнинг бугунги кундаги саъй-ҳаракатларимиз, ана шу анъаналарни давом эттирган ҳолда, ҳар томонлама баркамол авлодни вояга етказишга қаратилмоқда.

Миллий истиқлол гоясининг диалектик моҳияти яна бир муҳим масала-да яқол намоён бўлади. У токи ер юзида ҳаёт бор экан, инсон бор экан, бунёдкор ва вайронкор гоялар ўртасидаги кураш давом этиши, бу жараён ахборот воситаларининг кучайиши туфайли инсонлар ўртасидаги нафақат ташки, балки ички муносабатлар ҳам тобора юзага чиқиб, ўзаро тўқнашиб бораётган ҳозирги глобаллашув даврида фоят мураккаб тус олганини аниқ тушунтириб беради. Вайронкор гояларга қарши курашда аввало огоҳлик ва хушёрлик, бунёдкор кучларининг бирлиги зарурлигини таъкидлайди. Бу шаф-қатсиз курашда миллий ўзликни англаш, аждодлар анъаналарини давом эттириш, ҳалқимиз ва Ватанимизга лойиқ даражада хизмат қилишнинг ишончли воситасидир.

Она юртга муносиб фарзанд бўлиш, унинг чинакам фидойиси сифатида яшаш, ҳалқ ва ватан тушунчаларининг абадийлиги миллий истиқлол гояси-нинг диалектик моҳиятини ташкил этади. Ватанпарварликнинг маънавий асосларидан бири эса Ватанинг озодлиги, унинг бетакрор хусусиятлари, мард ва олижаноб инсонларидир.


Эътибор берганмисиз, америка кинофильмларида қаҳрамонлар ҳар қандай ёвузлик устидан голиб чиқади. Бундай курашларда Ватан муҳаббати, унинг манфаатлари уларга куч-кувват бериб туради. Она юртнинг, қадрдон замин фарзандларининг доимо голиб бўлиши, ҳар қандай мураккаб синовлардан ҳам муносиб ўта олиши эса мардлик ва ватанпарварлик тарбиясида бекиёс ўрин тутади.

Бир мисол. Стадионда севимли футбол жамоасининг голиб чиққанини кўрган мухлиснинг куч-ғайрати жўшиб, ўзи ҳам майдонга тушиб тўп сургиси келиб кетади. Чунки у ана шу жамоа тимсолида ҳалқи ва Ватанини, уларнинг катта имкониятларини кўради. Ватанпарварлик туйгусини ифодалаган асарлар ҳам ёш авлоднинг қалби ва онгига шундай таъсир қиласди, уларнинг руҳини кўтариб, янги-янги мэрраларга илҳомлантиради.

Миллий истиқлол гояси ҳалқимизнинг асрлар давомидаги ҳаётний тажрибаси, аждодларимизнинг мардлик, ватанпарварлик фазилатлари, истиқлол йилларидағи маънавий-мағкуравий соҳада кўлга киритилган ютуқлар заминида шаклланган бўлиб, унинг асосий тушунча ва тамойиллари ҳаётимизга тобора чукурроқ сингиб бормоқда. Унинг маъно-мазмунини ташкил этадиган бунёдкорлик ҳаётимизни тубдан ўзgartириш, унга янгича маъно-мазмун бахш этишда бекиёс аҳамият касб этиб келмоқда. Бугунги кунда шахар ва қишлокларимиз жамолининг кўркамлашиши, диёримиздаги тинчлик ва осойишталик, ислохотлар йўлида эришилаётган салмоқли натижалар асоси ва негизида ана шундай бунёдкорлик туйгуси ётганини кўриш мумкин.

Миллий истиқлол гоясининг ҳаракатлантирувчи кучига айланган бундай бунёдкор диалектика ҳалқимизни келгусида янги-янги зафарларга ундаши, унинг қалби ва онгига янги уфқлар очиши шубҳасиз. Маъно-моҳияти бунёдкорлик ва ээгулиқдан иборат бўлган, тараққиётни ранг-баранг ҳодисалар, турли қараш ва қадрияларнинг уйғунлиги ва ҳамкорлигига деб биладиган бу мағкуравий тизим замон талаблари асосида изчил бойиб, ривожланиб бораётгани ҳам шундан далолат беради.

Нурбой АБДУЛҲАКИМ



Жамиятнинг камоли ёки заволини бел-гиловчи мезон нима? Инқирозга юз тута бошласа, уни мукаррар ҳалокатдан кутқариб қолувчи куч борми? Ёки аксинча — инсонни, у мансуб бўлган жамиятни саодат соҳилидан фалокат уммони сари бошлаб, ҳалокат гирдобига фарқ қолувчи синоат нима? Ундан нажот топиш имкони мавжудми? Бу каби саволлар миллатидан, ирқидан, диний мансублигидан қатъи назар, барча инсонлар ҳайтига бирдай дахлдор, ҳамма замонлар учун долзарбdir. Шунга кўра ҳам аксарият фикр эгаларининг бу борадаги қарашлари мутаносиб: биринчиси — маърифат, иккинчиси — жаҳолат. Хуносалар ҳам деярли бир хил: инсон фақат ва фақат маърифат орқалигина саодатга эришмоғи мумкин.

Маърифат — саодат калити

“Маърифат” сўзининг луғавий маъноси — билиш, таниш, билим демакдир (*Навоий асарлари лугати. Т.,Faфур Ғулом номидаги Адабиёт ва санъат нашриёти, 1972, 379-бет*). Истилоҳий маъноси эса анча кенг. Орифлар наздида бу сўз Худони таниш маъносини англатади. Сўфи Оллоёрнинг “Танур жойинг бўлур қолсанг танурдин” мисрасидаги “қолсанг танурдин” сўзлари маърифат хусусида. Олдинги “танур” эса — тандир (жаҳаннам) маъносида келган. Маърифатсизлик инсонни икки дунёда хор қилишига ишора бор бу сатрда.

Сайид Сажходий маърифатнинг икки турини ажратиб кўрсатади: омма маърифати ва хослар маърифати. Унинг фикри-

ча, омма маърифати тинглаш орқали ҳосил бўлади. Ҳосларники эса — кўриш, мушоҳада этиш воситасида (*Сайийд Сажжодий. Фарҳонги истилоҳоти ва таъбиroti ирфоний. Техрон, 1992, 730-бет*).

Ҳазрат Навоийнинг “Лисон ут-тайр” дostonида қушлар сафари тимсолида инсон камолотининг етти босқичи ҳақида сўз юритилади: талаб, ишқ, маърифат, истиғно, тавҳид, ҳайрат, факру фано. Достоннинг маҳсус боби “Маърифат водийсининг васфи” деб номланган. Боб қуидаги байтлар билан бошланади:

Маърифат водийсин ондин сўнгра бил,
Дашти бепоёнлигин наззора қил.
Кимки бу водийга бўлди муттасиф,
Топти анда ҳолларни мухталиф.
Водиедур юз туман минг онда йўл,
Ул бу бир келмай, онингдекким бу ул.
Ихтилофи жузв ила кулл мундадур
Ким, тараққию таназзул мундадур.

(Алишер Навоий. “Лисон ут-тайр”. Муқаммал асарлар тўплами. Йигирма томлик. Ўн иккинчи том. Т., “Фан” нашриёти, 1996, 224-бет.)

Маърифат водийсини “дашти бепоён”-га қиёслаган ҳазрат Навоий унда “ҳоллар мухталиф” (ихтилоғли, бир-биридан кескин фарқ қилувчи — қавс ичидаги барча изоҳлар бизниси — **Н.А.**) эканини таъкидлар экан, “Водиедур юз туман минг онда йўл” деба одамларнинг маърифий даражаси турлича бўлишига ишора қиласи. Улуғ шоирнинг “жузв ила кулл” — бўлак ва бутун, таракқий ва таназзул ихтилоғи ҳақидаги фикрлари ҳам буни тасдиқлайди.

Мазкур боб давомида баён этилишича, бу водийда “юз туман раҳрав”ни (йўловчиини) кўриш мумкин. Пашша ҳам, фил ҳам, Жибрил ҳам йўлда. Мусою Фиръавон, Маҳдийу Дажжол, Аҳмад ва Абу Жаҳл ҳам раҳрав. Шундай бўлгач, улуғ шоир таъбири билан айтганда: “Мухталиф бўлмай не бўлсун мунда иш”.

Ушбу мулоҳазалари тасдиғи учун ҳазрат Навоий бир ҳадис мазмунини келтиради:

Мундин айтибдур нағиҳи роҳбар
Ким, улуска ҳақ сари бўлса сафар.
Истасанг йўл касратига аддү ҳад,
Халқ анфоси била тенг бил адад.

(Ўша асар, 225-бет.)

Яни Ҳақقا элтувчи йўллар сони халоийкнинг нуфуси билан баробар. Бошқача айтганда, маърифати даражасига кўра, ҳар бир одам ўз йўлини тўғри деб билади. Улар ўртасидаги ихтилоғнинг сабаби ҳам шундади. Танлаган йўллари эгри ёки тўғри, якин ёхуд йироқ, кўпраги дурд (куйқа), озорги соғ бўлса-да, аслида ҳаммасининг мақсади бир — ҳақиқат.

Гар сулук атборида тағиёр эди,
Мақсади лекин борининг бир эди.

(Ўша асар, 225-бет.)

“Маърифат водийсининг васфи”дан кейин ҳазрат Навоий бир ҳикоят келтиради. Унда ёзилишича, бир неча кўзи ожиз кимса маълум муддат мусофирилик сабабми, асир тушибми, Ҳиндистонда бўлади. Такдир инояти билан ўз ўртларига қайтиб келганида бир киши улардан сўрайди: “Филин кўрдиларингми?” Кўрлар тасдиқ ишорасини қиласи. Ҳалиги киши филни чиндан ҳам кўрганингизга далил келтиринг, дейди.

Табиийки, улар филни кўрмаган, у ҳақда сўраб ҳам олмаган эди. Кўрларнинг ҳар бири филнинг қайси аъзосини пайпаслаган бўлса, шунгагина асосланиб жавоб бера кетади. Оёқларини силаб кўргани фил бу — “сутун” деса, қорнини пайпаслаб кўргани “бесутун” деба жавоб қиласи. Хартумини ушлаб кўргани филни аждаҳога, тишларига қули теккани уни суюкка менгзайди. Кўйруғини силагани илонга, бошига кўл ургани қиянинг тумшуғига, кулоғини ушлагани эса еллиғичга қиёслайди.

Гарчи кўрларнинг сўзи фил ҳақида эмас, унинг муайян аъзолари хусусида эканини билса-да, “пилбонлиғ шевасида устод” бўлган ҳакими комил уларнинг сўзини рад этмайди.

Деди: “Ҳар бир улча воқиф эрдилар,
Пил ҳолидин нишоне бердилар”.

(Ўша асар, 227-бет.)

Қиссадан ҳисса шуки, маърифатда комил бир мақомга эришмаган киши бамисоли ўша кўрларнинг ҳолига тушади. Ўзи “ушлагани”нигина ҳақ деб билиб, бошқалар билан ихтилоғга боради, мунозара қиласи.

Ҳаёт — инсонга чинакам маърифатга, камолотга эришмоқ учун берилган имкон.

Ҳар ҳолда, мутафаккир аждодларимиз шундай деб ҳисоблаган. Камолга эришмай, "жаҳондин нотамом ўтмак"ни ҳазрат Науойи бамисоли ҳаммомгага кириб нопок чиқишига менгзайди. Камолга эришмоқнинг эса асосий шарти — маърифат.

Кейинги асрларда "маърифат" сўзи кўпинча "ilm-маърифат" тарзида жуфт кўллана бошлади. Бу унинг "билиш, таниш" маънолари жиҳатидан ҳам мантиқа мувоғиғи. Бинобарин, илмсиз чинакам маърифатга эришиб бўлмаслиги маълум. Истиқболи ёргу бўлишини истаган ҳар бир миллат авлод камолини ҳаёт-мамот масаласи деб билмоғи даркор. Таълим-тарбияга берилаётган бугунги эътибор замирида ҳам шу ҳақиқат ётади. Бу соҳада ҳукуматимиз кўплаб қарор қабул қилди, фармонлар чиқди. Мамлакатимиз раҳбарининг ташаббуси ва раҳнамолигида Кадрлар тайёрлаш миллӣ дастури дунёга келди. Лекин илм дегани, маърифат дегани фақат қарорлар, фармонлар билангина эгалланмас экан. Бу борадаги мавжуд муаммолар миллатнинг ҳар бир вакили, мамлакатнинг ҳар бир фуқароси жон кўйдирмаса, натижа кутилган даражада бўлмаслигига далилдир.

Жуманазар Бекназаров деган профессор бор — тиббиёт фанлари доктори. Мамлакатимиз зиёлилари орасида уни танимайдиган одам кам. Кунлардан бирида шу киши бундай деб қолди: "Мактабни битириб, етуклик гувоҳномасини олган кезларим. Қамашининг (Қашқадарёдаги туман) марказий хиёбонида кетяпман. Чўнтақда — аттестат. Ўқишига жўнаш арафасидаман. Атрофимдан одамлар ўтиб-қайтади. Уларни кузатар эканман, хаёлимдан бундай ўй кечади: "Шулар ҳам билармikan менинг аттестат олганимни?". Ваҳоланки, ўшанда ҳали ўқишига киришим номаълум эди. Лекин, илмга, маърифатга бўлган муҳаббатим шу қадар баланд, қалбимдаги шавқ шунчалик зўр эдики, гўё менинг аттестат олганимни ҳамма билиши, мени шундай катта ютуқ билан кўлаши зарурдай туюларди... Мана, бугун биз мустақилмиз. Илм олиш учун болаларимизда ҳамма имконият бор. Бу имкониятдан етарли даражада фойдаланаётгандар ҳам бисёр. Лекин, барибир, ёшларимизнинг аксариятида илмга муҳаббатни, ўша ўзимда бир вакълар сезганимдай баланд шавқни кўрмаяпман. Болаларимиз қалбida илмга рағбат уйғотишимиз керак!"

Ўша сұхбатимиздан бўён Жуманазар ақанинг гапи хаёлимдан кетмайди: "Болаларимиз қалбida илмга рағбат уйғотишимиз керак!" Дарҳақиқат, бир фуқаро, шу миллатнинг бир вакили сифатида биз "ё ҳаёт — ё мамот, ё нажот — ё ҳалокат, ё саодат — ё фалокат масаласи" (Авлоний таъбири) бўлган тарбияга, фарзандлар камолига нечоғли аҳамият беряпмиз? Бу борадаги ҳолат хотиржамликка асос бўла оладими?

Жуманазар Бекназаровнинг күончаклиги фақат оғизда эмас. Бунга у амалда ҳам жиҳду жаҳд қиляпти. У катта мулкдор эмас — ҳалол меҳнати билан пул топади. Шундай бўлса-да, ҳар Наврӯзда илмга рағбат уйғотиш ниятида ўзи ўқиган мактабнинг энг аълочи ўқувчиларига стипендия улашади. Мактабда ўқув қуроллари сотиб олиш учун ҳар йили мунтазам равишда ўз ҳисобидан муайян маблағ ажратади. Жуманазар ака пули ҳаддан зиёда бўлгани учун эмас, болаларимиз қалбida илмга рағбат уйғотиш мақсадида шундай ишларни қиласди. Буни ўзининг инсоний, фуқаролик бурчи деб билади.

Тасаввур этинг: ҳар бир зиёли, ҳар бир мулкдор ёки тадбиркор ҳеч бўлмагандан ўзи ўқиган мактабга шунчалик эътибор берса, авлодлар камоли учун Жуманазар Бекназаровчалик қайғурса — бу ташабbus мамлакат бўйлаб қанот ёйса, таълим даргоҳларида муаммо қолмаган бўлар эди. Маорифизими чинакам юксалишга юз тутарди.

Улуғ маърифатпарвар Мәҳмудхўжа Бехбудий бир мақолосида "Авлодларингизга келар замон илмини ўргатинг! Зеро, улар сиз яшаган даврда эмас, ўзга замонда яшайди" деган ҳикматни келтиради. Бу сўзлар моҳиятига эътибор беринг: демак, авлодларга замонавий илмларни ўргатишнинг ўзигина кифоя эмас, уларни келар замон илмидан-да хабардор этмоқ зарур. Ўзингиз ўйлаб кўринг, тили чиқмай туриб боласини тирикчилик ташвишларига жалб этётган, илм-маърифатни эмас, қаллоблик билан бўлса-да, бирни икки қилишни, қонунга риоя этишни эмас, уни қандай четлаб ўтишни ўргатаётган бугунги айrim отоналардан нимани кутиш мумкин?! Бундай бола ватанпарвар эмас, танпарвар бўлиб ўсиши муқаррар-ку!

Яна бир мулоҳаза. Бозор иқтисодиётига ўтганимиз сари маърифатнинг асосий манбаи бўлган китобга эътиборимиз йўқо-

либ бораётгандек. Анқонинг уругини ҳам топса бўладиган савдо марказлари куриш авж олаётган бир замонда биронта ҳам китоб дўкони бўлмаган туманларимиз борлиги ачинарли хол эмасми?! Ҳатто пойтахтда ҳам китоб дўконлари камайиб кетган. Кичик-кичик хусусий расталарни ҳисобга олмаса, ўзбек тилидаги китоблар савдоси бўйича бор-йўғи иккита йирикроқ дўкон бор. Бири — "Шарқ зиёкори", иккинчиси — "Маънавият" нашриёти дўкони.

Наҳотки, китобга бўлган эҳтиёж шу қадар камайиб кетган бўлса?! Ахир, ҳар қандай ривожланиш, тараққиёт охир-оқибат илм-маърифатга бориб тақалиши исбот талаб килмайдиган ҳақиқат-ку!

Яқинда Олмониянинг Ҳалле деган шаҳарчасига хизмат сафарига борган бир дўстимнинг айтишича, атиги уч юз минг аҳолиси бор бу шаҳарчада ҳар қадамда китоб дўконига дуч келасиз. Яна шаҳар марказидаги уч қаватли муҳташам дўконда ҳам китоб савдоси йўлга кўйилган. Унда жаҳоннинг турли тилларида чоп этилган энг ноёб нашрларни топиш мумкинлиги айниқса таҳсинга лойик. Энг муҳими, китоб дўкони доимо гавжум, олди-сотди авжида экан.

Абдулҳамид Чўлпон адабиётни "ўткур юрак кирларини ювадурғон тоза маърифат суви" деб таърифлаган эди. Ахир, бадиий адабиётни ўқимаган, бу маърифат чашмасидан бебахра авлод қандай қилиб барка-мол бўлиши мумкин? Ахир, китоб дидни, туйгуни тарбияловчи бетакрор манба экани маълум-ку!

Тўғри, бугун фаннинг энг илгор ютуқла-ридан интернет сайtlарибошқа турли электрон воситалар орқали ҳам хабар то-пиш мумкин. Лекин улар зинҳор-базинҳор китобнинг ўрнини босолмайди. Дарвоқе, худди шу "сайtlар" орқали ёшларимиз онгини заҳарлайдиган, уларнинг тарбиясига салбий таъсир кўрсатадиган аҳборотлар ҳам тарқатилаётгани сир эмас-ку!

XIX аср сўнгидаги Зокиржон Фурқат бундай деб ёзган эди:

*Жаҳон басти кушоди илм бирла,
Надур дилни муроди илм бирла.
Кўнгулларни сурури илмдандур,
Кўрар кўзларни нури илмдандур.*

Ҳақиқатан ҳам, дунёдаги ҳар қандай "баста" — муаммони очувчи калит — илм.

Ҳар қандай кўнгилнинг муроди илм воситасидагина ҳосил бўлади. "Кўнгулларни(нг) сурури", "кўрар кўзларни(нг) нури" илмдан экани ҳам рост. Зеро, қайси ҳалқ, кай бир миллат бугун тараққиётнинг ҳавас қиласи даражасида экан, бунга илм, маърифат туфайли эришган. Маърифат чиндан-да са-одат калитидир.

Жаҳолат — заволнинг дояси

"Жаҳолат"нинг луғавий маъноси — билимсизлик, нодонлик демакдир (*Навоий асарлари луғати*, Т., 223-бет). Орифлар истилоҳида жаҳолат — кўнгилнинг ўлеми маъносини англатади. Уларнинг Фикрича, бундай кўнгил ҳақиқатни англашдан йироқдир.

Сайид Сажжодийнинг ёзишича: "Жаҳлдан ўлган кўнгилни фақатгина илм нури тирилтириши мумкин. Илм нуридан мурод эса — маърифат. Лекин зоҳирий илм ҳали жаҳолатдан холи бўлиш дегани эмас. Бинобарин, зоҳирий илмдан на кайфият ҳосил бўлади, на — хол. Илм ишқ билан вобаста бўлгандагина чинакам маърифатга эврилиши мумкин" (*Ўша китоб*, 296-297-бетлар).

Сажжодийнинг зоҳирий илм ҳали жаҳолатдан холи бўлиш эмаслиги ҳақиқати Фикри ҳазрат Навоий қарашларига монанддир. Биргина далил. "Фарҳод ва Ширин"да улуғ шоир Фарҳоднинг илмда эришган мартабасини бундай таъриф этади:

*Жаҳонда қолмади ул етмаган илм,
Билиб таҳқиқини касб етмаган илм.*

Яъни Фарҳод дунёдаги барча илмларни мукаммал ўзлаштириб чиқди. У билмаган, моҳиятига етмаган бирорта ҳам илм қолмади.

Шу ўринда бир жихатни таъкидлаш керак. Агар инсон камолоти учун илмнинг ўзигина кифоя қилганида, достон шу билан яқунланса ҳам бўлар эди. Лекин асан энди бошланяпти. Барча илмларни эгаллаб бўлганидан кейингина Фарҳод ишқ изтиробларига дуч келади. Демак, Навоий назарда тутган ҳақиқат — илм билан ишқ мужассам бўлгандагина инсон чинакам комилликка эришмоғи мумкин.

Жаҳолат — кўнгилнинг ўлеми, деган Фикри эсладик. Агар кўнгилки ўлса, инсоннинг бощқа аъзоларида тириклик асари қоладими? "Инсон вужудида бир парча

гўшт бор, — дейилади муборак ҳадислардан бирида — агар у соғлом бўлса, бутун бадан соғлом бўлади. Мабодо у айниса, бутун бадан айнииди. Бу — қалбdir". Бинобарин, жаҳолат шу даражада оғир дард. "Жаҳолат тифи", "жаҳолат зулмати", "жаҳолат ўпкони", "жаҳолат оташи" каби халқона иборалар замирада ҳам бу иллатнинг инсон учун нечоғли фожиали экани ўз ифодасини топган.

Абдулла Авлонийнинг ёзишича, "Жаҳолат — инсониятнинг энг зўр душмани ва ёмон хулқларнинг бошлиғидур. Маорифдан, фунун ва маданиятдан маҳрум қолган халқ жаҳолат панжалари орасида ҳамир каби эзилгандек, афъоли замимадан (ёмон хулқлардан) ҳам ўз нафсининг ёқасини бўшатолмас" (Абдулла Авлоний. Туркий Гулистан ёхуд аҳлоқ. Танланган асарлар. 2 жилдик, 2-жилд, Т., Маънавият, 1998, 74-бет).

Улуғ маърифатпарвар фикрича, жаҳолат икки хил бўлади: бири — жаҳли басит, иккинчиси — жаҳли мураккаб. "Басит"нинг маъноси — содда, оддий демақдир. "Жаҳли басит" маразига (касалига) мубтало бўлган кишилар бир нарсани билмаслар, аммо билмаганларини икрор ва эътироф қилурлар, — деб ёзади Авлоний. — Шунинг учун бунинг давоси осон: факат билмак ва ўрганмақ йўлида жаҳду жадал қилмак илиа бўлур" (Уша асар, 73-бет).

Билмаслик унчалик катта айб эмас, ўрганишга интилмаслик — айб. Демак, киши бир нарсани билмасаю буни эътироф этса, ўрганишга саъй-ҳаракат қилса, жаҳолат исказасидан қутулмоғи мумкин. Шунинг учун ҳам Авлоний буни "жаҳли басит" — жаҳолатнинг содда тури деб таърифлаяпти. Хўш, бунинг акси бўлса-чи?

"Жаҳли мураккаб" маразига мубтало бўлган кишилар бир нарсани билмас, билмаганини ҳам билмасдан "биламан", деб даъво қилур. Бизда мундай кишиларга "ўзбошимча", "ўзбилармон" исмини берурлар. Бу дарди бедавонинг иложи жаноби Ҳақнинг лутфу инояти илиа ҳал ўлуммаса, тузалмоғи мушкул ва оғирдур" (Уша асар, 74-бет).

Билмаслик, ҳатто билмаганини ўрганишга интилмасликдан ҳам оғирроғи — "биламан" деб даъво қилишдир. Буни Авлоний жаҳолатнинг бедаво тури — "жаҳли

мураккаб" деб атаяпти. Худонинг лутфу инояти бўлмаса, бу дарднинг тузалмоғи душвор эканини таъкидлаяпти.

Яна бир маърифатпарваримиз Мунаввар қори Абдурашидхонов бир мақолосини "Бизнинг жаҳолат — жаҳли мураккаб" деб номлаган эди. "Ҳар миллат авлодини тарбиялаш ва таълими улумда кўрсатган ҳиммат ва файрати каби бизларда ҳам ўз маъсум авлодларини(нг) жаҳолат ва фафлат зулматида қолмоқиға ҳеч бир ризолари ўлмай, кўлларидан келганча таълим ва тарбияти авлодда ҳиммат кўрсатмакчи зотлар мавжуддурлар. Валекин дунёға нима учун келганини билмай, илм ва маорифга асло рағбат қилмай, жонидан ширин болаларини кўчаба-кўча кездириб, бечора маъсумнинг азиз умрини жаҳолат оташина ёндириғувчи беҳамият ва бедиёнат оталар ҳам орамизда оз эмас" (Мунаввар қори Абдурашидхонов. Танланган асарлар. Т., "Маънавият", 2003, 142-143-бетлар).

"Бизнинг жаҳолат — жаҳли мураккаб" демоқ Мунаввар қорига осон бўлмагандир. У миллатнинг ўша даврдаги аҳволидан, болаларининг умрини "жаҳолат оташи"да ёндираётган беҳамият ва бедиёнат оталар бепарволигидан куйгани учун ҳам шундай аянчили хуносага келган. Мақола сўнгига Мунаввар қори ватандошларига бундай мурожаат қиласи:

"Эй қардошлар,вой миллатдошлар!!! Кўзимиз фафлат ўйқусидин очиб, атрофимизга назар солмагимиз лозимдир. Ҳар миллат ўз саодати ҳол ва истиқболини(нг) муҳофазатиға биринчи восита илм ўлмакиға қаноат ҳосил қилиб, илму маориффа ортиқ даражада кўшиш (ҳаракат) қилган бу замонда бизлар бу фафлат ва жаҳолатимизда давом этсан, истиқболимиз ниҳоятда ҳавфлик ўлуб, ҳама оламға масҳара ва кулгу ўлмоғимизда ҳеч шубҳа йўқдир. Балки бу жаҳолат зулматида саодати ухравиядан (охират саодатидан) ҳам маҳрум қолмок ҳавфи бор. Бу жаҳолат натижасидирки, ўзимиз ерлик мусулмонлардан ўлдиғимиз ҳолда мусоғир рус ва яхудийлар эшигида мардикор ва хизматчи ўлдук. Бу жаҳолат хошишидурки, миллат фойдаси учун жонин қурбон қилмоққа лойиқ арслон каби йигитларимиз бутун миллатни ёдларидин чиқориб, истеъдод ва файратларини чой-

хона ва пивохоналарга сарф этмакдадурлар" (Ўша асар, 145-146-бетлар).

Жаҳолат деганлари қачондир тарихда бўй кўрсатгану энди қайтиб келмаслиги ҳиник бўлган ҳодиса эмас. Таассуфлар бўлсинки, у ҳар бир замонда қайсиdir кўри-нишларда намоён бўлаверади. Миллатни ич-ичидан емиради. Таракқиётдан неча юз йиллар орқада қолишига сабаб бўлади. Таназзул гирдобига тортади. Бинобарин, ҳар бир миллатни, унинг вакилларини жаҳолатдан кутқаргувчи ягона восита — илм ва маорифдир. Кимки илм ва маорифга муносиб даражада эътибор берса, шубҳасиз, саодатга эришади. Акс ҳолда...

Мунаввар қорининг "...миллат фойдаси учун жонин қурбон қўлмоққа лойик арслон каби йигитларимиз бутун миллатни ёдларидин чиқориб, истеъодод ва файратларини чойхона ва пивохоналарга сарф этмакдадурлар" деган сўзларини ўқигандан беихтиёр бугун китоб дўконларини ресторону кўнгил очар барларга айлантираётган баъзи бир "тадбиркор"лар, "пултопармон"лар хаёлга келади. Бундайлар, таассуфки, миллат болалари ўқиётган мактабга ёки жамият ҳаётининг ютуқларини ҳам, муаммоларини ҳам кўрсатиб бериши зарур бўлган матбуотга ёрдам беришни хаёлига ҳам келтирмайди. Лекин соҳта обрў йўлида миллионларни сарфлаётганида заррача ачинмайди...

Яқинда курилган шундай ресторонлардан бирига тарихимиизда ўтган мунаввар зотлардан — авлиёлардан бирининг номини берибидилар. Бу — жаҳолатга далил ахтариб узокқа бориши шарт эмаслиги исботидир, уялиш керак!

"Дунёда энг ҳазар қилинадурғон иллат жаҳолатдур, — деган экан Сукрот ҳаким. — Мен ҳатто кўрга ҳам жоҳилга ачинганимидек ачинмайман. Зоро, жоҳилнинг ўз ихтиёри билан қилган ҳаракати кўрнинг ихтиёрсиз қилган ҳаракатидан-да хунуクロқдир".

Афлотуннинг жаҳолатга берган таърифи янада таъсирлироқ: "Жоҳилнинг яхши нияти фозилнинг хусуматидан-да зарарлироқдир. Инсон энг оғир юқумли касалликдан сақлангани каби жаҳолатдан ҳам ҳазар қилмоғи зарур".

Жамиятда жоҳиллар қанча кам бўлса ва улар аксариятта таъсир этиш имконига эга бўлмаса — жамиятнинг баҳти. Акси бўлсанчи? Мабодо жоҳил кимса арбоб даражаси-

га эришса-чи?! Кейинги бир неча йил давомида вилоятлар ҳалқ депутатларининг навбатдан ташқари сессияларида Президентимиз сўзлаган нутқларни тинглар эканман, собиқ шўролар тузуми бизнинг миллий ахлоқимизга нақадар оғир жароҳат етказганини яққол ҳис этдим. Мамлакатимиз раҳбарининг ғояға қарши фақат ғоя, жаҳолатга қарши фақат маърифат билан курашиш, баҳсга киришиш зарурлиги ҳақидағи фикрлари қанчалик аҳамиятли эканини янада теранроқ англағандек бўлдим.

Лекин шуниси аниқки, жоҳил гарчи маълум муддат бирон бир лавозимга, мукофотларга, яна аллақанча имтиёзларга эришмасин, кунлар ўтиб бир кун албатта элнинг назаридан қолади. Абдулла Авлоний таъбири билан айтганда: "Жоҳил моддий жиҳатдан қанча бой ва сарватдор бўлса, маънавий жиҳатдан шунча факир ва залил ҳисобланур. Зероки, жаҳолат энг кўрқинч факирлик ва муҳтожлиқдан зиёда даҳшатлироқ бир мусибатдур. Ақл ила илмнинг яхшилиги ва фазилати қанча баланд бўлса, жаҳолатдан туғуладурғон ёмонликлар балолари шунча остин ва хорлиқдур" (Абдулла Авлоний. Ўша асар, 74-бет).

Маърифатпарварларимиз шу каби фикрларни ёзар экан, анчайин бир қоғоз қора-лашни мақсад қилмаган. Кўнгилларидаги дардни, армонларни, орзуларни баён этган. Улар миллат ғамини ўз ғами деб билган. Унинг истиқболи ёруғ бўлиши учун астойдил куйинган. Бу йўлда молини ҳам, жонини ҳам аямаган. Мақсадлари ягона бўлган — миллатни жаҳолат гирдобидан кутқармоқ, чинакам маърифатга эриштирумоқ, тараққий этган миллатлар даражасига кўтармоқ. Афсуски, уларнинг бу ниятлари армонлигича қолиб кетди. Улар маърифат истаганлари учун жаҳолат курбони бўлди.

Бугун биз чинакам маърифий жамият куришини мақсад қилганимиз. Жамият ҳаётида кечаятган ҳар қандай ислоҳотдан кўзланган бош мақсад — миллатнинг нурли истиқболи, уни барпо этажак авлоднинг камоли. Бу хайрли мақсад фақат ва фақат юқсак интеллектуал салоҳият, бошқача айтганда, ҳақиқий маърифат орқали амалга ошмоги мумкин. Шундай экан, миллатнинг ҳар бир зиёлиси жамиятнинг маърифий даражасини юксалтиришда ўз улуши бўлишига интилмоғи ҳам фарз, ҳам қарзdir.

Абдураҳим ЭРКАЕВ

TAFAKKUR ERKILIGI ТАФАККУР ЕРКИЛГИ

Иккинчи мақола

Тафаккурнинг тарихий шакллари

Дунё илм-фани шундан далолат берадиги, тафаккурнинг ilk тарихий шакли афсона ва ривоятларга асосланган асотирий тафаккурдир. Ибтидоий жамият кишиси оламни билиш, турли ҳодиса ҳамда жараёнлар ўртасидаги ҳақиқий ёки ҳаёлий боғлиқликни, уларнинг ҳаётга, одамлар тақдирига таъсирини аниқлаш ва ифодалашда асотирлардан (мифологиядан) фойдаланган.

Асотир оламни кенг қароровли, умумлашган ва тизимли тарзда идрок қилишнинг ибтидоий даражадаги универсал ҳамда синкетик шаклидир. Сирасини айтганда, асотирларни оламнинг ибтидоий аждодларимиз тафаккуридаги ilk модели дейиш мумкин. Чунки асотирлар мавжуд билим ва тушунчаларни акс эттиришнинг мустақил илмий, бадиий шакллари бўлмаган, инсоннинг ахлоқий, эстетик, диний тасаввурлари ҳали жуда саёз бўлган, уларнинг ҳар қайсиси алоҳида тизимга алмашиб улгурмаган даврда вужудга келган. Шу боис асотирлар ибтидоий инсон онги ва тафаккурнинг негизи, услуги ҳамда ривожланиш воситасини ташкил этган. Оламни акс эттириш фанда ибтидоий синкретизм, бундай тафаккур услуги эса синкетик ёки асотирий тафаккур дейилади.

Асотирий тафаккур куйидаги хусусиятларга эга:

1. Оламни бир бутун ва яхлит тарзда идрок этади. Жамият ҳамда инсонни табиатдан, борлиқдан ажратмайди, балки уларнинг бир унсури ва узвий бўлаги деб билади.

2. Нарса ва ҳодисаларни жонли мавжудот деб ҳисоблади. Яъни, табатни “жонлантиради”. Бу ҳодиса илм-фанда анимизм дейилади.

3. Табиий, файритабии ҳамда ҳаёлий ҳодисаларни ўзаро муштараклик, алоқадорлик ва боғлиқликда кўради. Асотир ибтидоий одам учун — ҳақиқат. У авторитар мазмунга эга.

4. Оламни образли ва аниқ акс эттириди. Анимизм асотирий тафаккурнинг “онтологик” тамоили бўлса, аниқ образли ифода эса унинг асосий ињикоси (акс эттириш) воситасидир.

Шундай қилиб, асотирий тафаккурда олам ўзига хос тарзда, реал ва фантастик, нореал унсурлар мураккаб сабабий алоқалар билан боғланган муштарак тизим сифатида образли шаклда аниқ акс этади. Асотирий тафаккур қандайдир ўзгармас, қотиб қолган ҳодиса эмас. У инсон билан бирга ўсиб-ривожланган ва янги тош асрига келиб ҳам шаклан, ҳам мазмунан анча мураккаблашган. Фетишизмдан анимизмга, ундан политеизмга ўтиш асотирий тафаккурнинг ўзига хос тарихий босқичларини ифодалайди. Мазкур фаразга асосан, асотирий тафаккур ривожининг авж нуктасини ибтидо-

ий жамият емирилган, ақлий мөхнат жисмоний мөхнатдан ажралиб чиққан, эътиқодда политеистик қарашлар қарор топган даврда бошдан кечирган. Айнан шу даврда асотирий тафаккурдан анъанавий тафаккурга ўтиш жараёни бошланган.

Эътироф этиш лозимки, фетишизм, анимизм, политеизм ўртасида аниқ чегара йўқ ва ҳеч қачон бўлмаган. Политеизм даврида анимизм ўз аҳамиятини деярли йўқотмаган, фетишизм эса анча сақланиб қолган, унинг таъсири кўзмунчоқ, тумор тақиш каби майший даражадаги иримларда ҳозиргача учраб туради.

Асотирий тафаккур — барқарор жамоавий тафаккур ифодаси. У жамият аъзолари томонидан аксиома — исбот талаб қилимайдиган ҳақиқат сингари кабул қилинади. У ҳамма вақт ҳам танқидийлик, ички зиддият, иккиланиш ва инкор каби хусусиятлари билан ажралиб туравермайди. Унда жамоавий синкетик тафаккурнинг тартибиға солиш (бошқариш), билиш ва баҳолашга хос ҳукмрон меъёрлари мужассамлашгани учун ички зиддият, скептицизм, танқидийлик яқъол кўзга ташланмайди. Асотирий бир неча варианtlарда бўлиши мумкин. Асотиrlарнинг қабилавий хусусият ва заруратларни акс эттирадиган маҳаллий варианtlарида ижодкорлик хусусиятлари намоён бўлади. Кўпвариантлилик асотирий тафаккурни давр талабларига, доимий ўзгариш ва ривожланишдаги ҳаёт заруратларига мослаштириб борган.

Аслида асотир оламни билиш жараёнида инсон тафаккури ва воқелик ўртасида вужудга келган зиддиятларнинг ўзига хос тарзда ечилиши маҳсулидир. У олам манзараси, табиат ва ҳаёт, улардаги сабабий боғланишлар, ўзаро алокадорлик тўғрисида инсон тасаввуррида етишмаган унсурларни, ҳалқаларни, одамзод билмаган объектив қонуниятларни фантастик тарзда, образлар ёрдамида тўлдириш ва тушунтириш оқибатида вужудга келади.

Асотирий тафаккур индивидуализмни, алоҳида инсон манфаатларини мустақил ижтимоий қадрият сифатида тан олмайди. У табиат ва жамиятдаги тасодифларни ҳам инкор этади. Фатализм (қисмат, инсон тақдири, воқеа ва ҳодисалар азалдан белгилаб кўйилгани ҳақидаги қарашлар) асотирий тафаккурнинг муҳим белгиларидан биридир.

Ибтидоий одам яшаш учун ёлғиз курашида енгилишга маҳкум эди. Фақат жамоа бўлиб хавф-хатарларни бартараф

етиш, эҳтиёж учун зарур нарсаларни кўлга киритиш, саклаб қолиш мумкин эди. Хуллас, ибтидоий инсон тафаккури ўша давр заруратини акс эттирган. Лекин бундан асотирий тафаккур доирасида одамзод ўзлиги ва манфаатларини мутлақо англамаган, деган хуласа келиб чиқмаслиги кепрак. Ақлли ва бунёдкор мавжудот сифатида ўзликни ангглаш инсон учун муайян даражада доимо хос бўлган. Аммо бундай шароитда индивидуализм тўлиқ ёки қисман чекланган. Чунки у уруғ-жамоанинг яшаб қолишини тъъминлайдиган зарурат билан бевосита боғланмаган. Баъзи бир индивидуал фазилатлар — жасурлик, топқирилик, овда ва жангдаги моҳирлик у даврларда юқори баҳоланган. Айнан шундай кишилардан сардор ва бошликлар сайланган. Лекин шахсий манфаатга интилиш шаклидаги индивидуализм жамоа орасида тан олинмаган.

Бир сўз билан айтганда, ўша даврлардаги тараққиёт даражаси, объектив зарурат ижтимоий эркинлик ва қарамлики бирдай инкор этган. Оламин ҳаракатлантирувчи куч сифатида эса фақат илоҳий куч иро-даси, тақдири азал тан олинган. Боз устига, инсон қисматини белгилайдиган ва ундан устун турадиган кучлар реал тарзда мавжуд, инсон ўз ёзигини ўзгартириш, ундан қочиб қутилишга ожиз деб ҳисобланган.

Бунга қадимги ҳинд эпоси бўйича экранлаштирилган, юртдошларимизга яхши таниш бўлган “Рамаяна”, “Махабҳорат” фильмларини, Софоклинг “Шоҳ Эдип”, “Антигона” фожиаларини мисол тариқасида келтириш мумкин. Тўғри, бу асарлар ибтидоий синкетизмдан кейинги давр тъсирида бирмунча ўзгарган қарашларни акс эттирган, аммо уларда тақдири азал ва бошқа масалаларга доир асотирий тафаккур хусусиятлари анча сақланиб қолган.

Ижтимоий ҳаёт ривожланиб, илм-фан, адабиёт ва санъат ижоднинг алоҳида турига айланиши, давлат ва ҳуқуқнинг вужудга келиши, ҳуқуқнинг ахлоқдан ажралиб чиқиши, диний эътиқод ва амалиёттинг алоҳида тизимга келиши ибтидоий синкетизмни парчалаб юборган. Натижада асотирий тафаккур оламни идрок этишнинг асосий шакли сифатида аҳамиятини йўқотган. Бироқ у инсон тафаккуридан тўлиқ ва беиз йўқолиб кетмаган. Унинг белги-аломатлари, аввало асотиrlарнинг ўзи адабиёт ва санъатда, диний тафаккурда асрлар давомида маънавий озиқ манбаи бўлиб хизмат килган. Лекин асотиrlар оламни билиш-

нинг асосий воситаси, борлиқ ҳақидаги бирдан-бир ҳақиқат деб қабул қилинмас, кўпроқ мажозий мазмунда талқин қилинар, ундан ибратли ахлоқий хуласалар чиқарилар эди. Ҳатто бугунги кунда ҳам, асотирлар катта ўрин тутади.

Асотирий тафаккур унсурлари мантиқий-назарий тафаккур унсурлари билан эклектик тарзда қоришиб кетган. Асотирий тафаккур ҳозирги замон кишиси, унинг ижтимоий-сиёсий, илмий ҳаёти учун хос бўлмаса-да, афсона ва ривоятларнинг ўзи юксак қадрият, маънавий мерос дурдоналари ҳисобланади. Замонавий адабиёт ва санъатда асотир намуналарига мурожаат этиш ҳоллари кўплаб учрайди. Масалан, Чингиз Айтматовнинг “Оқ кема”, “Асрға татигулик кун”, “Кунда” асарларида афсона ва ривоятлардан фойдаланилган. Бугунги кунда асотир оламни идрок этиш усули сифатида асотир намуналарига мурожаат этиш ҳоллари кўплаб учрайди. Масалан,

Чингиз Айтматовнинг “Оқ кема”, “Асрға татигулик кун”, “Кунда” асарларида афсона ва ривоятлардан фойдаланилган. Бугунги кунда асотир оламни идрок этиш усули сифатида асотир намуналарига мурожаат этиш ҳоллари кўплаб учрайди. Масалан, Асотирий тафаккур ибтидоий синкремизм парчаланиши жараёнида ўз ўрнини аста-секин жамият миқёсидаги анъанавий тафаккур тарзига бўшатиб берди. Лекин анъанавий тафаккур қарор топиб, мустаҳкамланиб олгунга қадар жамиятнинг иқтисодий, ижтимоий ва маънавий ҳаётида туб ўзгаришлар юз берди: мулкий нотенглик, ижтимоий табака ва синклар, тури институтлар юзага келди. Ижтимоий онг шакллари нисбатан мустақил йўналишларга эга бўлди. Илм-фан, адабиёт ва санъат, фалсафа, илоҳиёт каби ақлий меҳнатнинг юксак шакллари — иход турлари вужудга келди. Буларнинг ҳаммаси тафаккур тарзини, айниқса, юкори табакалар онгини тубдан ўзгартириди. Тафаккур ижодкорлик ва эркин изланиш хусусиятларига эга бўлди. Жаҳоннинг турли мінтақаларида қадимги тамаддун ўчқлари ривожланди.

Маълумки, кўхна тамаддунларнинг шаклланиш жараёни узоқ давом этган. Чунки иқтисодий таракқиёт, олам ҳақида янги ижобий билимларнинг тўпланиши анча қийинчилик ва секинлик билан кечган. Аммо қадимги тамаддунлар шаклланиб бўлиб, ривожланиш чўққисига чиққач, тургунликка юз тутиб, аста-секин емирила бошлаган. Негаки, уларнинг асосида ётган хукмон мафкура тафаккурнинг изланиш ва эркинлигини чеклай бошлаган. Бунинг оқибатида мавжуд меъёр ва анъаналар дормалаштирилган.

Бундай ҳолатни биз деярли барча

минтақаларда кузатамиз. Антик Юнон тафаккурида турғунлик ва анаъавийликнинг илк кўринишларидан бири — Афинада Сүкротнинг қатл қилинишидир. Сукротга сиёсий эмас, балки маънавий-эътиқодий айб кўйилган эди. Уни ёшларни Афина-нинг анъанавий маъбудлари ва қадриятларини эъзозлашга ўргатиш ўrniga янги маъбудларга сифинишга даъват этишда айлаганлар. Ўша вақтларда Афинада суд ҳукми эркин фукароларнинг тўғридан-тўғри ва яширин овоз бериши орқали чиқарилишини ҳисобга олсан, юкори табакалар тафаккури қай даражада турғунлик ва анъанавийлик касб этганига ишонч ҳосил қиласиз.

Илк ўрта асрлар ва кейинги даврларда ҳам тафаккурдаги эркинлик ва ижодий юксалиш жамиятдаги кескин ўзгаришлар, энг аввало диний қарашлар билан боғлиқ эди. Шарқда ислом дини тафаккурга янги ижодий юксалиш баҳш этди ва буюк тамаддун яратди. Фарбда ўрта асрлар сўнгига протестантлик худди шундай аҳамият касб этди. Лекин ислом шарқида мафкуравий догматизм аста-секин тафаккур эркинлигини чеклаб, анъанавий тафаккурни яна тиклади. Фарбда эса вужудга келган капитализм диний мафкура хукмонлигига барҳам берди ва тафаккур эркинлиги учун янги уфқлар очди.

Анъанавий тафаккур — анча мураккаб, ранг-баранг ва аниқ йўналишлардан иборат ҳодиса. Унда нисбатан мустақил йўналишдаги фалсафий, илмий, диний, ахлоқий, хукуқий ва эстетик қарашлар, назария ҳамда таълимотлар ажralиб туради. Унда ички зиддиятлар яққол кўзга ташланади. Анъанавий тафаккур оламни идрок қилиш, уни инъикос эттиришнинг яхлит ва универсал модели эмас. Лекин унга тизим сифатида муштараклик, ўзига хос умумийлик, универсаллик баҳш этадиган тамойиллар мавжуд. Лекин анъанавий тафаккурнинг универсаллиги шартлидир.

Бу тамойиллар, назаримизда, куйидаги лардан ташкил топган:

1. Анъанавий тафаккур ҳам, асотирий тафаккур сингари, мазмунан авторитардир. Унда обрўли шахс ва жамоа фикри, давлат ва диний институтларнинг мафкуравий талаблари, қарашлари, қоидалари хукмонлик қиласиди. Бу нафақат сиёсий, ижтимоий-иқтисодий ва маънавий-маданий ҳаётда, ҳатто илм-фанда, жумладан, табиатшуносликда ҳам намоён бўлади. Бирор анъанавий тафаккурдаги авторитарлик асо-

тирий тафаккурга хос авторитаризмдан фарқ қиласы. Аньанавий тафаккурда турли фалсафий ва диний оқимлар, мазхаблар, бадиий услублар вужудга келиб, унга ранг-баранглик бағишлайды. Аммо ҳар бир янги таълимотнинг ўзи мазмунан авторитарлик ва догматизмга асосланади ёки муйян даврдан кейин шунга интилади.

Афлотун ва Арасту қарашлари, таълимотлари бутун ўрта асрлар давомида, шуннингдек, марксизм-ленинизм фалсафаси ҳукмронлик қилган шўро даврида дагмалаштирилгани ва энг обрўли таълимотлар сифатида қабул қилингани бежиз эмас. Чунки аньанавий тафаккур даражасида бир таълимот иккинчи мухолиф таълимотни танқид қилиши ёки кўкка кўтариб мақтаси мумкин. Лекин танқид ва илмий баҳслар авторитаризм нуқтаи назаридан олиб борилади. Баъзан эса бу ҳолатлар гоявий мутаассибликка айланади.

Асотирий тафаккур учун гоявий мутаассиблик хос эмас. Бир-бирига зид асотирий дунёқарашлар тўқнашган жойда, кўпинча эклектик қоришув натижасида, янги қарашлар вужудга келгани маданиятлар тарихидан мальум. Аньанавий тафаккурда гоявий мутаассиблик потенциал тарзда яширин бўлди ва кўлаш шароитда юзага чиқиши ва жамиятга катта зарар келтириши мумкин. Ўрта асрларда ҳатто бир дин доирасида турли мазхаб ва оқимлар ўтрасида юз берган қонли тўқнашувлар, гоявий муросасизликлар бунга мисол бўла олади.

Марксизм дастлаб аньанавий тафаккур тарзи сифатида эмас, аксинча — танқидий таълимот сифатида юзага келди. Маркс файласуфлар шу пайтгача оламни турлича тушунириб келди, аслида унинг вазифаси оламни ўзgartиришдир, деганда ўз таълимотининг пировард мақсади ва тарихий дъявосини ифодалаган эди. Аммо октябр тўнтаришидан аввалги Россия шароитида, кейинчалик шўро даврида унинг ўзи қотиб қолган аньанавий тафаккурга айланди. Марксизмга хос синфий ёндашув, муросасизлик, авторитаризмга мояиллик охир-оқибатда дастлабки даврда унга хос бўлган танқидий, ижодий руҳни сўндириди. Унинг деформациялашган, ўта сиёсийлаштирилган ленинизм, троцкизм, сталинизм, маоизм каби шакллари авторитар қарашлар билан чекланиб қолмади. Балки ўзгача қараш вакилларини сиёсий қатағон қилиш билан шуғулланди. Бундай шароитда тафаккур эркинлиги ҳақида гапиришнинг ўзи ортиқча.

Хуллас, марксизм ва унинг турли миллий мактаблари бориб-бориб аньанавий тафаккурнинг тажовузкор шаклига айланди. Бугунги кунда ваҳҳобийлик, ҳизбут-таҳrir сингари диний-экстремистик оқимлар асосида ётган Фикрлаш услуги ҳам аньанавий тафаккурнинг тажовузкор шаклига хосdir.

2. Догматизм аньанавий тафаккурнинг асосий белгиларидан биридир.

Аньанавий тафаккурда биринчи навбатда аньаналар дагматизми ҳукмронлик қиласы. Бу ижтимоий турмуш аньаналарими (урф-одатлар, удумлар каби), сиёсий бошқарув аньаналарими, илмий ёки бадиий-эстетик аньаналарми — бундан қатъи назар, улар дагматик мазмунга эга бўлади. Аньаналар бирданига шаклланиб қолмайди. Улар баркарор шакл ва мазмунга эга бўлгунга қадар жамиятда нисбатан кенг тарқалиб, энг обрўли гурӯхлар, оқсоқоллар, раҳбар ва олимлар томонидан юқори баҳоланиб, эътироф этилгунга довур анча вақт такомиллашади, сайқал топади, ривожланади. Бу жараёнда улар жамият ривожига кучли ижобий таъсир кўрсатади. Шу боис аньанавий тафаккур бир чизиқли, оддий тафаккур тарзи эмас. У — анча зиддиятли. Жамиятда кескин бурилишлар юз берадиган даврда у илгор тажрибаларни кўпайтириб, баъзан эски дагматик қарашларни бирмунча янгилаши ҳам мумкин. Аммо бунинг оқибатида янги ютуқ ва қашfiётлар ҳам ортиқча баҳоланиб, тақлид учун намуна ҳамда андозага айлантирилади, дагмалаштирилади.

3. Асотирий тафаккур ҳукмронлик қилган даврда шахс индивидуализми куртаклари пайдо бўлган, лекин ривожланмаган, фақат иккинчи ўринда турган. Шу боис асотирий тафаккур очиқасига шахс манфаатларига қарши курашмаган, чунки бунга ҳеч қандай эҳтиёж ҳам бўлмаган.

Аньанавий тафаккурнинг шаклланиш даврида алоҳида шахс манфаатлари яқол намоён бўлган. Баъзан ҳатто уни бутун жамият манфаатига қараш-қарши қўйиш, буок шахс иродасини бошқаларга сингдириш ҳоллари ҳам кўзга ташланган. Миср фиръавнлари, қадимги баъзи ҳукмдорлар, Искандар Зулқарнайн каби жаҳонгирлар шулар жумласидандир.

Сирасинай айтганда, шахс манфаатлари аньанавий тафаккур томонидан инкор килинади, жамоавий ва корпоратив манфаатларга тўлиқ бўйсундирилади (аслида эса улар ўзаро мувофиқлаштирилиши, уйғун-

лаштирилиши керак. Бу эса демократия жамиятда, эркин тафаккур шароитида амалга ошади).

Илм-фанда ҳам буюк асарлар, таълимотлар дормалаштирилган (юқорида Афлотун ва Арастуни эслаган эдик). Масалан, Конфуций таълимоти шу тариқа аста-секин динга айлантирилган. Буюк зотлар билан боғлиқ бўлмаган ҳолларда шахс манфаати инкор қилинибгина қолмасдан, унга қарши foявий кураш ҳам олиб борилган. Асотирий тафаккур мисолида биз бундай курашни кўрмаймиз.

Анъанавий тафаккурнинг баъзи бир буюк шахсларнинг қураш ва foяларини дормалаштириши индивидуализмни ўзига хос кўринишда тан олишни билдирамайди. Аксинча, бу ҳол дормалаштириш орқали уни ижодкорлик моҳиятидан жудо қиласди ва жамоавийликнинг қоидаларидан бирига айлантиради.

4. Анъанавий тафаккур, бир томондан, ижтимоий ва мулкий нотенглик вужудга келган ва хукмронлик қилган давр учун хос. Иккинчи томондан эса — ердан жамоа бўлиб фойдаланилган, саноат ишлаб чиқариши оилавий касаначилик дараражасидан ўсиб чиқмаган, давлат ҳамда черков бир-биридан ажралмаган (ёки диний мафкура хукмронлик қилган) даврлар учун хос. Бошқача айтгандага, у кулдорлик ва феодал жамиятларга хос ижтимоий тафаккур тарзидир.

Кулдорлик ва феодал жамиятни кўп жиҳатдан анъанавий жамият, уларнинг тафаккурини эса анъанавий тафаккур дейиш мумкин. Лекин қулдорлик тузумида ҳам, феодал тузумда ҳам анъанавий жамият бирданига вужудга келиб қолмайди. Қадими Юнонистонда анъанавий жамият унсурлари Искандар Зулкарнайндан кейин, қадими Римда эса император Августдан кейин кучка бошлаган.

Ислом шарқида анъанавий жамият XVI асрда узил-кесил қарор топган.

Ижтимоий нотенглик мавжуд ёки у бўлмаган жойларда жамоавийлик тамойилининг етакчилик қилиши-боис анъанавий тафаккур шахс эркинлигини, унинг индивидуал манфаатларини энг кўп дараражада инкор қиласди ёки улар билан етарлича хисоблашмайди. Ишлаб чиқариш ва турмуш тарзида патриархал муносабатлар қолдиқларининг авторитар таъсири черков ҳамда дин авторитаризми билан қўшилиб, тафаккур анъанавийлигини белгилайди. Баъзи бир қолок урф-одатларнинг яшовчанлиги, кексалар ва оқсоқолларнинг,

маҳаллий бошқарувнинг айрим анохроник (тарихан эскирган) усууллари, суистеъмолчиликлари асосида ҳам патриархал муносабатлар қолдигидан озиқланувчи авторитаризм туради.

Анъанавий тафаккур зиддияти шундан иборатки, у ижтимоий нотенгликни асослаш билан бир каторда (“беш бармоқ бирдек эмас” қабилидаги нақлларни эсланг), эгалитаризм — тақсимотдаги текисчилик тамоилини ёқлади.

Эгалитаризм турли динларга эътиқод қилувчи шарқ мамлакатларида, сугорида-диган деҳқончилик минтақаларида кенг ёйилган бўлиб, ердан жамоа бўлиб фойдаланиш маҳсулидир. Оврупо мамлакатларида эса эгалитаризм насроний жамоасининг тенглик идеали сифатида вужудга келган.

Демак, эгалитаризм анъанавий тафаккурнинг хос белгиларидан бири.

5. Диний қурашлар таъсиридаги амалий ва назарий тафаккур ўртасидаги чегара аниқ белгиланмаган (асотирий тафаккурда бу чегара умуман йўқ. Амалий ва ўзига хос тарзда умумлашган назарий тафаккур, мифологик модель сифатида, фақат ўзаро қарама-қарши ҳодисалар кўринишида мавжуд). Анъанавий тафаккур амалий масалаларда пухта иш тутади ва рационал мазмунга эга, аммо назарий масалаларда у иррационал ҳамда рационал қарашларни қоришириб юборади, мистикага мойиллик кўрсатади.

Эркинликнинг анъанавий тафаккур дараҷасида намоён бўлиши анча баҳсли ва мурракаб масаладир. Умуман олганда, анъанавий тафаккур дорматизмга, бир хил андозага, эклектика ва иррационализмга мойиллиги туфайли тафаккур эркинлигини инкор этади. Лекин, иккичидан, юқорида айтилганидек, янги бир ахлоқий, диний меъёр, илмий хуроса, бадиий образ анъана ва дорматик андозага айлангунга қадар анча вақт ўтади. Бу эса тафаккурнинг маълум конкрет мавзу ёки йўналишда муайян дараҷада эркин изланиш олиб боришига имкон яратади. Учинчидан, атоқли мутафакир ва ижодкорлар, жамиятдаги мавқеидан фойдаланиб (анъана бўйича), айрим илгор ёки ноанъанавий foяларни нафақат олға сурини, айни пайтда анча кенг ёйиши ҳам мумкин.

Ижтимоий нотенглик, мулкий низолар, ўзаро тахт талашишлар, диний мазҳаблар ўртасидаги кураш ва урушлар, турли ғалаёнлар анъанавий жамият ҳамда унинг тафаккур тарзини ларзага солиб турган. Шунинг натижасида баъзи янги foялар юзага чиқади.

Тўртингидан, индивидуал онг ва тафаккур мустақил бўлади, ижтимоий онга тъясир кўрсатиб туради. Лекин, умуман олганда, анъанавий жамиятда тафаккур эркинлиги узлуксиз ва жуда узоқ давом этадиган ҳодиса эмас. У янги қараш ёки таълимотлар, илгор фикрли ҳукмдорлар даврида ривожланади. Аммо ҳамма вақт ҳам шундай бўлавермайди. Масалан, ислом дини вужудга келганда, у тафаккурнинг эркин ривожи учун жуда кўп шарт-шароит яратган ва бундай фикрлаш тарзини қўллаб-кувватлаган. Бироқ тасвирий санъатда, мусиқа ва театр санъатида катта чекланишлар юз берган. Насронийлик дини эса аввалдан то Галилей замонигача табиий-илмий тафаккур ва санъатнинг черковга бевосита хизмат қилмайдиган турларини тақиқлаган.

Бизнинг заминимизда ўрта асрларда темурийлар, айниқса Улуғбек илм-фан ривожига катта хисса кўшган. Ул зот жаҳолатга қарши курашган. Мутаассиблиги, реакцион фаолияти учун ҳатто айрим сайдзодаларни ҳам қаттиқ жазолаган. Унинг отаси Шоҳруҳ эса табиий-илмий тадқиқотларни уччалик рағбатлантирган. У тафаккур эркинлигини факат гуманитар билимлар, адабиёт ва санъат доирасида ривожлантиришга шароит яратган. Алишер Навоий "Мажолис ун-нафоис" асарида Ҳусайн Хоразмий билан боғлиқ шундай воқеани келтиради: "Ва Мавлоно Шоҳруҳ мирзо замонида бир ғазал учун такfir қилиб, Хоразмдин Ҳирийға келтурдилар. Чун донишманд ва истилоҳ билур киши эрди, ҳеч нима собит қила олмадилар. Қайтиб яна ўз мулкига кетти. Ва ул ғазалнинг матлаи будурким:

*Эй дар ҳамин олам пинҳон туви пайдо ту
Ҳам дарди дили ошиқ, ҳам асли мудобо ту".*

(Алишер Навоий. Муқаммал асарлар тўплами. 13-жилд, Тошкент, 1997, 13-14-бетлар.)

Маъноси: эй Тангirim, бу оламда яширин ҳам, ошкор ҳам, ошиқ юрагининг дарди ҳам, давоси ҳам ўзингсан.

Ҳусайн Хоразмий нафақат шоир, балки зоҳир ва ботин илмида замонасининг машҳур кишиларидан бўлган, жуда нозик фикрлаган. Шу боис ҳиротлик муллалар унга мушириклик айбини кўя олмаган.

Таъкидлаш жоизки, Шоҳруҳ мирзо ва Ҳусайн Бойқаро замонида Ҳурсонда ҳали анъанавий жамият узил-кесил ғалаба

қозонмаган, Амир Темур даврида бошланган уйғониш, юксалиш жараёни давом этаётган эди. Шу билан бирга, бу вақтда анъанавийлик кайфияти ва меъёрлари ҳам зимдан кучайиб бораётган эди. Анъанавий тафаккур ижтимоий-сиёсий, иқтисодий барқарорлик шароитида муттасил тадрижий ўсишини эмас, балки турғунликни келтириб чиқаради. Шоҳруҳ ва Ҳусайн Бойқаро замони нисбатан ижтимоий-сиёсий, иқтисодий барқарорлик даври бўлди, аммо турғунликни келтириб чиқарувчи омиллар айнан ўша кезда етила бошлади.

Кўпгина мисоллар шундан далолат берадики, анъанавий жамиятда тафаккур эркинлиги жамиятда қабул қилинган умумий меъёрлар даражасидагина намоён бўлади. Шу боис анъанавий жамиятда ижодда эпигонлик ҳодисаси кенг тарқалган. Ҳатто буюк ижодкорлар ҳам, агар янги оқимнинг бошланиши даврида яшамаган бўлса, янги образ ва foяларни анъанавий мавзу ҳамда сюжетлар доирасида анъанавий шаклларда яратишга мажбур бўлган.

Анъанавий тафаккур хусусиятлари ҳақидаги фикрларни якунлаб, қўйидаги дастлабки хуносаларга келиш мумкин.

1. Анъанавий тафаккур масъулият ва мустақил қарор қабул қилишдан чўчиш, ташаббус кўрсатишдан қочиш, туб янгиликларни инкор қилиш оқибатида пайдо бўлади.

2. Анъанавий тафаккур эгасига доимо етакчи ва йўлбошли керак. У обрўли фикр кетидан кўр-кўрона эргашади, шу боис унга андозабозлик ва дохийпарастлик хос.

3. Анъанавий тафаккурда воқеликка рацонал ва иррационал ёндашувлар, реал ва хаёлпарастлик муносабатлари механик тарзда қоришиб кетади.

4. Анъанавий тафаккур мутаассибликка, жамиятни мустабидларча идрок этишга мояиллик кўрсатади, маълум шароитларда тоталитар мафкура вужудга келишига замин яратади.

Анъанавий тафаккурга хос бундай хусусиятларни биз шўро даврида кўрдик. Ижодкорларимиз, олим ва зиёлиларимиз унинг жабрини кўп тортгани ҳам сир эмас.

Тафаккурнинг энг сермаҳсул, ижодкорликка мояил шакли демократик эркин тафаккурдир. Бу ҳақда сұхбатлашишдан аввал рацонал ва иррационал тафаккур тўғрисида баъзи мулоҳазаларни билдиришни лозим деб биламиз.

Февзи ЁҚУБОВ

EZGULIKKA QO'YILGAN HAYKAL

Менга ва халқимга кўрсатилган эллик ийиллик меҳмондўстлик ва яхшиликлар хурмати, Кримга келган ҳар бир ўзбекни албатта хонадонимга таклиф этиб, меҳмон қиласман. Ёзда Кримга Ўзбекистон Республикаси Президенти Ислом Каримов ташриф буюрди. Уни уйга таклиф этишга журъат эта олмадим. Бундан қаттиқ ағусулланган ҳолда ўзбек халқининг кримтатарларга кўрсатган бемисл яхшилиги ва бир умр хаёлимда ўрнашиб қолган ёрқин хотиралар ҳақида ўйлаб кетаман.

Ўзбекистоннинг бугунги дипломатик одимлари ҳавас қиласарли. Мен бошқа фазилат — ўзбек донишмандлигининг теран илдизлари, унинг шаклланиши, бошқа халқлар тамаддунига қўшган маънавий улуши ҳақида фикр юритмоқчиман.

Ўзбек донишмандлигининг манбалари нималардан иборат? У қандай асраладио авлодларга қай тарзда етказиб берилади? Шубҳасиз, бу мавзу умуминсониятга дахлдор ва ҳар қандай халқ учун бирдай аҳамиятлидир. Аммо мен ярим аср Ўзбекистонда яшаган ва ўз дунёқарашини ўзбек фалсафаси билан бойитган кримтатар фар-

Ризгине менги ўйлогон макбутилариниң касбидан қишиқчиш ва ўйниром билан ўтишим. Ўндоғ билдирилган фикр баъди тоғлирлардаги қоримонларда тулашга кел ҳар қандай курмашга сабтариб ўтариҳос, қозай, кримтатар ҳалқининг ботанига түшсиз бирсанча ва қадаётин, ўзга саир баъзарлардаги зирозига қримтатарларни багчириб ёки буармийине борчимини салаб, ўзига ҳизни қадда қилинг. Ўзбек ҳалқи и ўз кунларни ўзигет ўтотон эсдижай да қалбидан чизормайди. Ишмиш ўзиги ҳали қримтатар макбутилариниң таржидаги ўзимнига Сиз таъмин. Этакейдан кийи мөнбати да изважумини макнишими қўрниш да борчиғи этиши, ўзига обозига давомланган муромасабноманинг бўйлукчиликимни мөнбати ва ўзимни деб билан. Украдиң Президенти билан дигора макнишими очишиш юаросиниша иштирок этишига ишодӣ таъсисланни билдириб бўлгимон. Сизга бахш ва соддозӣ, ишларниша оидалар майдор боломон.

Курмай ила
10.09.2001. Февзи Ёқубов

занди сифатида айтишим мумкинки, бу элнинг тенгсиз оқибати туфайли қийинчиллик йилларида миллионлаб халқлар омон қолган, ўзлиги, тили ва маданиятини сақлаш имконига эга бўлган.

Хар қандай эзгу анъана асрлар давомида шакланади ва аждодларнинг доно ўғити, амалий ишлари, ёдгорликлари орқали келажак авлодга етиб боради. XI асрда яшаб иход қилган Маҳмуд Кошгариининг мақол ва ҳикматли сўзларидан тортиб, 200 дан зиёд эпик полотнолар, достонлар, эртаклар, афсоналар, кўшиқлар ўзбек оқинлари томонидан оғизма-оғиз бизнинг замонамизгача етказилгани бунинг далилларидир. Улар ўз таъсир кучи билан авлодларни маънавий камолот сари йўллайди, яхшилик ва инсонийликка рухлантириб, ёвузлика нафрат руҳида тарбиялади. Эзгуликнинг ёвузлик устидан шаксиз ғалабаси бу асрлар моҳиятини белгилайди. Улар ўкувчини Шарқу Farb турмуш тарзи ва ҳикматлари билан ошно этади, маънавият дунёсига олиб киради. Ўзбек халқининг интеллектуал бойлигини асрлар давомида тўпланган улкан хазина дейиш мумкин. Дунёдаги кўргина тилларга таржима қилинган Кошгариининг “Девону лугатит турк”, Юсуф Хос Хожибининг “Кутадгу билиг”, Навоининг “Хамса”, Бобурнинг “Бобурнома” асрларини келтириб ўтиш ушбу фикр исботи учун кифоя. Бу асрларнинг беқиёс умуминсоний аҳамиятини улар билан лоақал бир марта танишган ҳар бир киши ўтироф этади.

Эзгулик — теран маънавият ифодаси, жамият тараққиётини белгиловчи мезон. У асрлар мобайнида шакланади. VIII юзийиллик аввалидаёт Бухоро мадрасаларида ислом илми билан биргалиқда физика, геометрия, химия, астрономия, ботаника, тиббиёт фанлари чукур ўргатилган. VIII аср охири — IX аср бошларида ҳозирги Фанлар академияси мақомидаги халқ донишмандлиги уйи — “Байт ул-ҳикма”нинг айнан шу тупроқда ташкил этилгани сир эмас. Алгебра фанининг биринчи босқичи ҳақидаги “Ал-Китаб ал-мухтасар фи ҳисаб ал-жабр” рисоласи айни шу уламолар мажлиси мөвасидир. Ҳозирги замон фанида кенг кўлланадиган “алгоритм” истилоҳи Ал-Хоразмийнинг лотин тилида ифодаланиши эканини

кўпчилик билмаслиги мумкин. Ал-Хоразмий меҳнатларининг самараси фақат математика фани тарихи билангина чегараланмайди. Унинг ўнлик сонлар тизимини ҳисоблаш ва ифодалаш ҳақидаги ҳозир дунёнинг барча миңтақаларида қадимги юонон, рим, хитой назариялари ўрнида кўлланәётган илмий қашфиётлари дунё тамаддунига улкан ҳисса бўлиб кўшилганини инкор этиб бўлмайди. Таниқли тарихи Ж. Сартон IX асрнинг биринчи ярмида ёзган асарида Ал-Хоразмий номини бежиз тилга олиб ўтмайди.

Беруний бундан минг йил бурун Ер юзаси ўлчамининг аниқ ҳисобини чиқарганидан ҳайратланмай бўладими? Алломанинг ҳисоби бугунгисидан бор-йўғи 13 километр фарқ қиласи, холос. Дунё олимларига бунинг учун 830 йил керак бўлди. Ернинг ўз ўқи атрофида бир текисда айланиши ва тенг вазнлик қонунига таянган ҳолда Американи илк бор қашф этган аллома ҳам шу зот бўлади. У ҳайрон қоларли даражадаги аниқлик билан жуда кўп металл ва маъданлар таркибини аниқлаб, ҳозирги замон геологиясига асос солди. Ернинг Қуёш атрофида айланишини ҳам биринчилардан бўлиб Беруний исботлаган эди.

Ибн Сино Гиппократ ва Галенлар билан бир қаторда тиббиётнинг буюк даҳоларидан ҳисобланади. Унинг 1176 йили, ҳали Овруподаги китобат санъати у қадар ривожланмаган бир замонда битилган “Ал-Қонун” китоби ҳануз дунёда энг кўп тарқалган тиббиёт энциклопедиясидир. Ибн Синонинг хизматлари фақат тиббиёт билангина чегараланмайди. Унинг дурдона фалсафий фикрлар жамланган 1500 саҳифадан иборат “Китоб аш-шифо” асари ҳам машҳур. Алломанинг математика, физика, химия, ботаника, зоология, мусиқа назарияси ва бошқа соҳалардаги қашфиётлари янада қимматлидир.

Бу давр зўр қашфиётлар билан биргаликда дунёга йирик илмий мактаблар,



янги мутафаккир олимлар авлодини ҳам етишириб берди. Жамиятнинг илмий, ахлоқий, маънавий бойликлари шу тариқа таркиб топди, ривожланди. Бу бойликларни турли бўхронлардан ҳалқнинг ўзи аср-аб-авайлаб, бизнинг давримизгача етказиб келди.

Астрономия соҳасида мактаб яратган, ўз асарлари билан илм-фан ривожида учмас из қолдирган Мирзо Улуғбек Самарқандда курдирган расадхона ҳамда Улуғбек музейини ҳар куни минглаб одам томоша қиласди. Аллома қолдирган илмий мерос кўламидан ҳайратга тушади. Градуснинг мингинчи улуши даражасидаги аниқлик билан юлдузларнинг жойлашиш ўрнини бундан 600 йил бурун асослаб берган бу улуғ алломага ким тан бермайди дейсиз! Улуғбек даҳосини унинг 1615 йили Оксфордда нашр этилган, астрономия фанининг бош китоби ҳамда бутун дунё сайёхларининг йўлбошловчисига айланган “Янги астрономик жадвал” (“Зижи жадиди Кўрагоний”) асарининг ўзиёк кўрсатиб турибди.

Аниқ фанларга Пифагор, Архимед, Ньютон каби Фарб олимлари асос солган дейишади. Шарқ тамаддунига мансуб Хоразмий, Беруний, Улуғбек илмий мероси сиз дунё фани бунчалик мукаммал бўлмаслигини эса ё унутишади, ёки билиб-бильмасликка олишади.

Иқтисодиёт соҳасида Ўзбекистонда ҳам турғунликлар бўлмаган деёлмайман. Лекин аниқ айтиш мумкинки, бу юртда фалсафий фикр ҳеч қаҷон ривожланишдан тўхтамаган. Бу ҳалқ асрлар давомида тўпланган юксак интеллектуал бойлишка эга ва ундан оқилона фойдаланиш йўл-йўриклиарини билади. Ўзбек миллий маънавияти ана шу донишмандлик негизида тараққиётнинг юксак даражасига эришган.

Ўзбек оиласи ушбу ибратли маънавий илдиз асосига курилади, устозга ва динга муносабат, она ер ва яқинларга муҳаббат шу асосда шаклланади. Бу тарғибот-ташвиқот орқали эришиладиган тарбиядан кўра самаралироқ эканини энди англайпмиз.

Бу ҳалқ ота-онани бениҳоя эъзозлайди. Бу ҳақда кўплаб шеър ва газаллар ҳам битилган. Чойхонада, дўустлар даврасида бу хусусда қандай сухбатлар бўлишини

эшитганмисиз? Ёшлар учун ҳам, катталар учун ҳам ота-она ризосини топишдан ортиқроқ баҳт йўқ.

Бу ерда устоз — энг хурматли зот. Бу фоя боланинг онгига тугилганиданоқ сингдириб борилади. Алишер Навоийдек зот устозининг ёшгина ўғлига отдан тушиб салом бергани ҳақидаги ривоят ҳар бир оиласда болаларга ҳикоя қилиб келинади. Оқ соқолли чол ўш устозга ундан олдин салом беради — токи ёнидаги невараси бундан хулоса чиқарсин. Ўзбек оқсоқоллари фарзандларига “ilm” сўзи Қуръонда 754 марта тақрорланганни ва Мұхаммад пайғамбар шариат илмини эгаллагани учун ўн нафар қўлни озод қилгани ҳақидаги ва бошқа ибратли мисолларни айтишдан чарчамайди. Бундай тарбиянинг смараси илм-фан соҳасида ўзбеклар билан муносабатда бўлган ҳар бир кишига аён. Шундай маънавий мухитда ўсганим, Тошкент политехника институтида таълим олганим, турли мамлакатлардан келиб дарс берган, бирга ўқиган биродарларимнинг ўзбеклар ҳақидаги эътирофларига гувоҳ бўлганим, бу меҳмондўст ҳалқ билан бирга-бирга яшаганим учун тақдиримдан минг карра розиман.

Катталарга ҳурмат бу миллат ёшларининг қон-қонига сингиб кетган. Шўролар адабиётида бу мавзу авлодлар кураши, бола тарбиясида “эскилик сарқитлари”ни йўқотиш, янгича, инқилобий анъаналарни жорий этиш шаклида ёритилди. Оилавий муносабатлардаги сезиларли инқироз, ахлоқий бузилишлар ана шу мағкуравий тазиқ билан боғлиқ. Яхши ҳамки, ўзбек ҳалқининг миллий-маънавий ўзлиги бу жараёнларга дош бера олди. Шу боис бугун ҳам катталар эъзозда. Бу анъана болаларнинг биринчи бўлиб салом бериши, ёши улуғларни уйнинг тўрига ўтқазиш, улардан бурун сўз бошламаслик, овқатга улардан олдин кўл узатмаслик каби ҳолатларда намоён бўлади. Катталар эса ўшларга қараш, уларни тарбиялашга масъулдир.

Ўзбекларда ҳамма нарса оиласдан бошланади. Оилага муносабат бу —жамият маънавиятини белгиловчи бош мезон. Ўй куриш, тўй-ҳашамлар, диний маросимларни ўтқазиша бир-бирини кўллаш, моддий ва маънавий кўмаклашиш, ҳашар

ўзбек халқининг энг улуф одатларидан. Бу амалларда миллатнинг маънавий қиёғаси, том маънодаги бойлиги ва гўзаллиги намоён бўлади.

Ўзбекистонга миллионлаб меҳмонлар келиб кетади. Улар орасида бирор киши йўқки, ўзига нисбатан наинки мезбоннинг, ҳатто кўни-кўшниларнинг ҳам юксак эътиборини сезмаган, бундай бетакрор инсоний фазилатга тан бермаган бўлсин. Шахсий таклиф билан келадими, хизмат са-фаригами, сайдёхлик гуруҳидами — ҳар бир киши шундай хурматга сазовор бўлади. Қишлоқ чойхонасига киринг ва бирпас ўтириng. Сизга чой келтиришади, лекин унинг ҳақи тўғрисида ҳеч қачон эслатишмайди. Бир оз ўтириб қолдингизми, албатта бирор киши сиздан ҳол-аҳвол сўрайди, ўйига таклиф этади. Кейинчалик бу ҳақда бот-бот ўйлайсиз, хулоса чиқарасиз, қалбингизда эзгуликка рағбат уйғонади.

Бу юртда даҳшатли уруш йилларида ҳам, ундан олдин ва кейин ҳам ана шундай ахлоқий мухит устувор бўлган. Шунинг учун ҳам бу заминда турли дин, тил ва маданият дараҳтлари бир-бирига халал бермай улкан боф бўлиб кўкарди. Дунёда турли хил миллий низолар авж олган ҳозирги кунларда бу ҳол айниқса аҳамиятлидир.

Меҳмондўстлик бу халқ маънавиятининг бир кўриниши, холос. Аммо у накадар бе-қиёс! Ўзбек оиласи қанча-қанча фарзандларни тарбиялаб вояга етказмади?! Рус, украин, белорус, татар,чуваш ва бошқа миллатларнинг болаларини асраб-авай-лаб, ота-оналарига соғ-омон қайтариб, уларга қанчалар қувонч ҳадя этмади дей-сиз бу халқ?! Мана шу фазилатнинг ўзи билан ўзбеклар жаҳон тамаддунига нечоғли улкан ҳисса қўшгани ҳақида ўйлаб қоламан. Ўзбекнинг бағрикенглиги ҳар қандай шиорбозлиқдан баланд туради. Кўпгина ватандошларимдан уларнинг ота-оналари Ўзбекистонда қолиб кетганини эшишиб, биламанки, улар ўзбекларга фарзанд тутинган. Бу ҳақдаги хотиралар доимо қалба чексиз ҳаяжон ва кўзёшлари билан эсланади. Ўзбек оиласига Крим фарзандлари ҳақида хабар келтирсангиз, бениҳоя қувонади. “У ерда менинг жигарбандларим қандай яшаяпти? Ўзларинг қалайсизлар?” деб энтикиб сўраётган ўзбек аёлининг ҳола-

тини тушуниш учун унинг маънавий дунё-сини чукур билмоқ зарур.

Ўзбек тупроғининг ҳар қаричи саховат билан нафас олади. Тошкентнинг қоқ марказида уруш йилларида ота-онасиз қолган ўн олти миллат болаларини фарзандликка олиб тарбиялаган Шоҳимад ота Шомаҳмудов ва унинг аёли Баҳриҳон ола шарағига ўрнатилган ҳайкал бор. Ўзбек оиласи ва халқининг ахлоқий дунёси рамзи бўлган бу ҳайкалга албатта таъзим қилинг!

Бугун интеллектуал бойликка қизиқиш катта. Кимdir қайсиdir машхур мусавирнинг ноёб асарини сотиб олишга бор жамғармасини беришга тайёр. Кимdir янги спектакль томошаси учун маҳсус самолётда ҳатто Миланга учеб боряпти. Мен эса имконият бўлиши билан Кўқонга, Бувайдага, Янгиқўргонга, Жалойир ва Жийдагига шошаман. Ўз фалсафаси билан ахлоқий тушунчаларимнинг шаклланишига туртки берган, ҳозир мени согинчи ўртаётган самимий кишиларни, кексаларни кўришга интиламан. Уларнинг беғубор ва ичакузди аскиялари, халқ театри томошаларини қўмсайман. Қишлоқ тўйларида бўлишини истайман. Сиздан илтимос, агар Ўзбекистонда бўлсангиз, албатта Самарқанд, Бухоро, Хевадан ҳайратланиш билан биргаликда қишлоққа, ўзбек оиласига ва маҳалла чойхонасига кириб ўтинг. Шундагина бу халқнинг юксак маданиятини ўз кўзингиз билан кўрасиз, унинг илдизи не-чоғли теран эканини англаб етасиз.

Кай ном билан атамасин, ҳеч қандай қабоҳат асрлар бўйи шаклланган бу мустаҳкам ахлоқий иншоотни бузолмайди. Ўзбек адабиётида инқилоб учун онасидан кечган Павел Власов, ўз отаси устидан айғоғчилик қилган Павлик Морозовларнинг aka-укалари образи пайдо бўлмаганида ҳам чукур маъно бор. Етмиш йиллик тарғибот ва таъқиблар ҳам ўзбекларни диний эътиқодидан қайтара олмади. Бирорта ота йўқки, ўғлини суннат қилдирмаган бўлсин. Бирорта оила йўқки, диний никоҳ ўқилмасдан тузилган бўлсин. Энг оғир таъқиблар шароитида ҳам ўзбеклар вафот этган яқинларини жанозасиз кўммаган.

Бундай халқ ҳеч қачон адолатсизликка кўшилмайди. Шу боис ўзбеклар Сталин ва унинг малайлари томонидан кримтатар-

ларга осилган тавқилаънатни тан олмади. Ёпиқ мажлислар, партия фаоллари йиғилишларида яқдиллик билан маъқулланган бу тамғани ўзбек оиласи рад этди.

Бу бағрикенг халқ бизни оғир дамларда кўксимииздан итармади, ёрдам кўлни чўзди. Мен ўша пастаккина кулбада ночоргина яшаётган, лекин бизни очиқ чехра билан қаршилааб, “Келинглар, ҳовлимизда бори — ҳаммамизники, биргаликда яшайверамиз” деб кутиб олган оддий ўзбек аёлини, илк бор ёзилган дастурхон, ҳаммага етарли қилиб ушатилган тандир nonи — барча-барчасини кечагидек эслайман. Сургун азобини тортаётган, боз устига НҚВДнинг комендатура режими остида яшаётган жабрдийда халқ — ҳатто дунёдан ўтган яқинларимизнинг дағи маросимига боришига ҳам ҳаққимиз йўқ эди. Бу қийинчилик ва азоблар ўша даврда ўзбек халқи кўрсатган беминнат ёрдам ва меҳрибонликлар туфайлигина енгиб ўтилди.

Сургуннинг дастлабки йилларида 46 фоиз кримтатар ўлиб кетди. Ҳаммаси қасалланди. Болалик хотирамда қолган: биз тушган хонадоннинг аёли бир уй беморларимизга қарап, сутми, қатиқми, иссиқ овқатми — нима топса, кўтариб келиб едипар, ичирарди. Мўйсафид кўшни чол эса халқ табобати йўли билан тайёрланган турли малҳамлар, доривор ўтлар кўтариб киради. Ўша вақтда ўлмай қолган ҳар бир кримтатари ўзбекнинг муруввати, оқибати олдида қарздор.

Мен комендантлик режимини бузиб, рухсатсиз ўзимиз яшаётган Бувайдада туманидан 14 километр узоқликдаги Кўқон шахрига ўқишига борганим учун 16 ёшли ўспирин чоғимда қамоқ азобини тортганман. 1966 йили номзодлик диссертацияни ёқлаш арафасида кримтатар миллатчилигига айбланиб, Москвадан ҳайдаб чиқарилганман. Комсомолда ва партияда ишлашимга қарамай, чет эл саёҳатига чиқишим учун менга ишонч билдирилмаган. Шундай оғир дамларда ҳамдард бўлган, кўллаб-кувватлаган ўзбек дўстларим, мураббийларим туфайли тушкунликка тушмаганман. Бу фирром тўсиқларни енгish учун ўзимда куч топганман.

Инсонпарварлик — жамият ва шахс маънавиятини белгиловчи бош омил.

Ҳамма замонларда ҳам бу фазилат эга-лари ўзларини қурбон қилиб бўлса-да, халқни бало-қазодан асрраган. Ўзбеклар ана шундай инсонпарвар миллат. Бу халк-нинг кримтатарларга кўрсатган муруввати бунга ёрқин мисолдир. Шундай дўсто-на муносабат боис кримтатарлар Республиканинг кўптармоқли қишлоқ хўжалигини жуда тез ўзлашибди, маҳаллий халқ билан бир қаторда пахтакор, пиллакор, қоракўлчи, боғдору соҳибкорга айланди. Ўзбеклар, руслар, корейслар билан бирга Бекобод, Олмалиқ, Ангрен металлургиясини ривожлантиришда, Чирчик, На-войй, Фарғона, Самарқанднинг кимё са-ноатида, Марғилон, Бухоро ва Тошкентнинг енгил саноат корхоналарида самара-ли мөхнат қилди. Курилиш, индустрия, машинасозлик, энергетика, тоф-кон ва бошқа соҳаларда ишлади. Юзлаб крим-татарлар олим бўлди, минглаб врач, инженеру агрономлар етишиб чиқди. Кўпла-ри раҳбарлик лавозимларида ишлаб, рес-публиканинг йирик корхона ва маъмурий бўлинмаларини бошқарди.

Айримларнинг фикрича, кадрлар бўйи-ча номенклатура бўлгани боис, вазиятни сақлаш учун кримтатарлар ҳам раҳбарлик лавозимларига кўтарилиган эмиш. Эҳтимол шундайдир. Аммо маҳаллий халқнинг кўллаб-кувватлашисиз, унинг ишончи ва бирдамлигисиз бундай режани амалга ошириш қийинлиги ҳам аниқ.

Бугун Кримга ўзбек маданияти кириб келәтири. Мактабгача тарбия муассасалари тарбиячилари, мактаб ўқитувчилари, олий ва ўрта маҳсус таълими тизимидағи муаллимларнинг каттагина қисми Ўзбекистонда ўқиб келган мутахassis-лардан иборат. Улар орқали Кримда яшаётган рус, украин, татар, арман, юонон, немис, болгар ва бошқа милллатлар ёшлирига ўзбекона ахлоқ-одоб, ўзбекона маданият сингаёттири. Қишлоқ хўжалигининг ўзбекларга хос бой технологияси Крим ерларига татбиқ этилаёттири.

Кримтатар тўйлари ўзбекча кўшиқ ва рақслариз ўтмайди. Талабаларнинг тад-бирларида ўзбекча куйлар Англия, Бразилия мусиқаларидан кам жарангламайди. Кримтатар ансамбллари томонидан ижро этиладиган ўзбекча дастурлар жаҳон миқ-

ёсидағи "юлдуз"лар концертидан зиёда қабул қилинади. Қрим рассомларининг кўргазмаларида ўзбек мавзуни, Шарқ жозигаси ва руҳини ифодаловчи асарлар етакчи ўрин тутади. Дағн маросимлари, намоз ва масжидда ўтадиган бошқа тадбирларда кримтатарларнинг асосий бошкайими — ўзбек дўпписи. Мехмон кутган татар оиласи бир пиёла чой ёнига албатта бирор ўзбекона шириналик кўшишини унумайди. Палов, шўрава, манти, лағмон, сомса ва машхур ўзбек тандир нонларини кримликлар ва дам оловчилар маза қилиб тановул этади. Кўпгина кафеларда ҳатто ўзбекча чойхона шароити яратилган.

Маданиятларнинг ўзаро бир-бирини бойитиши, эҳтимол, шудир. Бунинг негизи халқнинг тарихига, унинг синовлардан ўтган дўстлигига бориб тақалади.

Маданиятларнинг бундай яқинлашувида, шубҳасиз, умумтуркий ибтидонинг ўрни катта. Бунда Қрим орқали ўтган Буюк Ипак йўлининг излари, ўзбек адабиётида иштиёқ билан ўрганиладиган И smoилбей Гаспринский, Бекир Чабанзода каби педагог ва олимлар асарларининг ҳам таъсири бор. Гаспринский Россия тарихида биринчи марта таъсис этилиб, Туркистонда ҳам тарқатилган "Таржимон" газетасига 32 йил мобайнида (1883 — 1914) муҳаррирлик қилди. "Усули жадид" мактабларига асос солди. Унинг ўша даврда машхур бўлган "Дор ур-роҳат мусулмонлари" романининг бош қаҳрамони ҳам ўзбек — мулла Аббосдир. Гаспринскийни Тошкент, Самарқанд, Бухоро ва Хоразмдаги ҳамфирлари кўллаб-кувватлаган. Боқчасаройдаги уй-босмахонасига Бухоро амири шахсан ташриф буюриб, унга Бухоронинг юксак орденини тақдим этган. 1910 йили Гаспринскийни Нобель мукофотига тавсия этиш тўғрисидаги француз ҳамкаслари таклифини Туркистоннинг деярли барча газеталари кўллаб-кувватлаган. Туркшунос профессор Бекир Чабанзода ўзбекистонда илиқ кутиб олинган. У Фарғона педагогика институтининг (ҳозир университет) ўзбек тили ва адабиётти кафедрасига асос солган ва 1930 йилдан 1934 йилгача унга ўзи раҳбарлик қилган. Будапешт, Лозанна (Швейцария), Қрим, Боку университетларининг профессори, Па-

риж филология жамиятининг фахрий аъзоси бўлган бу олим туркологияга доир 300дан ортиқ асар ёзган. Улар орасида "Ўзбек адабий тили хусусида", "Навоий лисони", "Бойқаро ва унинг девони" каби асарлари айниқса машхур. Академиклар — В.Абдуллаев, А.М.Мұхаммадиев, М.Ш.Шералиев ва бошқалар Чабанзоданинг шогирдлари эканлиги билан фахрланади.

Иккинчи жаҳон урушидан кейин Ўзбекистонда эришилган ютуқларни кўпинча уруш йиллари СССРнинг Оврупо қисмидан кўчириб келинган завод ва корхоналар, ишлаб чиқариш ва интеллектуал кучлар билан боғлашади. Ҳа, ўша вактдаги шароит бу жараёнларни тақозо этгани рост. Бироқ интеллектуал соҳадаги парвоз бўум-бўш жойда қанот ёзмаслиги маълум-ку. Асрлар давомида тўпланган ҳамда ота-боболардан қолган бебаҳо илмий мерос, фан ва маданиятни ўрганиш ва ривожлантиришга бўлган интилиш Ўзбекистонда юксалишга асос бўлиб хизмат қилди. Бугунги кунда айrim иқтисодчилар Ўзбекистон иқтисодиётига четдан олиб кирилган ўша сармояларга ургу беришга уринади. Баъзилар эса, аксинча, кўчириб келингандарнинг республикадан олган моддий ва интеллектуал манфаатлари ҳақида сўз юритади. Масаланинг бу тарзда қўйилиши тўғри эмас. Ундан кўра ҳамкорликда эришилган интеллектуал ва ахлоқий салоҳият ҳақида гапириш юз чандон муҳимроқ эмасми? Одамлар қаерда яшаётганидан қатъи назар, интеллектуал бойликнинг баҳоси чексиз. Ўзбек мутахассисларининг АҚШ, Германия, Исройл, Россия, Украина ва Кримда олиб бораётган муваффакияти фаолияти бунинг яқол далилидир. Демак, ўзаро арқон тортишиш билан эмас, робита боғлаш билан шуғулланган афзалроқ экан.

Ўзбек менталитетининг яна бир хусусияти тажриба алмашишга мойилликда кўринади. Шунинг учун бўлса керак, ўзбек ҳаётидаги сезиларли даражада овруполашиб, хусусан, рус турмуш тарзига эргашиш кучли. Жумладан, кейинги юз йилликда улар асосан Россия орқали, рус тилига таянган ҳолда тараққиётга интилди.

Янгиланиш жараёнлари кетаётган ҳозирги кунда ҳеч бир МДХ мамлакатида русий-

забон миллатлар учун Ўзбекистондагичалик кулаг имконият яратилмаган. Бу ҳол ҳалқнинг хоҳиш-иродаси ва Президент Ислом Каримов сиёсатига хос ижобий жиҳатлар туфайлидири. Худди шу фазилат месхети турклари билан боғлик фожиавий жараённи тұхтатиб қолишида ҳам күрінди. Бу ҳодисаның маҳсус хизмат тузилмалари томонидан уюштирилгани, ҳалқнинг хоҳиш-иродаси билан боғлиқ әмаслиги ҳақида мен 1989 йил 10 августда "Известия" газетасида ёзғанман. Мудхиш воқеаларни, айрим мамлакатлардаги каби, ҳалқаро күчларни сафарбар этиш билан әмас, ақп-идрок билан тұхтатиб қолишиша әришилди.

Хозир жаҳоннинг кўплаб мамлакатларидаги фирмалар, саноатчилар, бизнесменлар Ўзбекистонга интилоқда. Уларни республиканинг бой ресурслари, ривожланган ишлаб чиқариш куввати қизиқтиради. Мен эса бошқа нарса ҳақида — Ўзбекистоннинг туганмас маънавий ҳамда интеллектуал салоҳияти ҳақида ўйлашдан толмайман. Ҳар қандай миллатта ҳам насиб этавермайдиган бундай интеллектуал бойлик, юксак ахлоқий қадриятлар ҳалқнинг ёруғ келажагидан далолатдир.

Жаҳон тамаддуни ютуклари ҳақида сўз боргандা, одатда, Юнонистон ва Италиянинг фанга, Англия ва Франциянинг маданиятга, Германия ва Американинг техникага, Япония ва Швециянинг технологияга кўшган ҳиссаси эсланади. Агар шу рўйхатни давом эттириб, эзгулик, тинчлик, атроф-муҳитга муҳаббат тўғрисида гап борса, Ўзбекистонни тилга олмаслик мумкин әмас. Агар ана шу бебаҳо инсоний қадриятлар юзасидан рейтинг ўтказиладиган бўлса, мен аминманки, бу борада Ўзбекистон ва ўзбек ҳалқи энг юқори натижага эришган бўларди.

Кўп жойларда миллий можаролар негизида урушлар давом этаётган ҳозирги даврда ҳалқлар дўстлигини қай бир мезон асосида таъминлаш мумкин? Талай Ҳалқаро ташкилотлар БМТ доирасида бу масала билан шуғулланишга, бирор ечим топишга ҳаракат қилмоқда. Мен улардан айримларига миллатлараро можароларни келтириб

чиқарувчи сабабларни бартараф этишда Ўзбекистон тажрибасига таянишина маслаҳат берган бўлардим. Олис 20-йилларнинг даҳшатли очарчилиги, турли миллатга мансуб ҳалқлар камситилиб, ўз юритидан бадарга қилинган 40-йиллар ва ҳақ-хуқуқини талаб қилгани учун таъқиб этилган 60-йилларда ҳам Ўзбекистон ва унинг ҳалқи бу борада ўз аъмолига содик қолди. Эзгуликни мезон деб билди. Зоро, яхшилик умуминсоний ахлоқий сифатларнинг энг улуғидир.

Дунё аслан яхшилик ва ҳалоллик негизига қурилган. Яхшилик ҳеч қаочон унтилмайди. Менинг ҳалқим ҳозирча ўз ватанинда яхши ўрнашиб олганича йўқ. Кўчиш бирмунча мураккаб даврга тўғри келди. Айни чоқда кўпчиликнинг тилаги — кўча, мактаб ва муассасалар ўзбекча номлар билан аталса, бу ерда ўзбек шаҳарларининг қиёфаси акс этса.

Ўзбек оиласлари серфарзанд бўлади. Уларда денгиз бўйидаги санаторий — курортларда фарзандларини даволатиш зарурати туғилиши эҳтимолдан холи әмас. Эзгулик тақозосига кўра, маҳсус қарор билан улар учун имтиёзли ўринлар ажратилса, оқилона иш бўлар эди. Кримтатар оиласлари эса шундай зарурат билан келган ўзбек қардошларига жон деб ўз хона-донларидан жой бермокда.

Бир оқсоқолнинг айтишича, кримтатар Ўзбекистонда Крим кўчкатларидан экиб, у ерлик дўстига қолдириби. Ўзбек эса унинг Кримдаги боғига ўзбек дарахтларини келтириб ўтқазиби. Улар ўзаро бундай аҳдлашиби: "Биз ҳар иккимиз уруш қатнашчисимиз. Транспортдан имтиёзли фойдалана оламиз. Кел, навбат билан бир-биримизниги борайлик ва биргаликда яратган боғларимиз мевасидан баҳраманд бўлиб, ҳордик чиқарайлик".

Мен мана шулар ҳақида ўйлар эканман, ўшанда Ўзбекистон Президенти Ислом Каримовни хонадонимга таклиф этишга журъат қилолмаганим учун янада кўпроқ афсусланаман. У албатта келган бўларди. Ахир у — ўзбек, у — менинг дўстим, биродарим-ку!

(Мақола журналист Собиржон Отабоев таржимаси асосида тайёрланди.)

Дүстүр қадрини
дүстүр билар

Алиев Накий

Ми зорі
одного неба

Газиз Тасин

Ойлъде, фикирде,
аштае бирлек

Нельзя Гаспринский

ОЗЫЕК ВЕ УКРАИН ХАЛҚЫЛARINA ЗЫ ДЕ КЫРЫМТАТАРЛАРНЫҢ ТАКЪЛИРИН
ИСКАМНЕТИК ХОСТЕНДЕЛЕНИНДА ДЖУМЛЕСИМ МИННЕТДАРДАРЫҚЫ ТЕМСИЛ

СПОРУДЖЕНО НА ЗНАК ВЕЛЧНОСТІ УЗБЕЦЬКОМУ ТА УКРАЇНСЬКОМУ НАРОВАМ
І ВСІМ КТО ПРОЛІВ ГУМАНІЗМ У ДЛІ КРИМСЬКИХ ТАТАР

“Тикланиш” мемориал мажмуу

Кримтатар халқыга юксак инсонпарварлык ёрдами күрсатган ўзбек, украин ва бошқа миллатларга миннатдорлик тимсоли бўлмиш “Тикланиш” мажмуини бунёд этиш гояси Крим давлат Мұхандислик-педагогика университети ректори Февзи Ёкубовга тегишли бўлиб, обида ҳайкалтарош А.Алиев, меморлар Ш.Халилов, И.Нагаев ва З.Нагаевалардан иборат муалифлар жамоаси томонидан яратилди.

“Тикланиш” мемориал мажмуи Крим давлат Мұхандислик-педагогика университети муҳташам биносининг асосий фасади бўйлаб жойлашган ҳамда у кримтатар халқининг кувғин қилингандан кейинги йилларда қайта тикланиш йўлидаги тадрижий тараққиётини акс эттиради.

Иншоот беш кисмдан иборат ва уларнинг ҳар бири ўзига хос бой маънавий-фалсафий мазмунга эга.

У рамзий “Покланиш” фаввораси билан бошланган. Бу мислсиз қиинчилкларни бошдан кечирган жабрдийда халқнинг пок ҳолда янги ҳаётга қадам кўйгани тимсолидир. “Тикланиш дарвозаси” эса оғир ўтмиш ортда қолиб, нурли келажак сари йўл очилгани рамзидир. Мармар зиначалардан оқиб тушаётган зилол сув — ниятлар соғлигини ҳамда маънавий юксакликка интилишни ифодалайди. Хиёбонда дам олиш учун ўтиргичлар, чироклар ўрнатилган. Хиёбон жамият ҳаётидаги муҳим воқеалар муносабати билан таникли шахслар томонидан ўтқазилган камёб дарахтлар туфайли янада гўзаллашган.

Ажойиб фаввора-булоқ ҳамда келажак авлодларга мактуб жойланган рамзий тош хиёбонга якун ясади. Фаввора-булоқ бу — халқнинг асрлар давомида тўплланган билими ва донишмандлиги манбаи. Булоқ четида сувга чиқиб, беихтиёр қотиб қолган Орзунинг (Сув париси) тунждан ишланган тимсоли акс эттирилган. У баоят нафис, гўзал.

“Келажак” деб аталган қисм мажмуанинг авжи мазмунини ташкил этади. Унда эндиғина ўз келажагига тамал тошини кўйган ёш авлоднинг истиқбол китоби варақланаётган ҳолат акс этган. Гўзал Орзу ҳайратининг боиси ҳам шунда бўлса ажаб эмас.

BOS bosqinchilik

Одам боласи ҳали яралмай туриб унинг туродигига сурункасига ўттиз тўқиз ийл ёқсан фам-андуҳ ёмғирлари; яралгач эса оддий арпа нонини топиш машақатлари; тарихий тараққиёт жараёнида орттирилган турли-туман қонунлар, низомлар, дастурлар, йўл-йўрилар; ҳаёт аравасининг айланиши ва ундан йўловчиларнинг талур-тупур тушиб қолиши; оддий кўнкимга, расм-русум, анъана ва урф-одат, турмушнинг тинимсиз ташвишлари; ўткинчи умрнинг ўта қисқалиги боис инсон ҳаётнинг асосий муаммолари устида бош қотиришни кўп ҳам хушламайди. Бу ҳол ирсиятга айланган.

Лекин бунинг учун сиз ҳеч кимни айблай олмайсиз. Бу хукуқ ҳеч кимга берилмаган. Боз устига, асосий жумбок, сарлавҳада келтирилган “босқинчилик” ... бўлса!

Аммо дунёдаги жамики империя ва императорлар босқинчиликни ҳаётий аймол деб билган, бир лаҳза бўлсин тин олмай, дунё кезиб, одам овлаган.

Босқинчилик нима?

Дунё бирор соат босқин-чопқинсиз яшаганми?..

Ким ҳаётида ақалли тухум ўғирламаган?..

Ким ўзганинг энг тансик нарсасига кўз олайтиргмаган?..

Хатто энг буюк одамлар қалбida ҳам қай даражададир ёвузликка мойиллик бўлиши мумкин.

Наполеон нима?

Гитлер нима?

Аммо бугун ўзларини энг мурувватли дея жар солаётган ва қаердадир оёғи лат еган лайлак, онаси ўлиб қолган кучуквачча, балчиққа беланиб ётган шўрлик тимсоҳ, уммон остида ҳам тухуми куриб бораётган лакقا балиқ, умуман, итми, битми учун мотам тутаётган “маданиятли” ҳалқлар содир этаётган ёвузликлар, бегуноҳ болалар, аёллар, бутун бошли ҳалқларни йўқ қилиш учун қилаётган қирғин-қатағонлар қошида Наполеон ва Гитлернинг ёвузликлари меҳр-шафқатга айланиб қолади.

Унда босқинчилик нима?

Бугун босқинчиликнинг янги-янги шакллари пайдо бўлмоқда. “Замонавий” босқинчилар энг қимматбаҳо либосларда телезранлар орқали ёхуд жуда баланд дунёвий минбарларда туриб ёлғон сотади ва бу ёлғонларига жаҳон ахлини ишонтиради. Дунё телевидение деган ёлғон балога дучор бўлди. Бу матоҳ ҳеч қаҷон рост сўзламайди. Унинг оғзига ким ҳаром луқмасини солиб қўйса,

ўшанинг гапини гапиради, холос. Ҳақ ва ҳақсизлик, адолат ва адолатсизлик ўртасидаги тафовут деярли сезилмайди. Одам қадри күча итининг қадридан ҳам паст тушиб кетган бугунги кунда империяларнинг “маданиятли” шакллари пайдо бўлди. Улар ўз фаразли мақсадлари йўлида ҳеч нарсадан тап тортмайди. Ҳамма ёвузлики энди одам эмас, ракеталар бажаради. Одам мулоим ва иссик ўрнида ўтириб, факат тугма босади. Ўлаётган қашшоқлар қони қотилнинг юзига сачрамайди, тұғмани босиб ўтирган қотил ҳеч кимни қули билан бўғизламайди. У балки виски ичайтгандир, балки зино қилаётгандир, балки... Ҳамма ишни тұгмалар бажаради. Бу — замонавий қотиллар...

Хўш, босқинчлилик нима?

Бу мисли кўрилмаган тенгсизлик, асоратга солишилар, очиқдан-очиқ ҳақоратлар замерида нима бор? Тўрт кунлик умрини одамларни бўйсундириш учун тиккан кимсалар ким? Одамнинг одамдан тафовути нимада? Нега бирор шох, бирор гадо бўлиши керак? Нега бирор мойда чўмилмоғи, бирор очдан тарра қотмоғи керак? Нега бирор фақат ишратда, роҳатда, майшатда, бирор эса фактат қора меҳнатда ўтмоғи лозим?

Аслида ана шуларнинг энг қисқа номи — босқинчлилік!

— Етар, — дейди кунлардан бир кун лашкарбошиларидан бири Александр Македонскийга. — Дунёни босиб олмоқдан безор бўлмадингми? Бас, Ҳиндга бормай кўяқол!..

— Сенга, балки етар, — дейди унга жавобан мағрур жаҳонгир. — Менга етмайди!..


Бугун дунё сиёсий ва экологик бўхронлар ичida жон талашмоқда. Бутун ер курраси бир одимлик масофага айланған ҳозирги кунда империялар бош кўтариб, ер-юзини қайта бошдан тақсимлашга интилмоқда. Бу — тарихий жараён. Жараённи эса одамлар ҳаракатга келтиради.

Одамни одам томонидан эзиш, асоратга солишининг ҳам тарихи бор. Бу тарихнинг дебочаси одамнинг табиатида. Нима сабабдан? Бу саволга ҳали ҳеч ким жавоб топа олгани йўқ. Модомики, одам борлик оламдаги ҳамма нарсани асоратга солиши мумкин экан, нега у ўз-ўзини асоратга солмасин? Нега у бирбировига ҳукмрон бўлмасин? Ирк, ному насаб талашмасин? Нега ўз вилласи, автолари, ҳою ҳашамати, довруқ-даввораси, шон-шавкати, мол-дунёси, нуфузи, қурол-аслаҳаси, тўкин турмуши, тарихий обидалари, авлод-аждодлари билан фурурланмасин? Ахир, у одам-ку!

Эрамиздан 3000 йил бурун Мисрда давлат бор эди. Демак, ер юзидағи биринчи империя Исо Масиҳ таваллудидан уч минг йил бурун мавжуд эди. Қадимий Миср тарихини битган коҳин Манефон (милоддан аввалги 300 йил) фиръавнларнинг ўттиз сулоласини номма-ном санаб ўтади. Тасаввур қилинг, ўттиз авлод ва барчаси фиръавн! Молбоқар, отбоқар, фаррош ё аттор эмас — фиръавн! Улар тинимсиз жангу жадаллар билан ҳаётларига “зеб” берган. Тарихнавислар биринчи сулола шоҳи, яни Шимолий Миср ҳукмдори Жанубий Мисрга қарши юришида 120 минг кишини асир қилгани, иккинчи сулола ҳукмдори эса бир муҳорабада 48205 кишини ўлдириб, 120 кишини асир олганини қайд этади. Уруш ўша вақтда ҳам бор эди, асир олиш, уларни ўзлари қураётган эхромларда итдек ишлатиш ҳам ўша замонлардан қолган.

Одам ўша замонда ҳам одам эди...

Тарихга Икки дарё оралиғи (Тигр ва Ефрат дарёлари) деб кирганд маконда қудратли империя эрамиздан аввалги учинчи минг йилликда шаклланди. Аф-



сонавий Шумер давлати ҳам ўзаро қонли низолар оқибатида тарих саҳнасидан йўқ бўлди. Икки дарё оралиғида шумерлар давлатидан сўнг бош кўтарган Аккад ва Ура давлатлари ҳам ўзларининг қонхўр ҳукмдорлари билан ном-нишонсиз кетди. Милоддан олдинги икки мингинчи йилда икки дарё оралиғида афсона-вий Бобил давлати қад ростлади. Унинг курдатли ҳукмдори Ҳаммурапи (1792-1750) икки дарё оралиғидаги энг курдатли давлатга асос солди.

Тақдир чархпалаги айланаверади. Бобилнинг ўрнида Эlam, унинг култепалари устида Ассирия, унинг ўрнида Янги Миср давлатлари... бош кўтаради.

Одам ўша даврларда ҳам одам эди.

Шарқ ва Farb муаммоси ўша вақтда ҳам бор эди.

Форс салтанатининг бойлиги узоқ вақт мобайнида юононларнинг ўйкусини қочириб келган. “Форс подшоҳи ва унинг хизматчиларини баҳти дейиш мумкин, — деб ёзганди Ксенофонт. — Бу давлат нақадар улуғ, тўкин ва фаровон...” Ўн минг кишилик юонон армиясининг Форсга қарши юриши Farb кўзини ўйнатган давлатнинг ҳарбий курдати етарли даражада мукаммал эмаслигини кўрсатади. Ҳаммаси бўлиб 400 йил давомида юонон оламида Шарқни қайси йўл билан қўл қилиш муаммоси кўндаланг бўлиб тураверди. Қайсарлар келди, қайсарлар кетди. Муаммо муаммолигича қолаверди.

Farbни ҳамиша Шарқнинг бойликлари қизиқтирган. Эрамиздан аввалги IV асрда тарихга Коринф конгресси деб кирган кенгаш қарорига кўра, Юнонистоннинг қадимий шухратини тиклаш зарур эди. Конгрессдан сўнг Филипп II Шарққа қарши урушга ҳозирлик кўра бошлади. Лашкарбошилари Attala ва Парменионани қўшин билан Кичик Осиёга жўнатди. Бироқ Филипп ўз қизининг тўйида ўлдирилгач, бу ният ниятлигича қолди. Ўғли Александр (356-323) марҳум ота режаларини ортиғи билан амалга ошириди. 334 йилнинг баҳоридан унинг тарихий юришлари бошланди. Александрнинг биринчи тўқнашуви Геллеспонт яқинидаги Граник дарёси яқинида содир бўлди. Ўшанда форс армиясида хизмат қилаётган икки минг юононлик ёлланма жангчилар қўлга олинди ва Македонияга қул қилиб жўнатилди. Чунки, Коринф конгрессига кўра, форслар қўлига асир тушганларнинг барчаси хоин деб эълон қилинган эди. Кичик Осиё забт этилди. Шарқнинг дарвозаси очилди. Милет, Галикарнас, Сурия, Фаластин, Нил водийси, Тир, Фазо, Мемфис, Миср, Мидия, Бобил ва ниҳоят Хиндикуш орқали Бақтрияга йўл олган курдатли жаҳонгир армияси олдида тоғлар чўқди, дарёлар чекинди, саҳролар этагини йиғишириб олди.

Аммо Александр Марказий Осиёда қақшатқич қаршиликка дуч келди. Ерлик халқлар қарийб уч йил давомида жаҳонгирнинг қурдатли армиясига қарши уруш олиб борди. Ҳозирги Xўжанд ўрнида Александрдия Эсхата шаҳри курилмагунча, аёвсиз жаҳонгир осиёлик гўзалга ошиқ бўлмагунча, ерлик халқлар босқинчиларга қарши муросасиз кураш олиб бораверди. Ниҳоят, Александр қўшинлари катта талафотга учради. Саклар ва массагетлардан иборат маҳаллий аҳоли македонияликларнинг икки минг кишилик қўшинини тор-мор айлади. Суғд ҳукмдори Спитаменнинг довюраклиги, тадбиркорлиги оқибатида Александр қўшинлари саросимага тушиб қолди. Дунё мухорабалари тарихида партизан урушига асос соглан Спитамен душманни фафлатда қолдириб ҳужум қилар ва изини йўқотарди. Ўз замонининг энг қурдатли армиясига қарши курашда қўл келган усол оддий аҳолига қимматга тушди. Спитаменнинг ҳар бир ҳамласидан сўнг Александр фуқароларни қирғин қила бошлади. Спитамен ҳалокати натижасида массагетлардан зафар кўтарилид.

Одамлар ўша замонда ҳам одам эди...

Босқинчилар ўша вақтда ҳам босқинчи эди...

Бугун ҳам...

Замин курраси энига ҳам, бўйига ҳам узайиб ёхуд кичрайиб қолган эмас.

Замин миллионлаб шаҳидлар жисмини ямлагани билан тўлиб-тошиб кетмади. Қайсарлар келди. Қайсарлар кетди...

Босқинчи ва келгиндиларнинг янги авлодларидан бири — ёвуз Чингизхон атиги икки йилда Осиёнинг ўзида содир этган хунрезликларнинг энг қисқа хронологиясига бир назар ташланг:

Ўтрор бутунлай вайрон қилинди ва ҳеч қандай гуноҳи бўлмаган аҳоли қиличдан ўтказилди. 1221 йили шаҳар деярли мозористонга айланди.

Бухоро талон-торож қилинди. Шаҳар қарийб бутунлай бузиб ташланди. Аҳоли батамом қирғин қилинди.

Самарқандда оммавий қирғин шу даражага етди, тирик қолганлар шаҳарнинг бир мавзенин тўлдира олмади.

Урганчда одамлар ўлим тегирмонида янчилди. Бу дўзахдан жуда озчилик қочиб кутулди. Амударёга тўғон солиниб, оқим шаҳар томонга буриб юборилди. Сув остида қолган шаҳардан ном-нишон қолмади.

Тус, Дамғон, Симон шаҳарлари бузиб ташланди, аҳоли оммавий тарзда қатл қилинди.

Энг даҳшатли чопқин ўз замонасининг йирик шаҳарларидан бўлган Райдар юз берди. Аввалига аҳолининг тўнғич бўғини бутунлай қириб ташланди, кейин қолганлар ўлдирилди. Шаҳар бўм-бўш бўлиб қолди.

Обод ва маъмур шаҳарлардан бўлган, тарихий Авесто китобида тилга олинган Балх аҳолиси ҳеч қандай қаршилик кўрсатмасдан сўзсиз таслим бўлишига қарамай, қирғинга учради.

Чингизхоннинг ўғли Тулейхон Марвда шаҳар майдони ўртасига олтин тахтини ўрнатиб, бутун аҳолини йигиб келишга амр этди ва уларни оммавий равишда қатл қилди. Аҳоли ичидан фақат 400 ҳунарманд омон қолди. Ҳукмдор уларни Мўғилистонга жўнатди.

Нишупур шаҳри бутунлай вайрон қилинди, аҳоли қириб ташланди. Яна ўша мудҳиш Тулейнинг бўйруғига кўра, тириклар ўликлар орасида яшириниб жон сакламасин учун барчасининг боши танасидан жудо қилинди.

Бомиёнда Чингизхон бу ерда ҳалок бўлган неварасининг қасоси учун тирик мавжудотни қириб ташлашга амр этди ва шаҳар вайронага айлантирилди.

Жалолиддин Мангубердини кўлга тушиrolмаган Чингиз бунинг алами учун Фазна шаҳри аҳолисини қиличдан ўтказди.

Хиротдаги оммавий қирғин бутун ҳафта бўйи давом этди.

Нисо шаҳрида асиirlарнинг кўллари бир-бирига боғланиб, ёш-қари аёвсиз қатл этилди.

Кўм шаҳри Чингизхон лашкарбошилари Жаба ва Субутойнинг фармони билан талон-торож қилиниб, бузиб ташланди...

Хўш, босқинчилик нима?

Пахса деворлар орасида мудраётган болалар отлар дупуридан тош қотади. Тиллари танглайларига ёпишади. “Она, — дейди болалардан бири юзига оғир кўрпани қалтироқ кўллари билан тортаркан, — кўрқаяпман...” Кўрқув йиртиб ташлаган кўзларини эшик томонга тикаркан, она жон ҳолатда боласига тасалли беради: “Кўрқма, болагинам, мен борман...” Эй одамлар, ана шу қўшалоқ ва мунгли кўркув учун ҳам ер юзи ҳар нечук босқинчилардан холи бўлиши керак! Одамнинг одамга ёлғон гапириши мумкин эмас. Одамнинг одамга даҳшат солиши, тажовуз қилиши мумкин эмас! Ҳатто бўрилар, йиртқичлар бир-бирига силаи раҳмда бўлишаркан, ҳатто одамхўр газандалар бир-бирларига шафқат қиларкан...

Тарихчиларнинг қайд этишича, Туркистоннинг "босқинчилар томонидан асратга солиниб, мустамлакага айлантирилган ҳудудларида 1856 йилдан 1916 йилгача 4922 марта катта-кичик фалаёнлар бўлиб ўтган..." (Ўзбекистон адабиёти ва санъати. 2004 йил, 17 сентябрь, 37-сон). Бу фалаёнлар энка-тинкаси куриган, хор қилинган, азоб ва азиятдан, зулм ва бедодликдан сабр косаси тўлиб-тошган оддий ҳалқнинг исёnlариdir. Мустамлакачи босқинчиларнинг касофати билан зулмнинг энг оғир тошлари оддий ҳалқ бошига тушган. Юрт соҳиблари, хонлар ва беклар, ҳалқни ҳимоя қилиш зиммасида бўлган амиру умаро, шу ҳалқнинг нонини еб кариллаган сипоҳ қолиб, оддий меҳнаткашлар паншаха ва ўроқ билан ўзини, ўз уйини, ор-номусини, ифрат ва исматини ҳимоя қилган. Ҳокимлар эса сотқинлик, хушомад, мунофиқлик йўллари билан фақат ўз жонинигина асраш пайида бўлган. Туркистон ҳалқлари бошидан сўнгги беш юз йил давомида кечган қонли фожиаларнинг асосий айборлари юрт ҳокимлариdir.

Энди на отлар дупури, на "якув-якув" дегувчи лашкарлар талвасаси, на танкларнинг қалдироқ отиб юриши, на... Бугун атом деганлари пайдо бўлди. Одамларнинг жонини ўйкуда оладиган. Одамларни жой-жойида қотириб қўядиган ёхуд лаҳзада кул-кукунга айлантирадиган.

Хўш, босқинчилик нима?

Мен билмайман!

Ким билади?

Тарихлар алдайди.

Нега бироннинг ҳақига, ҳаётига тажовуз қиляпсан, босқинчи?

Менинг ўйим, эшик-элим, боғ-роғларимни нега талайсан десангиз, қилич яланғочлайди ва чопа бошлайди...

Одамни одам қиласай деб ер юзига бир юз йигирма тўрт минг пайғамбар келиби. Бир юз йигирма саккиз минг дегувчилар ҳам бор. Буюк илоҳий дастур Куръон бу ялавочлардан йигирма бештасини ёд этади. Пайғамбар Мұхаммад алайхиссалом "Худо бир, барча пайғамбарлар биродардирлар" деганига қарамай, умматлар нуқул бир-бирини ўлдириш билан шугулланди. Бошқа дин, бегона эътиқод қолиб, ўз диндош биродарларини ўлдирмоқдан ҳам чарчамади. Хўш, буни қандай тушунмоқ керак?

Нега одам кўшинисининг уйига сўроқсиз бош суқа олмайди-ю, давлатлар, мамлакатлар бир-бирига бостириб киришдан заррача истиҳола қилмайди?

Мўғул босқини ҳақидаги ҳикоялардан бирида шундай даҳшатли манзара бор. Босқинчи Нишопурни лахта-лахта қилиб, аҳолининг бўйнига арқон солиб чиқади. Одам савдосини, яъни қул бозорини ташкил қилиб юборади. Асиirlар орасида шайх Фаридиддин Аттор ҳам бор эди. Маҳкумлар ўзларига кўз-кулоқ бўлиб турган мўғул соқчисига ёлворади:

— Бизни нима қилсанг қил, уни қўйиб юбор!

— Кимсан? — дейди ҳайратда қолган мўғул шайхнинг ёнига келиб.

— Аттор, — деб жавоб беради шайх бошини кўтармай.

Мўғул ҳеч нарса англамайди.

— Султонмисан?

— Йўқ...

— Кимсан?

— Аттор...

Асиirlар яна ёлворади:

— Бизни нима қилсанг қил, уни қўйиб юбор!

— Кимсан, ахир? Гапир! — дейди ғазабга минган босқинчи.

— Аттор, — дейди шайх хаста овозда.

- Савдогармисан?
- Йўқ.
- Кимсан?
- Аттор!..

Босқинчи Атторни қаёқдан билсин? У ҳеч нарсани англаёлмайди, шайхни аёвсиз чопиб ташлайди.

Босқинчи бир юртга оёқ босса, албатта ўша юртнинг муқаддас қадриятларини йўқ қиласди.

XVIII асрнинг биринчи чорагидан бошлаб Шарқ халқлари бошида қора қуюн айланга бошлиди. Бу қуюн Шарқ халқлари ҳётинигина эмас, тарих фидирагини ҳам буткул тескари томонга йўналтириб юборди. Дунёни оддий буюмдек тақсимлаб олишнинг янги шакл ва услублари яратилди. Ниҳоят, иқтисодий тараққиётнинг илмий асосларга таянган ва том маънода кашфиёт деб тан олинган даври бошланди. Инсоният тамаддуни Шарқдан Фарбга кўчди.

Майда-майда хонликларга бўлиниб кетган Мовароуннарх халқларининг тақдирни ҳеч қаҷон шу уч хонликка боғлиқ эмасди. Хонлик яна минг йил яшами мумкин эди — Кўқон ўз ҳолича, Бухоро ўз ҳолича, Хива ўз ҳолича. Жуда яхши яшарди. Аммо тақдир бу тарқок салтанатчалар зумда тўкилиб, сувга сингиб кетди. Хўш, бир вақтлар тугилган муштдек, ушалмаган тоғ тошидек мустаҳкам бўлган туркий империялар нима сабабдан шу қадар заифлашди. Дунёни етти карра тиз чўктириб, етти карра салтанат соҳиби бўлган халқлар нега арзимас душманнинг кўлида маҳв бўлди. Бунинг ўз сабаблари бор. Токи ана шу саволларга тўғри жавоб топилмас экан, сир сирлигича қолаверади.

Бироқ босқинчилик нима?

Бу саволга жавоб бергулик одам борми?

Бу саволга на тарих, на тарихчилар, на дониш аҳли — ҳеч ким жавоб беролмайди.

Бу саволга жавоб қидирган кутубхоналарнинг кули кўкка совурилди. Бу саволга жавоб истаган тарихчилар шайх Аттордек чопилди. Иложи йўқ. Босқин Шарқдан ё Фарбдан, Шимолдан ё Жанубдан бўлмасин, унинг муддаоси битта — ҳақиқатни бўйсундириш, қоринни астойдил тўйдириш. Ҳали ҳеч ким туйкусдан бостириб келган ёвга дош берган эмас, аммо барча босқинчилар охир-оқибат ўзлари босиб олган халқقا сингишиб, йўқ бўлиб кетган...

Босқинчилар Туркистонга катта мақсадлар билан келган. Улар Туркистон оша Аффону Эронни тиз букириб, Ҳинд уммонига довур бормоқчи ва қонюқи этикларини ўша сувларда ювмоқчи эди. Рус императорлари асрлар оша бу “фараҳбахш” орзунинг баҳридан ўта олмади. Туркистон қонга пишилгач, афғон тупроғига ўтиб, у ерни ҳам қонга белади. Аммо... шўродан путур кетди. Бировнинг қони ва нони эвазига қурилган империя умри бир чордеворнинг умрига тенг келмас экан. Начора, босқинчилик ҳам қўпол маънодаги тиланчилиқдан бошқа нарса эмас...

Хар бир миллат қандайдир босқинчилар оёқлари остида эзилиб, йўқ бўлиб кетмаслиги учун миллатпарвар фарзандлари бўлмоғи керак. Бу ҳақиқатнинг кучи шундаки, ер юзида бир замонлар мавжуд бўлган, ҳатто маълум даврларда инсоният тараққиётiga катта таъсир кўрсатган халқлар тарих саҳнасидан ўз-ӯзича тушиб кетган эмас, аксинча, улар йўқ қилинган. Миллатпарварлик — ватанпарварлик билан эгизак тушунча. Ўзбеклар ўз тарихида сонсиз-саноқсиз босқин-чопқинларни бошдан кечирди. Матонатли халқ фақат биргина фазилати, тўғрироғи, биргина хусусияти билан яшаб қолди. Бу — ватанпарварлик. Зотан Ватан абадияти — миллат абадиятидир.

Mahzun un chekad! nay uogalari!

Сонетлар чамбари

1

Айрилигинг аро қаро бир қайгу
Менга тухфа этар бемалол малол.
Борлигим чакнатарап залварли ёғду,
Кўзёшлиларим Кавсар сувидек ҳалол.

Зирқираб согинииш — руҳимнинг фахри,
То илҳақ — дил ҳақдир, ҳам одам — одам.
Ажинлар ажинмас — кўзёшлилар наҳри,
Юлдузлар жоласи ёгар самодан.

Сен чиққан қаторлар чиқсайди йўлга,
Из остинда қийигос гулларди оғоч.
Ишқ — голиб бир ватан. Маглуб бир ўлка.
Ҳар бир заррасига оламлар мұхтож.

Торларнинг тушига кирмаган куйлар
Борлиқни бетакрор куй қилиб куйлар.

2

Борлиқни бетакрор куй қилиб куйлар
Кўзёшлиларим... қиласанг қадамранжида,
Дунёсан. Жамланган каби туюлар
Жавҳарларинг жами жаҳон ганжидан.

Түтилар қошларинг қошида ҳилол,
Рухсорингдан бўлмас умидлар узиб.
Мен бир дилташинаман. Сен — чаима. Зилол.
Ҳар кулгич тубингда ҳасратим — Юсуф.

Тим-тим қорачигинг қаъринда бир мен,
Титтарман — жудолик дөгинда Яъқуб.
Сирли тушлар учун юксак таъбирмен,
Ёдингда Анқодек қанотлар қокиб.

Юракни қиладир заққум бир куй хун,
Нечоғ кулфатолуд қутлуғ бу туйғу!

3

Нечоғ кулфатолуд қутлуғ бу туйғу,
Мангу алқар мени бир дамлик дийдор.
Бир дамким — салтанат, бир дамким — қайғу,
Дамким, азал-абад унга харидор.

Жиззанакман тансиқ шу бир нафас деб,
Замин зиндонимдир, осмон — қафасим.
Кўзёшлар ишарман, гамларингни еб,
Менинг офтобчеҳра, насиимнафасим.

Йўлларингга тўлин ой нури либос,
Офтоб — мақсудларнинг сайёр дарчаси.
Чаман рухсорингдан қутлуғ иқтибос —
Чаман, боз-бўстонлар — барча-барчаси.

Руҳимда бошларкан ачиқ ўйинлар,
Чиртиратар қалбни қайсаρ қуюнлар.

4

Чиртиратар қалбни қайсаρ қуюнлар,
Тўзгийди минг туман ошиқнинг хоки.
Руҳимдан таратар ачиқ куй — унлар,
Унларки, қошинда дарёлар сокин.

Таназзул мавсуми, инқироз фасли,
Жудомлик — жабрингдан зақұм хулоса.
Дилни зир титратар сароблар васли,
Суяб бўлармиди тоглар қуласа?!

Мингужум ишончим ўжар шовуллар,
Фажий билмас қайсағ гүмон қуртлари.
Бор бўлсалар басдир, қутлуг довуллар,
Мажҳул, шафқат билмас умид юртлари.

Ишиқингдан руҳда минг фалак — камалак,
Шунчалар ўхшайсан фалакка, малак.

5

Шунчалар ўхшайсан фалакка, малак,
Меҳрим парвоздадир кенгликларингда.
О, бунча мавзундир лочин, капалак,
Тарозу юлдузли тенгликларингда.

Шарофатинг билан топган баҳтим нақද,
Ҳаётни ҳаётга меҳринг менгзатар.
Завол топдиролмас парвозимни Вақт,
Ишиқ балогардондир, руҳни енгса дард.

Минг-минг юлдуз менга нурағион савол,
Бу саволга офтоб танҳо жавобдир.
Илоҳо, рухсоринг топмасин завол,
Ҳар олган нағасинг минг бир савобдир.

Поёнсиз бўл! Бу баҳт осмондек лозим,
Кулфатлар офати сенга парвозим.

6

Кулфатлар офати сенга парвозим,
Зиёратим ҳар не балога ҳамла.
Васли дам жаранглаб тинмаган созим,
Ҳижронлар фаслига ғамларни ғамлар.

Бахши этиб оташ бир нафасларимни,
Қатра ёш тўймасдан бўзлайман бу чоқ.
Бор ишикимни, барча ҳавасларимни
Багримга босаман, қилиб бир қуюч.

Багримда келасан, кўзим, ўзингга,
Саодатдан юксак бир баҳтни англаб.
Мехр ила боқсам гар шаҳло қўзингга,
Юлдузлар чарақлар мунгли жаранглаб.

Бор созлару сўзлар — бари муштарак
Берив баҳтдан мисли қақнус қуши дарак.

7

Берив баҳтдан мисли қақнус қуши дарак,
Ҳар бир дақиқамда, ҳар бир онимда,
Фарив ҳисларимга тирдикапалак,
Жой олиб турибсан, жоним, жонимдан.

Икков бир оламмиз. Ялтиллар фарёд.
Кўзтомирлар — чақмоқ илдизлари дир.
Нигоҳларинг мангу нур оқиған дарё,
Соҳир Каҳкашоннинг юлдузлари дир.

Нега бу юлдузлар тортади хира,
Чарақлаб-чарақлаб ёки толдими?
Нечун ўқсинарлар маҳзун милтираб,
Уларнинг кўнглимдан кўнгли қолдими?

Гужгон ўйнаб тинар фалак навоси,
Қўшикъса шайланар мингтарда созим.

8

Қўшикъса шайланар мингтарда созим,
Юракда ловуллар сўнмас аланга.
Мен бир замин ўғли, меҳмоннавозим,
Сен тараф юксалиб, чиқдим баландга.

Сойдек сочларингда сонмингта ранглар...
Бошларим айланар, тинар кўзларим.
Бўғзимга тиқилиб унсиз жаранглар
Ўксинган минг армон — хомуш сўзларим.

Шеър нима, мен кимман сенинг қошингда,
Ҳар қатра ёшингга каҳкашонлар нарх!
Сирли ошублари билан бошингда
Ўн саккиз минг олам ураётир чарх.

Қўшиқлар — муҳаббат айёralари,
Осмон — юрагингнинг сайёralари.

9

Осмон — юрагингнинг сайёralари
Фалакфеъл руҳимга бир-бир кўчарлар.
Умидлар — саодат тайёralари
Ўчиб ёнадирлар, ёниб-ўчарлар.

Нурафшон парвоздан тинмаслар бир дам,
Фалак ҳам, куним деб, менга муҳтожми?
Тахтми сен учун ҳам меҳрим, маликам,
Муҳаббатим ҳам, айт, сен учун тожми?

Ҳар дам баҳт мавсуми. Ишқ бўлмас бевақт.
Зирқираб тинмас дард соҳили сойнинг.
Ифтихор этмайми, ахир, бу не баҳт,
Мен билан иши бор осмонда ойнинг!

Кўзларим дилингга термулиб тўнар,
Маҳзун кунлар қайсар ҳажрингга кўнар.

10

Маҳзун кунлар қайсар ҳажрингга кўнар,
Фалак тагин кенгроқ тутмар ўзини.
Рухсорингга қуёш ногаҳон дўнар,
Мен билан тенг тутмоқ бўлар ўзини.

Бўсаларим кўмиб ташлайди шул дам,
Тушади тип-тиниқ юзига доғлар.
Бахт кулиб боқар мен хокисорга ҳам,
Мижжангда барқ урад меҳригиёҳлар.

Нигоҳингда тонглар ота бошлийди,
Ҳатто бошланади қуёш тўлгоги.
Ойдин кўзларингни минг бахт ёшлийди,
Сен маҳзун бўл хоҳи, масрур бўл хоҳи.

Наволар — чорасиз дил чоралари,
Маҳзун ун чекади най ёралари.

11

Маҳзун ун чекади най ёралари,
Жароҳатдан зада қалбни ёнгисилаб¹.
Ҳажрингда дилимнинг сад пораларин
Отиб келаётир аста тонг силаб.

Навосига минг-минг умид эл боғлар,
Нечун найнинг бошдан-оёғи белдир?
Нечун унда бунча кумуш белбоғлар?
Асрорини англат, шарҳини келтир.

Сени ўйлаб маҳзун олган нафасим
Фалак хумин тўла қилган маймасми?
Мени озод қиласин кўкрак қафасим,
Ҳар қобиргам гамдан эгик наймасми?!

Хаёлларим нур ва зулматдек ўжар,
Юлдузлар ёнади, юлдузлар ўчар.

12

Юлдузлар ёнади, юлдузлар ўчар,
Не бахт — зулфиқор нур наҳрида оқмоқ.
Зоҳирда сертуғён ураётшиб чарх,
Ботинда ялтиллар бир қўшиқ — чақнок.

¹ Ёнгисиламоқ — тақлид қиласмоқ (хоразмча).

Борлигим борлиқдан дийдор эланган,
Нечун руҳсизлангай, не учун сұлгай?
Ҳижронингки сенинг нурга беланган,
Ақлим довдираиди... васлинг не бўлгай?

Қуёшим қамашар тасаввурлардан,
Офтоблар ғужони келтирап додга.
Мехрим иборатдир сўнмас нурлардан,
Қайтариб туради тинмай ҳаётга.

Каҳкашонлар ўксиб, бедорланарлар,
Бизни жуфт топмасдан озорланарлар.

13

Бизни жуфт топмасдан озорланарлар,
Зирқираб ингранар чекканим дардлар.
Нурафишон кўркингдан гулзорланарлар,
Юлдузлар — қошинигга қўнгувчи гардлар.

Қундуздек қошларинг чимрилган пайтда
Улар тўзгийдилар туркум-туркумлаб.
Кўз, қулоқ тутаркан қайта ва қайта,
Самовий қўшиқча очгунг бир кун лаб.

Таажжуб баҳрида жон беришга шай,
Ҳуснингга хўрсиниб-хўрсиниб боқиб,
Ҳаётга тўймасман яшай ва яшай,
Илоҳий бир баҳтдан бўлурман боқиф.

Дийдоринг деб сенинг, о, зорланарлар,
Сагир дард қушларим бозорланарлар.

14

Сагир дард қушларим бозорланарлар,
Улардан фарёдлар оларлар улгу.
Ишқисиз кошоналар мозорланарлар,
Аччиқ кўзёшларга бўлганча кулгу.

Согинчларим ичра қайнайды ҳаёт,
Ҳаётки, барҳаёт — қўлларида жом.
Тобора олис бахт, ҳадсиз бир баёт
Жаранглар, оларкан, жонимдан, о, жон!

Яро дилга сепар бу нағмалар туз,
Мухлик ачишади жароҳатларим.
Қуруқ бир лугатдир, беаъмол бир сўз,
Сени севибманки, фароғатларим.

Кўзларимни қиласр Жайхун ва Сайхун
Айрилигинг аро қаро бир қайгу.


15

Айрилигинг аро қаро бир қайгу
Борлиқни бетакрор куй қилиб куйлар.
Нечоғ кулфатолуд құттуғ бу туйғу,
Чирпиратар қалбни қайсар қуюнлар.

Шунчалар ўхшайсан фалакка, малак,
Кулфатлар оғати сенга парвозим.
Бериб бахтдан мисли қақнус қуши дарак,
Қўшиққа шайланаар мингпарда созим.

Осмон — юрагингнинг сайёralари,
Маҳзун қунлар қайсар ҳажрингга кўнар.
Маҳзун ун чекади най ёралари,
Юлдузлар ёнади, юлдузлар сўнар.

Бизни жуфт топмасдан озорланарлар,
Сагир дард қушларим бозорланарлар.



Катта энам

Болалигим ҳакидаги илк хотираларни раҳматли катта энам (бувим) Ойимхонни эслаш билан бошламоқ бурчимдир. Энамда фавқулодда бир инсоний сифатлар мужассам эди. Овулда ақл-заковати, обрў-эътибори билан ажралиб турарди. Худо уни табиатан доно килиб яратган эди. Ундан жуда кўп нарсани ўргангандан отам ҳам онаси билан фаҳрланарди. Энамнинг бошларидан оппоқ дасторлари тушганини ҳеч қаҷон кўрмаганман. Ҳалқимизнинг удумига кўра, бундай маҳобатли дасторни бир уйнинг ҳақиқий бойбичча хонимигина бошига кўндириб юрар эди. Бу қадрон, кўзга ва кўнгилга яқин бош кийими катта энамни янада кўркам ва салобатли кўрсатарди.

Катта энам беш фарзанд кўрган — уч

BOLALIGIM

(Хотиралар китобидан боблар)

киз, икки ўғил. Кизлардан бири — Корақиз аммамнинг менга жуда кўп меҳнати синтган.

Энг катта аммамнинг исми Ойимгул эди. У кишини ҳам яхши эслайман. Турмушнинг азоб-уқубатларини ҳеч ким шу аммамчалик кўп тортмаган бўлса керак.

Учинчи фарзанд менинг отам — Тўракул, кейин — Гулойим аммам, энг кенжаси эса Рискулбек амаким. Рискулбек ўткири зехнили, билимли киши бўлган. Айтишларича, менга “Чингиз” деб исм кўйишни ҳам у киши таклиф этган экан. Кечмиш тарихни яхши билгани шундан ҳам аён — бундайлар болаларига тарихдаги улур шахслар номини кўйишни маъкул кўради.

Рискулбекнинг тақдирни ҳам отам Тўракулнинг қисматига ўҳшайди. Отамдан кейин Шакарга қайтиб келганимизда бизга шу — Рискулбек амаким паноҳ бўлди. Ўшанда у киши йигирма беш ёнда эди.

Бизнинг ейиш-ичишимизга қараб, кўлидан келган яхшиликни дариф тутмасди. Негадир уни аймокнинг бошлиқлари қайтакайта сўроқ қила бошлади. Ишга ўрнаша олмай, охир-оқибат кўчада қолишига ҳам ўшалар сабабчи бўлди. 1937 йилнинг кузойларида учта НКВД ходими ярим тунда келиб уни олиб кетди. Ўша кечаси Рискулбек амаким билан бирга ётган эдим. Кечаси мен босинкираб тез-тез уйғонганиман. Эсимда бор, ҳар чўчиб уйғонганимда амаким бош тарафимда уйкуси кочиб мижжа қоқмай ўтирас, мени овутмоқчи бўларди.

— Кўрқма, хотиржам ухлагин! — дея елкамга уриб, тинчлантиришга уринарди.

Амаким мени овутиб, ухлатишга ҳарчанд ҳаракат қиласа-да, керосин чироқнинг ним ёргуғида милиционерларнинг қор кўнган устбошларини қалтираб-титраганча кузатиб қолганим ҳамон ёдимда. Шу-шу Рискулбек амакимни қайтиб кўра олмадик. Анчадан кейин Бурётистондаги бир лагерда қазо қилгани тўғрисида хабар келди.

Катта энам қаҳратон кунларнинг бирида вафот этди.

Хат-саводи бўлмаса-да, Худо берган фаросат сохиби бўлган катта энам ҳалқ қўшиклирини, термалару ўланларни, ривояту эртакларни кўп билар эди. Болалигмининг тотли кунлари катта энамнинг меҳр-муҳаббатига йўғрилиб ўтди.

Бир воқеа ҳамон хотирамда. Мен унда беш-олти ўшларда эдим. Катта энам мени яйловга олиб кетди. Биз яйловдаги қўшга етмоқ учун кунбўйи юрдик. Назаримда, Шакардаги энг узун кунлардан бири эди. Бу вактда колективлаштириш сиёсати амалга оширилиб колхозлар ташкил этилаётган, яйловма-яйлов кўчиб юрадиган қавмлар ўтроқлаша бошлаган эди. Ҳаёти чорвачиликдан иборат одамлар бола-чакасини эргаштирганча кўч-кўронини кўтариб сурувлари учун кўналға, яйлов танлашар, барча бирдек ёзни қай манзилда кўнгилдагидек ўтказиш ташвишига тушган кунлар эди. Бундай дақиқалар менинг болалик ҳаётимда унутилмас онлар, соғинчли хоти-

Буюк қирғиз ёзувчиси Чингиз Айтматовнинг болалик йиллари ҳикоя қилинган бу асар менга хиёл мунгли дўмбира куйларини эслатди.

Камина бу улуғ адид ва покиза инсоннинг етмиш йиллигига ёзган мақоламда ҳам айтган эдим: бизнинг тақдиримизда қандайдир ғалати бир ўхшашлик бор. Чингизнинг отаси Тўракул Айтматов даҳшатли қатағон йиллари тухмат билан қамалган ва НКВД қамоқҳоналарида дом-дараксиз кетган. Менинг отам ҳам худди ўша мудҳиши йилларда қамалиб, Сибирь ўрмонларида номнишонсиз кетган (Оллоҳ уларга жаннатдан жой ато қилгай). Чингизнинг бoshини амакиси, меҳрибон бувиси ва аммалари силаган. Каминани ҳам амакиларим ва тоғаларим қишлоққа олиб кетиб, чексиз меҳр билан тарбия қилган, алқаган. Шунинг учун ҳам асарнинг бу саҳифаларини мен зўр ҳаяжон билан ўқидим. Ўйлайманки, бўлажак ёзувчининг Олой тоғлари яйловларида, кўркам табиат кучогида ўтган болалик йиллари ҳақидаги тиниқ саҳифалар журналхонларнинг дилини ёруғ нур билан йўғиради, бутун дунёни лол қолдираётган Чингиз Айтматов ижодининг теран сирларини ўрганишда бебаҳо калит бўлиб хизмат қиласди.

**Одил ЁҚУБОВ,
Ўзбекистон ҳалқ ёзувчиси**

ралар қолдириди. Яйловнинг сўз ила ифодабабд бўлмас сехри биз мурғак болалар қалбидан янги бир дунёни яратар, унинг сирусиноати ҳар биримизнинг ўю хаёлларимизни тўзғитиб юборар эди.

Бўз ўтовларни туяларга, от ва хўқизларга ортган, кутурган йилки уйорлари хамда кўра-кўра сурувларни хайдаган одамлар даштудалаларни босиб, қояларидан қор аримайдиган, самога тирагиб турган ошпоқ тоғлар томон кетиб борар эди. Улар юра-юра буюк довонлардан ошиб, нихоят, соя-салқин жойларга етиб кўш ташлар, шу теварак-атрофдан сурувлари учун кулай, серўт жой тандар эди.

Одамлар қаерга бориб, қандай жой танлашни яхши билган тажрибали кексалар сўзига амал киларди. Ҳар бир кишига сафардан олдин тегишли вазифалар юклана, довонлардан осон ва талафотсиз ўтмоқнинг чора-тадбирлари кўриларди. Йўлчилардан эҳтиёжмандларига ҳашар уюштириб ёрдам берилар, яйловчилар зўр иштиёқ билан сафарга ҳозирлик кўрар эди.

Кўч келиб қўнгган манзил тоза, бундан олдин хеч бир кўш ёки сурув оёқости қилмаган жой бўлиши керак эди. Кунлар илий бошлаган май ойининг охирларидағина катта довонлардан ўтиб бўларди. Шундан сўнг яйловга йўл очиларди. Бир метрдан ошган қор, музлама саккиз ой мобайнида тоғни қоплаб ётар ва шу муддат давомида қиши колипини бузмас эди.

Сентябрнинг охири – октябрнинг бошларида яна совук тушар, бола-бакра, қўй-қўзию от-улов оёқ-қўлини ёзиб, хузур қилиб юрган яйловларни тарк этишга мажбур бўлар эди. Агар сурув қишиламоқ учун олис дараларда колса, этақдаги йиртқичлар хам бу тарафларга келолмас эди. Денгиз сатҳидан уч-тўрт минг метр баландликдаги яйловларнинг иклим шароити ғоят оғир. Яшаш манзилларидан узоқ бўлган бундай кўраларда қишилаган чўпон-чўлиқларга қаҳратон

қишининг қировли кунларида ёрдам бермок ҳам маҳол эди. Бироқ ёзинг иссик кунларида сурувнинг оёғини ёзиб, яйратмоқ учун бу сокин гўшалар одамларни доимо ўзига тортарди. Шу боис ҳам одамлар күш уйқуси каби оний лаҳзаларда шону шуҳрат, тўю томоша сингари майд-чўйда турмуш ташвишларидан иборат ҳаётларини мана шу бир неча ойлик ҳаловатга алмашиб яшар эди. Яйлов гўё жаннатнинг тимсоли – Боги Эрам эди.

Юксак тоғларнинг беғубор табиати, турли-туман анвойи чечаклар кўзни қамаштиради. Асрор музликлар қаъридан салқин ва тоза ҳаво оқиб келарди. Тошдан тошга урилиб оқаётган шарқирок тог сойи. Турли хил ҳайвону қушларнинг сехрли саслари... Қайси бирини айтасан! Қисқаси, неча ёшга кирмагин, яйлов ҳеч қачон хотирангдан кўтарилимайдиган, айтсанг адо бўлмайдиган бир армондир.

Хуллас, қирғизлар ёқимли чарчоқ ва ҳоргинлик оғушида мўлжалдаги жойни топишгач, қатор қилиб бўз уйларини тикиди. Яйловдаги кунлар охирлар экан, чўпон-чўлиқ довон бекилиб қолмасдан бурун ундан ўтиб олиш ташвишига тушади. Қиши эрта келиб, қор ёғиб колса, кўчки кўчиб, қор остида қолиб кетиш хавфи туғилар эди. Қор кўчилари фаяқат одамларни эмас, тўда-тўда қашқирларни ҳам таппа босиб қолар, барча тирик мавжудотнинг ҳаёти шу ерда тугарди. Шу боис дарадаги сой сувининг чети қаймоқланганда кўч-кўронни йиғишитиришга тўғри келарди.

Бир гал мен ҳам катта энам билан бирга кўчга қўшилдим. Энам мени тойга миндириб қўйди. Мен ўша тойни ҳамон эсимдан чиқарганим йўқ. Беш-олти яшар боланинг тойчоқ миниб юриши жуда қизик-да... Йи-қилмаслигим учун эгарнинг икки томонига ёрочдан узанги қилинган эди. Катта кишилар ўтирадиган эгарларга қиёслаганда, болалар учун атайлаб ясалган бундай эгар-

лар айирмач деб аталиб, шаҳарлик болаларнинг ўтиргичларига ўхшаб кетарди. Мен ўз отим, ўз эгарим борлигидан сууруланиб, теримга сифмай, тўлиб-тошиб борар эдим. Тойчоғимни силаб-сийпаб сафарга хозирланар, катта энам билан кўш юкларини ташиб, у ёқдан-бу ёкка от чоптириб юрар эдим. Уюр-уюр йилқилар, кўра-кўра кўйларни ҳайдаб яйловга йўл олардик. Туялар ҳам лўқиллаганча устларидағи юкни чайқалтириб, биз ошиқаётган сехрли яйлов сари кетиб борар эди.

Бироқ икки ойлик мароқли яйлов ҳаётидан сўнг яна ит азобида овулага қайтишга тўғри келарди. Боришда-да, қайтишда-да минг бир қийинчилик кутиб турарди. Бу машаққатлар етмаганидек, кор ёғиб, бўрон турар, кўчки кўчиб, мол-ҳолимиз қор остида қолиб кетар эди. Бола-чакаси, хотин-халажки, мол-мулки билан бутун бошли оиласларни кўчки босиб қолган пайтлар ҳам бўлган. Яйловга кўчув олдидан қандайдир руҳий тайёргарлик кўрилар, ирим-сириллар қилинар эди.

Довонга бир кунлик йўл қолганида кўч бир жойга тўпланиб, карвон тин олади. Бу тун “шиқама туни”, яъни “чиқадиган, ошиб ўтадиган” тун деб аталади. Бизнинг карвон ҳам ниҳоят “шиқама”га ийифиди. Кичик-кичик бўз уйлар тикилиб, одамлар исиниши учун гулхан ёқди. Қаршимида мангуд музликлардан иборат винкорли, учи-куйруғи йўқ тоғ ястаниб ётарди. Бундай дамда киши хаёлини эртага қандай килиб қаршидаги довондан эсономон ўтиб олсан экан деган ўй чулғаб олади. Уюр-уюр йилқилар, сурув-сурув кўйлар эса одатдагидай тунда тинчгина кавш кайтариб ётади. Одатда, бундай кунларда подага бирор киши кўз солиб турмаса, оғзи кўкка теккан жониворлар пешинга қолмай ёйилиб кетади. Фақат теварак-атрофи тоғ билан ўралган жойлардагина сурувлар олислаб ўтлаб кетмас, бирбирига хомуш суйканганча туриб қолар

эди. Катта-кичик, кексаю ёш эса гулхани гир айланиб ўтирганча кўшиқ айтар, дуолар ўқиб, сухбатлашарди.

— Мана, довонга ҳам етиб олдик. Худога шукр, бола-чакамиз, мол-ҳолимиз билан тўрт кўз тугал, шу ергача келдик. Елкамизга офтоб тегиши учун яйловга чикамиз. Ошувдан сўнг бизни ям-яшил ўтлоқ, тиник булоқлар кутиб турибди. Бизни серўт, серсув яйловимиз кутмокда! — деган эзгу тилякларни қиласидар.

— Йўлнимизни бало тўсмасин! Кору ёмғирингдан ўзинг асра! Туман ва булутларинг кунни беркитмасин! Биз бу тоғларни, яйловларни жонимиздан ортиқ кўрамиз! Болаларимизга баҳт бергин! Молу жонимиз яйловга сор-саломат, тўқис-тутал етсин! Қайтанимизда ҳам бизни шу балолардан қўригин! Бор қийинчиликлар шу ерда қолиб кетсин! Молларимизга кўк шибер ўтдан насиба бергин! Күшлар унини тинглагимиз, ўтовнинг тўйнутидан кўёш нурига боққимиз келади! Тангрим, сенга шукр киламиз! Қаршимиздаги ошувдан бизни эсон-омон, тўрт кўз тугал, бағри бутун ўтказ! — дея Яратганга илтижо қиласидар.

Ажойиб ҳикматли сўзлар! Кейин ҳам бир неча бор тоғ яйловига бордим. Бироқ ҳар қанча кутсам-да, ўшандай ҳикматли тилякларни эшитмадим.

Не-не замонлар кечмасин, қадрдон яйловларим ўша бефубор қиёфасини йўқотмаган. Болалигим камол топган сехрли ўтлоқлар ҳикояларга бой эди.

Бир куни жағ тишим оғриб қолди. Яйловда эдик. Карвон манзилига етиб келган, барча бирдек чодир ва бўз уйларини тиккан, ҳар юртда йигирма-уттизгадан бўз уй турарди. Одатда, кўчдагилар бўз уйларини уруғ-уруғ, қавм-қавм бўлиб, ёнма-ён тикар, шу тарика ахил бир улус бўлиб яшар эди.

Тиш оғриғига чидаб бўлмасди. Дуч келган бўз уйга бош суқиб, жон азобида чирқираганча нажот излар эдим. На бир қарин-

дош, бир кўшни ёрдам бера олди. Яйловда тиши дўхтири қайда!

Тишим оғриб куну тун азоб берарди. Тонг сахарда болалар билан ўйнаб кетиб, кечгача тиши оғриғидан қийналиб бўзаламда ағнаб ётар эдим. Болалар тиним билмай оёқяланг чопиб ўйнашар, катталар ҳам бу ўйинкароқликка қўнишиб қолган. Улар ҳам болаларининг тоза хаводан нафас олиб, мирикиб ўйнашини истар эди. Ҳеч бир киши бизни тек тур демасди. Кўм-кўк осмон чинни косани тўнкариб кўйғандек таассурот қолдиради. Атрофимиизда оқаётган мусаффо ирмоқлар, бўзалам ўтлоқ чарчокни ёзар, кошки шундай пайтда тишим оғримаса эди дя ўйлайман...

Тиш оғриғидан безор бўлиб кетдим. Ниҳоят, боши қотган катта энам ҳар хил кўкатлардан дори тайёрлади — бўлмади. Тишимнинг оғриған жойига иситилган тош босди — шифо топмадим. Энам кўлидан не келса қилди — ҳеч иложи бўлмади. Тишим зирқирагандан зирқирап эди. Охири тоқати тоқ бўлган энам бир йилқичи қариндошимизни табибга жўнатди. Табибининг қаерда яашини билмайман. Ҳар холда, бизга кўшни яйловда бўлса керак. Йилқичи яна бир отни эгарлаб, дарров йўлга тушди. Эндилиқда бундай иш учун машина юборилади. Бирор бизнинг яйловларда хозирга қадар машина йўли йўқ.

Тишим оғриғандан оғрирди. Йиғлаб, ер тепганча ўзимни чалғитмокка уринишм ҳам бехуда кетарди. Охири биз сабрсизлик билан кутган табиб етиб келди. Кекса бўлсада сергак, харакатчан кўринарди. Катта энам унинг қорасини узоқдан кўриб:

— Ана, келяпти! — деди суюниб менга қаарэр экан. — Худо кўллайди сени!

Мен иргиб туриб ўтовдан отилиб чиқдим. Йилқичи қариндошимиз ва табиб бизнинг ўтовни қўзлаб келар эди. Табиб мингган отнинг жиловини унинг кўлидан олиб, муносиб қаршилангач, шу заҳоти менга қаради.

— Қаеринг оғрияпти?

Мен кўкариб йиғлаганча тишимни кўрсатдим.

— Йиғлама, хозир оғримай қолади, — деди табиб мени юпатиб.

У мени кўздан кечира туриб, энамга бундай деди:

— Бўз уйда боладан бошқа ҳеч ким қолмасин. Уни бошдан-оёқ кигизга ўраб ўтиризаман.

Сўнгра у айтганини қила бошлади. Мен ерга чордана куриб ўтирганча бошимни қуий эгдим. Табиб шам ёниб турган идишни олдимга олиб келди. Шам милтираб ёниб турар эди.

— Оғзингни очиб шамга така, — деди.

Мен айтганини қилдим. У эса устимга кигизни ёпди. Коронфида қолдим. Шам ли-пиллаб ёниб турарди. Юзи салки табибининг куроқ кийим-кечаклари ҳар хил ҳайвонларнинг терисидан тикилган эди. Бу биз билмайдиган ҳайвонларнинг териси эди. Унинг бошидаги бўрки ҳам ғалати эди. Кигиз остида, шам ёруғида оғзимни катта очганча узоқ ўтиридим. Табиб мен тушунмаган қандайдир тилда алланималарни сўйлаб, файритабиий овоз чиқарарди. Табибининг шаман эканини у пайтда мен билмас эдим. Исломни қабул қилганимизга кўп асрлар бўлган бўлса-да, ҳамон шаманчилик эл орасида яшаб келарди. У баланд овозда дуолар ўқиб ҳайқирап эди.

Балким, бу гапга ҳеч ким ишонмас. Бирорқ тиш оғриғим таққа тўхтади. Неча кундан бери туз ва ҳар хил дорилардан тортиб, ҳатто иссиқ тошдан ҳам босилмаган оғриқ сен кўр, мен — кўр йўқ бўлди-кўйди.

— Оғрияпти? — деб сўради мендан табиб. Мен бошимни иргаб “йўқ” ишорасини қилдим. У яна бир оз чида туришим кераклигини айтди. Мен индамадим. Ниҳоят, у бошимдаги ёпинчичи очганда ерда майда-майда тошлар сочилиб ётар эди.

— Кўрдингми мана бу майдада куртларни? — деди у суюниб.

Дикқат билан тикилиб, соч каби ингичка куртларнинг кимирилаётганини кўрдим. Табиб шу тахлит тишими даволади. Мен бу воқеани хеч-хеч унутга олмайман...

Анча йиллардан сўнг стоматологлардан ҳакиқатан ҳам одамнинг тишида курт бўладими дея сўраганим эсимда. Улар бундай бўлиши мумкин эмаслигини таъкидлади. Бу воқеани хозиргача тушуниб етолмайман. Ўшанда шаман менга:

— Мана, яхши бўлиб кетдинг! Энди хечам тишинг оғримайди, — деган эди.

У мени сехрладими ёки ҳакиқатан ҳам куртларни кўрдимми — тушуна олмадим.

Бирпастда тиш оғригини унугиб, ўртоқларим билан шаталоқ отганча ўйнаб кетдим. Табибга катта энам совфа-салом бериб, келган отида кузатиб қўйди.

Бу сирли-жумбокли ҳикояни сўйлаб нима демоқчиман? Энг муҳими — энди тишим оғримайди-ку, тўғрими?

Отам хотираси

Отам кўз олдимда шу тахлит гавдаланади: қоп-кора куюқ сочи, кўмирдай кора сочнинг бир тарафидаги тиккайган толалари, ишга киядиган харбийча қўйлаги, кўнжи узун булғори этиги...

Отам кўпинча кўш отли аравада юрар эди. Аравада иски кишилик ўриндик бўлиб, устига тери копланган эди. Отам доимо арававнинг оркасида ўтирад, олдинда эса аравакаш.

Отамни эслашим билан Фарғона тарафдаги лойсувоқ уйлар кўз олдимга келади. Пахса ёки гувала деворлар билан қуршалган, айвонсиз, усти ва ёnlари теп-текис кулбалар бўлгувчи эди. Фарғонанинг турмуштарзи бир бопкacha. Эл бирлашиб, ахилиноқ яшайди. Қишлоқларда аёл-эркак иттифоқдош, оксоқолнинг сўзини ерга ташламайди. Улар яхши-ёмон кунларда доимо бирга бўлади. Бундай ахиллик бугунги кунга қадар Ўзбекистонда сақланиб қолган.



Гулса холам, холаваччам, онам ва мен

Минг тўққиз юз ўттиз тўртинчи йилнинг боши. Менинг олти ёшли болалик кезим. Отам Тўракул ўз элининг таниқли инсонларидан бири бўлган. Хат-саводи эрта чиккан. Жамбулдаги Авлиёота номли рус мактабини битирган, ўттизга етаретмас давлат идорасида ишлаган одам эди. Тўрт тарафда колхозлаштириш деган катта сиёsatнинг дағдагаси авж олган. Бутун халқ асрий ҳаёт тарзи ва дунёқарашини ўзгартириб, янги сиёsatга ўзини урган, хукумат тўп-тўп килиб ўқитиб, одамларнинг хат-саводини чиқариш чорасини кўрар, ўзича озодликка чиккан оломон бой ва қулокларни таг-томиридан йўқ қилалими деган шиор остида яшар, шу тахлит келажакнинг фараҳбахш кунларини кутар эди.

Аравон тумани Фарғона водийсининг пахта экиладиган минтақаси ҳисобланади. Пахта қора тер билан кўкариб, меҳнат билан окарадиган бир ўсимлиқdir. Уни экиб, ҳайдаб, сугориб, териб олмоқ кўпчиликнинг бирлашиб, узлуксиз ишлашини талаб қиласди. Отам ана шу ишларга бош-кош эди. У куну тун тиним билмай аравада юар, ҷарчадим-толиқдим демасдан далама-дала кезарди. У хар доим эл орасида бўларди.

Болалигим очарчиликда ўтди. Девона ва тиланчилар ҳозир ҳам худди ўша пайтдагидек кўз олдимда гавдаланади. Улардан бири — кичик болакай бизнигига тинимсиз келаверарди. Ўн-ўн бир ёшларда бўлса керак. Егулик тираб, бир амаллаб кун кечириб юар эди. Очик турган дарвозадан ёки деразадан бошини сукиб, аянчли оҳангда хайр-садака сўрарди. Русча, қирғизча араплаштириб:

— Мамочка, энажон! Курсак пропал!
Мамочка! — дегувчи эди.

Унинг дилни хун қилиб юборадиган овоздини эшишиб раҳми келган онам бир бурда нон ёки емакни ўраб, унга бериб келишни буюрар эди. У айланиб-ўргилиб бизнигига келаверарди. Бора-бора мен у билан дўстла-

шиб кетдим, бирга ўйнайдиган бўлдик. Бир куни отам буни пайқаб қолди, унинг кимлигини сўради. Менга тиланчига берарсан деб майда пул ташлаб кетди. Ўша болага танга берганимда у роса сунонган эди.

Тиланчи бола хар доим бўз хуржун кўтариб юарди. Ҳали-ҳали кўз олдимда, ўша хуржун тол-тол бўлиб сўклиб кетган. Хуржунда катта қалай консерванинг бўш идиши бўлар эди. Иккимиз хас-ҳашак тўплаб ўт ёқардик, у консерва қутисида буламиқ қайнатарди.

Бир марта отам иккимиз Андижонга бордик. Бу сафар унтуилмас бир воқеа сифатида хотирамда муҳрланиб қолган. Андижон Фарғона водийсининг энг ийрик шаҳарларидан бири эди.

Узок йўл юрдик. Йўл-йўлакай тўхтаб-тўхтаб, дам олиб бордик. Йўл бўйи учраган одамлар отам билан саломлашиб-сухбатлашар, алланималарни сўради. Ҳалқнинг яшаш шароити оғир эди. Қанчалик қайгули савол берили масин, отам уларга умидлантирувчи жавоб қайтарар, жўяли маслаҳат берар эди. Ҳалқнинг кўпчилиги янгича турмуш тарзига кўнига олмай аросатда қолган, колхозлаштириш гўё шу муаммони ҳал этиши керак эди. Ёлғиз умид шу колективлаштиришдан бўлса-да, оғир ҳаёт ҳалқнинг белини букиб, эзиб ташлаган эди. Ана шу ташвишларнинг барчаси бир одамга — ақлли, хар доим жонсарак, толиқмай ишлайдиган отамга боғланиб қолгандай эди.

Бир оз фурсат ўтгач, отамни Москвага юборишиди. Бунинг сабабини билмас эдим. Мен факат бир нарсани билардим — биз Фрунзега (ҳозирги Бишкекка) қайтиб келган бўлсак-да, отам уйга деярли қадам босмади. Кейин билсам, Москвага ўқишига кетибди. Юқори ташкилотлар давлат ишидаги таниқли арбобларни сиёсий жиҳатдан янада чиниқтириш учун Кизил профессорлар институтига ўқишига жўнатаётган экан. Улар орасида отам ҳам бор эди. Шу сабабли биз бир ярим йил отамни кўрмадик.

Биз бир отадан уч фарзанд эдик: мен, опам ва укам.

Шундай қилиб, охири онамиз бизни отамиз хузурига — Москвага олиб борадиган күн ҳам етиб келди. Ўша кунлар хотирамга муҳрланиб қолган. Қариндош-уругларимиз тўпланиб, бизни Фрунзедан кузатди. Поезд Жамбулга келиб тўхтаганида Таласдан келган қариндошларимиз бекатда йиғилиб, бизни кутиб турарди. Улар бизга озиқ-овқат ғамлаб кўйган экан.

Поездда роппа-роса беш кун юрдик. Йўловчилар ўз ғам-ташвиши билан банд. Бизда битта идиш бўлиб, унда қайноқ сув олиш мумкин эди. Одамлар корин тўйдириш учун елиб-югуради. Бу олис сафар хаётимда ёрқин из қолдирган. Ахир биз Москвага боряпмиз! Умримда илк бора Москвага — отажоним хузурига боряпман! Онам ўша ёқда яшаб, ўша ерда ўқишимизни орзу киларди. Отам ҳам Москвада сўккаш бош бўлиб яшаётганини раҳбарларга арз қилиб, бола-чақасини олиб келишга рухсат олган экан.

Ўша сафар-саёҳатнинг эсдан чиқмас хотиralари Орол кўли соҳилларида қолиб кетди. Бу кўл у пайтларда бепоён саҳронинг ўртасида чайқалиб ётган қум-кўк дengиз эди. Хаётимда илк бор кўрган дengизим ҳам Орол эди. Унинг залворли тўлқинлари темир йўл изларига келиб урилиши ҳалихануз кўз ўнгимда турибди.

Поезд бир неча марта тўхтади, биз опам билан ташкарига чиқиб келдик. Онам боёкиши биздан хавотирланиб, изимиздан қолмас эди. Биз бўлсак, кўзга илинган ҳамма нарсани кўрмокка интилардик. Поезд ойнасидан дengизни томоша қилиш айниқса завқли эди. Дengиз билан поезд оралиғида одамлар наридан-бери чопиб юришар, баликфуруш қозоқ болалари, қизалоқлар кўзга ташланарди.

Чайқалиб, тўлқинланиб ётган дengизнинг хад-худудсиз улуғворлиги мени хайратга соглан эди.

Хозир эса денгизнинг на ўша улуғворлиги, на сехри қолган. Суви қуриб, ўлиб бораётган бир кўлмакка ўхшайди. Дунё ахлининг айни замондаги экологик вазифаси — Оролнинг қадими ҳолатини тиклашдан иборатдир.

Орол кўлидан сўнг улуг Волга дарёсига дуч келдик. Ям-яшил водийлару чексиз тўқайлар оралаб Россияга кириб бордик. Ниҳоят, Москвадаги Қозон темирйўл бекатига етдик. Одам ниҳоятда гавжум. Кейинги воқеаларни яхши эслай олмайман. Яшаб турган жойимизга қандай етиб борганимиз ҳам ёдимда йўқ. Бироқ Воровский кўчасидан қандай кайрилганимиз хотирамга муҳрланиб қолган.

Москванинг қадими ҳам тарихий Воровский кўчаси хозир ҳам бор. Бу кўчада кейинчалик менга қадрдон бўлиб қолган Ёзувчилар уюшмаси жойлашган. Шу кўчадаги бешинчи уйда биз яшаганмиз. Болалигимда Ёзувчилар уюшмасининг бонида кўп ўйнар эдим. Унинг рўпарасида эса СССРга донғи кетган Киночилар маркази жойлашган.

Янглишмасам, 1936 йили Максим Горький вафот этганида Ёзувчилар Уюшмасига мен ҳам борганиман. Отамнинг ёнида Горькийни сўнгти йўлга узатиш маросимида қатнашганман. Хозир бу кўчада кўпгина элчихоналар, консулликлар, банклар, Россия Олий Судининг биноси жой олган. Ёзувчилар уюшмаси қаршисидаги Актёрлар уйи асл мезморий қиёфасини саклаб қолган.

Москвага келиб, бу ернинг шарт-шароитига аста-секин кўниқдик. Биринчи ва иккинчи синфни Москвада ўқидим. Қайси мактабга қатнаганимни негадир эслай олмайман.

1935 йилнинг март ёки апрель ойларида бу азим шаҳарга келдик-да, 1937 йилнинг августигача яшадик. Отам яхши ўқишим учун астойдил жон қуйдиради.

Беш кишидан иборат оиласиз бир хонали уйда яшар, ошхонадан эса ўша қават-

даги бир неча оила фойдаланарди. Уй менга жуда катта кўринарди-ю, негадир одамлар тиқилиб ҳаёт кечиради.

Москвада биз мутлако янтича турмуш тарзини бошладик. Болалик дунёмнинг ўчмас хотираларидан бири — отам билан Киночилар уйида ўша замоннинг машҳур “Соловей Соловушка” фильмини томонга қилганимиз. Бу фильмда бир сулув қиз билан йигит ўргасидаги муҳаббат хикоя қилинади. Қиз билан йигит бир бойнинг хизматкори бўлади. Бой бўй етиб турган қизни бегона эркакка пинҳона сотиб юборади. Унинг сулувлигини кўриб лол бўлиб қоласиз. Кўшиқ айтишлари-чи! Шунинг учун ҳам фильм “Соловей Соловушка” деб аталса керак. Кинодаги қиз билан йигит фожиаси, қизнинг қон-қақшаб йиғлаши, хўрланиши, бошка эркакка сотилиши болалик дунёмни остин-устин қилиб юборган. У вақтда кинолар ҳам спектаклга ўхшар эди. Ҳақиқий киноасар бетакрор санъат на-мунаси хисобланади.

Фильмдан қаттиқ таъсирланганим боис бутун кинотеатрни бошимга кўтариб ҳўнг-хўнт йиғлай бошладим. Отам ахволимни кўриб хуноб бўлди. Жойидан туриб мени ташқарига олиб чиқиб кетай деса, ўзи фильмни охиригача кўришни истарди, чиқмайин деса, мен бўтадай бўзлашдан тўхтамасдим. Нихоят:

— Ўғлим, бу ерда йиғлаш уят бўлади!
Кўй, йиғлама! — деди токати ток бўлиб.

Хуллас, ота-бала кинони охиригача кўрдик. Кўзларим қизариб, қовоқларим шишип уйга қайтдим.

— Бу бола намунча йиғлоқи бўлмаса?!
Фильм ҳаммага бирдек таъсир қилди. Бирор ҳеч ким бўкириб йиғлагани йўқ, — деди отам шикоятомуз охангда.

Отамнинг сўзларидан хийла хижолат чексам-да, лекин хафа бўлмаганман.

1936 йилнинг ёзи ҳам келди. Москваликлар ёз ойларида дала ҳовлиларига кетади. Парфёновка деган жойда бизнинг ҳам

дала ҳовлимиз бор эди. Унга Ленинград темир йўлидан бориларди.

Ёз ойларида поездлар серкатнов бўла-ди. Локомотивлар шахарликларни кўрғо-ну қишлоқларга, қишлоқликларни эса ша-харга ташир, вагонлар доимо лиқ тўла бўларди. Биз ўшанда кимнингдир дала ҳов-лисининг ярмини ижарага олганмиз. Бу пайтда оиласиз олти кишига етган, синг-лим Роза туғилиб, у эндигина тўрт ойлик бўлган эди.

Ҳаётимиз равон, турмушимиз осуда ке-чар эди. Махалла болалари билан тала-шиб-тортишиб ўйнар эдик. Кун бўйи сув-дан чиқмасдик. Янги соғилган сут ичиб, қўзиқорин терардик. Биз бу ерда руслар-нинг қишлоқ ҳаётини бошдан кечирадик. Ота-онам қўшниларимиз билан гоҳо та-ниш-билишларнинг тўю маъракалари ёки тугилган қунларини нишонлашга кетар, биз эса болалар билан чиллак отиб ўйнар эдик.

Кунларнинг бирида, бизга қўшни бўлган иккита рус урушиб қолди. Улар ота-бала эди. Иккови ҳам бир-бирини аёв-сиз савалаб, тепкиларди. Уларга қараб туриб дағ-дағ титрай бошладим. Чинқи-риб йиғлаганимча уйимизга югурдим. Кўкариб кетганимни кўрган отам ўзини боса олмай ўша урушқоқ русларни излаб кетди. Чамаси, улар боламни урибди деб ўйлаган бўлса керак. Воеқа тафсилотини сўраб-суриштиргач, аччиқланиб уйга қай-тиб келди.

У қўлини бигиз қилиб:

— Бу боланг одам бўлмайди! Анави-лар фирт маст бўлиб ёқалашиб ётса-ю, бу чинқириб уйга юурса. Шуям гапми?! Э воҳ, бу бола намунча йиғлоқи бўлмаса-я! Кимга тортапти, хайронман! — деда бўлган воеа-ни онамга айтиб берган эди.

Онам эса куйиб-пишиб мени оқлашга уринган. Ўша кинохонада рўй берган ходи-са бошқачароқ йўсунда тақрорланган эди. Икки киши мунитлашиб, бир-бирини аямас-

дан тепкилагани юрагимни яралаб, хис-туй-гуларимни жунбушга келтириб юборган эди.

Бир ойга якин Парфёновкадаги мактабга ҳам қатнаб юрдим. Темир йўл бўйидаги кўхна тарихий уй мактаб килиб олинган экан.

Ота-онам оддий кишилар эди, олис бир ўлкадан пойтахт Москвага – давлат марказига келиб ўқиб, яшаётгандари учун ниҳоятда фахрланарди. Жонларини жабборга бериб тажриба ортирар, имкон кадар кўпроқ нарсани ўрганиб олмоққа ҳаракат киларди. Қиска фурсатда кўп нарсаларни билиб ҳам олган.

Бироқ... Бироқ уларнинг Москвадаги ҳаёти фожиавий равишда тугаган, абас бўлган...

1937 йил келган, сиёсий таъкиб отамнинг ҳам ёқасидан олиб, ўз комига тортаётган-дек эди...

Август ойида дала ховлидан шаҳарга қайтдик. Отам бир фалокат юз беришини олдиндан сезгандек, бизни юртимизга қайтариб юбориш тараддудига тушиб қолди. Тақдирнинг даҳшатли балосидан кутулиб қолишнинг заррача ҳам иложи йўқлигига, бу исканжадан чиқа олмаслигига кўзи етибди, бизни Қирғизистонга жўнатишни лозим кўрди. Бизнинг мусофири бўлиб, бегона юргларда қолиб кетишимизни истамади чоғи...

Қаёққа ҳам борардик! Фрунзега қайтиб бўлмас, у ер ҳам нотинч, Москвадан бизни бадарға этаётган даҳшат республика пойтахтида ҳам ўлим шарпаси каби кезиб юради. Бошқа борадиган жойимиз йўқ, жўжабирдай жон эдик. Тақдир синовлари тирдобида милтираб турган биргина умид учкуни бор эди – ёлғиз Маймок бизга паноҳ бўлиши мумкин. Ям-яшил далалар шу ерда тугаб, кир-адир бошланар, сўнг тепаликлар, юксак тоғлар ўлкаси Шакар кўринади. Шакар, Кўксой ва Арчалининг йўллари Маймокда туташиб, ундан катта йўлларга уланиб кетади. Май-


моққа поезд катта тоннель орқали ўтиб келарди. Машхур тоннель. Бобом Айтмат билан отам Тўракул бу тоннелни барпо этишга муносиб хисса кўшган. Тоннель қурилишида отам жон куйдириб ишлаган. У қисқа умри давомида эл учун анча-мунча савобли иш қилишга ултурган, кўпчилик манфаати учун кўлидан келганини аямаган. Энди эса ана шуларнинг жазосини олади, балога қолади. Хаётини бағишлаган иш учун товон тўлайди...

Биз нима учун, кимдан кочиб, кимларнинг қошига топиниб бораётганимизни у пайтларда унчалик англаб етмаганман. Бироқ юрагим қандайдир хавф-хатарни сезган. Буюмларимизни йиғиштираётган отамнинг қайфули қиёфаси, кўркув тўла кўзлари мудхиш бир фалокатдан дарак берарди. Отам биз билан бирга кета олмасди. Ўқишидан рухсат берилмайди. Рухан чўкиб қолган отам бизни тезроқ кузатиб кўйиш учун роса елиб-юргурган. Бизни ўз элимига, укаси Рисқулбекнини қарамоғига жўннатган.

1937 йил августининг охирги кунларидан рўзгор буюмларининг кўпини сотиб, зарурларини бўхча қилиб, олти ойлик синглим Розани опичлаб, тўрт туғишган бир бўлиб йўлга чиқдик. Отам бизни Қозон вокзалидан кузатди. Поезд юра бошлаганида ҳам вагон эшиклари очик бўларди. Вагонлардан биттаси қўшимча бўлиб, эҳтиёт шарт учун бўш экан. Купелардаги каравотлар икки қаватли эди. Отам бизни шундай купелардан бирига жойлаштириди. Хайрлашди. Онамнинг юм-юм йиғлаётган ҳолати, отамнинг ғамгин қиёфаси худди кечагидай кўз олдимда турибди...

Вагонда одам тирбанд эди. Бир-бирини турткилаётган йўловчилар ўз жойларини кидиради.

Отам бўлса энди ўрнидан қўзғалган поезд билан бирга аввал секин юриб, сўнг чопиб тенглашиб келар, тинимсиз кўл сил-китар эди.



Москвадан қайтгач бизни қариндошларимиз кутиб олган
«Маймоқ» бекати

Мен купедаги каравотнинг юкори қаватида эдим. Ҳамма воқеани сезиб турдим. Бир-биримизни бундан кейин кўра олмаслигимизни-да хис этардим. Кутилмаганда ҳўнграб йиғлай бошладим. Кўзга боттулик коронги тунни ларзага солиб, ўқсиб-ўксисб йиглардим. Онам бечора ҳар замон мени овунтироқчи бўлиб ёлворарди:

— Ёлғиз эмасмиз, ўғлим! Карагин, одамлар бор, ёлғиз эмасмиз! — дер эди паришон бир ахволда.

Шу тарзда отам билан хайрлашдик.

Қозоғистондан ўтиб бораётганимизда поездга қозоклар чиқди. Улар бизнинг ахволимизни кўриб, мени овунтириб, таскинласалли берди.

Кайтадан Орол кўли ёқалаб ўтдик. Мажонимизга, оғир ва машаққатли турмушга кайтдик.

1937 йилнинг 1 сентябрини умр бўйи унутмайман...

Беш кундан кейин, тунги соат иккилар чамасида Маймоқ бекатига етиб келдик. Бизни қариндошларимиз кутиб олди. Улар ҳозирлаб кўйган аравада Шакарга жўнадик. Ота юртимиз Шакарга.

Шундан кейин Шакарда яшаб қолдик.

Одам ўлдирмоқни кўзлаб...

Кирқ учинчи йилнинг февралида оиласиз бошига катта мусибат тушди. Ўшанда биз Жийдада гувалакдан қурилган, ярми нураб тушган, аввал клуб бўлган эски жойда яшар эдик. Ўзимизнинг молхонамиз бўлмаганидан қишида биттагина сигиришимизни раиснинг рухсати билан колхознинг кўрасида сақлар эдик. «Сукра» номли сигиришимиз бутун оиласизни бокарди. уни мен ҳеч қачон унутмасам керак. Бу говмушни фунажин пайтида, энди уруш бошланган кезлари қариндошларимиз энчи қилиб берган эди. Шу сигир бўлмаса, тўрт бирдек гўдак шакшубхасиз оч қолардик.

Ёз келишини сабрсизлик билан кутардик. Ҳар баҳорда Сукра бузокларди. Қишида эса қунбўйи колхоз оғилхонасининг ёнидан жилмай, ёлғиз умид-тилагимиз бўлган Сукрамизнинг суву ем-ҳашагидан хабар олиб, қўни-қўшиларимиздан ортиб қолган овкатми, ювиндими бўлса, унга ем қилиб берар эдик. Ёз келиши билан оғизимизга оқ тегиб, катиғу келагай, ўғизу қаймоққа тўямиз дей хаёл суриб, фала-ғовур қилиб ўтирадик.

Ўша совуқ қиши тонг сахарда туриб колхоз оғилидаги сигиришимиздан хабар олиб келиш учун борганим зинҳор эсимдан чиқмайди. Ҳаммадан бурун оғилга ўзим борардим. Подачилар бу маҳалда ўйғонмас эди.

Тонгда туриб келсан, сигир йўқ, боғлан-

ган жоий бўм-бўш. Шохига бойланган арқон остонада чуваланиб ётарди. Оғилхона эшигининг ярми синиқ бўлса-да, кечаси кулфлаб кўйиларди. Оқшомда сигирлар бошбонгидан бўшалиб кетса, ташқарига чиқа олмай, оғилнинг бирор бурчагига бориб турар эди. Дастреб сигир бўшалиб кетган бўлса керак деб ўйладим. Бирор бурчакда тургандир, гўрга борармиди... Оғилни бир неча марта айланиб чиқдим, лекин сигирни тополмадим. Шундан сўнг сомон уюми устида ухлаб ётган коровул томон югурдим. У тайнинли жавоб бера олмади.

— Балки бўшалиб, ташқарига чиқиб кетгандир, — деди мужмал оҳангда.

Ичим туз сепилгандаи ачишиб кетди. Сигир юриши мумкин бўлган барча сўқмоқларни обдан кўздан кечирдим. Моллар тўпланадиган, ҳар куни сув ичадиган жойларини, паст-баланд тепалик ва сойликларни роса изладим. Ахир қандай килиб мол тонг сахарда оғилдан чиқиб кетиши мумкин?

Бошимизга катта бало келганини тушундим. Сигир ўғирлангани аниқ эди. Онамга хабар бериш учун уй томон чопдим. Ўша дамда ёруғ дунё биз учун кора тунга айланди. Молимизнинг ўғирланганига шубҳа қолмади. Юракни музлатиб юборадиган бундай совуқ хабарни эшигтан онам, укаларим нима қилишини билмай, мунгайиб йиғлаб ўтиришарди. Ҳеч кўпиртирмай айтганда, бу нохуш воеа биз учун оғир фожия бўлди. Гўё кунимиз битиб, умримизга нукта кўйилгандек туюларди.

Бири биридан кичик тўрт нафар норасида, шундок ҳам мисли қўрилмаган азобукубатларни бошидан кечираётган онамиз, эридан айрилиб, бизни қора тортиб келган аммамиз Гулша опанинг ҳолига энди маймунлар йиглайдими?

Эрлари фронтга кетган қўшни аёллар тўпланиб келиб, бизга қўшилиб ҳўнг-ҳўнг йиғлай бошлади. Нолаларини Худо эшигандигандай бор овозда қарғаниб-қарғаниб йиғ-

лади. Ўша пайтдаги ахволни кўз олдимга келтирсам, ўпкам тўлиб кетади, кўзларимда ёш ғилтиллайди. Оиланинг энг каттаси бўлганимдан кичикларга ғамхўрлик қилиш, уларни ёмон қўзлардан асраб, қанотлига қоқтирмай, тумшуклига чўқитмай ўстириш менинг бурчим, ҳисобланарди. Шуларни ўйлаб, қандай бўлмасин ўғрини топиб, лозим бўлса ўлдириш керак деган қатъий қарорга келдим.

Шундай хаёл билан тракторчи қўшнимиз Темирбекнинг олдига бордим (90-йиллари Таласдаги қариндошлардан унинг вафот этганини эшигдим, Худо раҳмат қилсин!). Темирбек иккимиз инок эдик, ўтган куздаги шудгорлаш ҷофида унга ёрдамчи, яъни сув ташувчи бўлиб ёнида юрганман. У пайтлари Темирбек овулимиздаги ягона тракторчи каби трактор ҳам овулда биттагина эди. Бутун бошли бир овулнинг кўз тиккан најжоткори шу трактор эди. Ангорнинг у бошидан-бу бошига боргунча радиаторнинг суви қайнаб тошиб кетар, уни совуқ сув билан тўлдириб туриш менинг вазифам эди. Сувни олисдан челақда ташиб келтирардим. Ишни ниҳоятда оғир эди. Темирбек иккимизга шудгорлаш ишониб топширилгани, шу туфайли тириқчилигимиз ўтаётгани учун ўзимизни аямай ишлардик. Бунинг устига, у “брон” билан фронтдан олиб қолинган эди. Овулдаги далалар ҳайдовсиз, трактор эгасиз қолмаслиги учун катталар уни жангি жадалдан асраб қолди.

Ўша куни алам устида қоним қайнаб, разабга миниб, бошимни қаерга ураримни билмай, Темирбекнинг уйига жўнадим. Бордим-да, салом-аликка ҳам тоқат қилмай мильтиғини сўрадим. Унинг ов мильтиғи борлигини билар эдим. Гоҳида бошқа овулнинг ерларини хайдётганимизда ёқилғи тугаб, бекорчи бўлиб қолардик. Шунда у мильтиғини олиб чиқар, дуч келган ўлжани отиб, эрмак қиласардик.

Уйига кириб борсам, у бетоб бўлиб ёт-

ган экан. Иситмаси күтарилиб кетган, вужуди оташдек ёнар, ахволи оғир эди. Сигиришимиз ўнирланганини аллақачон эшитган экан.

Авзойим бузуклигини күриб:

— Ол, олавер! Ана у ерда, шифтда осиғлиқ. Ўқ халтаси ҳам ёнида. Оғриб, буйтиб ётиб қолмасам, у аблакни топиб, ўзим отиб ташлар эдим! — деди тишларини гижирилатиб.

Ўқ халтани елкамга осганча мильтикнинг белидан тутиб, юрагимда қасос хисси жунбушга келиб, Темирбекникидан чиқдим. Бутун хаёлим фақат ўч олишдан иборат эди. Қандай килиб бўлса-да ўғрини топиб, шартга отиб ташлайман деган ният билан бошим оқсан томонга кетдим.

Ўғри сигирни етаклаб барибир узокка кета олмайди, деган фикрда эдим. Ахир сигир жонивор от каби илдам юра олмайди. Ўғри қундуз куни одамлар кўзига кўринмаслик учун бирор пана-пастқам жойда қоронги тушишини кутиб, яшириниб ётади. Мен пана-пастқам жойларни тинтиб чиқдим. Бундай пайтда киши ҳар хил хаёлларга борар экан. Молни пана-роқ жойда ҳамтовоқлари билан сўйиб, кечгача дам олайлик дея ухлаб ётган бўлса ҳам ажаб эмас. Ўғри изидан қувиб борадиган эркак киши ўйқлигини ҳам хисобга олган бўлса керак. Бу хаёл нафратимни баттар кўзғаб юборди.

Мильтикни шиқирлатиб, отишга хозирлаб, ўғри нечта бўлса ҳам ҳаммасини отиб ўлдираман, деб ўйлар эдим.

Дала-даштни, тоғу тошларни, пасту баланд жойларни қолдирмай қидириб чиқдим. Боши айланган Мажнундек охири қаёққа бораримни билмай, дуч келган тарафга наридан-бери бориб келавердим. Ҳаво совуқ бўлганига қарамай совқотмас эдим. Совуқни ичимдаги fazabim илитгандай бўларди. Томогим курукшаб, кор олиб ялаб-ялаб кўяман. Укам иккимиз алиштириб киядиган ягона этигимни ҳам аяма-

дим. Орқа-олдимга қарамай ҳаллюслаб югурудим.

Бир маҳал этигим чок-чокидан сўқилиб кетди, оқшом чўка бошлади. Шубҳали кимсани топа олмадим. Бу ёруғ оламда факат мен бордай, бу кўхна дунёда бир шўрпешона ёлғиз мендек, ахволим забун эди. Теварак-атрофда зоф учмайди. Узокларга чўзилиб кетган жонсиз тоғлар, дов-дараҳтсиз тептекис далалар мўлтираб тургандек туларди. Якин орадан на ўғрининг, на сигирнинг садоси эшитилди. Из ҳам йўқ! Узоду якинда хеч нарса кўринмасди.

Шунда менинг калламга ўғрилар говмушни олиб, тўпса-тўғри Жамбулга караб йўлга тушган бўлса керак, деган фикр келиб қолди. У ёқда молни сўйиб, гўштини сотишади. Бу хаёл фифонимни фалакка чиқариб юборди. Чиндан ҳам шундай бўлмаса гўрга эди... Кўп ўйланиб ўтирмай, шаҳарни мўлжаллаб йўлга тушдим. Тун бўйи тинмай юурсам Жамбулга эрталаб етиб боришим мумкин. Мен шунисига ҳам рози эдим.

Шерлигим тутиб, таваккал қилиб тоғ этағидаги катта йўлга — шаҳар йўлига тушдим. Шаҳарда қиласидаган ишимни ўйлай бошладим. Бозорни ахтараман, барча гўшт дўконларини тинтиб, сигириминг терисини топаман. Терисини топсам бас, ўғрининг кимлигини кўзидан билиб оламан. Сўнг қасобхонанинг орқасига судраб чиқиб отиб ташлайман!

Мильтикни маҳкам ушлаб шитоб билан кетиб борар эдим.

Каттиқ ўйга толганим боис текис майдонда эшакли бир оқсоқол келаётганини ҳам пайқамай қолибман. Унинг бошида ранги ўнгиб кетган чарм телпак бор, ўзи фарибона бир кўринишда эди. Бу мискин чолнинг соқолини шабада тортилаб ўйнар, тўрт оёғи ерга тегиб-тегмай пилдираб келаётган эшак хийла чайир кўринарди. У овлоқ бир мозордан чиққанга ўхшарди. Йўлимиз туташчикиб қолди. Хаёлим қочганидан саломни

ҳам унугибман. Қайғуга ботганим аниқ эди. Ёндан ўтиб борарканман, кария менга ўтирилди.

— Бирпас тўхтагин, ўслим! Бировни ўлдирмоқчисан, шекили, — деди дабдурустдан.

— Ҳа! — дедим тап тортмай. — Ҳа, ўлдираман!

Биз юзмә-юз бўлдик. Бир-биризингиз кўзимизга тик қарадик. Унинг юзида кишини ўзига тортувчи бир илиқлик, меҳр бор эди. Кўзлари маънодор, очик чехраси мағтункор эди. У бошини эгиб салом берди. Мен баттар хижолат бўлдим.

— Үндай бўлса, бир оз шошма! Гапимишни эшиш, ўзингни босиб ол. Хўш, нима учун одам ўлдирмоқчисан?

— Эрта-индин турадиган сигиримизни ўғирлаб кетди. Оилада тўртта боламиз. Энг каттаси менман. Онам билан аммам касалманд...

— Ҳа, шундайми? Ёмон бўлибди, жуда ёмон бўлибди! Бироқ гапимга қулоқ сол! Ўч — ёмон нарса. Қарғиш урган ўрини ўлдириш ҳакидаги фикрни хаёлингдан чиқариб ташлашинг керак.

Барibir ғазабимдан тушганим йўқ. Бақириб юборай дейман-у, ўзимни зўрга босиб турибман.

— Тушуниб турибман, болам, — деб сўзида давом этди оқсоқол. — Ҳакиқатан ҳам, ахволларинг оғир экан. Мендек кекса одамнинг гапини ерда қолдирма, ке қўй, ўшани ўлдирма! Бундай ишни хаёлингта ҳам келтирма! Уйингта қайт! Бу ҳаётда номардлик қилган одам шак-шубҳасиз жазосини олади! Гапимга ишонавер! Жазо ҳар доим жиноятчи билан бирга юради. Бирга ётиб, бирга туради. Сен ҳозир уйингта қайтиб, ўрини ўлдиришни хаёлингдан чиқариб ташласанг, охир-окибат баҳтли бўласан. Баҳтнинг ўзи сени излаб топади. Сен мени шунчаки вайсақилик қиляпти, деб ўйлама. Вақти-соати келиб менинг гапларимни эслаб, тўғри айтганимни тушунасан.

Уйингта қайт, қарогим! Онанта бориб менинг гапларимни айт. Мен ҳам ўз ўйлимда давом этайин. Бирор сенга ёмонлик қиласда, уни ўлдиришни ҳеч қачон ўйлама!

Оқсоқолнинг гапларини эшитиб, индамай орқамга қайтдим. У эшагини ўйла солиб илдам жўнаб кетди.

Қаф этган карға, кук деган қузғун учмас бийдай далада шалпайиб, бўшашиб, бояги ўю хайларим парчаланиб, ноилож милтиғимни елкамга осиб олдим. Энди унинг менга кераги йўқ эди.

Кўёш кизарив, ҳайдалмаган, опшоқ қор тўшалган далалар устида оҳиста ботиб бораради. Не қиласимни билмай, астойдил бақириб, ўқириб-ўқириб йиғладим. Йиғидан бутун вужудим титрар эди. Аччиқ кўзёши бетимни ювиб, танам оғирлик килгандай оғимни зўрга судраб босар эдим. Этим яроқиз ҳолга келиб қолган, оғимга аранг илашиб бораради. Қаршимда каттакон гулхан ёнаётгандек бўлиб кўринар, ҳайқирганча ўша ёқка қараб гапириб кетавердим...

Елкамда ўғридан ўч олиб, уни отиб ташлаш учун олиб чиққаним зилдек оғир милтиқ осилганча солланиб келарди...

Қорахатлар

Шакар — кўкка елка тираган Манас тоғларининг этагидаги ёйиқларда жойлашган оувул. Атрофини опшоқ қор ва кўмкўк музлар қоплаган қоялар ҳалқаси қуршаган.

Отамнинг уруг-аймоги Шакарда туғилиб, шу ерда умргузаронлик қилган. Қариндош-уруғимиз кўп эди. Улар қаторида биз ҳам кўп яхши-ёмон кунларни бошимиздан ўтказдик. Уларнинг ёрдами билан пешонамизга ёзилғанни кўриб, насибамизни териб едик. Шакардаги мактабда ўқидим. Отамнинг туғишинг синглиси Қоракиз аммамнинг уйида турдик.

1942-43-йилнинг қиши, уруш барчани бирдек эзиб, ажал уругини уфуриб турган оғир кунлар. Бу даврнинг азоб-укубатини

мен билан тенгдош болалар кўп чекди. Овулдаги ишга яроқли, куч-куввати бор эр-какларнинг бари урушга кетган. Аммамнинг кўёви Дўсали поччам харбий хизматга са-фарбар этилган бўлса-да, фронтга бормай, меҳнат батальонида ишлаб юрган экан. Кўлидан иш келган эркак зоти борки, бар-часи аскарликка олиниб, курол-ярок заводлари ёки бошқа оғир тармоқларда ишлар, ер ковлаб, окоп қазар эди. Айримлари тош, тупроқ ташимоқ учун Магнитогорск шах-рига кетган. Меҳнат батальонидаги шарт-шароит жуда оғир бўлган. Ётар жойнинг тайини йўқ, дуч келган хўракни еб кун ке-чирилган.

Гапни чўзмасдан, мени қандай қилиб колхозга солиқчи-финагент эттанилари тўғриси-даги хикояни бошлайн. Солиқчи бўлишдан аввал колхозда олти ой “ёзувчилик” ҳам қилганман. Бу мустақил ҳаётга қадам кўйиш йўлидаги атак-чечак тажрибаларим эди.

Қандай қилиб мени колхозга секретар-хатчи қилиб олишиди?

У пайтда колхоз раиси шу ерлик чўпон Турсубоев Қобилбек эди. Раҳматли, дунё-дан ўтиб кетди.

Ўшандаёк у олтмишдан ошиб қолган эди. Нихоятда меҳнаткаш Қобилбек оғани қўй бокиб юрган еридан чакиритириб, раислик курсисига ўтқазиб қўйганлар. У отасининг исмидаги илк тўрт ҳарфни “Турд” деб ёза олар, имзо чекиши лозим бўлса, ўша тўрт ҳарфни ёзиб кўл қўярди. Унга рус тилини билган, хат-саводи чиқкан бир ёрдамчи керак эди.

Мен эса ўз вақтида Фрунзе, сўнгра Москвада ўқиб, хат-саводим чиқиб қолган, рус тилини ҳам бинойидек биламан. Бу имко-ниятларим мени ўша пайтлари билимдон-лар сафига қўшар эди.

Қобилбек ака ҳеч кимдан маслаҳат сўраб ўтирай, мени хузурига чакиритириди. Уйга келдими ёки мактабдан олиб кетдими, буни-си эсимдан чиқиби. Хайтовур, кидириб кел-ган чопар мени отига мингаштириб:

— Сени раис чакирипти! — дея Қобилбек аканинг хузурига олиб борди.

Раис менга синчков назар солиб:

— Хў-ўш, қани айт-чи, неча ёшдасан? — дея сўради.

Ўшанда ўн тўрт ёшда эдим. Бироқ мен:

— Ўн беш ёшдаман, — деб жавоб бердим.

— Э-э, баракалла, ўн беш ёшимда мен бир кўра қўйни эслар эдим. Саводинг чиқ-канми?

— Ха, чиқкан.

— Унда, бўлди! Колхозга хат-саводли, одобли ходим керак. Сендан бошқа ҳеч ким йўқ. Ҳамма фронтта кетган. Факат ишга ярамайдиган қари-қартанглару бола-бакра-ларгина қолди. Хайриятки, сен бор экансан. Ўқишингни ташлаб, хат-пат ёзадиган котиб бўласан, маъкулми?

У пайтлarda бундай таклифларга тезда жавоб берилмас эди. Айтишлари биланоқ розилик бермасдан, талашиб-тортишиб, ма-салани пайсалта солиб, сўнгра “ўйлаб кўриб, эртага жавоб берайин” дейиш керак эди.

Биз бўлсак улуғлар — Қобилбек ака каби инсонлар ҳар доим тўғри сўзлайди, уларнинг айтганидан чиқмаслик керак, деган қоида асосида вояга етганмиз.

— Яхши, ишлаб кўрайин-чи, балки эп-лаб кетарман, — дедим мен.

Уйга келишим билан Қорақиз аммам, бу ишдан хабардор бўлса керак, дарров мени сўроққа тутди:

— Ха, болам, улар нима деди?

— Овулга котиб бўл, — деди. Мен қабул килдим.

— Ундан бўлса, дарров иш бошла! — деди аммам. Ичидан мен билан фахрланаёт-ганини сездим.

Туғишиган акаси — отам репрессияда оти-либ, сиёсатнинг ёзиксиз курбони бўлган. Шу боис “халқ душмани”нинг оиласи дея бизни гуноҳкор сановчилар ҳам кўп эди. Шундай бир шароитда ўн тўрт ёшдаги ўспирин-нинг муҳим лавозимлардан бирида ишла-

ши куурланадиган бир воеа эди. Замон шунака эди.

Колхоздаги хатчилик вазифаси менинг ҳаёт тарзимни ўзгартириб юборди. Бу амални бажариш менинг хаёлимга ҳам келмаган, тайёргарлигу тажрибам ҳам йўқ эди. Қисматдан қочиб қутулиб бўлмайди, бир зумда оғир ҳаёт билан юзма-юз келдим. Мен ҳалқ тириклигига оид барча статистик ҳисоб-китобларни тўплаб, уларни ёзиб, йилномаларни, ҳисоботларни, протоколларни, актларни тушиб чиқишим керак эди. Ҳисобкитоб, чорвачилик ва дехкончилик ишларининг барчаси овул кенгаши томонидан бошқариларди. Ёш бошим билан юқорининг ҳар бир кўрсатмасини, ҳалқнинг барча талаб-эҳтиёжини ёзиб, тайёрлаб, керакли жойга етказиш менинг асосий вазифам эди.

Овулдаги машаққатли ташвиш — солик йиғиш ҳам менга юклangan эди.

Августнинг охири, сентябрь бошида колхознинг мендан олдинги солик йиғувчиси ҳам аскарликка олинниб, фронтта жўнади. У урупдан қайтиб келмади, ўқка учб кетди...

Кўп ўтмай, овлуга бир ярадор аскар келди. У ҳасса билан юрар эди. Ўшани хатчи қилиб олишди. Оқсоқ бўлса-да, майдон кўрган, хат танирди. У кишига хатчиликни топширдим. Мен эса солик йиғувчилик вазифасини бажаришда давом этдим.

Солик деганимиз ўша даврнинг энг машмашали, энг муҳим тадбири — уруш солиги эди. Бу билан давлатнинг харажати қопланарди. Хар бир дов-дараҳт, экин-тиқин учун солик тўламоққа мажбурсан, бошқа йўл йўқ! Бева-бечоралар, ночор ва қашшоқ кишилар оғир ахволларини баён этиб, қанча дод-вой килса-да, хеч бири бу соликдан кутула олмас эди. Соликнинг микдори расмий тартибда юкоридан белгиланарди. Мен уни ҳалидан йиғиб, кайта ҳисоб-китоб қилиб, солик бошқармасига ўтказар эдим. Соликка доир барча хужжатларни тайёрлаб, пулни ундириб олганимдан сўнг ўша кишига қўл кўйдириб, икки нусхада тил-

хат ёзар эдим. Тилхатнинг биринчи нусхасини солик идорасига, иккинчисини ўзимнинг журналимга тикиб кўяр эдим.

Янги ишга анчагача қўника олмай юрдим. Борган ерингда пул талаб қилиб, “берсанг-чи, бер” деб қистайсан, ҳамманинг кўзига ёмон қўринасан.

Ўша пайтда молиявий инқироз кучайиб, пулнинг қадрсизланиши тобора ортиб борарди. Қоғоз пуллар қопчиғимга ҳам сифмас, гоҳида шамолда учб кетиб, бошимни қотираарди. Бир пуд жўхорининг баҳоси 3000 рубль, колхозда ишлаган бир ишчининг ойлик маоши эса 50 рубль эди.

Одамлар топганини, кўлга илинган нарсани бозорга олиб бориб пулларди. Иложи йўқлар энг сўнгти молини ҳам сотарди. Уруш солигидан қутулиш учун эл егулик картошқа жўхорисини бозорга элтиб сотар, ақчасини олиб келиб менинг юзимга улоқтираарди. Бизнинг аймоқда кўлга илинадиган неки буюм бўлса, Жамбулдаги Авлиёта бозорида сотилиб кетди.

Энди ўйлаб кўрсам, ўша пайтларда ҳалқнинг сабр-тоқати, фидокорлиги ҳақиқатан таҳсинга лойиқ экан. Бугунги одамлар шундай қийинчиликларга дуч келса, дарҳол кўчага чиқиб дардини дастурхон қиласи, ҳалқ орасига фулғула солади. Уруш маҳалида одамлар очлиқдан тишининг кирини сўриб ўтиришса-да, мажбурий уруш солигини тўламаслик уларнинг хаёлига ҳам келмас эди. Йўқ, бугунги кунда хеч ким ундан қийинчиликларга чидалмайди. У пайтда одамлар норозилик билдиришни хаёлларига ҳам келтирмас эди.

Бу хизмат мен учун ақл бовар қилмас сабоқ бўлди.

Ҳаётни кузатар эканман, ҳар бир уйдаги қийинчиликни, одамларнинг сабру чида мини ўз кўзим билан кўриб, барчасига гувоҳ бўлдим. Ўзим ҳам шундай оғир шароитда яшадим. Улардан ақча олмоқ мен учун бориб турган азоб эди. Йўқ, мен пул белнинг куввати эканини, моддий бойлиқ эканини

ўйлаган эмасман. Фақат бир нарсани – пешона тери, оқ кўнгил, покиза иният билан топилган пул бўлгани учун кутлуг бир ишларга сарф этилиши керак, деб ўйлар эдим.

Кун бўйи машакқатли юмуш билан машфул бўлиб, керосин чироқ ёкилгандагина оқшом бўлганини хис этар эдим.

Қоракиз аммам мен учун жонини жабборга берарди. Шакар билан Арчалида ўша кезда етти юзга яқин хонадон яшар эди. Ҳозир балки мингдан ошгандир. Мен бу икки қишлоқда боғлам-боғлам пулларни санаб олиб, хужжатларни тўлдирадим. Қоғоз пулларни санаб, саралаб тахлаш керак эди. Тўплаган пулларимни ўз вақтида тийинигача банкка элтиб топширадим. Банк эса район марказида эди. Банкка пул билан бирга хужжатларимни ҳам топширас, улар менга тўланган солик ҳақида хужжат – квитанция ёзиб беришарди.

Районда молия бўлими бўларди. Мен тўғридан-тўғри ўша бўлимга бўйсунардим. Бир неча хонадан бўлак ҳеч нарсаси йўқ пастқам бинода ўтирамиз. Транспорт танқислигидан ходимлар бир овулдан иккинчи овулга от билан бораарди. Колхознинг отлари уруш йиллари ориқлаб, кўтарам бўлиб қолган. Ўша замоннинг оғир шароити отларга ҳам таъсирини кўрсатган, улар озиб-тўзиб кетган, ем нари турсин, тузук-куруқ ҳас-хашак ҳам етишмас эди.

Мен ўз ишимга астойдил киришиб, бора-бора кўннишиб ҳам кетдим. Ақчалар билан хужжатларни тайёрлаб, эртанги кунга ҳозирлик кўрар эдим. Тонг сахарда туриб ўйлга тушардим. Тушгача район марказига етиб бораин деб ошиқмани. Ултурмасам, хисоб-китоб қилгунча кеч кириб, орқага қайтмоғим қийин бўларди. Уйга ета олмай ўйлда тунаб қолган вақтларим ҳам кўп бўлган. Бундай пайтлари Шакарга эртаси куни аранг етиб келардим. Энг муҳими – маблагни ўз вақтида банкка топшириш эди.

Бир куни, одатдагидек, яна ўйлга чиқдим. Қоракиз аммам мени кузатиб, сафар-

халтамга яримта кўмоч солиб қўйди. Қишининг қиска куни эди. Ҳаво у қадар совук эмас, устимда енги “елтиғич” шинел бор. У жуда узун ва бесўнақай эди. Узунлигидан отнинг эгарини ҳам беркитар, кўлим эса кўринмасди. Оёғимда этик, бошимда телпак. Хуржунда оғзи боғлиқ халталар тўла пул...

Йўлни яхши биламан. Манзилга тезроқ етиш учун катта йўлдан эмас, яхшироқ эски йўлдан боришга карор қилдим. Грознийдан Кировкага караб кетмоқдаман. Бу теварак-атрофда жойлар русча номланган. Банк Кировкада. Шакардан ўйлга чиқиб, тоғ этагидан юриб кенг далага тушдим. Кун кўтарилиб, чошгоҳ бўлиб қолган. Тўрт тарафимда кўркинчли дарадан бошқа ҳеч нарса йўқ. Отни ўз холига қўйиб, беташвиш кетиб бормоқдаман.

Катта миқдордаги пулни отга ортиб, ярим-ёлғиз ўйлга чиқишиб аслида хавфли эмасми? Пул бор жойда эҳтиёткор бўлмокка мажбурсан. Ҳозир эса катта миқдордаги пул ўқ ўтмайдиган маҳсус машиналарда ташилади. Хавфсизликни таъминлаш учун тегишли чора-тадбирлар ҳам кўрилади. Бироқ ўша даврда мишифини арта олмайдиган болага фронт учун тўпланган катта миқдордаги ақчани топшириб, ўламса отга миндириб, район марказига юборган раҳбарлар ҳечам ёмонликни ўйламаган. Боиси – ўша замонда элнинг нияти, кўнгли шунчалик тоза, шунчалик покиза экан! Ҳозир эса одамлар бир-бирини пул учун ўлдириб, қон тўкишдан ҳам той-маётганини кўриб турибсиз. У пайтда ҳеч ким бундай тубанлик ҳақида ўйлаб ҳам кўрмаган.

Шу алпозда ҳар доим юрадиган илонизи сўқмок бўйлаб катта ўйлга караб кетмоқдаман. Ўз-ўзимча хиргойи ҳам қилиб кўяман. Тасодифан каршимдан бир одам чиқди. Ердан чиқдими, осмондан тушдими, билмай колдим. Боиси – атроф бийдек дала, илон ўрмаласа кўринади. Ҳеч бир шарпани пайқамаган эдим. Каерда

турган экан бу одам? Балки орқамдан эргапшиб келаётган бўлса, қайрилиб қарамаганим учун сезмагандирман. Кўриниши ҳам ғалати: устида увадаси чиқиб кетган чопон, бошида малакай телпак, ёёғида ўрама чориқ. Жағи тортилиб, ичига ботиб кетган, ориқдан-ориқ жуссаси хилвираб турарди. Урушдан ёки қамоқдан қочган бўлса керак, дея ўйладим. Унга яқинлашиб борарадим. Йўловчини пайқамагандек ёнидан ўтиб кетишни мўлжаллаб қўйдим. У менга гап отмаса, шундай килардим ҳам:

— Эй, болакай! Хуржунингда нима бор? Корним оч, ейишга бир нарса томиладими? — деди бехосдан.

Унинг товушини эшитиб сесканиб кетдим. Вужудимни қалтироқ босди. Ҳақиқатан ҳам, бу киши очдир, табиийки, хуржунимдаги нарсани емак деб ўйлаётгандир. Уни шубҳалантирмаслик учун хуржунимда нима борлигини айтсаммикан?

— Эй, нега овозинг чиқмайди? Хуржунингда нима бор деяпман? Картошками ёки жўхорими? Айт деяпман сенга? Нонинг борми? — деди у баланд овозда.

Мендан эса садо чиқмасди. Нима ҳам дейман? Хуржундаги ҳалталарда нима борлигини айтиб, отни чоптириб кетсаммикан? Ичиди картошка ёки жўхори йўқлигини кўриб турибди-ку! Йўқ, мен унга ҳеч нарса дея олмайман. Ишмининг қоидаси шундай. Нокулай бир ахволда колдим. Бир томондан кулгули, иккинчи томондан кўркинчи бир ҳолат эди... Нима бўлса бўлди деб тизгинни маҳкам туттганча отни ниқтаб ёнидан ўтиб кетдим. Унинг ҳайкириги бутун далани тутиб кетди:

— Гапимни тушунмадингми? Тўхта дейман! Ҳалталарингни ерга ташла!

Атрофда ҳеч ким йўқ. Учи-куйруғи йўқ далада жонзот кўринмайди. Бу киши оғзиға келган сўзни айтиб, ўспирип бир болани дўк-пўписа килиб кўркитаман деб ўйлаган. Мен отни устма-уст қамчилар эдим. Бояги одам орқамдан кувиб келарди. У бўғзи йир-

тилгудек бўлиб бакираради. Сўнгра орқамдан тошбўрон қилди. Агар унинг нияти ёмон бўлса, билмайман, бу воқеа қандай тугар эди? Орқамдан чопганча тош отиб чарчади шекилли, узала тушиб йиқилди. Бир неча дакиқадан сўнг ялина бошлади:

— Толиқдим. Оч эканимни кўрмаяпсанми? Олисдан келаётган бир мусофири йўловчиман...

Ҳамон сас-садосиз эдим. Мени бу оғир ахволга соглан нарса — ақча тўлдирилган ҳалгалар эди. Йўқ ёки бор дея олмай изтироб чекардим. Йўловчи эса баттар аччиқланиб, бор овози билан мени сўкар, қарғар эди. Яна қайта-қайта тош отиб, кувлай бошлади. Узоқлашганим сари унинг тоқати ток бўлиб, ҳолсизланиб, оёкларини зўрга судраб босарди.

Ета олмаслигига кўзи етди шекилли:

— Ҳа-а, одам бўлмай ўл! Ҳозирдан шундай тошбагир бўлсанг, каттайганингда ким бўласан? Ёмонлигингдан инсон зотига фойданг тегмайди! — деда кичкиради.

Шу алпозда у мени болаҳонадор қилиб сўкар эди. Ундан кичик бўлганим учун оғиз очиб бир нима демадим. Кошишимнинг сабабини тушунтириш эса имконсиз эди.

Кўп ўтмай отим чопиши нари турсин, хатто оёғини босолмай қолса бўладими! Отдан тушиб, белини бўшатдим. Колхоз отларининг барчаси шундай озғин, ориқ эди. Ем-хашак етишмас, тузни эса онда-сонда кўришарди. Шунга қарамай, одамлар ана шу отлар билан жон сақлар эди. От оёкларини судраганча менга эргашиб келарди. Уни бир оз дам олдирғач, яна миниб олдим.

Шундай қилиб, бу хикоям ҳам оёқлади.

Ўша воқеадан ярим аср ўтган бўлса-да, оч кишининг алам билан ёлворган овози ҳамон қалбимда акс садо беради...

Банкка пулни топширганимдан кейин келган йўлим орқали қайтишга кўркиб, кўшни овулдаги бир танишимизницида ётиб колдим. Уларга йўлда содир бўлган воқеани айтмадим. Эртага Шакарга қайт-

ганимда ўша одам яна йўлимни тўсиб чиқади деб жуда кўрқдим. Шунга қарамай, негадир у билан учрашгим ҳам келарди. Бойиси — хуржундаги халталарим энди бўш эди-да. Унга бирор егулик бериб, кеча қочиб кетганим сабабини тушунтириб, халталаримни кўрсатмоқчи бўлдим. Одамларнинг қону жони эвазига тўпланган пулларни халталарга солиб банкка элтиб топширганимни, бу ақчалардан бир тийин ҳам олишга хаққим йўқлигини тушунтиromoқчи эдим.

Чиндан ҳам унга дуч келсам, Жамбул бозорида ёки йўл-пўлда тасодифан қаршимдан чиқиб колса, не қиласр эдим? Шундай ўйлар бошимда фужрон ўйнади.

Бу воқеа ҳам ўспиринлик хотираси ўла-роқ ёдимда қолди. Бийдек даладаги ўша афтодаҳоқ кишига ёрдам бера олмаганим учун ўзимни койиб юрдим. Бир томондан, жавобгарликни ўйлаб тўғри килгандирман деб ҳам қўяман.

Ўша одамни қайта учратмадим. У бизнинг атрофдаги оувуллардан эмас эди. Ҳар холда, назаримда, у қамоқдан кочган, қасалманд, хаёт шами сўниб бораётган бир бенаво эди.

Кейинчалик Фрунзеда Қишлоқ хўжалиги институтида ўқиб юрганимда ўша одам бирор жойда кўққисдан дуч келиб қолармикан деган ўй бот-бот хаёлимга келган. Худо ярлақаб шундай учрашув юз берса, ахволни батафсил тушунтириб, ундан узр сўрардим. Айтгандек, ўша одам менинг адабиёт дунёсига кириб, қалам тутишимга ҳам сабабчи бўлган.

Бошимдан кечган оғир кунларни тасвирлаб, бошқаларга айтиб бермөқ учун адабиёт деган сеҳрли бир дунёга киришга тўғри келди. Бир инсон каби бу дунёда кўрган-билгандаримни қоғозга туширсан одамлар наф кўрадилар-ку, деган бир ўй менга таскин беради.

Ўша машъум йилларда фронтда ҳалок бўлганлар хабари битилган “корахат”ни

шахидларнинг уйига элтиб топшириш ҳам менинг' зиммамда эди. Мен бу жирканҷ юмушдан ақл бовар қилмас даражада оғир азоб чекардим.

Колхозда хатчи ва солиқ тўпловчи бўлиб ишлаган кунларимнинг ҳаётий тажрибам ортишидаги ўрни алоҳида. Ўша кўрган-билгандарим таъсирида илк киссаларимни ёздим. “Юзма-юз”, “Сомон йўли”, “Эрта кайтган турналар”, “Жамила”, “Альвио, Гулсари” каби асарларим ўша йилларнинг сабоқлари ўла-роқ дунёга келган. Буларнинг барчаси болалигимда бошимдан кечирган оғир кунларимнинг хотираси, бадиий ифодасидир.

Уруш даврининг воқеалари азоб бергувчи, кишининг юрак-бағрини эзиб юборгувчи ҳикоялардир. Болалигим инсон қалбига вахм солгувчи кўрқинчларнинг, чидаб бўлмас азоб-уқубатлару одам боласини эзиб, янчиб ташлайдиган қайфу-аламнинг кўк ўртасида.

Орадан анча йиллар ўтгач, Кобилбек aka билан ўтириб Шакарда кечган кунларимизни бир бошдан эсладик. У киши узок яшади. Невара-чеварали бўлди. Кобилбек aka менга оддий бир ходим каби эмас, ўз ўғлидек кўриб муомала қиласр эди. У киши мени хаётда кўп нарсаларга ўргатди. Жуда тажрибали, дили тоза, донишманд одам эди.

Ўша йиллари бўйим ўсмай, тенгкурларимдан анча кичик кўринар эдим. Ўн тўрт ёшга кирган бўлсам-да, бўйим паст эди. Ўн олти-үн етти ёшдан бошлаб бўйга тортдим. Қисқаси, мен жуда кеч ўсдим. Шу боис отга минишда қийналар эдим. Аввал узангига осилиб, отнинг ёлидан тутганча чап оёғимга таяниб, зўрга эгарга ўтириб олар эдим. Чап оёғимни узангига кўйиб, ўнг оёғим билан эгардан ошиб, элқатори отга минган эмасман. Шунданми, бу иш мен учун кони азоб эди. Ҳеч кимда йўқ, ҳеч нимага ўхшамайдиган, қўпол ва узун пальтом ҳам бунга ҳалақит берар эди. Шунинг учун ҳам мен бошқаларнинг кўз ўнгидаги отта минишга ийманар эдим. Отни

чукуурроқ жойга олиб бориб, эгарга сакраб ўтирад эдим. Қобилбек aka буни се-зиб қолибди. У киши индамай келиб, икки кўли билан мени кўтариб эгарга ўтқазиб кўяр эди.

— Кани, ха де! Ўтирдингми, бор энди, ишингни қил! — деб далда берарди.

Кўп йиллардан кейин икковимиз мен отга қандай минганимни хотирладик...

Совуқ хабар ёзилган мудхиш қорахатларни эгасига топширишни ҳам менга Қобилбек aka буюрган. Бу ҳужжатнинг оти “корахат” эди. Ҳафтада йўқ деганда бизнинг овулга иккита шундай хат келарди. У пайтда шаҳардан бир ҳафтада икки маротаба почта олар эдик. Фронтдан соғинч ва армон тўла хатлар ҳам жўнатиларди. Одамларга бундай мактубларни улашганимда улар чексиз суюнишар, ўлим хабари келгандა эса...

Урушда улусимиздан кўп одам қурбон бўлди. Кўплари эса дом-дараксиз йўқолиб кетди.

Қобилбек раис қорахатларни муҳим ҳужжат деб хисоблар, шу боис уни хат-саводли бир киши эгаларига расмий равишда ўқиб бериши керак деб бу машаққатли вазифани менга юклаган эди.

Оувулдан бирор оиласа қорахат келса, оқсоқоллар ҳузурига бориб воқеани тушунтирас эдик. Улар эса аввал ҳалок бўлган кишининг яқинларини чакириб, бўлган воқеани айтиб, ўзаро маслаҳатлашгач, сўнг мени эргаштириб марҳумнинг уйига боришар эди. Мен оила аъзоларига қорахатни ўқиб берардим. Қўни-қўшни, узок-яқин қариндошлар тўпланиб уввос солиб йиғлар, дод-фарёд кўтарарди.

Бу аянчли йигилардан қулогим битиб колар эди.

Хотин-халажк бир-бiri билан ёнма-ён, елка ушлашиб, кўш-кўш бўлиб бўзлаб йигилар, эркаклар “бовурим” деб бор овозда ўкириб-ўкириб кўзёш тўкар, фала-ғовур бошланарди. Мен ҳам тақдиримга тан берган, тушкун ва ўксик бир аҳволда шу олаговур орасида тошдек қотиб ўтирад эдим. Ўзимча: “Нима учун қорахатни доимо мен топшираман? Нега кунора ёмонликнинг хабарчиси бўлиб бировнинг уйига кириб бораман? Нима учун ўша хатни ўқиб берганим етмаганидек, бу азобу қубатларнинг гувоҳи бўлиб ўтираман?” деб изтироб чекардим.

Огулимиздагилар мени яхши танир эди. Улар менга ёмонликни рано кўрмас, кимгадир қорахат топширмок, ўлим хабарини етказмоқ зиммамга юклантган вазифа эканини тушунарди. Гоҳида ўз ишим билан кўчадан ўтиб кетаётган бўлсан ҳам аёллар менга қараб айоҳаннос солар эди.

— Кирма бизникига! Йўқол кўзимдан! Ха-а, қоранг ўчсин! Қани, даф бўл-чи! — деб бакиради.

Мен нима ҳам қилардим? Вазифамни бажаришга мажбур эдим. Улар эса мудом менга қараб қичкифарди:

— Қачон келсанг, факат ёмонлик олиб келасан! Уйимизни куйдирасан! Хонумонимизни барбод киласан!..

Замоннинг менга юклаган оғир хизмати — ҳатчилик билан солиқ йиғувчилик ёшимга ярашмаган улқон жавобгарликни зиммамга ортар, ўша пайтлари одамлар ҳаётини издан чиқариб юборадиган мудхиш вазифани бажаришга мажбур бўлган эдим...

Oxiri kелгуси сонда

Наим КАРИМОВ

Behbudiyning so'nggi kunlari



Туркистанда жадидчилик ҳаракатининг юзага келиши, биринчи навбатда, Махмудхўжа Беҳбудий номи билан боғлиқ. Унинг 1919 йил баҳорида дафъатан гойиб бўлиши, сўнгра сирли ўлими ҳақида хабар тарқалиши бутун Туркистон ҳалқини ларзага келтириди. Шундан кейин қанчалик узоқ вақт ўтмасин, Беҳбудийнинг ўлими ҳақидаги ҳақиқатни билиш, у дафн этилган жойни аниқлашга қаратилган изланишлар ҳамон давом этиб келмоқда.

Сирли ўлим. Ҳожи Муиннинг “Муфти Махмудхўжа ҳазратларининг қандай шаҳид бўлғонлиги ва онинг томонидан ёзилғон “васиятнома” мақоласи аввал Шерали Турдиев (1988 йил 16 сентябр), кейин Жўра Худойбердиев (1993) томонидан эълон қилиниши натижасида Беҳбудий ўлими ҳақида ги 1922 йилги “Инқилоб” журнали версияси яна адабий ва илмий жамоатчилик ўтарасида бирдан бир ҳақиқат сифатида яшай бошлади. Бу версияга кўра, “Беҳбудий афанди ва йўлдошлари Шаҳрисабзда кўлга тушиб, тахминан иккى ойдан сўнг Қарши шаҳрига юборилиб, онда (зинданда) бир неча кун ётқондан кейин шаҳид қилинғон”.

Ҳожи Муиннинг ёзишича, 1921 йил март ойида “Бухоро тупроғи”дан келган Ҳожи-мурод Ҳудойберди ўғли Беҳбудий йўлдошлари Мардонкули Шомуҳаммад ўғли ва Муҳаммадқул Ўринбой ўғли билан бирга Қарши шаҳрида Қарши беги Тогайбек томонидан шаҳид этилгани хабарини берган. Бу маълумотга кўра, Беҳбудий ва йўлдошлари кўлга тушганидан кейин Қарши беги уларни чақириб: “Сизлар нима учун кўлга тушдингиз?” деб сўраган. Беҳбудий Байтулоҳни зиёрат этиш мақсадида Самарқанддан чиққани, аммо йўлда амир маъмурлари томонидан “жадид, коғир ва тилчи” сифатида кўлга олинганларини айтган. Орадан бир қанча вақт ўтгач, гўё амирдан қатл буйруғи келган ва Қарши беги шу буйруқни бажарган.

Ҳожи Муин маълумотига кўра, Беҳбудийнинг фожиали ўлими тўғрисидаги мазкур хабар 1921 йилнинг март ойида келган. Аммо Фитрат, Чўлпон ва Садриддин Айнийнинг Беҳбудий вафотига бағишланган шеърлари 1920 йили ёзилган. Устод Айний ҳатто бир шеърининг ёзилган санасини “1920, IV” деб аниқ қайд этган.

Демак, айтиш мумкинки, Беҳбудийнинг со-диқ дўйстлари ва издошлари бу воқеадан бир йил ўтгач, 1920 йил априлида хабар топган. Улар шу вақтнинг ўзиданоқ Беҳбудий ўлими сирларини билиш, унинг жа-сади қаерга дағн өтилганини аниқлаш ҳаракатига тушган. Фитрат шеърини “Беҳ-будий сағанасини изладим” деб номлаши тасодифий эмас. Аммо бу шеърда шо-ирнинг узот сағанасини топган-топмагани тўғрисида аниқ фикр учрамайди. Лекин шеърнинг қуйидаги сўнгги сатрлари бизни ўйлашга мажбур қилади:

*...Бир дарак топмагоч, бирдан бир тикилди,
Бор кучин тўплади,
Золимнинг таҳтини титратган бир товуши
Қичқирди:
— Отамнинг қабрини қай ерга ёшурдинг?!*
Бот сўйла!..
Кирли тож кўб қўрқди ботир товушдан,
Сесканиб, титраб... ёшунди
Бир жавоб бермасдан.

(Фитрат. Танланган асарлар, 1-жилд.
Тошкент, 2000, 40-бет.)

Бу сатрлардаги “золимнинг таҳти”, “кирли тож” сўзлари кимга қаратилган? “Буҳоро инқилоби” ҳали содир этилмагани, Фрунзе бошчилигидаги қизил кўшиннинг амирликни тор-мор этиш режаси эса ҳали шаклланиб улгурмагани учун Фитрат бу сўзларни ёзганида, хоҳлаймизми ёйўқми, амир ва амирликни назарда тутган бўлиб чиқади. Беҳбудий вафоти етти йиллигининг кенг нишонланиши, совет матбуотида Беҳбудийга бағишлиланган кўплаб мақолалар чоп этилиши, Самарқанд театрида бу “аср фожиаси” ҳақида ҳикоя қилувчи “Маърифат курбонлари” спектакли намоиш этилиши, ниҳоят, 1926 йили эса Қарши шахрига Беҳбудий номининг берилиши Совет давлатининг Туркистон жадидлари отасига бефарқ қарамаганини англатади. Бу фактлар: “Беҳбудий ким томонидан ўлдирилган?” деган саволга узилкесил жавоб бергандек бўлади.

Фожиа арафасида. Энди Беҳбудий ҳаётининг 1917 йилдан кейинги бизга маълум саҳифаларини варақлаб кўрайлик.

1917 йилнинг март ойи. Тошкентда ўтказилган Туркистон мусулмонлари курулто-

йида Туркистон мусулмонлари шўроси миллий маркази сайланиб, унга Убайдулла Хўжаев, Носирхон Тўра, Мухаммад Тинишбоев билан бирга Беҳбудий ҳам аъзо бўлиб киради. 1917 йил Февраль инқилобидан кейин тузилган бу марказнинг ўз олдига қўйган асосий вазифаси тарихий имкониятдан фойдаланиб, Туркистондаги сиёсий вазият жиловини кўлга олиш эди. Марказ аъзолари шу мақсадда Туркистон ўлкаси ижрою кўмиталарининг 99 нафар делегати европалик ва 72 нафари маҳаллий вакиллар бўлган курултойидаёт (1917 йил 9-16 апрель) ана шу вазифани бажариша киришади. Беҳбудий курултойда “ўзини ўзи идора қилиш органлари тузилган чоғда мутаносиблик принципи ўрнига европалик аҳолига барча ўринларнинг учдан бир қисмини беришни таклиф қилади”.

Мазкур курултойда иштирок этган Давлат Думаси аъзоси Н.Н.Шчепкин бутун ўлкани идора қилиш ишини фақат европаликлардан иборат Туркистон кўмитаси ихтиёрига топширишни таклиф этган. Елпатьев деган делегат бу таклифи кўллаб-куватлаганида Беҳбудий бундай лукма ташлайди: “Йўриқномаларни ким чиқаради? Бизми ё Туркистон кўмитаси? Демократик асослар йўқ бўлиб кетди, биз нима учун бу ерга тўпландик ва жойларга нима билан қайтиб борамиз? Буни тушуниб бўлмайди. Туркистон кўмитасининг аъзолари бизнинг ҳаётимизни билмаганлари ҳолда идора қилиш учун йўриқномалар чиқарармишлар” (Ўзбекистоннинг янги тарихи. Иккинчи китоб. Ўзбекистон совет мустамлакалиги даврида. – Тошкент, 2000, 29-бет).

1917 йилнинг август ойи. “Кенгаш” газетасида мустақиллик йўлида саъи-ҳаракат қилаётган туркистонлик тараққийпарварларнинг Мухторият дастури эълон килинади. Дастурни тайёрлашда Беҳбудий фаол иштирок этади.

1917 йилнинг июль-сентябрь ойлари. Февраль инқилобидан кейин тузилган “Шўро ислом” ва “Уламо” жамиятлари ўртасида бошланган низо нафақат зиёлилар, балки улар ортидан эргашган аҳолининг ҳам парчаланишига олиб келган эди. Шу сабабли Беҳбудий “жадид”лар билан “қадим”лар ўртасидаги низони бартараф

этишга, зиёлилар билан бойларни, улар орқали эса миллатни бирлаштиришга, жамиятда демократик ислоҳотлар ўтказишга қаратилган чиқишилар қиласди.

1917 йилнинг 26-29 ноябрь кунлари. Кўёнда Ўлка мусулмонлари IV фавқулодда курултойининг очилиш маросимида Беҳбудий ҳайъатта турли мусулмон гурухлари билан бирга рус, яхудий ва бошқа халқларнинг вакилларини ҳам киритишни таклиф этади. Мустафо Чўқаев, Убайдулла Хўжаев, Сайдносир Миржалилов, Обиджон Маҳмудов ва Беҳбудий курултойда сайланган Халқ мажлиси таркибига аъзо бўлиб киради. У "Хуррият" газетасининг 1917 йил декабрь сонларида Туркистон мухториятининг барпо этилгани ҳақидаги хабарни халққа етказувчи мақолалар билан чиқиб, айни пайтда мухториятили республика масаласида большевиклар билан мухториятичилар ўртасида пайдо бўлган зиддият сабабини тушунириб беради.

1918 йил 19-20 февраль кунларида Туркистон мухториятининг зўравонлик йўли билан тутатилиб, Фарфона водийсининг қонга ботирилиши Мухториятга катта умид боғлаган Беҳбудийда Совет давлати ва унинг Туркистондаги вакилларига нисбатан шак-шубҳасиз нафрат ўйғотади. 1917 йилнинг июль ойидаёт Ҳақ олинур, берилемас" сингари публицистик мақолалар билан чиқиб, аҳолини, айниқса, ёшларни ҳуррият учун курашга даъват этган Беҳбудий Мухторият тор-мор этилганидан кейин "куролсизланмайди". Аксинча, у энди ҳуррият учун курашнинг яширин жабҳасидан ўрин эгаллади.

Афсуски, Беҳбудийнинг кейинги ҳаёти тўғрисида етарли маълумотга эга эмасмиз. Бу ҳақда фақат Садриддин Айний хотирасидаги мана бу сўзлар бор, холос:

"Беҳбудий ҳазратлари билан кейинги мулоқотларим:

1917 йил Бухородан Самарқандга ҳижрат қылғанимдан кейин бир йил муддат касал эдим. Фурбат, хасталик. Кимсасизлик вақтларимда марҳум ҳар вақт мени йўқлаб турди. Маънавий оғирликларимни енгиллаштиришда саъйлар қилди. 1918 йилда муаллимлик билан шуғулланган замонларимда меним мактабимга кўп келар, таълабаларни ташвиқ этар эди.

Муаллимлар мажлисидан ва бошқа мажлислардан ҳеч бир қолишмас эди.

1919 йил февраляда Тошкентта бориб қайтиди. Мактаб программи ва Тошкентдағи илмий ҳоллар билан Самарқанд муаллимларини таништироқ учун муаллимлар мажлисини чақиришга буюрди. Лекин ўз ҳолатининг хилофинча ушбу мажлисга келмади (*таъкид бизники – Н.К.*). Шундан кейин кўчада кўрушуб, мазкур мажлисга нима сабабдан келмағонини, иккинчи мажлис учун қайси кун тайинланса кела олишини сўрадим.

"Хозир бир оз хастаман, қайфиятим ва фурсатим бўлса, хабар берарман", деди.

Мана бу охирги қўришувимиз бўлди. Орадан бир неча кун ўтар-ўтмас, сафарга чиқиб кетғонлигини ҳам шул сафарда Қарши шаҳарида шаҳид бўлғонини эшитиб, ҳайрат ва ҳасратда қолдим" (Садриддин Айний. Беҳбудий ҳазратлари тўғрисида хотираларим, – "Ўзбекистон адабиёти ва санъати", 1988 йил 15 апрель).

Беҳбудий қаерга ва нима мақсадда бормоқчи бўлган? Беҳбудийнинг Қарши бегига Байтуллоҳи зиёрат этиш мақсадида сафарга чиққани тўғрисидаги сўзлари тутқунликка учраган кишининг вазиятдан чиқиш учун топган баҳонасидан бошқа нарса эмас. Агар Беҳбудий шу мақсадда ёки бошқа бир маҳфий бўлмаган иш юзасидан сафарга чиққанида Самарқандда қолган "ўртоқлари Сиддиқий, Айний, Фитрат, Қори ва Акобир Маҳдум"га, "ўғлонлари Вадуд Маҳмуд, Абдулқодир Шакурий"га бу ҳақда айтган, жиллақурса, бу кишилардан ақалли бирортаси унинг қаерга ва нима мақсадда кетаётганидан хабар топган бўларди.

Бизга яна шу нарса маълумки, Беҳбудий "Иттифоқ" жамиятининг саъй-ҳаракати билан 1918 йили Мусулмон маориф шўйбасига мудир, ўша йилнинг 9 майида эса Маориф комиссари этиб тайинланган, Худди шу вақтда у лавозим талаби билан Самарқанддаги мактабларга тез-тез ташриф буюриб, бу мактаблардаги мажлисларда фаол иштирок этган. Лекин маҳаллий зиёлиларга нописандлик билан қаровчи европа миллатига мансуб шовинистлар Беҳбудийни назар-писанд қилмай, унга нисбатан ҳақоратли муносабатда

бўлган. Беҳбудий бундай шароитда ишлашини хоҳламай, истеъфога чиқкан. Оси-пов кўзголонидан кейин эса Самарқандда ноҳақлик авжига чиқкан, бегуноҳ кишилар қамоқقا олинган, маориф иши таназзулга учраб, диний қадриятлар оёқости қилинган.

Мазкур ноҳуш жараёндан хабардор Заки Валидий ўз хотираларида Беҳбудийни назарда тутиб, бундай ёзган эди: “Бу ишларга бирор чора топа олурманми?” деб февраль ойинда Тошкентга борди. Лекин бу сафардан ҳеч бир натижани кўлга киргиза олмади” (Беҳбудий Махмудхўжа. Танланган асарлар. — Тошкент, 1999, 33-бет).

Маълумки, шу йилларда Туркистоннинг мустақиллиги йўлида кураш олиб борган зиёлилар бир томондан Англия, иккинчи томондан Туркия сингари давлатлардан ҳарбий ёрдам олмоқчи бўлган. Ўз навбатида, Туркистоннинг Россия тасарруфидан чиқиб кетишини истаган ва бундан манфаатдор бўлган давлатлар ҳам ўлкадаги муҳолиф гуруҳлар билан алоқа ўрнатишга интилган. Беҳбудийнинг 1919 йил февралида Тошкентга келиб кетиши ҳам, бизнингча, ана шу ҳар икки томоннинг бирбири билан яқинлашиши йўлидаги саъй-ҳаракат натижаси эди. Бинобарин, унинг мақсади манфаатдор хорижий давлатлар билан алоқа ўрнатиш, улардан ҳарбий, моддий ва маънавий ёрдам олиш эди.

Беҳбудий, тахминимизга кўра, шу сафар чоғида Туркистон Мухторият ҳукуматининг барпо этилишида фаол иштирок этган маслақдош биродарлари билан учрашган. Улар икки гуруҳга ажralиб, Беҳбудий бошлигидаги бир гуруҳ Самарқанддан, таникли маърифатпарвар, Мухторият ҳукуматининг хазиначиси Сайдносир Миржалилов бошлигидаги иккинчи гуруҳ эса Тошкентдан махфий равишда йўлга чиқиб, Бокуда учрашиш ҳақида келишиб олган.

Сайдносир Миржалиловнинг сирли рашида фойиб бўлишидан ҳавотирга тушган оиласи аъзолари унинг ёр-дўстларига хат орқали мурожаат этиб, у ҳақда маълумот сўрашган. Ҳамза номига ёзилган шундай хатлардан бирида бундай дейилади:

“Хурматлу Ҳамза, Сиз бир хат ёзиз киргизгансиз: “Сайдносир уйига келган”, деб.

Ул бекор гап. Ҳар одам ҳар турли сўзлар суйли. Агар ул келган бўлса, бизлар Кўқонга ҳам Тошкентга одамлар юбориб ўтиради эдими? Ҳамма душинмай, бизнинг устиндан инидийгина сўз сўзламий. Бизла шул сўзга қараб, ўлмай тирик ўтирамиз. Ҳеч бир хабар эшитмай, кўзимиздан қон-ёш тўгуб, куни-туни хафа турамиз. Агар тирик бўлуб Носир келган бўлса, Сиздан кочурмаёқ кўяр эдик, чунки Сизни душман деб ўтирганимиз йўқ... Кони, ул тирик бўлуб, олдимизга келса. Бизлар они кўзимиз билан кўрсак, Худога минг шукрлар килсан-да, оз бўлур” (Ҳамза Ҳакимзода архивининг каталоги, 20-том. Тошкент, 1991, 309-бет).

Маълум бўлишича, Сайдносир Миржалилов шу вақтда Бокуга етиб бориб, Беҳбудийнинг келишини кутган. Беҳбудий белгиланган вақтда келавермагач, у ташвишланиб, Бухоро ва Самарқанддаги биродарларига хат орқали мурожаат этган. У 1925 йил 20 декабрда бўлиб ўтган тергов пайтида бундай сўзларни айтган:

“Кўқон Мухторият ҳукумати тарқатилганидан кейин мен Ҳалқ кенгаси аъзоси ва (Мухториятнинг) хазиначиси сифатида яширинишга мажбур бўлдим. Дастрлаб Туркистондаги уйимда яшириниб яшадим, кейин Тошкентга келиб, Куропаткин кўчасидаги уйимда истиқомат қилдим... Тошкентда кўп бўлмай, Красноводск орқали Кавказга бордим. Бу воқеа тахминан 1918 йилнинг мартада рўй берган.

Кўқон мухториятининг бошқа қатнашчиси — Мустафо Чўқаев эса Россияга борди, Обиджон Маҳмудов ҳам худди шундай йўлни тутди. Мен бўлсан, Красноводск орқали тўппа-тўри Астраханга бориб, у ердан Москвага йўл олдим. Мен у ерда Маҳмудовни учратиб, у билан битта меҳмонхонада турдим... Маҳмудов ўзининг савдо ишлари билан машгул бўлди. Убайдулла Хўжаевнинг қаерда яшайдиганини билмас эдим. Кейин ўзидан эшитсан, Тошкентда яшириниб яшаган экан.

Мен Москвадан Киев ва Одесса орқали Истанбулга бордим. Истанбулга борганимда 1918 йилнинг ёз ойлари бўлиб, шу пайтда ҳокимият тепасида Анвар пошо турарди. Мен меҳмонхонада яшадим. Ўша вақтда Истанбулда Нуриддинбек Худоёр-

хонов, Фози Юнусов (татар) ҳам ўша ерда әдилар. Мен Истанбулда эканимда Садриддинхон ҳам келди, бир ўзи. Шерали Лапинни ҳам, Нуриддинхўжа Мусабоевни ҳам у ерда кўрмадим. Мен мазкур сафар чогида Истанбулда бир неча ой яшаб, кейин Ботум орқали инглизлар босиб олган Бокуга қайтиб келдим...”.

Сайдносир Миржалилов ва унинг юқорида номлари зикр этилган маслакдошлири большевиклар тазиқидан қочиб эмас, балки уларга қарши курашни бошқа бир жабҳада давом эттириш ва хориждан мадад олиш мақсадида Туркияга борганлар. Акс ҳолда, у Боку орқали яна Тошкентта қайтиб келмаган, орадан маълум вакт ўтгандан кейин эса яна Туркияга йўл олмаган бўларди.

У Беҳбудийнинг белгиланган муддатда Бокуга етиб келмаганидан қаттиқ ҳавотирига тушади. Юқорида айтиб ўтганимиздек, Бухоро ва Самарқанддаги ёрдўстларига мурожаат этиб, Беҳбудийнинг тақдири ҳақида маълумот беришларини сўрайди. Наим афанди (Беҳбудийнинг Туркия фуқароси бўлғанлиги сабабли тирик қолган яккаю ягона ҳамроҳи) Бокуга етиб келгач, даҳшатли фожия ҳақида хабар топиб, Истанбулга Беҳбудийсиз бориша мажбур бўлади.

Фози Олим Юнусов шу вақтда Нуридинбек Худоёрхонов билан Истанбулда туркистонлик биродарларини кутаётган эди. Фози Олим 1937 йил 25 декабрда терговчининг Туркияга нима мақсадда боргани ҳақидаги саволига жавоб бериб, бундай деган:

“Мен Нуриддинбек Худоёрхонов билан бирга Туркия ҳукумати ҳамда “Иттифоқ ва тарақкий” партияси билан учрашиш, улардан Туркистонни Совет Россиясидан ажратиб олишга қаратилган ишимизда ёрдам ва кўрсатмалар олиш учун борганман. Мен хавфсизлик вазири Азизбей орқали Тальят пошога мурожаат этганимда, у мен билан Сайдносир Миржалиловга Туркистонни Совет Россиясидан ажратиб олиш масаласини Миллатлар Лигаси олдига қўйиш лозим, деди ва бунинг учун Женевага боришини маслаҳат берди”.

Фози Олим Юнусовнинг тергов пайтида айтишича, Тальят пошо туркистонлик-

ларга ёрдам тариқасида фақат Кўпруулузодани ҳамроҳ сифатида қўшиб беражагини айтган. Аммо туркистонликлар Женевага боришига рози бўлмаган.

Тергов материалларида уларнинг Туркияга борищдан кўзлаган мақсадига ойдинлик кири тувчи бошқа маълумот йўқ. Хар иккала мухториятчи Туркистонни большевиклардан озод этиш, бинобарин, Беҳбудийнинг сўнгги сафари билан боғлиқ мақсад ва режаларини ошкор этмаган.

Беҳбудийни ким ўлдирган? Сўнгги йилларда Беҳбудий ўлими сирларини ўрганиш билан фаол қизиқкан, бир неча мақолалар эълон қилган журналист ва адабиётшунос Халим Сайиднинг ёзишича, Беҳбудийнинг фойиб бўлгани ҳақидаги илк расмий хабар улар чиқиб кетганидан бир ой кейин “Мехнаткашлар товуши” газетасининг 1919 йил 23 апрель, иккинчи хабар эса ўша йилнинг 20 ноябрь сонларида берилган. Сўнгги хабарда, жумладан, эътиборга молик бундай маълумотлар бўлган:

“Темурхон афандининг (Халим Сайиднинг ёзишича, Биринчи жаҳон уруши арафасида Истанбулга ўқишига кетган самарқандлик киши — Н.К.) маълумотига кўра, Беҳбудий афанди Самарқанддан чиқиб, Бухоро музофотида хибс қилингони ҳамон бу хабар Бокуда шойиб бўлғон. Бокуда турғувчи туркистонли Сайд Носир исмли бир зот бир восита топиб, Бухородан Беҳбудий ҳақинда маълумот сўраб, тахлиси (халос қилиш — Х.С.) учун кўшиш қилғон. Лекин бу ҳақда Бухородан ҳеч бир хабар ола олмағон.

Бу мавсук (аник) хабардан маълум бўлурки, мундин бурунроқ Москвадан келиб, “Иштирокион” газетаси идорасинда “Беҳбудий афанди Кофқозда экан” деб хабар берган И.М. афандининг сўзи ҳам, Хорижия комиссарияти воситаси-ла Мусулмон ўлка бюросининг Беҳбудий афанди ҳақинда сўрагон саволига Бухоро ҳукуматининг “Маҳмудхўжа Беҳбудийни хибсанд чиқариб, узатиб эдик” деб берган жавоби шубҳали хабарлар қисминдандур” (Халим Сайид. Мажбурий “ҳаж” тафсилотлари. “Ўзбекистон адабиёти ва санъати”, 1995 йил 14 апрель. Ушбу мақоладан иқтибос-

лар бундан кейин қавсда **Х.С.** белгиси билан берилади).

Ушбу кўчирмада қайд этилганидек, Ўлка мусулмон бюроси Хорижия комиссарлиги орқали Беҳбудийнинг тақдири ҳақида маълумот беришни сўраб, Бухоро күшбегисига мурожаат этган. Ундан ўз вақтида жавоб келмагач, РСФСРнинг Бухоро амиргидаги Фавқулодда вакилидан шу масалада ёрдам беришни илтимос қилган. Мазкур вакил ўша йилнинг 4 августида күшбегига Беҳбудий ҳақида маълумот беришни сўраб хат ёзган. Фавқулодда вакил бу хатга жавоб ололмагани сабабли 14 августда күшбегига қуидаги хат билан иккинчи маротаба мурожаат этишга мажбур бўлган:

“РСФСР
Полномочный представитель Российской
и Туркестанской Республики в Бухаре
14 августа 19 г. № 3004

Достопочтенный Күшбеги
Османбек бию Диванбеги

По дружбе прошу Вас, Достопочтенный Күшбеги, сделать распоряжение о скорейшем доставлении мне сведений о причинах ареста Беҳбуди, о чем просил Вас 4 сего августа за № 2754.

Желаю Вам здоровья и милостей Его Высочества Эмира.

Полномочный представитель
в Бухарском ханстве
Зав Управляющего канцелярией”.

(Ўзбекистон Марказий Давлат архиви,
1-126-фонд. 2004-иш, 4-варак)

Күшбеги Фавқулодда вакилнинг мазкур хатига қуидаги жавобни йўллаган:

“Копия отношения Бухарского Күшбеги
от 17 августа за № 775 на имя
Полномочного представителя
в Бухарском ханстве

Вследствие Вашего письма от 10 июля 1919 г. за № 2560, касательно Махмуд Ходжа Бегбуди, Мулла Мухаммед Урунбаева и Марданкули Шамухамедова, мною было предписано Каршинскому беку о том, чтобы сообщили причину ареста их. Наз-

ванный бек сообщил мне, что названные лица во время волнения среди населения перешли границу; охрана, стоящая на границе, задержала их и представила беку. Во время допроса их выяснилось, что путешественники намереваются ехать в Мекку на поклонение, вследствие чего названным беком были задержаны и об этом доложено Его высочеству Эмиру. По соизволению Его высочества названным путешественникам было разрешено продолжать свой путь. После чего они свободно выехали из Каршинского бекства, т.к. по сообщению бека, они были заключены под стражу.

Бухарский Күшбеги
Верно: зав. отд(елом)
(подпись”)

(Қаранг: Рыскулов Т.Р. Сабрание сочинений в 3-х томах. — Том 1. — Алматы, 1997 г. — С. 261-262.)

Мазкур жавоб хати Тошкентда, Туркистон Хорижия комиссарлиги Иш бошқармаси томонидан 1919 йил 1 сентябрда олингани қайд этилган.

1918 йил март ойидаги қонли воқеаларга қайтсан.

Мазкур шармандали мағлубият туфайли талвасага тушган Ф. Колесов битим тузиш мақсадида амир ҳузурига чор маъмурларидан Введенский билан Ҳайдар ҳожи Мирбадаловни элчи қилиб юборади. Амир Колесовнинг таклифига жавобан агар у Файзулла Ҳўжаев, Фитрат ва Абдувоҳид Бурхоновни тутиб берсагина Туркистон ҳукумати билан битим тузишга рози эканини айтади.

Қўрамизки, амир ўч олмоқчи ва жазоламоқчи бўлган “Ёш буҳороликлар” орасида Беҳбудийнинг номи учрамайди. У амир учун эмас, балки Совет ҳокимияти ва бу ҳокимиятнинг Туркистондаги раҳбарлари учун ўта ҳавфли шахс эди.

Шундай қилиб, күшбеги Беҳбудийнинг Қарши беги қамоқхонасидан озод этилганини айтиб, унинг Бухоро амири буйруғи билан қатл этилгани ҳақидаги тахминни рад этгандек бўлади.

Шу нарса маълумки, 1920 йилнинг март ойида Беҳбудий ўлими тафсилот-

ларини текшириш бўйича етти кишидан иборат комиссия тузилган, Беҳбудийнинг таъзия маросимини ўтказиш ва оиласига ёрдам бериш учун эса 90 минг сўм миқдорида иона йигилган. (Бу ҳақдаги маълумотлар ва комиссиянинг хulosаси “Меҳнаткашлар товуши” газетасида чоп этиб борилган.)

“Комиссиянинг бу хulosasi-мақоласи, — деб ёзади Ҳалим Сайид, — жуда катта аҳамиятга эга. У бизга бир қанча сир-синоатларни очиб беради. Чунки, Беҳбудийнинг Туркистондан чиқиб кетиш арафасидаги ахволи, ҳаракатлари бизга қоронги эди. Негаки, 1918 йилнинг июнь ойида “Хуррият” газетаси тўхтатилгач, биз матбуотда Беҳбудийнинг мақолаларини учратмаймиз. Унинг сукути қандайдир “захар тилар муҳит”дан (Чўлпон) хабар берса-да, лекин бу муҳитни фош қиласиган бир тарихий хужжат топа олмадик. Хўш, 1918 йилдан 1919 йил март охиригача Самарқандда не ҳоллар содир бўлган? Бу ҳақда комиссиянинг “Махмудхўжа Беҳбудий ҳазратларининг қисқача таржимаи ҳоли” сарлавҳали хulosasini ўқисак, ма-сала ойдинлашади” (Ҳ.С.).

Ҳалим Сайид шу сўзлардан кейин юқорида қайд этилган воқеа — Беҳбудийнинг 1918 йилда “Иттифок” жамиятининг тавсияси билан Мусулмон маориф шўъбасига мудир этиб тайинлангани, лекин маориф тизимиға сукулиб кирган рус шовинистларининг камситишлари боис истеъфога чиққани ҳақидаги “Хулоса”дан олинган маълумотни баён қиласи.

Илмий фаолиятини профессор Фитрат раҳбарлиги остида бошлаган атоқли ада-биётшунос ва драматург Иззат Султон, кунлардан бирида, Беҳбудийнинг ўлими тўғрисида баҳс бораётган пайтда бизга бундай сўзларни айтган эди: “Фитрат Беҳбудийнинг ўлимида Бухоро амирини эмас, балки Туркистондаги Совет ҳокимиятини айбдор деб билар ва доруломон замонлар келганида ана шу ҳақиқатнинг юзага чиқишини истар экан. Унинг айтишича, Беҳбудийни ГПУ агентлари Бухоро амирининг жоҳил одамларига тутиб берган. Совет давлатининг Беҳбудийни амир қўли билан ўлдиришдан кузатган мақсади эса, Фитратнинг айтишича, бир томондан, “Ёш бу-

хороликлар”да амирга нисбатан қаҳр ва нафрат тўлқинини уйғотиш, иккинчи томондан, “Ёш бухороликлар” ёрдамида Бухоро амирига қарши юриши бошлаш, амирликни тугатиш ва уни Совет ҳокими-яти таркибига кўшиб олиш эди”.

Беҳбудийнинг фожиали ўлими сабаблари ҳақида Фитрат томонидан берилган бу талқин, бизнингча, ҳақиқатга анчагина яқин.

Дарвоқе, хорижий журнallарнинг бирида Беҳбудий ўлими муносабати билан бундай сўзлар ёзилган:

“Беҳбудий ташаббусларидан хабардор бўлиб турган Туркистон миллий ташкилоти ўз умидларини унинг ҳаракатлари муваффақиятли чиқуви томон қаратди. Иш ва истаклар Беҳбудий кутганича бўлиб чиқмади. Ул Қарши шаҳаринда ўз вазифаларини ўринлов ҳаракатида экан, қизил Ру-сиянинг Бухоро элчихона хизматчиси Уткин воситаси-ла амир томонидан тутилди. Беҳбудий амирнинг Қарши шаҳариндаги волийси Нуриддин Оғалиқ томонидан 25 март 1919 йилда ваҳшиёна ўлдирилди. Беҳбудий “жадидчи” дея айбланиб, амирнинг бўйруғила ўлдирилди. Бу эса ниқоб эди. Ҳақиқатда эса, Беҳбудийнинг ўлими амир воситаси-ла рус большевикларининг совет комиссариати томонидан уюширилгани аниқланди. Буни собиқ “Туркистон совет жумҳурияти”нинг ҳарбий министри Осипов 1919 йил Бухорога қочган вақтинда “Ёш бухороликлар” жамиятинда берган баёнотида билдирилган эди.

Туркистон ҳалқи билан усулда бундан 31 йил аввал ўзининг буюк жамоат ва сиёsat ходимидан айрилди” (“Миллий Туркистон” журнали, 1950 йил, 66-сон, 23-бет).

Ушбу янги маълумот ҳам Фитратнинг: “Совет ҳокимияти Беҳбудийни Бухоро амирининг қўли билан ўлдирилган” деган гапи тўғри эканини тасдиқлаши мумкин.

Яна комиссия хulosalariiga қайтсак. “Осипуф воқеасидан сўнгра Самарқандда кўб талон-торожлар бошланди. Ноҳақ ҳиблар кўпайди. Катта тазминот (кафолат)ларга ҳалқ таҳсил қила олмасдан ер ва юртларини ташлаб қочди. Маориф иши нихоят даражада тазийкә тушди. Ҳалқнинг ҳиссиёти динияси таҳқир

қилинди. “Бу ишларга бир чора топа оларманми?” деб 1919 йил февраль ойинда Тошкандга борди. Лекин бу сафардин ҳеч бир натижа кўлга киргиза олмади. Шундан сўнгра ҳеч бир кишига англатмасдан, маслақдош ва фикрдошлари Мулла Мардонкул Шомуҳаммад ўғли, Мухаммадкул Ўрунбай ўғли билан 25 март ойинда, 1919 йил, асрорангиз бир суратда Самарқанддан фойиб бўлди. Орадан бир ҳафта ўтгандан кейин буларнинг Қарши йўли билан сафарга чиқонлари, Қарши шахридан Бухоро ҳукумати тарафиндан ушланиб, ҳибсга олинғонлари шойиъ бўлди. Мундин сўнгра муҳталиф (хилма-хил) хабарлар кўб эштилди. Шунинг ила баробар Самарқанд аҳолиси буларнинг шаҳид бўлғонликла-рига зами (тахмин, гумон) фойиб билан инониб, маросими таъзим ва қадр донишини бақо этмакчи бўлди” (Х.С.).

Демак, Беҳбудий 1919 йил 25 марта яширин равишда Самарқанддан ҳамроҳлари билан сафарга чиқиб, бир ҳафталик йўлдан кейин 1-2 март кунлари Қаршига етиб келган ва қўлга тушган. Комиссия аъзолари томонидан аниқланган бу маълумот Ҳожимурод Худойберди ўғлиниң “Беҳбудий афанди ва йўлдошлари бошлаб Шахрисабзда қўлга тушиб, тахминан икки ойдан сўнг Қарши шахрига юбори-либ, онда бир неча кун ётқондан кейин... шаҳид қилинғон”лиги тўғрисидаги хабарини чиппакка чиқаради.

Умуман, “васиятнома”га ишониш мумкинми? Ҳожи Муинга Беҳбудийнинг ўлими ҳақидаги маълумотни келтирган “ўртоқ Ҳожимурод” ким бўлган? Гёй унга Беҳбудий ўлими тафсилотларини айтган Содиқжон-чи?..

Беҳбудий вафотининг уч йиллиги муносабати билан “Зарафшон” газетасининг 25 март сонида Ҳожи Муин, А.Азамат, А.Азимий ва Нихоний тахаллусли муаллифнинг Беҳбудий тўғрисидаги мақолалари, “Ин-қилоб” журналининг 1-сонида эса юқорида тилга олинган “васиятнома” Ҳожи Муин шарҳлари билан бирга эълон қилинган.

Энди Ҳожимурод Худойберди ўғли-га келсак. Ҳожи Муингин ёзишича, “ўртоқ Ҳожимурод” Бухоро инқилоби бошланган кунда, яъни 1920 йил 28-29 август-

да “Самарқанддан ҳукумат томонидан бир маъмурият ила Шахрисабз ва Китоб тарафлариға бориб, андин бир иш ила Қарши шаҳариға ўтқан ва ўшал ерларда 6-7 ой (демак, 1921 йилнинг март-апрель ойларига қадар — **Н.К.**) хизмат қилиб юрган”. Ҳожи Муин тилга олган даврда Бойсун ва Шахрисабзда М.Монстров кўмондонлигидаги рус дивизияси советларга қарши бошкўтарган амир кўшинларига қарши жанг олиб бориб, уларни 1920 йил 21 декабрда тор-мор келтирган. Ҳожимурод эса ана шу кўшин таркибида хизмат қилган.

Ҳожи Муингин ёзишича, Ҳожимурод Қарши бегида бир неча вақт “маҳрамлик” хизматида бўлган фарғоналик 17 яшар Содиқжондан гёй Беҳбудий ва йўлдошларининг Шахрисабзда қўлга тушгани, амиддан уларни қатл қилиш ҳақида бўйруқ келгани ва Беҳбудийнинг қандайдир Аҳмад орқали унга васиятнома ёзиб берганини айтган. “Ўртоқ Ҳожимуроднинг сўзига кўра, — деб ёзди Ҳожи Муин, — мазкур Содиқжон 1920 йилда 21 декабрда (эътибор беринг: амир кўшини тор-мор этилган кунда — **Н.К.**) амир томонидан Шахрисабз, Китоб ва Гузор тарафларида кўзғатилган аксилҳаракатчилик вақтида исёнчилар тарафидан (?) Шахрисабзда ўлдирилғон. Шунинг ила Содиқжон ёзғон воеа ва васиятноманинг асл нусхаси-да ўшал чоғда йўқолиб кетган”.

Агар Содиқжон деган шахс ҳақиқатда яшаган ва Қарши бегида “маҳрамлик” қилган бўлса, у Шахрисабзда амир кўшини таркибида “қизил”ларга қарши курашган ва Ҳожимурод хизмат қилган қизил кўшин билан жанг пайтида ҳалок бўлган.

“Васиятнома” ilk бор “Мехнаткашлар товуши” газетасининг 1921 йил 29 март сонида чоп этилган бўлиб, унда “Ҳожимурод афандининг ўзи ҳам мазкур вақтда 15 нафар одами ила қўлга тушон экан. Лекин буларга эртаси шўро ҳукуматининг аскарлари бориб қутқарғонлар ва исёнчилар ила амир одамларини маҳв ва паришон этганлар” (Х.С.) деган маълумот ҳам бўлган. Аммо нима сабабдандир “Ин-қилоб” журнали бу сўзларни тушириб қолдирган.

Таникли адабиётшунос Солиҳ Қосимов 60-70-йилларда Беҳбудий ва унинг

ўлими тафсилотларидан хабардор кишилар билан учрашиб, бизни қизиқтирган шахс ҳақида бундай янги маълумотни топган:

“...Бухоро халқ инқилобининг ғалабасидан кейин, — деб ёзган эди у “Беҳбудий ва жадидчилик” деган мақоласида, — яъни Беҳбудий пинҳоний қатл этилганидан кейин бир йилдан мўлроқ вақт ўтгач, Қарши шаҳрида қизил гвардиячилар тўдасида кўмондонлик қилган самарқандлик Ҳожимурод Худойбердиев маҳаллий аҳоли ўртасидаги Беҳбудийнинг қатл этилишидан хабардор кишиларнинг хотираларини эшитади ва Самарқанд Советини хабардор қиласи. Тегишли партия ва давлат ташкилотлари томонидан бу фактлар текширилгач, бутун Туркистон бўйлаб мотам кечалари ўтказилади, вақтли матбуотда рус ва ўзбек тилларида Беҳбудийнинг фолияти ҳақида мақолалар босилади, унинг “Падаркуш” пьесаси саҳналаштирилади” (“Ўзбекистон адабиёти ва санъати”, 1990 йил 19 январь).

Бу сўзларга қўшимча тарзда шуни айтиш жоизки, “ўртоқ Ҳожимурод” Беҳбудийнинг ўлими ҳақида “Маърифат қурбонлари” пьесасини ёзган ва бу пьеса, Ҳалим Сайиддининг аниқлашига кўра, 1920 йилнинг охири — 1921 йилнинг бошларида саҳнага қўйилган.

Агар Солих Қосимовнинг мазкур сўзларига эътибор берсак, ҳеч қандай Содикжон ҳам, “васиятнома” ҳам бўлмаган. “Маърифат қурбонлари” пьесасидаги Беҳбудийнинг ўлим олдидаги монологи эса, бизнингча, Совет ҳокимияти махфий хизматининг сайд-ҳаракати билан Беҳбудийнинг “васиятнома”си сифатида тарқатилган. Агарда бу “васиятнома”нинг бирорта сўзи рост бўлганида, Шерали Турдиев эълон қилгунига қадар у, бизнингча, табаррук хужжат сифатида Беҳбудийнинг Садриддин Айний, Фитрат, Чўлпон сингари садоқатли дўстлари ва шогирдларининг асарларида тилга олинган бўларди.

Беҳбудий қаерда дағн этилган?
Ҳожи Муиннинг “васиятнома”га ёзган шархларида бундай сўзлар бор:

“Бу васиятномадан 3-4 кун ўтар-ўтмас,

бек Беҳбудий афанди ва йўлдошларини ҳам Аҳмадни (бекнинг маҳрамларидан бири — Н.К.) ўлдууруга буюргон ва алар зиндоннинг ёнидағи подшоҳлик бир чорбоққа (таъкид бизники — Н.К.) юборилғонлар. Шунда аларнинг қатллари ўзларига билдирилган ва ўзлари учун шу боғда тўрт қабр қаздирилғон (таъкид бизники — Н.К.). Сўнгра Беҳбудий афанди ва йўлдошлари таҳорат олиб, намоз ўқимоқчи бўлғонлар. Лекин шу чоқда раҳмсиз жаллод муовинлари ила етушуб келиб, аларни намоз ўқирға қўймағон ва энг аввал Беҳбудий ҳазратларини жойнамоз устида бошини кесган. Бу ҳолни кўриб, Мардонқули Муҳаммадкули ва Аҳмад афандилар тавҳид ва шаҳодат калималарини ўқиб, ўлимни кутиб турғонлар. Андин кейин жаллод аларни бир-бир бошин кесган. Сўнгра бекнинг хизматкорлари мазкур шаҳидларнинг наъшларини (жасад) чиқариб, ўзлари қазғон қабрларга кўмгантлар ва қабрларини (билинмасун, деб) ер илиа текиз этганлар”.

1920 йилнинг март ойида тузилган 7 кишилик комиссиядан ташқари, ўша йилнинг 27 сентябрида Самарқанддаги Эски шаҳар маданий-маърифий ташкилотларининг “фавқулодда бирлашган йиғилиши”да яна 5 кишилик комиссия тузилиб, унга Бухоро музофоти ва бошқа жойларда тергов ишларини олиб бориш, қотилларни ахтариб топиш ва қамоққа олиш, мархумларнинг жасадларини топиб, Самарқандга олиб келиш вазифаси топширилган. Фавқулодда ваколатлар берилган бу 5 кишилик комиссияга Мирза Абдуқаюм Ширинбоев (инқилобий трибунал раиси), Эргаш Орифбоев, Раббимкул Солиҳов (инқилобий трибунал аъзолари), Кўқонбой Абдухолиқов ва Абдумажид Зокирийдан ташқари, яна 2 нафар махфий агент ҳам киритилган. Ўша йилнинг ноябрь ойида эса Самарқанд ёшлари яна бир комиссия тузиб, уни Бухоро халқ жумҳурияти ёрдамида Қаршига юборган. Аммо бирорта комиссия ўз олдига қўйилган вазифани бажара олмаган. “Қарши шаҳрининг хукумат бошида ўлтироғон одамлар” бу комиссияларга ишлаш имконини бермаган.

“Мусоғир” тахаллусли муаллифнинг

(Садриддин Айний) яқинда ёш тадқиқотчи Нилуфар Намозова томонидан эълон қилинган "Муфти Махмудхўжа Беҳбудий ва рафиқларининг олинди ўчлари" номли мақоласида бизни қизиқтирган ма-салага доир бундай янги маълумот берилган:

"Махмудхўжа Беҳбудий афандининг қабри бу кунда топилиб, устига ҳайкал ишланиб ётадир.

Беҳбудий ўзининг ўртоқлари билан хибсонада ўлдирилиб, хибсонанинг vog-залға қарағон тарафифа ҳаммаси бир қабрга кўмулгандар (таъкид бизники — Н.К.). Беҳбудий ва рафиқларининг қабрини излаб топиб, устига ҳайкал ишлатишда Қарши вилоят ижроқўми билан вилоят фирқўмининг бошида ўлтирифон Жўра Зокирий ва Назариф ўртоқлар кўб файрат қилғонлар" (Қаранг: "Ўзбекистон адабиёти ва санъати", 2004 йил 16 январь).

Бу хабар "Бухоро ахбори" газетасининг 1923 йил 3 октябрь сонида босилган.

Мазкур шов-шувли хабардан кейин ҳам Беҳбудий ва ўртоқларининг қаерга дағн этилгани масаласи ҳамон ечилмай келади.

Чўлпоннинг Беҳбудий хотирасига ба-ғишланган шеърида бундай сатрлар бор:

*Амалимнинг юлдузиким, кўз тикди
Қора, жирканч, ўлим кони ерларга.
Сабол бердим: "Иўқотганим қайдা?" — деб
Ўзимни ҳам ютмоқ бўлган эрларга.*

1920 йили ёзилган бу шेърда Беҳбудий қабрини ахтариш нечоғлик хавфли эканини Чўлпон аниқ-тайин айтган. Модомики, Беҳбудий қабрини ахтариш Бухоро амирилиги тугатилганидан кейин ҳам хавфли бўлган ва бу хайрли ишга 20 — 30-йилларда ҳам имкон берилмаган экан, демак, уни ва ўртоқларини маҳв этган қотилнинг кимлиги аниқ. Бу, 1937 йили Қарши шаҳридан ва кўплаб мактаблардан Беҳбудий номини олиб ташлаб, ниҳоят, ўзининг қонли қиёфасини кўрсатган мустабид Совет ҳокимиятидир.

Беҳбудий қаерга бормоқчи эди?


"Катта совет энциклопедия"сида баён қилинган маълумотга қараганда, Туркистон Мухторият ҳукуматининг собиқ раҳбарлари большевизмга қарши курашларида ёрдам беришни сўраб, АҚШ президенти Вильсонга мурожаат этганлар. Ўз навбатида Вильсон "Ўнлар кенгаши"нинг топшириғига биноан, Париж Тинчлик кенгашининг бошлинишида (1919 йилнинг январь ойи) Совет Россиясида курашаётган барча муҳолиф гурухларга хат йўллаб, уларнинг раҳбарларини Шаҳзода оролларида (Туркия) ўтказилажак конференцияга таклиф этган. Конференциянинг кун тартибидаги асосий масала эса большевизмга қарши кураш эди.

Тахминимизга кўра, Махмудхўжа Беҳбудий ва Сайдносир Миржалолос ҳамроҳлари билан бирга ана шу конференцияда иштирок этиш учун 1919 йилнинг март ойида йўлга чиққан.

Совет давлатининг махфий архивларидаги шу даврга тегишли ҳужжатларни яхши ўрганган Мавлон Ваҳобов эса бошқа фикрни очиқ-ойдин айтган:

"Парижда 1-Жаҳон уруши ғолиблари — Антанта давлатлари ўртасида Версаль конференцияси давом қилаётган пайтда "Миллий иттиҳод" ташкилоти топшириғига мувоғиғи маҳаллий миллатчилардан бир группаси Парижга юборилди. Беҳбудий ва Мардонқул Бухоро орқали Эронга ўтиб, у ердан Парижга бормоқчи бўлиб йўлга чиқди. Уларни Бухоро амири Қарши шаҳрида қамоққа олди ва ўлдириди" (Ваҳобов М. Ўзбек социалистик миллати, — Тошкент, 1960. — 323-бет).

Бу икки хил фикрнинг қайси бири тўғрилигидан қатъи назар, Махмудхўжа Беҳбудий ҳамроҳлари билан Ўзбекистоннинг большевизм асоратидан халос бўлиши учун најот излаб, Оврупо сари йўлга чиққан эди. Шу далилнинг ўзиданоқ Беҳбудийнинг ким томонидан қатл этилгани маълум бўлиб турибди. Демак, Туркистон жадидларининг отаси, оташин маърифатпарвар ва ватанпарвар Махмудхўжа Беҳбудий истиқлол йўлида курбон бўлган.



Иброҳим ҲАҚҚУЛ


AHMAD KALLA

Эссе

Устод Иброҳим Мўминов
хотирасига бағишиланди.

Биз мумтоз адабиётимиз билан фаҳрланамиз. Унинг ўзига хос ҳусусиятлари ва тафаккур тараққиётига қўшган ҳиссаси ҳақида кўп гапирамиз. Албатта, ҳар қанча гапирсак, фаҳрлансак арзийди. Бироқ бу ҳақда сўз кетганда фақат ютуқларга маҳлиё бўлмасдан, адабиётнинг мураккаб ривожланиш йўлидан бугунги кунимиз учун тегишли сабоқ ва хуласалар ҳам чиқарсак мақсадга мувофиқ бўлади.

Шу нуқтаи назардан қараганда, миллий адабиётимиз XVI асрдан кейин эркин нафас олмаганини ҳам таъкидлаш лозим; у инсон тақдирни ва ижтимоий ҳаёт муаммоларини бутун мураккаблиги ҳамда зиддиятлари билан ёритиб беролмаган. Чунки ўша даврлардаги жаҳолат бунга йўл бермаган. Натижада асардан асарга кўчиб юрадиган анъанавий фикр ва foялар ҳам бора-бора турғунлик, якранглик, оҳанжамалик, тақлид ва китобийлик рамзига аллангиб қолган. Дунё адабиёти ютуқларидан бехабарлик эса таназзулни янада чукурлаштирган. Айниқса, кейинги уч хонлик даврида сарой талаби, сарой завқи ва мағкураси адабиётни самимият, шижаот ва исен руҳидан маҳрум этган. Ўн тўққизинч аср иккичи ярми Бухоро адабий мухитидаги ахвол бунинг ёрқин мисолидир. Ҳолбуки, ўша замондаёқ ҳалқнинг адабий ва маданий ҳаётидаги



бундай муаммоларни билган, улар тўғрисида жиддий бош қотирган, адабиётни оддий инсон ҳётига яқинлаштиришига дадил уринган қалам соҳиблари ҳам бўлган. Улардан бири — Аҳмад Доңиш. “Наводири Зиёия” тазкираси муаллифи, олим ва маърифатпарвар Садри Зиё Доңишни шоирликда Саъдий Шерозийга, мусаввирликда Беҳзоду Монийга, фалакиёт илмида Улугбек Кўрагонийга, табобатда Ибн Синоға ўхшатади. Доңиш хаттот, мусиқашунос, беназир муаррих ва давлат арбоби ҳам бўлган. Аммо буюк аллома ижодий фаолиятининг чўққиси, унинг шоҳ асари ва умр китоби, шубҳасиз, “Наводир ул-вақе’е”дир.

Садри Зиёнинг эътирофича, Аҳмад Доңиш бутун умрини амир, вазир, қозикалон ва бошқа амалдорларни келажакдан огоҳ этиш, оддий одамларга зулм ўтказмасликка чорлаш, уларни зўравонлик, берахмликдан қайтаришдек эзгу ишларга сарфлаган. Лекин жамият ҳётида бирон бир ўзгариш кўрмаган.

Доңиш умрида тама илинжида бировни мақтаб, бироннинг олдида эгилиб-букилмаган, шахсий фойданигина кўзлаб ҳақгўйлик, танқидбозлиқ ҳам қиласмаган. У ҳар бир сўз ва ҳар бир ишдан ҳакиқат ахтариб яшаган. Унинг сўз ва фикрлари доимо асосли, тेरан, қиличдек кескир бўлган. Кўп йиллик тажриба, ўй-мулоҳазалар уни сабр-бардошга ўргатган. Яхшилик, диёнат йўқ жойда событлик ва улуғворлик бўлмаслигини у жуда эрта англаган, ўсмирилигидеёк бошқача яшашга аҳд қиласган. “Ейиш-ичиш, ухлаш, дўстлар билан борди-келди қилиш — инсон мана шулар учунгина яратилган деб ўйлардим. Чунки катта-кичик ҳамма замондошларим шу балога ўйликкан эди...” Аҳмад Доңиш ақлий майиблиқдан туғилажак кўплаб балою оғатга қарши сокин бир жасорат-ла бош кўтарган улкан адаб эди.

||

Ўтган йил қиш фаслининг бошлари эди. Эрталабки ёмғир тушга яқин қорга айланди. Чор атроф оқликка бурканга бошлади. Тунда Бухорога кетишим керак. Вақтироқ вокзалга бориб, купега ўрнашиб олдим. Негадир поездда юришини хуш кўраман. Бемалол хаёл сурасиз, ўтган-кечгани хотиржам эслаб кетасиз. Хоҳласангиз, китоб ўқишингиз мумкин. Таниш-билиш учраса-

ку, йўлнинг таноби тортилганини сезмай ҳам қоласиз. Совук ҳаво таъсириими ёки бошқа бир сабабданми, бу гал хеч кимсага дуч келишини истамасдим.

Шиддат-ла чопаётган поездда кетиш хотира отлиғ тулпорга миниб ёшликка саёҳат қилишга ҳам ўхшайди. Қизиги шундаки, қачонлардир бўлиб ўтган ва кўпдан бўён эсланмаган воқеа-ходисалар дафъатан жонланиб, гўё қаршингиздан чиқиб келаверади; бири қувонтиради, бири ўйлатади, яна бири... Соғинч қўмсашга, қўмсаш армонга йўл бергандা эса барибир хўрсиниблар кетасиз...

Мен бир неча йилдан бўён дарс бергани Бухорога бораман. Ҳар гал ул-бул “кўшимча” юмушларни ҳам олдиндан белгилаб оламан. Бу навбат Аҳмад Доңиш борасида Тошкентда бошлаган ёзувларимни, имкон топилса, ул зот таваллуд топган заминда, уни тарбиялаб вояга етказган шаҳарда давом эттирмоқчи эдим. Доңиш ҳақида домлаларим Охунжон Сафаров, Раҳим Воҳидов билан сұхбатлашиш, аллома яшаган уйни бориб кўриш, қабрини зиёрат этиш ниятим ҳам бор эди.

Шуни ҳам айтишим керакки, Аҳмад До-ниши талабалиқда яхши кўриб қолганман. Бу учун, албатта, устод Айнийдан ҳар қанча миннатдор бўлсан арзиди. Менимча, устоднинг "Эсдаликлар"идаги Донишга ба-фишланган саҳифалар унинг ҳаёти, шахсияти, ҳалк ва адабиёт тарихидаги хизматлари-ни англаш, идрок қилишга илҳомланти-радиган бебаҳо бир манбадир. Дониш ха-рактер эътибори билан қайси бир жиҳат-лардан Ибн Синони эслатса, қай бир маъ-нода у Шайх Саъдий ва Мирзо Бобурга яқин. Ростгўйлик, тўғрилик, жимжимасиз бир ус-лубда ёзиша Дониш Бобурга издош десак, асло хато бўлмайди. "Наводир"ни ўқиган ҳар бир ўқувчи буни пайкаши шубҳасиз.

Хуллас, ўзим таҳсил олган, бағрида энг яхши, энг беармон кунларим ўтган Бухори шарифда устозу шогирд, ёр-дўстлар билан дийдорлашдик. Дарсни ҳам бошладим. Адашмасам, орадан уч кун ўтгач, танаффус-га яқин талабалардан сўрадим: "Аҳмад До-нишининг уйини ким билади? Бориб кўрган-лар борми?" Жавоб эшилтимади. "Борма-ғанмисизлар?" "Йўқ". "Билмайсизларми?" "Йўқ". Етмишдан ортиқ талаба, гўё жўр бўлгандай, қабр хусусида ҳам яна бир сўзни тақрорлади: "Билмаймиз".

Ўшандаги ҳолатимни шарҳлаб ўтирумай-ман. Ўзим-чи? Менинг ҳам билағонлигим каттакон хонани тўлдириб ўтирган ана шу ёшларнидидан беҳроқми? Ахир, мен ҳам тўрт йил Бухорода яшаб ўқиганман. Дониш тўғри-сида кўп эшигтанман. Китобларини мутолаа қилганман. "Эсдаликлар"да у истиқомат қил-ган маҳалла ҳам, адабининг лойиҳаси бўйи-ча бино этилган ва қурилишига ўзи бош-қош бўлган ҳовли, кўркам боғ, анвойи гул-лар қулф уриб очилиб ётадиган гулзор ҳам батафсил тасвирлаб берилган. Нега уни из-лаб топмаганимиз? Нечун Донишнинг қабри қаерда ва қандай ахволда деган гап хаёли-мизга келмаган? Демак, бизда шахсий хо-хишдан кўра умумий кўнникма, тарихга бо-тиний яқинликдан кўра бегоналик устунлик қилган. Ўшанда, ўтган асрнинг 70-йиллари-да қарам ва эрксиз миллат фарзанди бўлган биздек ўшлар учун бу ғайритабиий ҳодиса эмасди, албатта.

...Дарс тугагач, ўқитувчилар хонасига кирсам, домла Раҳим Воҳидов билан ёш олим укамиз Дилшод Ражабов ўтирган экан. "Чарчамадингизми?" деди домла. "Чарчаш-га-ку чарчамадим, аммо жуда уялдим".

"Нега? Нимадан?" Саволни жавобсиз қол-дириб, "Рахим ака, — дедим, — До-нишининг қабри қаерда?" Лахзалик сукутдан сўнг сал заҳарханда билан "Донишнинг жасади кўмилган мозористон бор, лекин унинг қаб-ри йўқ. Қабрдан ному нишон ҳам қолма-ган", деди у киши. "Ҳовлиси-чи?" "Устод Айнининг маълумотлари бўйича, гузар — аниқ, хонадон эса номаълум..."

Дилшод гапга аралашиб, "Сафаров дом-ла ҳовлини таҳминан аниклаганлар. Сўраш керак...", деди.

Охунжон ака билан учрашолмадим. Анг-ладимки, Дониш яшаган, Бухоронинг илғор зиёлилари — олим, адаб, шоир, машҳоқла-рини бирлаштирган ўша муборак маскан асл ҳолида топилиши даргумон. Айтишга осон бу. Мулоҳаза юритсангиз, дил тирналади...

Дарвоқе, Тошкентга қайтиш куни тушдан сўнг Баҳоуддин Нақшбанд ҳазратларининг зиёратларига бордик. Ўзгариш ва қурилиш-ларни кўриб жуда қувондим. Шўро даврида бу ерга Ахтам тоғам билан, эл кўзидан яши-риниб, шом пайтлари келганимиз, қоровул-нинг кўрқа-писа эшик очгандарини эсладим. Ўша кезлардаги доимий таъқиблар, Баҳо-уддин бобомиз шаън-шавкатларига мутлақо тескари таҳқирилди ҳукмлар — барчаси бар-ҳам топди, бир туш янглиғ ўтдию кетди.

Лекин қанчадан-қанча йўқотишлар зах-ри ҳали ҳам дилни ўртайди. Ахир, Аҳмад До-ниш ҳам ўз асрининг ягонаси эмасми-ди? Чорак асрдан зиёд давлат маъмуря-тида тишни тишга кўйиб, алам ва ҳасрати-ни ичга ютиб меҳнат қилган, зулм, жаҳо-лат, кулфат ва мусибат қуршаган Бухоро ос-монида ёруғ юлдуз бўлиб чарақлаган, ас-рий кулллик, умидсизлик, ожизликлардан кутулиш чораларини излаб яшаган алло-манинг қабрига бир белги кўйиш наҳотки ҳеч кимнинг ҳаёлига келмаган бўлса? Эҳти-мол, хон ва аркони давлатнинг мақсад-муд-даоси ўзгача бўлгандир. Халқнинг доно, танти, фидойи фарзанди сифатида тан олинган адаб қабри бошида келажак насл-лар дуои фотиҳа ўқиб, эҳтиром кўрсатиши-ни улар балки хоҳламагандир. Бошқалар-чи? Ўзини таниган қайси эл улуғ фарзан-дига нисбатан шундай муносабатга чидай-ди? Биз чидаганимиз. "Ҳақиқатда... инсон улуғ оламдир. Унга қараганда бу олам ки-чик оламдир..." деди Дониш. Мазлум ҳалк бу моҳиятни билмаган. Билишга ақлий ва руҳий куввати ҳам етмаган. Зиёли-чи?

Маълумки, илм-фан, маърифат нури сўнган мамлакатда чин зиёли эмас, балки чала зиёли ёки зиёлинамолар кўпайиб кетади. Улуф шоиримиз Чўлпон уларни зиёли эмас, зиёнлилар деб атаган. “Бизда бир хил кишилар бор, — деган эди Абдулла Қодирий, — яъни зиёлинамолар. Ўзлари амалда бир пуллик иш қилмайдилар, аммо оғизда кўча саситиб, ҳасратланиб” юрадилар. Ўз шахсий роҳатини кўзлаб, қайғусиз, фоясиз кун кечириувчи ноҷор, ношуд ва ўлгудай кўрқоқ зиёлинамо кишилар барча замонларда ҳам миллат манфаатини фақат оғизда ҳимоя қилган, холос.

Донишдан ёдгор қолган хонадон, ундағи жиҳозлар, расм ва китоблар игна эмаски, дафъатан ғойиб бўлса?

III

Тахминан, XIX асрнинг ўнинчи йилларида Носир бин Юсуф деган бир йигит мадрасада ўқиш ниятида Шофирикондан Бухорога келади. Унинг туғилган жойи Суғд қишлоғи, отаси ўзига тинч бир деҳқон киши бўлган. Носир мадрасаси тутатгач, Бухоро гузарларидан бирида имомлик қилган. Сўнг Кўчаи Сангин гузарида кичикроқ ҳовли қилиб уйланган. 1827 йили ана шу ҳовлида Ахмад дунёга келган.

Мулло Носирнинг хотини ҳам хат-саводли бўлиб, ёш болаларга таълим берган. Ахмад илк муаллим сифатида онасини эслайди: “Мен мактабга бормасдан илгари онам ҳузурида абжадни, таҳтага ёзиб берадиган ҳижо ҳарфларини ўқиб ўргандим. Сўзларнинг маъносини чақолмасам ҳам, уларни вазнга солиб гапирап эдим. Уйда юрган чоқларимда Куръоннинг тўртдан бирини, “Чор китоб”нинг бир китобини ўқиб битирдим”.

Ўшанда Ахмад тўққиз яшар бола эди. Мактабга қатнай бошлагач эса, унинг қизиқиши ва тасаввур дунёси янада кенгайганд. Мактабдан чикиши билан қаерда қиссаҳонлик мажлиси бўлса, ўша ерга қараб чопган. Лайғамбарлар тарихи, подшоҳларга доир воқеаларни тинглаб завқланган, уларни қанча эшитса, яна эшитгиси келган. “Подшоҳларнинг салтанат ва давлат қурилишларидаги уруш-талашилари, қанчадан-қанчча ноҳак қон тўкишларини, таҳт ва баҳтдан ажралган шоҳларнинг ҳалок бўлғанларини, дунёning ва дунёдаги ҳалқларнинг қандай

ўзгаришлар устида турганини билиб ҳайрон қолардим”, дейди Дониш.

Регистон ва Девонбеги лабиҳовузидаги қиссаҳонларнинг нақлларини тинглашдан Аҳмад сира толиқмасди. Диний ва тарихий-афсонавий воқеа-ҳодисалар, қаҳрамонларнинг гаройиб саргузашлари, кураш ва жасоратлари унинг кўнглига шавқ бағишилаб, хаёлини қанотлантиради.

Ул зот қайси мадрасалarda сабоқ олган, устозлари ким — булар борасида аниқ маълумот йўқ ҳисоби. Аммо Ҳофиз, Саъдий, Жомий, Навоий девонларини севиб ўқигани аниқ. “Аҳмад Донишнинг, — дейди академик Иброҳим Мўминов, — Фузулийнинг озарбайжон тилида ёзилган шеърларидан олган парчалари жуда эътиборли. Бу эса Донишнинг Фузулий ғоялари, унинг астрономия ҳақидаги фикрлари билан қизиққанидан далолат беради”.

Дониш Шарқнинг буюк файласуф шоири Мирзо Бедилнинг муҳиби эди. Бедил шеърларидаги маъно, туйғу ва фалсафий тушунчаларнинг Аҳмад қалбида ўрнашиб қолиши кейинчалик ҳаётнинг шафқатсиз зарбаларига чидаш, кин, ҳасад, адоват, фийбат бандаларининг ҳужумларини енгиб ўтишда унга катта кўмак берган. Шунга қарамай, болалигиданоқ Бедилга тақлид қилиб бўлмаслигини, унга шунчаки пайравлик на адабиёт, на истеъоддога фойда беришини тўғри англаган.

“Наводир”даги мана бу сўзларга эътибор қилинг: “Шумлиқдан китобат қилиш орқали пул топишни ўйлаб, дарсдан чиққанимдан сўнг ёзиб юриб, ҳар ойда бир Бедил девонини тайёрлайдиган бўлдим. Бозорга чиқариб уни 20 тангадан 30 танагача сотар эдим”.

Бедил шеърларини кўчириб, девон тартиб берганда Ахмад, албатта, даромадни, фойдани кўзлаган. Шу аснода беназир файласуф шоирнинг сўзлари сийратини поклаб, дунёқарашида эврилиш ҳосил этаётганини у сезмаган бўлиши ҳам эҳтимолдан узоқ эмас. Гап шундаки, Бедил — инсонни энг аввало ўзини таниш, ўзини ўзи таҳлил қилишга ўргатадиган донишманд. Унингча, инсоннинг ўз сифати — илмсизлик, Оллоҳ берган сифати эса илмдир. Одам ўзининг моҳият эътибори илиа ғоғил ва жоҳил эканини англаса, оз микдордаги билими Оллоҳдан эҳсон тарзида берилганига иқрор бўла олсагина ирфоннинг мо-

ҳиятини тушунади. Ва ўз шахсиятига рост қарайди, асло иккиланмай ўзини тафтишдан ўтказади.

Бедил девони савдосига қайтайлик. Пул кўпайгани сайнин Аҳмад ўзида баҳиллик ғалаба қилаётганини пайқайди: кўп емайичмай икки йил ичидаги 600 тангага эга бўлади. Пул топишда ҳийлакорлик, маккорликда ҳам анча илдамлайди. Атрофида “нон дўстлар” кўпаяди. Шайтонга ҳам макр ишлатиб, уни алдайдиган даражага етади. Кўзга кўринмайдиган ва бирор ёрдам бериши ҳам қийин бўлган бундай “яра”нинг шифоси нима? Ақлми? Илм ёки фикрми? “Мен дунёни ўз ихтиёрим билан ташлаганим йўқ, — дейди Дониш, — балки кўп йиллар ўтиб ортирган тажрибам орқали маълум бўлдики, менинг бахтили бўлишим мол йигмасликда, бой бўлмасликда экан. Чунки менда яшириниб ётган нафс ва шайтоний ишларнинг кўплиги ўзимга аёндир”.

Хўш, адид бой бўлишдан қашшоқ яшашини афзал кўраётгирми? Йўқ, албатта. Бу ерда гап Муҳаммад алайхиссалом “Факирлик менинг фахримдир” дея ифтихор этган туйғу хусусида. Чунки инсондаги гўзал хулқ ва юксак фазилатларни намойиш этадиган, тўла-тўқис рўёбга чиқардиган хис Оллоҳ қошибидаги фақирлиқдир.

Аҳмад бир воқеа таъсирида факр йўлига юз бурган эди. У ота қишлоғига бориб, бир неча кун меҳмон бўлади. Бухорога қайтишда аммасининг ўғли унга ҳамроҳлик қиласди. Йўлда бир қариндошлариницида тунайдилар. Кетмон урса, ер титрайдиган соглом, бақувват ҳалиги йигит бирданига касалланиб, ўша кечасиёқ вафот этади. Аммаваҷ-часининг ўлими Аҳмаднинг фикр-қарашларини тубдан ўзгартириб юборади; у биринчи марта одам умрининг мазмуни, ўткинчилиги борасида жиддий бош қотиради. Шу кундан эътиборан у бақосиз нарсалар, жумладан, бойлик тўплаш, ҳузур-ҳаловатда яшаш майлини дилидан чиқариб ташлайди. Факр майли тасаввуф маслагига иштиёқ уйғотади. Қалба хос адаблар, мақсад ва сирлар, руҳоний латифлик, нафсни руҳга таслим айлашни Дониш тасаввуф таълимотидан ўзлаштиради. Ва унга бутун умматлар орасида нафс билан кураша олганлар нажот соҳиби бўлиб кўринади. Хусусан, Имом Фаззолий асарлари билан танишгандан кейин у замонасининг “уламо ва машоийхлари тўғри йўлда эмас”лиги ҳақида

очиқ-оидин сўзлай бошлайди. Унингча, “ҳасадгўйлик, такаббурлик, кўролмаслик, иттифоқсизлик” каби чиркин иллатлар “бошқаларга қараганда мусулмонларда кўпроқдир”. Бу иллатларни таг-томири илиа қутишига Донишнинг кўзи етмаса-да, уларнинг кескин камайишига ҳам унча инонолмасди...

IV

Ўн тўққизинчи асрдаги Бухоро шароитида Аҳмад Донишдек олим, адаб, мутафаккир ва давлат арбобининг камол топиши ҳайратланарли ҳол. Дониш яшаган Бухоро мангит амирларигача ҳукм сурган салтанатлар замонасидаги Бухоро эмасди. Бу Бухоро — тожу таҳт ғавғоларидан безган, ҳақирилик, баҳтсизлик, оҳу фиғонлардан бағри тилинган жафоқаш бир диёр эди. Илм-фаннынг саёзлашуви, маърифат бўйстонларининг қовжираши, хуррият нурларининг сўниши Бухоронинг тинка-мадорини куригтан эди. Давлат ва ҳокимиёт Бухори шариф аҳли хоҳиш-иродасига зид бўлган ақида ва орзу-ҳавасларга тобе эди. Мадрасалар ишонч ва умидларни оқлай-олмай қолган, адолат, диёнат, ҳиммат, ҳалқ-парварлик каби “анъанавий” тушунчалар воқеилиқдан узилган, ҳаёт талабларига таомон жавоб бермас эди. Тўғри, бу тушунча ва қадриятлар тўғрисида бемалол сўзлаш мумкин эди, амалда эса ҳеч бирини жорий қилиб бўлмасди. Чунки улар ҳаётдан, одамлар тақдиридан четга суриб ташланган эди. Ҳатто олимларга ҳам эркин фикрлаш кўрқинчли туюларди. Кўпчилик олиму уламо моҳиятни умуман мушоҳада этолмас, курашса — ё амал, ё мавқе, ёки бойлик учун курашарди. Уларнинг дид ва савияси олонмонницидан фарқ қиласди. Бордию фарқ қиласа, у сўзсиз жазоланаарди. Адабиёт — шоибу ёзувчининг, илм — олиму уламонинг кишинага айланаб қолган эди.

Масалан, Амир Насрулло ҳар бир ҳақгўй олим ва ижодкорни давлат, жамият учун ҳам хавфли, ҳам зарарли деб ҳисобларди. Унинг замонида илм ва ижод билан озгинаном чиқариш ёки тилга тушиш — оғат ва мусибатга йўлиқиши билан баробар эди. Маълумотларга кўра, амирга илми, ҳақиқий олимлик хусусиятлари туфайли обрў-эътибори юксалаётган Мулло Ҳожибой Сафар деган уламо тўғрисида хабар етказилади. Бухоро ҳукмдори шу уламо хонадонида

мехмон бўлиш истагини билдиради. Ҳожибой имкон қадар уни меҳмон қилиб, иззатикром кўрсатади. Зиёфат тугайди. Амир қароргоҳига қайтаётганда ҳеч ақл бовар қилмас ҳодиса содир этилади: у шўрпешо-на олимнинг уйини бузишга фармойиш беради. Мулло Ҳожибой Сафар мадрасадан ҳайдалиб, гўшанишинликка маҳкум этилади. Насруллоҳонин бундай олимнинг қандай пайдо бўлгани қизиқтиради. Суриштириб билсаки, бунинг боиси — кутубхона экан. Шундан кейин амир катта кутубхоналардаги нодир китобларни қайларгадир тарқаттиради ва зиёлиларни китоб ўқишидан бутунлай маҳрум қиласди. Азиз журналхон, бу эртак ё афсона эмас — устод Айнийнинг “Тарихи амирони мангитияи Бухоро” асарида битилган аччик ҳақиқат!

Амир Насрулло том маънода золим, риёкор, шубҳагўй бир кимса эди. У куришдан кўра бузишни, бунёдкорликдан кўра вайронкорликни хуш кўрган. Унинг қаҳр-ғазабидан бутун мамлакат қалтираб, одамлар иҳтиёрий равишда юпунликни, ҳақ сўздан — тил тишилашни, эркинлиқдан — кулликни афзал билган. Бутун Бухоро салтанатида амирнинг айгоқчи ва жосуслари тафтишидан холи жойни топиш душвор бўлган.

Амир Музаффар таҳтга мустаҳкам ўрнашиб олгач, Бухоро ва бухороликларнинг бозига ёғилаётган мусибат, кулфат, ҳасрат тошлари минг чандон ортиб кетган. Тарихчи ва шоир Мирзо Азим Сомий у ҳақда фикр юритиб, “Жабр ва зулмкорликда отасидан ҳам ўзди, бора-бора тажовузда иш шариат чегарасидан ошиб кетди”, дейди.

Музаффархоннинг табиатидаги телбалик ва ёвузылни кўрган фикри очик олимлардан баъзилари азиз юртини тарк эта-ди ва ўзга диёрларда хору зорликда яшайди. Баъзилари бутунлай узлатга чекиниб, ҳаттоқи қавм-қариндошлари билан ҳам муомала-муносабатни йиғишириб қўяди. Тақдир тақозоси билан мансабга мингларли-лари эса бағри дарду қайғуга тўлган, бир эмаллаб кун кечираётган мазлумларга юзлашганда, кўрқа-писа амирнинг ҳаракатларидан норозилигини билдиради. “Бу тоифа, — дейди Айний, — ё замонасоз эди, ёки риёкорлик қиласди. Аммо нима қилиш масин, уларнинг ҳатти-ҳаракатларидан амир идорасидаги қабоҳатлардан қаноатланайтгани яширин қолмасди”.

Рост сўз, тўғри фикрнинг бир чақалик

қиймати бўлмаган ана шундай қалтис шароит ва бадбўй мухитда Аҳмад Дониш сарой хизматида юрган.

Амир Музаффар ва Аҳмад Дониш муносабати, бу алломанинг шундай мустабиди ҳукмдор даргоҳида узок вақт юргани, ҳалқ ва давлат манфаатини кўзлаб унга таъсир ўтказиш учун қандай йўлларни излагани, химоя қалқони сифатида нималарга таянгани хусусида кўп гапириш, ҳар турли мулоҳазаларни илгари суриш мумкин. Шуни инобатта олиш лозимки, ёлғиз илму дониш, тадбир ва эҳтиёткорлик, файрат ва фаоллик билан Амир Музаффар ишончини қозониш жуда-жуда қийин эди. Боз устига, у саройнинг энг нуғузли амалдорларидан бўлмиш Аҳмад Дониш тўғрисида деярли ижобий, холис фикр эшифтмаган. Модомики, шундай экан, қаҳру ғазаби чексиз бу ҳукмдор панжасидан Дониш қандай омон қолган?

Фарб олимларидан бирининг ёзиича, “Ҳаёт — хаёл ўйини бўлмагани сингари, мушоҳада, илоҳиёт ва санъат ҳам эмас. Бу оламда ҳаёт ўзининг жиддий маъноси, мақсади ва ўзининг “қурол-яроғи”га эга”.

Бизнингча, Донишдаги тоза ўй-фикрлар туғёни айнан шу ҳақиқат ифодаси эди. Бу инсон шахсияти ва ижодиётининг туб моҳиятини шу ҳақиқат ташкил қиласди. У хоҳ турмушда, хоҳ расмий хизмат ё ижодда бўлсин, на хаёл, на мушоҳада ўйинига ён берган.

V

Ер юзида тараққиётнинг улкан ютуғи сифатида давлат пайдо бўлганидан бўён илм ва ижод аҳли уни бошқаришда фаол иштирок этган. Ҳозир ҳам шундай. Умуман олганда, бунинг ёмон томони йўқ. Ёмон бўлса, нафс ва тамани истеъододи, эрки ва ижодидан афзал билган олим ёки ижодкорга ёмондир. Виждонга хилоф йўллардан юрмаса, адабиёт, санъат, илм-фан ривожига хизмат қилса, мабодо ўзи ёзишдан тўхтаса ҳам бошқаларнинг йўлини тўсмаса — нимага амалдан қочиш, мартабадан кечиш керак? Афуски, адабиёт билан мансабнинг “бошини қовуштириш”, икки жабҳада бир зайлда илгарилаш ҳам осон эмас.

Бир мисол. XIX асрда яшаб ўтган Толстой фамилияли яна бир рус адаби бор. У киборлар мухитидан чиккан. Бой-бадавлат бўлган. Алишер Навоий Ҳусайн Бойқа-

ронинг болалик дўсти бўлганидек, Толстой ҳам рус подшоси Александр Иккинчининг ёшлиқ ўртоги эди. Александр таҳтта чикқанидан сўнг ҳам улар ўртасидаги дўстлик алоқалари узилмаган. Толстой ёш хукмдорнинг ҳамсуҳбати ва мулозими сифатида адабиёт вакилларининг фойдасини кўзлаб, анча-мунча хайрли ишларни амалга оширган. Аммо у имконият танқислигини ҳар кун ва ҳар соатда сезиз турган. 1864 йили подшоҳ ундан адабиёт соҳасида бўлаётган ишлар, ижодкорларнинг ахволи ҳақида сўраганда, у “Чернишевскийга ноҳақ жазо берилгани учун аза тутилаётир”, дейди. Александрнинг феъли бузилиб, “Билиб қўй, Толстой, бундан бўён ҳеч қачон Чернишевский тўғрисида менга оғиз очмайсан!” дейди. Шўрлик адабининг ихлоси қайтади ва бундай дейди: “Мен санъаткор бўлиб тугилганман, бироқ ҳозирги шарт-шароит ва менинг турмуш тарзим санъаткорлик илҳомига изн бермайди. ...Ҳамма ёқдан хизмат, мансаб, вицмундир, раҳбарият ва шунга ўхшаш сўзлар эшитилиб турганда санъат учун нима ҳам қила олардингиз?”

...Аҳмад Дониш Бухоро амири элчилари сафида уч маротаба — 1856, 1869, 1873-74 йиллари Россияяга борган. Ва сафар чоғида Петербургда, Москвада кўрган-кечиргандарини “Бадоевл-вақое”нинг алоҳида фаслларида ҳикоя қилиб берган. 1874 йил февраль-март ойларида Россияяда чиқадиган “Голос”, “Новое время” газеталарида Аҳмад Донишнинг билим-савиаси ва сиёsatдонлиги таърифланган фикрлар бослигандар. Шунга қараганда, ул зот рус подшоси хизматидаги ёзуви ва олимларнинг эътиборини тортган.

Бухорода бир амир даврида неча вазир, қози, муфти ва беклар алмашган. Жамиятда эса ҳеч нарса ўзгармаган: ҳалқ ҳаётийи йилдан йилга ёмонлашиб бораверган. Бир вақтлар сургун қилинган Наполеон тантлииги тутиб, “Менга ўхшаш одам миллионлаб кишиларнинг ҳаётига тупуради” деган экан. Бухоро амири ҳам ҳалқ ҳаётини бир чақага олмаган, дейиш фирт соддалик бўларди. Акс ҳолда Дониш давлат бошқариш тизимини тубдан ўзгартириш масаласида маҳсус рисола ёзиб, амир Музаффарга тортиқ қиласди. Табиийки, “Халқ ахлоқининг тузалишидан илгари подшоҳ ва ҳукумат арబоблари ахлоқининг тузалиши зарурроқ. Чунки

подшоҳ ахлоқли бўлса, бир шаҳарга эмас, балки вилоятга, ҳаттоқи бутун бир иклимига таъсири ўтади. Шунингдек, подшоҳнинг маънан бузуқлиги ҳам бутун бир мамлакат ҳалқининг бузилишига сабаб бўлади” қабилидаги гаплар амирга ёқмасди. Шунинг учун рисола муаллифга атрофидаги миш-мish ва гийбатларни кучайтиришдан ўзга наф келтирмаган эди. Шунга қарамасдан, Дониш “Наводирул-вақое” асари ни ёзиб тугатади.

“Наводирул-вақое”ни ёзгандан кейин, — дейди Садри Зиё, — Донишни нодону коғирга чиқаришди... Қозикалон уни кўрганда, вазир, күшбеги у билан ҳар жойда учрашганда, гарчи бош ирғитиб, табассум илиа “яхши”, “бале” десалар-да, ортидан кулиб, “Девона бўлиди...” дер эдилар”.

Чунки “тили аччик” Донишдан амирнинг тамоман совиганини бу муноғиқлар яхши билганлар.

Аҳмад Дониш манғит салтанати хонадони мухтасар тарихи битилган “Рисола”синг асосий қисмиди амир Музаффардан — унинг турмуши, феъл-атвори, мамлакатга раҳбарлик қилиш тартиб-усуллари, чор давлатига таслим бўлиш сабабларидан баҳс юритади. Ва масаланинг икки жиҳатига алоҳида ургу беради: бири — Музаффарнинг таҳтга чиқиши билан юртда таҳлика, кўркув, қуллик ва ёлғоннинг фавқулодда зўрайиши; иккинчиси — катта-кичик, паст-баланд мансабларнинг энг кўрқоқ, муттаҳам ва юлғич кимсаларга тақсимланганни.

Масалан, Бухоро вазоратини эгаллаган Муҳаммад Күшбеги шунчалик ожиз, бесавод ва ақлсиз бўлганки, у бутун “иқтидори”ни давлатнинг аянчли ахволи ҳақидағи заррача тўғри фикрни ҳам амирга етказмасликка сарфлаган. Чунки адолат, диннат, инсоф талабидаги ҳар қандай гап амирнинг кайфиятига ёмон таъсир ўтказиб, уни фазаблантирган.

Донишнинг икрорига кўра эса, “Куруқ хушомад, бемаъни мақтовлар билан давлат ишлари ўнгланмаганидек, ҳалқнинг ахволи ҳам яхшиланмайди”.

VI

Аҳмад Дониш новча, тўладан келган, боши ҳаддан зиёд катта киши бўлган. Шунинг учун унга Аҳмад Калла лақаби берилган. Ўзи эса ҳазил билан одамлар мени нима десалар

десинлар, "Ман ҳамон Аҳмади порина ки будам, ҳастам" — "Мен ўша-ўша бултурги Аҳмадман, ҳозир ҳам ўшаман" дер экан. Айниятнинг таърифлашича, у буғдоиранг, юзи тұла ва тоза эди, ёшини олтмишдан ошган деб тахмин қилиш мүмкін бўлгани ҳолда бетида ажин сезилмасди. Ўртача ва калта соқолининг оқи қорасидан кўпроқ эди.

Аҳмад Маҳдумни ҳиммат ва саҳоват бобида Хотами Тойга тенглаштирганлар. Бироқ шундай илм-маърифат ва фазилат соҳибини бировлар коҳин, яъни фолбин — "ғайбдан хабар берганда ажина ва пари-ларнинг талқинлари юзасидан хабар беради" деб айблашган. Ақл-идроқи паст, калтабин муллалар ва уларнинг қулига айланган муллаваччалар уни диний илмдан бехабар ва шариат асосларига шикаст етказувчи коғир деб ҳисоблашган. Нафсу тама қўлида кўғирчоқ амалдорлар унинг тимсолида давлат душманини "кашф" этиш ва бу бўхтонга амирни ишонтиришга уринган. Хуллас, Аҳмад Маҳдум гийбатчилик ва гийбатчилар учун катта бир мавзу бўлган. "Наузибиллоҳ, бу худобехабар коғир бўлигини қолмай, Намруд, Фиръян ва Шаддодлар каби худолик даъвосини ҳам қиласди..." Бу "айбнома" ҳам Дониш ҳақида. Шарқ жаҳолати ана шундай хавфли, ана шундай таҳликалидир. Унинг замираида худолик даъвосини қиласган Мансур Ҳаллож дорга осилганда Аҳмад Дониш нечун тирик юрибди, дегандек мудхиш талаб яшириниб ётиби. Тұхмат, ифво, ҳасад ва бўхтон ҳамлалари филни ҳам кулатиши ҳеч гап эмас. Бироқ Дониш қылт этиб тебранмаган, куламаган. Негаки, унинг кўнгли маърифат нури, ҳақиқат ишқи билан тўлиб-тошган. Ожиз, пасткаш, салоҳиятсиз кимсаларнинг бирлашиши ҳам, зимдан қаҳр сочишлари ҳам уни чўчитмаган. У куч-кувватини душмандар билан тортишиш ва олишишга эмас, асосан нафсини "ҳайвоний ва шайтоний сифатлардан поклаш"га сарфлаган.

Донишнинг табиатида гаройиб бир эркинлик ва муросасизлик бўлган. Ҳар қандай эзгу ишда қалби ва руҳи тубанлик, фирромлик ва нокаслик шарпасини сездими — бас, ундан кўл силтаган.

"Мударрисларнинг дарс беришлари одам қўлига босмачилик қилиш учун қилич тутқазишга ўхшайди. Шунинг учун мен бу ишдан четлашдим". Бу — мударрисликдан кечган Донишнинг иқрори.

"Фоғилликда юрган кезларимда мен ҳам бир неча вақт муфтилик билан шуғулланган эдим. Ўласам, эшиқдан ким келар экан, нима берар экан, деб келганларга сўз ўргатиб, йўл кўрсатиб, шундан бирор нарса олиб, нон топар эканман... Шунинг учун... бу ишдан ҳам кутулдим". Бу — муфтиликка қўл силтаб, иттифоқо нафсини тийган До-нишнинг эътирофи.

Дониш ўз даврининг зўр наққоши, хатоти ва рассоми бўлганини айтган эдик. "Мен Аҳмад Маҳдум кўчириб, расм ва лавҳалар билан безаган бир "Юсуф ва Зулайхо" китобининг уч юз пуд буғдоирга сотилганини кўрганман", дейди Айний. Қарангки, Донишнинг хаттотлик ва наққошлиқдан ҳам ҳафсаласи пир бўлади. Унинг изоҳлашича, "бу санъатга уринган кишиларнинг мақсади ё муаллим бўлиш, ёки саройга ва бошқаларга котиблик қилишдир. Менинг кўнглим эса ҳар иккенини ҳам кўтармас эди..."

Дониш бу дунёда мутлақ озодлик йўқлигини билгани ҳолда, инсонга ҳурлик ва озодликдан буюк саодат, олий неъмат бўлмаслигига ҳам шак келтирмаган. "Мен ўзимни таниганимдан бери эркин юрганман, ҳеч қачон ва ҳеч бир мавридда асоратга тушмаганман, саройда ишлаб, маъмур ва маошхўр бўлган вақтларда ҳам эркинлигимни кўлдан бермай, асоратни тан олган эмасман..."

Мана шундай кучли, эркига содик шахс бўлган Аҳмад Калла.

VII

Индаллосини айтганда, улуг ижодкор, ҳақиқий санъаткорларнинг қисмати мураккаб, баъзан эса ниҳоятда оғир бўлади. Улкан санъаткор жамият билан келишса, давлат ва ҳокимият билан чиқишолмайди, давлат билан тил топишса, ҳалққа макбул келмайди. Бу зиддият истеъодидан ўз гирдо-бига тортганда, ақл бовар қилас мас бахтсизлик, кулфат ва фожиалар юз очади. Шу маънода жаҳон адабиёти тарихига бундек назар ташланса, "Сен она эмассан, жаллодсан дунё!" деган шеърий сатр беихтиёр ёдга тушаверади.

Н.Герцен буюк рус шоири Пушкинга бағишиланган бир мақоласини бундай маълумот билан тугатади: "Рилевни Николай дорга осди. Пушкин ўттиз саккиз ёшида дуэлда ўлдирилди. Грибоедов

Техронда сотқинлик курбони бўлди. Лермонтов ўттиз ёшида Кавказда дуэлда нобуд этилди. Веневитинов йигирма икки ёшида оломон курбони бўлди. Кольцов ўттиз уч ёшида ўз хонадонида ўлдирилди. Белинский ўттиз беш ёшида очлик ва қашшоқликдан жон таслим қилди. Баратинский ўн икки йиллик ҳарбий сургундан сўнг дунёдан кетди. Бестужев Сибирь қамоқхонасидан кейин, ҳали ёш чоғида, Кавказда жувонмарг этилди...

Адабиётнинг иродаси, сабр-бардошига балли! Ахир, унда ҳам оталик, оналик туйғуси бор. Ҳар бир истеъдод — унинг нуридийдаси, умиди ва ишончи. Йўқотишлар, ажралишлар, янги-янги мусибат адабиётга қандай таъсир ўтказган, қалбини қандоқ эзган — бу ҳақда сўзлаш ҳам қийин.

Аҳмад Дониш узоқ муддат саройда хизмат қилган, бераҳи сарой ҳаётини ичидан кузатган. Бир эмас, уч амир — Насруллохон, Музаффархон ва Абдулаҳадхоннинг қалам ахлига муносабати, уларни қарамликда саклаш, таҳқирлаш сиёсатини энг хуфя жиҳатларигача билган.

Буюк маърифатпарвар бошқа ўлкалардаги салтанат соҳибларининг хизматида бўлган олим, ёзувчи ва шоирларнинг ахволидан ҳам воқиф эди. Адаб шу хусусда тез-тез фикр юритар, гоҳо таҳликали ҳаёлларга бериларди. Айниқса, муаррих танишидан эшитган қонли бир воеа унинг хотирасига чукур ўрнашиб қолган эди. Бу — озарбайжон шоири Мулло Паноҳ Воқиф кисматидаги фониши эди.

Қорабоғ хукмдори ўзининг бир навкари томонидан ўлдирилганидан кейин унинг тахтини эгаллаган Муҳаммадбей ҳам Воқифга душман назари билан қараган. Ва шу даражада тубанликка борганки, шоирнинг ҳам жонига, ҳам гўзал хотинига кўз олайтирган.

Воқиф Қизхоним исмли бир малаксиймо гўзалга ўйланганда ёши анчага бориб қолган эди. Бироқ ишқ оташининг нималигини у ўшанда англаған, дунёни унутиб, бутун борлигини Қизхонимга бағишилаган. Бой-бадавлат бир хонадонда вояга етган Қизхон ҳусну жамолда тенгсиз, таърифга симас бир санам сифатида донг таратган ва Воқифнинг чинакам илҳом парисига айланган. Янги ҳаёт, кутилмаган баҳт тимсоли бўлиб кўринган ёрига у кўплаб шеърлар бағишилаган:

Соз тутилиб юз минг санам ўйнаса,
Жам бўлиб Руму Ажам ўйнаса,

Кўкда малак, ерда одам ўйнаса,
Кувонч етмас ҳаргиз ўзгадан, келин...

Бу сўзлар ва самимий эътирофларнинг оқибати нима бўлиши ёки нимага олиб боришини шўрлик шоир хаёлига ҳам келтиролмасди. Қизхоннинг таърифини эшитган Муҳаммадбей аёл билан пинҳона алоқа боғлаб, унга уйланиш истагини билдиради. Хоннинг ваъдаларидан ўзини йўқотган соҳибжамол “Токи Мулла Паноҳ ўлмас экан, мен сизга шаръян хотин бўлолмайман”, дея жавоб қайтаради. Хонга айнан шу икрор ва ишорат керак эди. У Вокифни хузурига чорлайди. Зўр зиёфат ўюштириб, гўё иззат-икром кўрсатган бўлади. Уни вазирлик мансаби кутаётганини айтади. Ҳуллас, ҳар қанча узрлар айтиб, ҳар қанча ўзини олиб қочмасин, Воқиф вазири аъзам бўлишига кўндирилади. Кўп ўтмай у умрида қилмаган, қанча таклиф ва даъватлар бўлса ҳам ўзини мажбур этолмаган ишга кўл уради — бирин-кетин мадҳия ва қасидалар битади:

Қаламда, қиличда, сўзда, садода,
Баробари йўқдур дорилғанода,
Мехру муҳаббати ҳаддан зиёда,
Кўрсатур чўх эътиқодин Муҳаммад.

Эҳтимол, золимни — одил, қаҳрни — меҳр дейишда адашиш мумкиндири. Аммо жони, аёли, номусы шаъни ва истеъодига чанг солишга ҷоғланаётган жаллодни мақташга киришган шоири қандай оқлаш мумкин?

Хон ўзини ғолиб сезишга ҳақли эди. У улкан бир шоирни маънан синдириш, иймон-эътиқодига зид гапларни сайратиш ва эл-юрт олдидা обрўсизлантиришга эришади. Воқиф учун эркинлик, ҳақгўйлик мавсуми тугайди. Энди унинг бошида мусибат булуғлари куюқлашиб бораради. Воқифнинг саройдан ташқаридаги душманлари ҳам сарой аъёнларига тухмат ва бўхтонларни зўр бериб етказа бошлиайди.

Нихоят, хоннинг яқинлари унга қуида-гича маслаҳат беради: “Тез кунда ИброХимхон Қорабоғ заминига хужум бошлади, ана шунда вазирингиз мулла Паноҳ сизга хиёнат қиласди... Фурсат борида уни ўлдириш ва маликаи оғоқ бўлмиш хотинини ҳарамга олиш керак”. “Олампаноҳ” буни маъқуллайди. Воқиф фожиа кўлан-

касини сезади. Унинг "Бош олиб бу ахли дунёдан аёқ етгунча қоч, На қизга, на ўғилга, на дўсту на ёрга боқ", деган сатрлари буни тасдиқлайди. Лекин шоир қочиш чорасини тополмайди.

Бир тунда уни Қосим оға исмли ўғли билан қатлоҳга олиб борадилар. У ўғлидан олдин ўлдиришини ёлвориб сўраса ҳам, кўз ўнгидаги аввал фарзандини қатл этиб, сўнг ўзининг бўйнига пичоқ тортадилар. Худди шу кечада шоирнинг хотини подшохнинг ҳарамига олиб келинади...

Бу воқеанинг Аҳмад Донишга қаттиқ таъсир этгани бежиз эмасди. Чунки аллома бунга ўхаш ходисаларга кўп гувоҳ бўлган эди. Айниқса, Амир Музаффарнинг рухастисиз чиройли бир қизга уйлангани учун бир олим йигитнинг ўлдирилгани ва ўша қиз чимилидиқдан тўппа-тўғри ҳарамга олиб келинганини у хеч унупотласди. Дониш сарой амалдорлари орасида ўзини қанча бегона сезса, майдагап, мунофик, қаланги-қасанғи ижодкорлардан ҳам шунча кўнгли қолган эди. Унинг истеъдод бобида ҳам, садоқатда ҳам ишончли бир шогирди бор эди. Афзал Пирмастий деган бу йигитни бағрига олади, сабоқ беради, тарбиялайди. Қаддини ростлагунча суюиди. Мансаб эгаллашига кўмаклашади. Лекин хом сут эмган банда, барибир адашар экан. Бу йигит, ҳамма яхшиликларни эсдан чиқаргандай, бошқа бир кимсага айланади. Устозидан гап ўғирлаб, амирга етказиши оdat қиласди.

Хон хизматига қандай кишилар муносиб кўрилади, қанақа кимсалар мансабга тез кўтарилади, сарой мухити асосан нимани ўргатиб, нимага рафбатлантиради — Аҳмад Дониш буларни ўша шогирдига қайта-қайта уқтирган эди.

Устоз қозиликдан ҳам истеъро бериб, узлатга чекингач, Исо Маҳдум, Кори Каромат Танбурий, Кори Неммат каби бир неча мусохибидан ўзга одам билан дил очиб сұхбатлашмасди. "Водариг! Бизнинг замонамизда қулоқлар кар, кўзлар кўрдир. Ягона йўл қолди: нимани билсанг, шуни ёзиш, ўзинг ўқиб, ўзинг йигламоқ учун уни қоғозга битиши..." Аммо оптоқ қоғозга дардларни тўкиш, танҳоликда йиглаш учун ҳам имкон йўқ эди.

Эл-юрт орасида катта обрў қозонган қайсар алломанинг фикрларини амир билгиси келарди. Афзал Маҳдум айғоқчиликни қойиллатиши керак эди. Бироқ кўп ўтмай

сир фош бўлади. Шундан сўнг Афзал Маҳдум ҳам Донишга, ҳам устозининг айрим яқинларига ташланади...

VIII

Минг саккиз юз тўқсон еттинчи Йилнинг эрта баҳори. Кўклам қучогида эркин нафас ола бошлаган қадим Бухоронинг кент ва олис қишлоқларида ҳам ҳаёт қайнайди. Қишки қарахтилик, сокинлик кўнгилларни тарқ этган. Дунё гўёки бир жўшқинлик — баҳор ва тириклик завқидан бошқа шукуҳни тан олмайдигандай. Кушлар қий-чувига тўлиб кетган боф-роғларда одамлар кўклам юмушлари билан машгул.

...Кеча Садриддин кўшнисидан эшагини сўраб олган. Бугун Фиждувон марказига бормоқчи. Пешинга яқин у эшакка миниб ўйлга тушди.

Туман марказига етиб келиб, эшакни бозор рўпарасидаги карвонсаройга боғлади. Чорсу томонга юриб, тўғри Файзибай ҳолвачининг дўконига кириб борди. Файзибай унинг эски ошнаси. Дўкон эса ҳамиша гавжум, хабар тўпланиб, тарқаладиган ўзига хос бир "марказ" эди...

Ҳолвачи унга вужудни қақшатадиган совуқ бир хабарни айтди. Бу — Аҳмад Донишнинг вафоти хусусида бир ҳафта олдин Бухордан етиб келган машъум хабар эди.

— Водариг, шундай улуғ одам вафот этди, — дей гапни давом эттиради Файзибай, — Аҳмад Маҳдум беназир одам эди. Унинг улуғворлиги муллалиги, ёши, марта басида эмас, балки ростгўйлиги, одиллиги ва донишмандлигига эди. Суҳбатдошни ипсиз боғлай оладиган бир кучи бор эди. Хислатли, хосиятли бунақа зотни мен умримда кўрмаганман. У зўр дуоҳон эди деб ўйлайман, хоҳлаган одамини асир айлай биларди. Шунча савлату салобати билан катаю кичикка оға-иницек мумомала қиларди... Биз бир неча Фиждувонликлар тунов куни уйига бориб аза очдик. Уч кун мобайнинда дуои фотиха ўқидик.

Садриддин Аҳмад Калланинг Фиждувон яқинида қароргоҳи борлигини эшитган, лекин кўрмаган эди.

— Ака Файзи, шу уйга бориб фотиха ўқисак бўладими?

— Албатта. Бутун Бухоро ҳозир Маҳдумга мотам туваётир. Вобкент, Шоғиркон, Пешкӯда ҳам аза очилган...

Файзибай узоқ куттирмади. Икковлон йўлга чиқдилар. Садриддин хомуш эди. У канча мусибат ва йўқотишларни бошдан ўтказди. Бироқ бу ажralиш аламини сўз билан ифодалаб бўлмасди. “Нега тириклигда уни сўроқлаб бормадим? Сўхбатларидан нечун ўзимни мосуво қилдим?” деб ўзини койир ва у ҳам “Хай дариф, минг дариф” демоқдан бошқа таскин тополмасди.

Файзибайга таниш икки киши уларни қарши олди. Тиз букиб ўтиришлари ҳамон Садриддин қироат бошлади. Куръони қарим қалималари овозидан мунг бўлиб, муноҳот бўлиб оқди, оқаверди.

У ўлимнинг ҳақлигини билса ҳам, шундай мунаvvар, шу қадар мукаррам зотнинг вафотига кўнникомласди.

Файзибай Аҳмад Маҳдумнинг бу жойга қачон келиши, кимлар билан учрашиши, юриши-туриши ҳақида билганларини сўзлай бошлаганда Садриддин тўккиз ёғочлик ҳашаматли уйни нигоҳдан ўтказарди. Деворларга ганҷкорлик, ўймакорлик усулида ҳар турли нақшлар солинган. Гуллар эса шунчалик жонли ва жозибалики узиб ҳидласа бўлаверадигандай. Хонанинг олд девори тепасига маҳсус лавҳада: “Э кўргувчи, бу нақшни асло унутмагил, Мир Аҳмад факир синиқ килкин эслагил!” деган байт заррин ҳарфлар билан нақшланган.

Файзибайнинг айтишича, буларнинг ҳамасини Дониш ўз қўли билан яратган экан.

Садриддин Айний Соктареда кейин узоқ туролмади. Аммо Бухорога ҳам боргиси келмасди. Донишдай жигарбандидан жудо бўлган Бухоро унга бениҳоя ўқсик, ғариблишиб қолгандай туюларди. У Пешкўга — Аҳмад Донишнинг садоқатли дўсти, туман қозиси Шарифжон Маҳдум ёнига борди.

“Мен қози билан Аҳмад Дониш ҳақида кунда узоқ сўхбат қилишдан ташқари,—дек хотирлайди Айний,— Дониш қўли билан ёзилган катта дафтардан унинг асарларини ўқиб чиқдим. Қизил чарм муковали бу дафтарнинг бўйи тахминан икки қарич, эни бир ярим қарич бўлиб, Кўконнинг жайдари китобат қофозидан тузилган эди”.

Ушбу дафтар маълум бир жиҳатдан кундалик характеристида бўлган: муаллиф турли ҳолат, кайфият ёки вазиятда туғилган фикр-мулоҳазаларини шу дафтарга пешма-пеш ёзиб, қайд қилиб борган. Сўнг “Наводирул-вақеъ”ни ёзишда уларнинг баъзиларидан фойдаланган.

Аҳмад Донишнинг дастлабки асари

“Манозирул-кавоқиб”дир. Бу рисолада нужум, яъни юлдузшуносликдан баҳс юритилган бўлса ҳам асосий эътибор инсон тақдирни ва толе сирларини очишга қаратилган. Расмий уламолар Донишни ислом дини асос ва ақидаларини билмасликда айблайди. Шунда у ғанимлар бўхтоннига “Меъёр ут-тадайон” (1894) рисоласини ёзиш билан жавоб берган, унда дину диённат меъёrlарини ёритган эди. Мангит амирлари сулоласи ҳукмронлиги тўғрисидаги китобида эса юз йиллик тарих тадқик ва таҳлил қилинган.

Ибрөҳим Мўминовнинг қайд этишича, “Мажмуа ҳикояти Аҳмади Калла” тўпламида Ўрта Осиё тарихидаги, хусусан, Мирзо Улугбек давлатни бошқарган даврдаги энг муҳим ҳодисалар қalamга олинган.

Албатта, бугун кўпчилик замондошларимиз бу асарларнинг номини ҳам билмаслиги мумкин. Негаки, “Наводир”нинг ўзбекча таржимаси уч минг нусхада 1964 йилда босилиб чиқкан. Орадан кирк йилдан зиёд вақт ўтди. Бу китоб на қайта нашр этилди, на Донишнинг бошқа бир асари таржимасига кўл урилди. Илм ва ижод ахлиниг муносабати шундай бўлгач, ёш авлод До-ниши қайдан билсин, қайси китобини қаердан ахтариб, қандай топиб ўқисин?

Е.Бертельс “Дониш — Ўрта Осиё жадидларининг отаси” деб таъриф берган эди. Шундай экан, бундай улуғ зотнинг ҳаёти ва фаолиятини ўрганмасдан турив озодликнинг, илм-маърифатнинг аҳамиятини тушуниш қийин.

IX

Маълумки, ҳаётдан адабиётга, адабиётдан ҳаётга бориш айни бир йўл эмас. Адабиётнинг бош вазифаси ва туб моҳиятини чукур тушунмай ҳаётдан баҳс юритадиган ижодкорлар бўлганидек, ҳаётнинг асосий талаби ва боқий ҳақиқатларини теран англамай турив адабиётга хизмат қилишини кўзлаган қалам соҳиблари ҳам кўп учрайди. Истеъодод фақат адабиётда синалмайди, уни ҳаёт ҳам синовдан ўтказади. Аслида, ижодкор куч-куввати, шижоати ва маҳоратини намойиш айлайдиган чинакам синов шу. Инсон тақдирини ҳаёт кўзгусида, ҳаётни инсон қисмати орқали акс эттиришни эплаган ҳар бир санъаткор буни албатта ўйлади.

“Ҳаёт — моддий ва жисмоний ҳаракат, ҳар қандай фаолият, ўз моҳиятига кўра но-мукаммал ва бетартиб. Мен эса фақат ҳаёт

талашиби мувофиқ ҳолда унга хизмат қилишга интиламан", — дейди француз адаби ва мутафаккири Мишель Монтен. Ана шундай нұқта назарға асосланған ижодкор маңнавий-ахлоқый, диний-рухоний мәвзуларда ҳеч вақт сағсатабозлық қілмайды. Ҳеч қағон китобий ғоя ва тушунчалардан илхомланиб асар ёзишга умрени сарфламайды. Бухоро адабий мұхитиде эса бадиий ижод воқеликдан, воқелик адабиёттан йироқда судраларди. Ўртада уйғунлик, табиий алоқа йўқ эди. Аксарият қаламкашлар мәхдуд ахволи, қилаёттан ишига танқидий нигоҳ билан қарай олмасди. "Эй биродарлар, сиз кам фикрлайсиз. Мушоҳада юритолмай, тайёр фикрларга ёпишиб яшайсиз. Ҳатто түйғу ва изтиробларингиз ҳам янгиликтан маҳрум" дейдиган одам топилмасди. Адабиёттеги назиранавислик, маддохлик лойига ботған, айниқса, Мирзо Бедилга кўркўона таклид "мода"га айланған эди.

Бу жараённи тўхтатиш, қандай қилиб бўлмасин, бундай иллатларга барҳам бериш зарур эди. Буни уддалаш осон эмасди. Адабиётдаги нағислик ва гўзалликнинг манбаи қаерда? Ҳаётда. Адабиёт ва санъат нозикликни қаердан ўзлаштиради? Ҳаёт ва воқеликдан. Демак, ҳаёт адабиётдан нозикроқ. Шу боисдан ҳаётни тез бой бериб, осон булғатиш мумкин. Бу ҳақиқатга етишган ижодкор ўз ҳаётини минг-минглаб кишилар кўзгусида мушоҳада этишда қийинчилик сезмайди. Ва ҳеч шубҳасиз, ҳар қандай шароитда ўз китобхонини топади. Зеро, чин истеъдод ўқувчи марҳаматига зор эмас. Ёзган ёки ёзилажак асари ҳар томонлама мукаммал — гоявий, руҳий, бадиий жиҳатдан ҳам қизиқарли бўлса, китобхон уни албатта топиб ўқийди. Бинобарин, ўзига инонгган истеъдод соҳиби адабиёт "ярмарка"сидаги галаёнларга аралашувидан тийилади. Аҳмад Дониш имлий-ижодий фаолияти шу маңнода ибрарат мактабидир.

Бу дунёда ҳар бир ютуқ ва муваффакият ўзича қурбон талаб қиласи. Нимадандир кечилса, нимагадир эришилади. Ниманидир саклаб қолсангиз, ниманидир бой берасиз. Хуллас, муваффакият дегани — маҳрумият, маҳрумият дегани — муваффакият бўлмоғи мумкин.

Дониш ҳаётини севиб, ҳеч бир тўсиқ ва қаршиликни писанд этмай мардона кун кечирди. Шу боисдан ҳам унинг асарлари ростлик, матонат руҳи билан суғорил-


ган. У куч-қувватини ўзи хоҳлаган зайлда ижодий ишларга бағишли олмаган бўлса-да, ҳеч бир маънода тилқисиқлик жойи ҳам йўқ эди.

Аҳмад Дониш ҳалқ ва давлат, ҳокимият ва юртнинг таназзулдан кутилишини ўйларди. Шу боисдан ҳам у жоҳил, нодон ва аҳмоқ кимсаларни давлатдан ҳимоя айлашга уринмаганидек, ичдан чириб, бузилиб кетган давлатнинг одамлар ҳаётида бирор ўзгариш қилиши ҳақида сўзлашни ҳам истамасди. Унинг биринчи орзуси ахлоқ ва тафаккур эди. "Илм-фан тафаккурни озод қиласи, эркин тафаккур эса ҳалқдир" деган ҳақиқатга Донишда ҳам иштибоҳ йўқ эди.


Менимча, олмон файласуфи Эрих Фроммнинг мана бу мулоҳазалари айнан Аҳмад Донишга ўхшаган мутафаккирлар ҳақида айтилганнайдир: "Камдан-кам кишиларгина ёлғизликка чидаб, жамоатдан четда умргузаронлик қилишдан кўрқмай, ҳақиқатни айтишга қодир бўлади. Булар инсониятнинг чинакам қаҳрамонларидир. Агар шундай шахслар бўлмагандан, биз ҳозиргача мағораларда кун кечириб юрган бўлардик".

Аҳмад Дониш ана шундай қаҳрамонлардан эди. У ҳақиқат, маърифат, тафаккур нури билан ҳалқининг қалбини нурлантришига бел боғлаган тантн аллома эди.

Аҳмад Донишнинг ҳаёти ва ижодиётини ўрганишда тоҷик, ўзбек, рус олимлари бир қанча ҳайрли ишларни амалга оширган. Улар орасида С.Айний, Е.Бертельс, И.Мўминов, С.Улуғзода, З.Ражабов, М.Шукуров каби атоқли олим ва адиллар бор. Бугун юртимизда сиёсий-иҳтиёмий иқлим тубдан ўзгарган, фикр-қарашлар янгиланған, маданий меросга муносабат ҳам бошқача. Лекин, афсуски, Аҳмад Донишга бағишилаб янги давр талаб ва эҳтиёжини ифодалайдиган бирорта ҳам маҳсус тадқиқот бизда ҳали яратилгани йўқ. Нега биз Донишдан ўзимизни четга тортишимиз керак? Нега юрт, миллат, инсон эрки дардидан бошқа дардни писанд қилмаган маърифатпарвар адебнинг имлий-адабий меросини кўзга суртиб ўқиб-ўрганмасликка кўнишишимиз керак? Шундай бетимсол мутафаккирнинг ибратли ҳаёти, иҳтиёмий-сиёсий, маънавий-фалсафий сабоқларидан бехабарлик ҳам ғоғиллик, ҳам маърифатли жамият қуришни орзу қилаётган биздек авлодга ярашмайдиган ҳолдир.



Саралон төгларда жоннатта дўнор





Кўпгина буюк ижодкорлар каби Жан Поль Сартр ҳам мураккаб ва зиддиятли қалб соҳиби бўлган. Шу боис турли эътиқод ва мақсадлар билан яшаган, гоҳ эрк истаб, гоҳида эркидан кечиб, баъзида илоҳий бир куч таъсирида Худони тан олиб, баъзан эса бу ишончдан тониб, ҳаётдан маъно ахтарган қаҳрамонларига ўзини қиёслаган. Бу ҳақда: “Мен бутун вужудим билан улардан яралганиман, улар эса — Худодан. Бироқ мен Худога ишонмайман, менинг кимлигимни энди ўзинг топ”, деб ёзган. Дастлаб протестантлик ва католиклик руҳида тарбияланиб, кейинчалик атеизмга эътиқод кўйган, марксизм ва нигилизмни ўрганиб, сўнгра эк-

Атоқли француз файласуфи ва ёзувчиси Жан Поль Сартр (1905-1980) жаҳон адабиёти ва тафаккури ривожига улкан ҳисса кўшган буюк истеъод соҳиби ҳисобланади. Унинг кўплаб роман, драма ва фалсафий асарлари дунёнинг турли тилларида чоп этилган, инсониятнинг маънавий хазинасини бойитган. Бу асарлари орқали у инсон ўзини ўзи тарбиялайди, мавжудлик шахснинг ҳаёти ва хатти-харакатларидан иборат, деган қарашларни илгари сурған. Атеистик экзистенциализм намояндаси бўлган файласуфнинг ушбу фикр-мулоҳазалари ҳанузгача турли баҳсларга сабаб бўлиб келмоқда. Қўйидаги мақола, ўйлаймизки, Сиз, азиз журналхонларнинг Сартр ижоди ва шахсиятига бўлган қизиқишишингизни янада оширади.

зистенционал гуманизм тарғиботчисига айланган, Гуссерль ва Ҳайдегер каби файласуфларга эргашиб, "субъектнинг реаллиги ва реалликнинг субъективлиги"ни асослашга интилган, фалсафий муаммоларни бадиий тасвирларга, бадиий мавзуларни эса фалсафий мулоҳаза ҳамда қарашларга сингдирган, ўзи айтганидек, ранг-баранг, универсал билимларни ифода этиш учун беором изланишларга "маҳкум этилган" ижодкорнинг ўзи ҳақидаги аччик, лекин ҳаққоний баҳоси шундан иборат эди. Ўзига нисбатан шундай шафқатсиз муносабати учун Оврупо уни гоҳо улуғлаб, кўкка кўтарди, гоҳо эса ерга уриб, бутунлай рад этди, асарларини баъзида қунт, баъзида шубҳа-гумон билан ўқиб-ўрганди. Албатта, ақл-идрок ва тафаккур сарҳадларини анъанавий ёндашувлардан халос қилишга уринган, бутун истеъодини шунга сарфлаган шахсни тушуниш, англаш осон эмас эди. Маълумки, ижодкорга авваламбор руҳий эркинлик зарур. Унинг учун қолган масалалар одатда кейинги ўринда туради. Шунинг учун "Одам — эркин яшашга маҳкум" деган фикр Сартр асарларида бош ғоя даражасига кўтирилган. Модомики, инсон азалдан эркин яшаш учун яратилган экан, нега у бутунлай эркин бўлолмайди? Бунинг боиси шундаки, эркин яшаш инсондан катта масъулиятни талаб қиласди. Мутеликда яшашга ўрганган кишилар бирон бир топширикни адо этишни масъулият деб тушунади. Лекин аслида улар на ўзи, на инсоният олдидаги жавобгарликни ҳис этади. Ижодкор эса ҳар бир сўзи учун масъул бўлмоғи лозим. Ана шу масъулият унинг руҳиятидаги эркинликин оқлайди, яъни эзгуликка хизмат қилдиради. Масъулиятни унуган заҳоти унинг руҳиятидаги эркинлик маънисизликка айланади. Чунки ижодкорнинг ҳар бир сўзи инсон қалбини забт этишга қаратилган бўлади. Қалб эса ўта нозик, уни эзгу ҳисларга ошно қилиш ҳам, ёвуз ниятларга тўлдириш ҳам ҳеч гап эмас. Бу чегаралар бир-бирига жуда яқин эканини ҳақиқий санъаткор яхши билади. Шу боис у мудом изланишда, хавотирда, зиддиятли туйғулар тўғонида яшайди. Камдан-кам ижодкор бундай азоблардан маъно топади. Сартр бу маънони руҳий эркинлиқда деб билади. Ёзувчи Иккинчи жаҳон уруши даврида "Каршилик" ҳаракатида қатнашгани учун Франциянинг олий нишони — "Фахрий легион" ордени билан тақдирланади. Бадиий-фалсафий асарлари учун эса халқаро Нобель мукофотига сазовор бўлади. Лекин ижодкор ўз эътиқодида қатъий туриб, "Мен шон-шуҳрат эркимга халақит беришини истамайман", деб бу мукофотлардан воз кечади.

XVIII аср фалсафасида ҳам, Сартрнинг фикрига кўра, моҳият мавжудликдан олдин келади деган ғоя яшаб қолаверди. Дидро ва Вольтер каби файласуфлар барча инсонларга тааллукли "умумий инсоний табиийлик" мавжуд деб билган. Кант фалсафасида инсоннинг моҳияти унинг тарихий мавжудлигидан олдин пайдо бўлиши ҳақида фикр юритилади. Экзистенциализм эса мавжудлик моҳиятдан олдин келади, унинг қандай бўлишини белгилаб беради, деб ҳисоблайди. Чунки олдин одам пайдо бўлади, шундан кейингина у ўз моҳиятини намоён этади. Сартр бу масалага атрофлича тўхталиб, "Одамзод ўзини ўзи қай даражада

шакллантира олса, шу даражада инсон", дейди. У инсонда умумий инсоний табиийлик йўқлигини, унинг ўзи ўзича мавжуд бўлишини таъкидлайди. Бу эса инсонга масъулият юклайди. Ўзини ўзи шакллантира олиш ҳам ана шу масъулиятга боғлиқ. Бинобарин, мавжудликнинг тақдирни инсон қўлида. Бордию инсон ва борлиқ илоҳий яратик бўлса, улар ўртасида бевосита боғлиқлик бўлиши, дунёдаги ёвузиликлар, дилозорлик ва қирғинлар учун яратганинг ўзи жавоб бериши вожиб эди. Бу эса аслида инсоннинг ҳаёт учун масъуллигини инкор этиш, унинг гуноҳларини оқлаш ва охир-оқибатда уни эрксиз ва хукуқсиз маҳлуқقا айлантириш билан баробардир.


Немис файласуфи Фридрих Ницшенинг даҳриёна ҳайқиригини Оврупода тинглайдиган ақлли одам топилмаган. Файласуф умрининг охирги ўн йилини телбаҳонада ўтказгани учун унинг сўзларини ҳеч ким жиддий қабул қилмаган. Аммо орадан ярим аср ўтмаёқ Овруподаги интеллектуал уйғониш ҳаракатининг пешволаридан бири Сартрнинг ҳам шу масалага қайтиши жамоатчилик ўртасида катта шов-шув уйғотади. Лекин мутеларча яшашга ўрганган кишилар бу фояни қабул қила олмайди. Уларнинг назарида инсон ҳар куни, ҳар сонияда ўзидан юқори турган илоҳий кучга ҳисоб бериши шарт. Акс ҳолда у хом сут эмган бандалигига бориб, нафақат ўзини, ҳатто бутун борлиқни барбод қилиб юбориши ҳеч гап эмас. Шунинг учун инсонни борлиқда якка ва назоратсиз қолдириб бўлмайди. Чунки борлиқ учун энг катта хатар — тобелик эмас, ўзбошимчалик ва анархиядир.

Инсон ҳис-туйғу ва эҳтиросларга, онгу тафаккурга эга. Шунинг учун у ўз билим, қарашларидан ташқаридаги нарсаларни тасаввур қилолмайди. Шу билан бирга, у бошқалар ҳам шундай субъектив ҳолатда эканини ҳисобга олмасдан яшай олмайди. Айнан шу нуқтада инсон масъулияти бошланади.

Муқаддас китобларда зикр қилинишича, Иброҳим пайғамбар ўз ўғлини Худо йўлида қурбон қилиши зарур эди. Фаришта бу ҳақда хабар берганида, ул зот ҳеч иккilanмай ўғлининг бўғзига пичоқтирайди. Чунки у ўзини Худо олдида масъулиятли деб билади. Сартрнинг талқинича, Иброҳим пайғамбар назарида, ҳаёт ва борлиқнинг яккаю ягона ҳукмдори Худодир. Мабодо ўз қилмиши ва келажак учун масъул бўлганида, деб ҳисоблади файласуф, у ўғлини, ўзининг эркин яшаш хукуқини ҳимоя қилган бўларди, албатта. Самодаги олий ва мукаммал зот олдидағи масъуллик кишини ердаги гуноҳкор бандалар олдидағи масъулиятдан халос этмайди. Сартрнинг хulosаси шундай. Худони тан олмаган адабнинг бундай қарашларини тан олмаслик, улар билан тортишиш мумкин. Бироқ биз учун аввало Оврупо буюк адаб ва файласуф сифатида эътироф этадиган ижодкорнинг кимлиги, унинг қарашлари моҳиятини билиб олиш муҳимдир.

Файласуф насроний қадрият ва анъаналарни, умуман, кишилар ҳаётини бошқаришга даъвогар ахлоқни инсон эркига мос келмайдиган ҳодиса сифатида баҳолайди. Чунки "Нима қилишингизни сизга ҳеч қандай

умумий ахлоқ кўрсата олмайди, дунёда бундай нишона йўқ". Агар шундай ахлоқ ва нишона бўлганида борми, инсоннинг хатти-ҳаракати ва эрки уларнинг доирасидагина мавжуд бўларди. Нафақат ҳақиқий эркинлик ва ижодкорлик тарафдори бўлган одам, балки ўз манфаатларига эга ҳар қандай киши ҳам бундай тартибга кўниколмайди. Масалан, ахлоқ одам ўлдириш, бироннинг хотини ва молига кўз олайтириш, зулм-зўравонлик қилишни қоралайди. Лекин амалда айнан шу иллатлар инсоннинг ҳаёт тарзига, атрибутига айланиб кетмайдими, деган саволни ўртага ташлайди Сартр. Инсон бу дунёда ўз ҳолига ташлаб қўйилган экан, қайси ахлоқни танлаш, унга амал қилиш ёки амал қиласлиқда у эркин бўлмоғи лозим, дейди адаб. Жумладан, насроний ахлоқи, анъана ва қадриятларига риоя қилиш ёки риоя қиласлик ҳам одамнинг ихтиёрида, бироқ бундай танлаш, эрк учун аввало одамнинг ўзи масъул. Кўриниб турибдики, файласуф эркинликни масъулият ҳисси билан боғласа-да, уни мутлақлаштиришга мойил. Ёзувчи, одамзодга ишониб бўлмайди, чунки у — эркинтир, деб таъкидлайди. "Мен одамнинг эзгуликка, ижтимоий фаровонликка интилишига ишонганим ҳолда, ўзим билмаган кишилардан умид қилолмайман. Чунки улар — эркин, уларда умид қилишимга асос бўла оладиган умумий инсоний табиийлик йўқ... Дўстларим менинг ишимни мукаммал даражага етказишига ҳам ишонмайман, чунки улар ҳам эркин. Эртага нима билан шуғулланишини фақат уларнинг ўзи ҳал этади".



Тоталитаризмдан эркинлик сари. Муаллиф асари

Эркинликни бу даражада мутлақлаштириш натижасида беихтиёр кўпгина саволлар туғилади. Авваламбор, эркинлик шахснинг кечаги ҳаётидан бошқача кечадиган ҳодисами? Эркинлик фақат шахснинг иродасини ифода этадими? Ундай тақдирда инсониятни бирлаштириб турган умумийлик нима бўлади? Шахс эркини мутлақлаштириш жамиятда ўзаро низо ва рақобатни, ҳар кимнинг ўз манфаати учун курашини, пировардида эса анархизмни авж олдирмайдими?

Сартр, мавжудлик — шахс хатти-ҳаракатларидан иборатdir, деб билади. Унингча, инсон ўзини ўзи намоён қилиш, ўзини ўзи рўёбга чиқариш орқалигина мавжудdir. Шунинг учун у “ўз ҳаёти ва хатти-ҳаракатларининг йифиндисидан бошқа нарса эмас”. У ҳолда инсоннинг онги, орзу умидлари, ҳис-туйгулари, турли субъектив ҳолатлари нима бўлади? Ахир, инсон деган мавжудот фақат хатти-ҳаракатлардан иборат эмас-ку? Масалан, у ухлаб ётганида ҳеч қандай хатти-ҳаракат қilmайди, лекин ҳеч ким уйқуни инсон мавжудлигидан айрича кечадиган ҳолат сифатида қарамайди. Дарҳақиқат, инсоннинг ўзи мавжудлик. Бу мавжудликни эса у маълум бир хатти-ҳаракатлари доирасида исбот этади. Бироқ инсоннинг мавжудлиги ва хатти-ҳаракатлари фақат унинг иродасига боғлиқ эмас. Ҳатто одамзоднинг бу дунёга келиши ёки кетиши ҳам унинг хоҳишига қараб қолмаган. Инсон ижтимоий борлиққа, ўтмиш ва келажакка, кундалик тартибларга шундай боғланганки, уни бу воқеликлардан фақат хаёлан озод қилиш мумкин. Шундай тасаввур қилинганида эса уни “инсон” деб аташга асос ҳам қолмайди. Бундай эътиrozларга Сартр қўйидагича жавоб беришга интилади. Баъзилар, деб ёзади у, мени ўз асарларига иродасиз, маслаксиз ва қўрқоқ кишиларни қаҳрамон қилиб олади, шу тариқа тушкунликни тарғиб қилади, деб ҳисоблайди. Аслида бундай кишилар ёзувчи хоҳишича эмас, балки ўз хислатларига кўра салбий қаҳрамонлардир. Мутлақ ижобий ёки мутлақ салбий қаҳрамон йўқ, ҳаёт инсонлар олдига ҳар дақиқада янги-янги муаммоларни қўядики, киши уларни вазиятга ва ўз ирова кучига қараб ечади. Шунинг учун ҳам ҳар кимнинг қисмати, тақдирни ўз қўлида. Инсоннинг онги ва жонли мавжудот эканини кўрсатувчи мезони — унинг хатти-ҳаракатларидир. Тўғри, бу хатти-ҳаракатлар субъективлик натижасидир. Декарт ҳам “Фикрляяпманми, демак, мавжудман”, деганида шунга ўхшаш қарашни илгари сурган эди. Субъективлик — киши мавжудлигини исботловчи ҳақиқатдир. Ҳаётда бундай ҳақиқатлар бўлиши учун аввало мутлақ ҳақиқат бўлиши зарур. Мутлақ ҳақиқат, Сартрнинг таъкидлашича, инсоннинг хатти-ҳаракатларидир. Инсон хатти-ҳаракатлари орқали борлиқ билан бевосита алоқа ўрнатади. Мутлақ ҳақиқат унинг ҳақиқий бойлигидир. “Биз, моддий дунёни ҳақиқат деб биладиган материалистлардан фарқ қилган ҳолда, инсон дунёсини хатти-ҳаракатлардан иборат бойликлар мажмуи деб қараймиз ва уни шундай бойликлар мажмуи сифатида яратишни истаймиз” деб ёзади у. Лекин Сартр дунёни алоҳида шахсларнинг субъектив хатти-ҳаракатларидан иборат деб ҳисобламайди. Унингча, ҳаётда “мен бошқалар туфайли мавжудман” деган қоида амал қиласи. Шахс ўз субъективлигини намоён қили-

ши учун бошқалар қанчалик керак бўлса, бошқаларга ўз субъективлигини намоён қилиш учун унинг ўзи ҳам шунчалик зарурдир. Демак, жамиятда интерсубъективлик, субъектлараро боғлиқлик мавжуд. Кўриниб турибдики, Сартр, шахснинг ўзига хос субъектив хатти-ҳаракатларини тан олгани ҳолда, уларнинг бошқа субъектив хатти-ҳаракатлар билан мутаносиблигини ҳам қайд этади.

Шахс эркини мутлақлаштириш ижтимоий ҳаёт ва келажакнинг қандай бўлиши ҳақидаги саволга ҳам жавоб беришни тақозо этади. Сартрнинг мулоҳазаларидан маълум бўладики, ҳаёт ўзининг ўзгармас, фундаментал қонуниятларига эга — улар инсоннинг бу дунёда ўз ҳолига ташлангани, унинг мудом бирор амал билан бандлиги, турли муносабатларга киришишидадир. Инсон шунга мувофиқ эркин яшайверади, эркин субъект сифатида ўз келажагини ўзи режалаштиради. Ҳаётнинг фундаментал қонуниятларига асосланган бундай режалар, уларни қайси мамлакат, ирқ вакили тузганидан қатъи назар, барчага тушунарли бўлади. Бу аслида файласуф тасаввур қилаётган ва асослашга интилаётган ҳаёт ва келажак моделидир. У шахс эркини, унинг ўзини ўзи шакллантириш жараёнини ушбу моделга асос қилиб олади.

Бу модел моҳиятидан келиб чиқадиган яна бир масала шундаки, инсон табиий равишда ўзи яратган қадриятларнигина тан олади. Бу масала бўйича Сартр ўз қарашларини бундай баён қилади: “Ҳаёт далилсиз моҳиятга эга эмас. Сиз ўз ҳаётингизни яшамагунча у ҳеч нимани англатмайди, ҳаётингизга ўзингиз моҳият бағишлишингиз керак. Қадрият эса сиз танлаган ушбу моҳиятдан бошқа нарса эмас”. Файласуф бу борадаги қарашларини ифодалашда тарихий тажрибаларни ҳам, ижтимоий муносабатлар таъсирини ҳам ҳисобга олмайди, у шахснинг ўзи яратган қадриятларнигина ҳақиқат деб билади. Ижтимоий ҳаёт қонуниятларидан хабардор ҳар бир киши биладики, инсон борлиқка ҳам, Ницше ибораси билан айтганда, “тарихга ҳам занжирбанддир”.

Экзистенциал қарашларни ёқлайдиган файласуф инсонни ҳеч қачон ўзи кўзлаган манзил, эришадиган мақсад деб қарамайди. Чунки инсон ўз шаклланиш ва такомиллашиб йўлини якунига етказган эмас. Агар инсон комилликка эришганида, ташқи оламга боғлиқ ҳам бўлmas, мукаммаллик ҳам изламас эди. Номукаммаллик — одамнинг қисмати, аммо хайрли қисматидир.

Инсоннинг орзу-ўйи, мақсад-муддаоси ва хатти-ҳаракатлари мудом ўзидан ташқаридаги обьектларга қаратилган бўлади. У номукаммалигини бартараф этиш учун ўз қуввати ва вақтини бошқа обьектларга сарфлайди. Буни Сартр “экзистенциализмдаги гуманизм” деб атайди. Аммо файласуф ўзининг асосий тоғасини унутмайди — мавжудлик шахснинг эркида, инсоннинг ўзини ўзи шакллантиришида, деган қарашида событ қолади. Унингча, инсон тақдирга тан берганида ҳам унинг ёзиғида ҳеч нарса ўзгармайди — одамни унинг ўзидан бошқа ҳеч ким халос қила олмайди...



ای شیخ اکبر ملا رفیع زاده تایب میر خاچم
نگارکاریت فرماد
لیکن کاریت فرماد

Эл оғзига элак тутиб бўлмас

Бирон халқ бирданига, ҳатто бир асрда пайдо бўлиб, шаклланиб қўя қолган эмас. Шундай миллатлар борки, тили, турмуш тарзи, маданияти муштарак, лекин диний эътиқоди турлича бўлган гурухлардан иборат. Масалан, абхазлар ва осетинларнинг бир қисми — мусулмон, бир қисми — насроний (чўқинган). Ёки украинларнинг бир тоифаси насронийликнинг православ, иккинчи қисми католик оқимиға мансуб. Черковлари ҳам, поплари ҳам алоҳида-алоҳида. Лекин миллат — бир.

Шунга боғлиқ яна бир ҳолат бор. Бу — миллатнинг қандай номланиши масаласи. Германиянинг туб халқи ўзини “дойч”, мамлакатини “Дойчланд” дейди. Фарбий Европадаги кўшнилари уларни “герман”, мамлакатини “Германия” деб атайди. Славянлар тилида бу давлат фарбликлардаги каби “Германия” дейилса ҳам, айни халқ “немис”, Шарқда эса бу эл “олмон”, айни мамлакат “Олмония” деб юритилади.

Демак, миллатни қандай номлаш борасида ҳам “эл оғзига элак тутиб бўлмас” экан. Элак тутиш шартмикан ўзи?

Бухоро мадрасасида таълим олган,

Туркиянинг Истанбул шаҳрида яшаган, 1860 йили Венгрияда туркшунослар анжуманида иштирок этган ўзбек олими Шайх Сулаймон Бухорий тузган, саккиз мингга яқин сўзни изоҳлаган тарихий ўзбекча-туркча лугат (И. Куноз томонидан олмон тилига таржима қилиниб, 1902 йили Будапештда нашр этилди) “Лугати чигатойи ва турки усмоний” дейилади (қаранг: И. Кўчқортов, Б. Исабеков. Туркий филологияга кириш. Т., 1984, 29-бет).

Абдурауф Фитратнинг маҳсус “Чигатой адабиёти” мақоласи ҳам бежиз ёзилмаган (Абдурауф Фитрат. Танланган асарлар. II жилд. Т., 2000. 37—45-бетлар). Унинг замондоши Фози Олим Юнусов ҳозирги ўзбек адабий тилига асос бўлган шеваларни “Чигатой ёки турк-барлос шевалари” деб атайди (қаранг: Навоий ва адабий таъсир масалалари. Т., 1968, 240-бет).

Воҳиджон Фапур, Аскар Хусайннинг Хитойдаги “Миллатлар нашриёти”да 1987 йили чоп этилган тўрт қисмлик “Ўйғур класик адабиёти тезислари” китобининг охирги қисми айнан “Чигатой тили давридаги ўйғур адабиёти” деб аталади. Бу қисм олти бобдан иборат. Биринчи боби “Чигатой

тили” ва “чигатой адабиёти” тўғрисида (370 — 411-бетлар), учинчи боби эса “Улуф мутафакир шоир Алишер Навоий” (498—671-бетлар) деб номланади.

Бу олимлар осмондан олиб ёзмаган. Навоий замондоши Давлатшоҳ Самарқандий улуф шоирни “ўз даврининг машхурларидан ва чигатой элининг қаҳрамонларидан эди” (қаранг: Ўзбек адабиёти тарихи. Беш томлик. 2-том. Т.: 1977, 40-бет), деб қайд этади.

Туркияning Истанбул шаҳрида 1988 йили турк тилида Янош Экманн деган маҗор тилшуносининг “Чигатой эл китоби” деган асари чоп этилди. Муаллиф “чигатой тили” деганда Ўрта Осиёда XV аср бошларидан то XX аср бошларига қадар кўлланган адабий тилни, яъни бизнинг тилимизни кўзда тутади. Олим тилимизнинг минг йиллик тарихини учга бўлади: қораҳонлича ёки хоқония туркчаси (XI — XIII асрлар), Хоразм туркчаси (XIV аср) ва чигатойча (XV аср — XX аср бошлари).

Бокудаги “Озарбайжон” нашриётида 1999 йили чоп этилган икки жилдик “Минг беш юз йилнинг ўғуз шеъри” антологияси биринчи жилдida “XIV — XVI асрлар чигатой шоирлари” (111 — 119-бетлар) деган қисм бор. Ундан бизнинг шоирларимиз — Лутфий, Саккокий, Ҳусайн Бойқаро, Алишер Навоий ва Бобур шеърларидан намуналар жой олган.

Демак, четда ҳалқимизни “чигатой эли”, тилимизни “чигатой тили” ва адабиётимизни “чигатой адабиёти” дейиш бекорга эмас.

Турли эллар турлича номласа-ю, бир ҳалқ кўзда тутилган бўлса, ҳеч гап эмас. Мабодо, ҳалқ бир асрда бир ном, кейинги юз йилликда бошқаси билан аталган бўлса, муаммо чигаллаша бориши тайин.

Бундан ҳам нозикроқ мушкулот мавжуд. Агар бир ҳалқ турли этник гурӯхлардан ташкил топган, улардан бирининг номи бора-бора миллатни англатадиган умум атамага айланган бўлса, янада жиддийроқ тадқиқ қилиш зарурати сезилади.

Ҳалқимизнинг шаклланиши ва номланишида худди шундай нозикликлар бор. Кенг омма чалкашиб кетмаслиги, баланд-парвоз маънода эмас, ўзликни англашнинг жайдари фалсафаси талабига кўра

ҳам бунга эҳтиёж кучлилиги учун ушбу сатрлар муаллифининг “Навоий ва туркий қавмлар” мақоласи ёзилган ва “Тафаккур”да (2000, 1-сон) босилган эди.

Бироқ миллатимиз, тилимиз ва адабиётимиз тарихи, у ҳақдаги умумжаҳон туркшунослигида мавжуд қарашлардан бехабарроқ айрим муаллифлар улуф шоир ва мутафаккиримизни “чигатой улуси”, “чигатой ҳалқи”, “чигатой тили” ва “чигатой адабиёти”га мансуб ҳисоблашни тамоман ўзга маънода тушунди. Ҳатто буни миллатимизни “мўғуллаштиришга уриниш” тарзида ҳам талқин этди (Қаранг: “Хуррият”, 2004 йил, 5 май).

Ўша даъволардан бири шуки, гўё Навоийning ўзи ҳеч ерда “Чигатой тилида ёздим” демаган эмиш. Бунинг исботи учун муҳтарам бир ҳалқ ёзувчисининг фикрига суюнилади, холос.

Навоий қайсиdir сўзни, борингки, асарларининг тили ҳақида “чигатой тили” атамасини ишлатган-ишлатмаганини аниқлаш учун илмий дараражали тадқиқотчи ёхуд унвондор адаб бўлиш шарт эмас. Бунинг учун шоирни ўқиши керак, вассалом. Бу кўлдан келмаса ёхуд эринчоқлик қилинса, лоақал тўрт жилдик “Алишер Навоий асарлари тилининг изоҳи луғати”даги “ч” ҳарфи қисмини вараклашгина кифоя эди. Бу луғатнинг 3-жилдida “Чигатой” — чигатой улусида яшовчи туркий ҳалқ; “чигатой лафзи” — чигатой тили, эски ўзбек тили; “чигатой ҳалқи” — чигатой ҳалқи, ўзбеклар” деб изоҳ берилган.

Маълум бўладики, Чигатой ҳақида, “Чигатой мамлакати”, “чигатой улуси”, “чигатой ҳалқи” (ёки “чигатой эли”), “чигатой тили”, “чигатой адабиёти” атамалари хусусида батафсирлоқ маълумот бериш зарурати бор. Шу рўйхатдан ҳам кўриниб турибиди, дастлаб ономастик ҳодиса, яъни киши исми бўлган сўз тарих тақозоси билан аввал жўғрофий атамага, яъни жой номига, сўнг эса этномим, яъни эл номига айланган. Миллатимиз ўтмиши билан бевосита боғлиқ бу ҳодисани, қай биримизнинг исташ-истамаслигимиздан қатъи назар, ўрганишимиз, билишимиз шарт. Бинобарин, жаҳон туркшунослиги тарихида бу атамалар мавжуд, ҳозир ҳам фаол ишлатилади.

Миллатимизнинг бир неча номи

Ўзбек халқи ўтган асрларда кўпроқ “турк” атамаси билан юритилган. Лекин бу жуда умумий тушунча. Чунки у барча туркий халқларни англатади-да.

Навоий замонида, аникроғи, шоир асарларида бу сўз икки маънода ишлатилган. Биринчиси — умуман “туркий” маъносида:

Турк назмида чу мен тортиб алам,
Айладим ул мамлакатни яққалам.

Иккинчиси — Мовароуннаҳр ва Хурсонда яшаган туркийлар, яъни бугунги ўзбек миллатимизнинг асосий таркибий қисми (ядроси) бўлган аҳолини англашиб келган.

Кўнгул бермиш сўзумга турк, жон ҳам,
На ёлғуз турк, балким туркмон ҳам, —

деганида улуғ шоир “турк” сўзини айнан ана шу иккинчи, яъни миллатимизни англашиб келган маънода кўллаган. Чунки, ахир, турк умумий маънода ишлатилган бўлса, шоир туркий халқ бўлган туркманни ажратиб кўрсатмаган бўлар эди?

Аммо бугун “турк” деганда ҳам икки маъною англашилади. Биринчиси — жаҳондаги туркий тилда сўзлашувчи йигирма тўрт миллат ва элатнинг умумий номи. Иккинчиси — Туркия турклари.

Бизда Туркистон деган жой номи сунъий равишда йўқ қилинганидан кейин, яъни ўтган асрнинг 20-йилларидан эътиборан “турк” атамаси Туркиядаги туб халқнинг номига айланди. Шунгача улар “усмонлилар” деб юритилган. Туркия деган давлат номи ҳам шу тарзда жорий этилди.

Бугунги ўзбекларнинг таркибий қисмига кирадиган ўғуз шевасида сўзлашадиган Хоразм аҳоли тилини Навоий “хоразмийча туркий тил” ҳисоблайди. “Мажолис ун-нафоис” тазкирасида ул зот Мавлоно Ҳусайн Хоразмий ҳақида: “Ва Мавлоно Жалолиддин Румий (куддиса сирраху) “Маснавий”сиға шарҳ битибтур ва “Касидайи Бурда”ға ҳам **хоразмийча туркий тил била** (таъкид бизники — С. О.) шарҳ битибдур” (Алишер Навоий. Асарлар. 12-жилд, 11-бет), деб ёзади. Демак, “хораз-

мий турклари” деган атама ҳам миллатимиз номлари қаторига қўшилади.

Навоий асарларида халқимизнинг яна бир таркибий қисми бўлган қавм ҳақида ҳам маҳсус қайд мавжуд. Буни “Мезон ул-авзон” асаридан топамиз: “Чун ўзонларнинг ўзмоги ва **ўзбакларнинг** (таъкид бизники — С.О.) буди-будойи ҳеч вазн била рост эмас эрди, анга таарруз қилилмади, агарчи асарлари бордур, аммо аруз илмиға дахли йўқдур” (Алишер Навоий. Асарлар. 15 жилдлик. 14-жилд, 181-бет).

“Ўзбек” (ёки “ўзбак”) атамаси илгари ва Навоий замонасида буғунги ўзбек халқининг бир таркибий қисминигина англашиб. Айрим олимларнинг Фикрига кўра, XVII асрдан эътиборан у ўзбек халқининг дастлабки умумлашма номи сифатида ишлатила бошлаган (Қаранг: Х.Дониёров. Ўзбекнинг ёши. “Ўзбекистон адабиёти ва санъати”, 1991 йил, 1 март).

Бу атама 1924 йили Ўзбекистон ташкил этилганидан бошлаб чинакамига (расман), яъни миллатимизнинг ҳақиқий умумлашма номига айлангани рост.

Навоий Мовароуннаҳр ва Хурсондаги иккинчи катта этник таркиб — форсий тилда сўзлашувчи халқни “сарт” атамаси билан тилга олади. Унинг маънодости сифатида “тохик” этноминини ҳам ишлатаверади.

Даврлар ўтиши билан Марказий Осиёдаги қозоқ қардошларимиз юртимиздаги ўтрок ҳолда яшайдиган туркий қавмни ҳам “сарт” деган. “Сарт тандаб жер, барин жер” мақолини биз ҳакимизда тўқиган.

Натижада руслар ҳам XIX асрда юртимизни босиб олганидан кейин маҳаллий туркий аҳолини, яъни халқимизни “сартлар” (“сарты”) деган. Шу тариқа “сарт” ҳам маълум даврларда миллатимиз номига айланди. Рус босқинидан кейинги аксар хужжатлардаги “сарт” атамаси халқимизни англашиб. Шунинг учун буни Навоий асарларида учрайдиган ва форсийларни англашиб келган “сарт” билан аралаштириб юбормаслик керак.

Ўзбек миллатимизнинг пайдо бўлишида минтақамизда жуда қадим замонлардан бери яшаб келган, турли тилларда сўзлашган, номлари бизга маълум (саклар, массагетлар, сўғдлар, хоразмийлар ва ҳоказолар) ва номаълум кўплаб этник

гурухларнинг аксари туркийлашди ҳамда бугунги ўзбек халқининг ядросини ташкил этди (Бу ҳақда қаранг: К. Ш. Шаниязов. *К этнической истории узбекского народа. Т.: 1974. С. 9.*). Биз улар ҳақида тұхталмадик. Миллатимизнинг туркий халқ сифатидаги номларинингина санадик, холос.

Миллатимизнинг шундай номларидан яна бири — чигатой. Баҳсимиз шунинг юзасидан.

Чигатой ким эди?

Чигатой мүғул империясининг асосчisi Чингизхоннинг иккинчи ўғли эди. Жаҳонгир бу ўғлига берган ерларга Марказий Осиё, жумладан, бугунги Ўзбекистонимиз худуди ҳам кирап эди. Мирзо Улуғбек Чигатайхонга қайси ерлар тақдим этилганини аниқ чизиб берган: "Соҳибқириони аъзам Чингизхони муazzам мамлакатларни тақсимлаш пайтида Туронзамин мамлакати ҳоқимлигини Кошфар сарҳадларидан уйғурлар ер чегарасигача, Жайхун дарёси адогигача ястанган ерлар, Эрон ва Турон оралиғидаги Балх, Бадахшон, Кобул, Фазнин, Синд дарёсигача бўлган ерларнинг кўп қисмини шу севимли фарзандига берди. Уни мамлакат, сипоҳийлар билан сийлаб, уларни (бошқариши) амакилари уруғидан бўлган Қорачор нўён ибн Сўфу Чечан ибн Эрумчи барлос ибн Қочувли баҳодир ибн Тумунахонга топшириди" (Мирзо Улуғбек. *Тўрт улус тарихи. Т., 1994. 297-бет*).

Демак, ўзбек миллати тарихи билан боғлиқ "Чигатой мамлакати", "чигатой улуси", "чигатой халқи", "чигатой эли", "чигатой тили" тушунчалари шу тариқа келиб чиқкан. Буни тарих саҳифаларидан сидириб ташлашнинг асло иложи йўқ.

"Чигатой мамлакати" тушунчаси ўз-ўзича пайдо бўлмаган. Чигатайхон ҳозирги Шарқий Туркистон худудида бўлган Бешбалиғ (Бу шаҳар ҳақида қаранг: *Ўзбекистон миллий энциклопедияси. 1-жилд. Т.: 2000. 733-бет*) шаҳрини ўзига пойтахт қилди. Академик Б. Аҳмедовнинг маълумот беришича, "Бешбалиғ — уйғур хоқонлигининг пойтахти... Чингизхон ва унинг даврида Мўгулистандан Осиёнинг фарбий ноҳиялари сари бўлган карvon

йўли Бешбалиғ орқали ўтган. Вайроналари ҳозирги Урумчи шаҳридан 150 км. чамаси масофада жойлашган" (Мирзо Улуғбек. *Тўрт улус тарихи. Т. 1994. 329-бет*). "Болиг" ("болиқ") мўғул тилида шаҳар, аҳоли яшайдиган обод ер деган маънени англаради.

Бора-бора бу худуд "Мулки Чигатой", яъни "Чигатой мамлакати" деб юритила бошлади. Чигатой 1227-1241 йиллари хонлик қилган (ўша асар, 346-бет). Бу ҳол темурийлар давригача, яъни 1370 йилга давом этди.

Чигатой мамлакати ўзбек давлатчилиги тарихининг таркибий қисмига киради. Чунки мұхтарам Президентимиз Ислом Каримов 1997 йили Хева шаҳрининг 2500 йиллик тўйи тантанасида айтган сўзларга таяниб, юртимизда пайдо бўлган, шакланган, ҳукм сурган ҳар қандай давлат ўзбек миллий давлатчилиги тарихига киради, деб ҳисоблай оламиз.

Чигатой исми давлат номига айланганидан кейин табиий равишда у ҳукмронлик қилган мамлакат аҳли "Чигатой улуси" деб юритила бошлади. Бу кенг маънодаги атама эди. Шунинг учун, албатта, у амалда мамлакатдаги барча этник гурухларни — жами аҳолини англацган. Чунки санаб ўтилган худудларда, шубҳасиз, турли тилларда сўзлашувчи ҳар хил элу элат яшар эди.

Кейинчалик бу атаманинг ҳам торайган маъноси пайдо бўлди. Кўпинча "чигатой улуси" деганда Марказий Осиёда яшаган, ҳозирги ўзбекларнинг қадимий ўзагини ташкил этган, тил хусусиятлари нуқтаи назаридан уйғурларга яқин бўлган қавм ва уйғурлар тушунилган.

Бу атамадан бугунги олимларимиз ҳам воз кечганий йўқ. Чунки тарих ўз атамалари билан иш кўришина тақозо этади. "Ўзбекистон миллий энциклопедияси"нинг 5-жилдидаги (2003) "Махмуд Торобий кўзғолони" деган мақолада шундай жумлани ўқиймиз: "Чигатой улусида мўғуллар истибоди остида эзилган ва зулмидан тўйган маҳаллий аҳоли кўзғолон кўтаришга бир неча марта харакат қилган" (557-бет). Англашиляптики, ҳукмдорлар мўғул бўлса ҳам, эл-улуснинг аксари, яъни маҳаллий халқ мўғул эмас эди. Демак, бу

ердаги “чигатой улуси” бугунги ўзбекларнинг аждодлари.

Мақола муаллифи Қаҳрамон Ражабов яна шундай ёзади: “Чигатой улусини мўғул хоқон(қоон)лари номидан бошқарган Маҳмуд Ялавоч ва унинг ўғли Масъуд Ялавоч бу пайтда ҳам хоқонлар манфаатини кўзлайдиган, ҳам маҳаллий халқа хайриҳоҳ нозик сиёсат юритишган” (557-бет).

Темурйилар Чигатой авлодларидан ҳоқимиятни олганидан кейин ҳам халқ аввалгидек “чигатой улуси” деб юритилаверди. Алишер Навоий ҳам бевосита шу халқ вакили эди. Абдураззоқ Самарқандий “Тазикират уш-шуаро”сидаги улуф шоир ҳакида айтилган мана бу қайд жуда кўп нарсани ойдинлаштиради: “Бу машхур ва олий дарражали амирнинг (Навоийнинг — С. О.) буюк отаси (Ғиёсиддин Кичкина — С. О.) замонасининг машхур кишиларидан ва чигатой улусининг (таъкид, бизники — С. О.) улувларидан ва Султон Абулқосим Бобур баҳодир ҳукмронлиги даврида султоннинг яқин кишиси бўлиб, мамлакатни идора қилин ва давлатга кафиллик унинг инон-ихтиёрида эди” (Навоий замондошлири хотирасида. Т. 1986. 14-бет).

Демак, Навоий ҳам чигатой улусидан эди. Таъкидланганидек, “чигатойлар” деганда тарихда Мовароуннарх ва Хуросонда яшаган ўтрок турклар ва уйғурлар тушунилган.

Биз буни осмондан олиб айтиётганимиз йўқ. Айни қараш бошқа муаллифларнинг фикри билан ҳамоҳанг: “Чигатой улусида ўтрок ҳолда маданий турмуш кечириувчи халқ туркийлар эди. Шу сабабли мумтоз адабиётимиз яратилган туркий тилимиз “чигатой тили”, мумтоз адабиётимиз эса “чигатой адабиёти” деб юритилади. Бу ўринда улуснинг номи шу ерда яшовчи халқа, унинг тили ва адабиётига берилган кўринади” (А. Иброҳимов, X. Султонов, Н. Жўраев. Ватан туйгуси. Т.: 1996. 180-бет).

Навоий “чигатой улуси” бирикмасини ишлатади. Лекин баъзан “чигатой халқи” деган атамани хуш кўради. “Мезон ул-авзон”да бу унга айнан турк улусидаги бир қавмни ажратиб кўрсатиш учун жуда кепрак бўлган: “Яна турк улуси, батахсис (яъни хусусан), чигатой халқи (таъкидлар бизники — С. О.) аро шойиъ авзон-

дурким, алар сурудларин ул вазн била ясад, мажолисда айтурлар” (Алишер Навоий. Асарлар. 14-жилд, 179-бет).

“Чигатой халқи” деганда Навоий, ҳеч шубҳасиз, ўзи мансуб қавмни кўзда тутган. Афтидан, шоир айнан Мовароуннарх ва Хуросон туркийларини кенг маънодаги “чигатой улуси”дан ажратиб ифодалаш учун шундай қилган.

“Чигатой эл мени ўзбек демасун..”

Баъзан биргина мисра миллат тарихининг катта бир олтин ҳалқасига айланиши мумкин.

Сарлавҳада келган сатр XVI аср шоирни Муҳаммад Солиҳнинг “Шайбонийнома” достонидан олинди. Бу гапни ўзбек (қипчоқ) уруғларининг хони — Муҳаммад Шайбонийхон элчига айтиган:

Билки, мен борчага мушфиқдурмен,
Борча эл бирла мувофиқдурмен.
Чигатой эл мени ўзбек демасун,
Бехуда фикр қилиб, ғам емасун.

Иккинчи парча бундан ҳам таажжубли. Муҳаммад Солиҳ темурийлар саройидан воз кечиб, Шайбонийхон ҳузурига борганида уни “чигатойлардансан” деб ёзғиришиади:

Дедилар, сен чигатой элисен,
Ушбу ерда чигатой хайлисен.

Не деб ўзбак била ёвар бўлдунг,
Хонға бу янглиғ чокар бўлдунг?

Мен дедим: “Сизга жавобим-ўқтур,
Бундин ўзга басе сўзим йўқтур”.

Демак, ўша даврда “ўзбеклар” ҳамда “чигатойлар” деган атама амалда ягона турк улусининг бошқа қавмини, аниқроғи, биринчиси — Шайбоний билан келган элни, иккинчиси — маҳаллий (темурийлар салтанатига қарашли) аҳолини англатган. Темурийлар саройининг амирларидан бирининг ўғли бўлган Муҳаммад Солиҳ — табиийки, чигатойлардан эди.

Шайбоний Дасти Қипчоқ ўзбекларидан

иборат лашкари билан келиб, темурийлар устидан ғолиб чиққан, таҳтни эгаллаган, қавми шу ерда муқим яшаб қолган эди. Шунинг учун ҳам хон сифатида ўзаро қондош бу икки қавмнинг бириқиб кетишидан, орада ўзаро ётсираш бўлмаслигидан жуда жуда манфаатдор эди. Бу унинг сиёсий маслак-мақсадларидан келиб чиқадиган бир фоя ҳисобланарди.

Уч қавм бирлиги

Славян тиллари рус, украин, белорус, поляк, словак ва бошқа тилларга бўлингани каби, форсий тил ҳам форс, тоҷик, дарий, балуж, курд, пуштун, осетин ва бошқа тиллардан таркиб топган. Нима, Навоий замонида турк тиллари бўлинмагани? Ўша даврда барча туркий халқлар ўзаро муштарак тилда сўзлашган ва шу битта тилда ижод қиласанми? Бўлинадиган бўлса, Навоийнинг тили айнан қайси халқнинг сўзлашув ва фикрлаш воситаси эди?

Бу масала ўтган асрнинг 40-йилларида таникли тилшунос А. К. Боровков тарафидан кўтарилган ва асосан тўғри ҳал этилган. Қолаверса, ушбу сатрлар муаллифи ўша эски талқинларга суюнган ҳолда уни янги далиллар билан бойитиб, бунга Навоий асарларидағи туркий қавмларга муносабатни ҳам қўшиб, “Тафаккур”нинг 2000 йил 1-сонидаги мақоласини эълон қиласанми.

Кўйилган саволга ҳар тарафлама тўлиқ жавоб бериш ушбу мақола вазифасига кирмайди. Чунки унда мақсад майдони кенгайиб кетади. Бироқ кўйилган муаммонинг айни масалага ҳам дахлдор ери борлиги учун керакли даражада тўхтаб тутишимиз.

Маълумки, туркий тилнинг уч лаҗжаси мавжуд: ўғузлар, қипчоқлар, қарлук-чигиллар (бир замонлар қарлуклар ва чигиллар бошқа-бошқа қавм бўлган, кейин ўзаро қушилиб, тили умумийлашиб кетган).


Ўуз тилларининг кўзга яққол ташланиб турадиган хусусиятларидан бири шуки, уларда “к” товуши “г”, “т” эса “д” тарзида талаффуз қилинади, яъни шу жарангиз сундошлар жаранглига айлантирилади, шунингдек, жўналиш келишигининг биздағи “-га” қўшимчаси “-а”, тушум келиши-

ги қўшимчаси “-ни” эса “-и” тарзида ихчамлаб айтилади. Бу гурухга турк (Туркия туркчаси), озарбойжон, туркман, гагауз (асли гўгўғуз, яъни кўкўғуз) киради.

Қипчоқ тилларининг асосий хусусиятлари эса “й” ўрнига “ж”, “-га” ўрнига “-фа” ёки “-ка”, “-ган” ўрнига “-фан” ёки “-кан” ишлатишида яққол сезилиб туради. Бу гурухга қозок, қирғиз, қорақалпок, татар, бошқирд,чуваш, олтой, хакас, ёқут ва бошқалар киради.

Жаҳон туркшунослигига қарлук-чигил деб юритиладиган гурухга ўйғур ва ўзбек адабий тиллари киритилади.

Бироқ бу ерда гап ўзбек адабий тили ҳақида кетяпти. Масаланинг нозиклиги шундаки, бугунги ўзбек халқи таркибида уч туркий гурухга мансуб шевалар вакиллари ҳам бор. Бизда ўғуз ва қипчоқ шевалари ҳам мавжуд, адабий тилимизда



уларнинг таъсири ҳам йўқ эмас. Бироқ, ялпи олганда, бугунги ўзбек адабий тили мезонлари асосан қарлуқ-чигил шевалари хусусиятларига кўра шаклланган.

Гап шундаки, шу уч гурух вакиллари Алишер Навоий замонида ҳам ягона миллат бўлган. Бироқ ўша замонларда ҳам адабий тил қарлуқ-чигил шеваларига асосланган ва айнан шу тил “чигатой тили” дейилар эди.

У даврда “ўзбек” атамаси ҳозир биз тушунадиган ягона миллатни эмас, амалда унинг муайян бир қисмини билдирган. Бугун буларни билиш, масалани бу қадар майдалаштириб, муайянлаштириш нима учун керак бўлиб қолди? Шунинг учунки, миллатимиз номи билан боғлиқ тарихий этномимларнинг қайси тарихий даврда айнан қай элатни англатиб келганидан бехабар одам миллий меросимиз намуналарида учраган бу атамаларни тушунишда чалғиб кетиши тайин. “Бобурнома”да қизиқ талқинларга дуч келамиз. Бобур ўзбекларга қарши курашганини ёзди, айrim тарихий шахслар ҳақида маълумот бера туриб, “уни ўзбек ўлдирди” дейди. Бу қайси ўзбек?

Майли, XV-XVI асрларни қўя турайлик. Абдулла Қодирий ўтган асрнинг ийгирманчи йилларида XIX аср тарихий воқеалари асосида битган “Ўткан кунлар” романини олайлик. Унда “қорачопонлар” билан “қипчоқлар” ўртасидаги ўзаро низолар ҳақида ҳикоя қилинади. Қорачопон ким-у, қипчоқ ким? Бу иккисининг бунчалар бир-бири билан қирпичноқ бўлгани Юсуфбек ҳожию Отабекка қўшилиб, буюк адабнинг юрагини нега тифлайди?

Хулоса қилиш мумкинки, Шайбонийдан бошланган бир тилли икки қавмнинг ҳокимият талашиш мақсадларида олиб борган урушлари XIX асрларгача давом этган. Романдаги “қорачопонлар” айнан Навоий кўзда тутган чигатойларни, “қипчоқлар” эса “ўзбеклар”ни билдиради. Ноzioniлиги ва асосий жойи шундаки, тошкентлик Отабек ҳам, марғilonлик Кумўш ҳам “қорачопонлар”дан эди. Абдулла Қодирийнинг дарди ичida: эй ҳалқим, миллат бўлиб уюшмаганингдан кейин ўртқўлдан кетмай нима бўлсин!..

Хар ҳолда, темурийлар даврига келиб,

ижтимоий-сиёсий вазият тақозоси билан Мовароуннахр туркийлари билан Шарқий Туркистон ўйғурлари ўртасида Чигатой мамлакати давридаги тифиз алоқалар сусайиб борган эди. Бобур “Бобурнома”да отаси Умаршайх Мирзонинг бу алоқаларни яна мустаҳкамлаш мақсадидаги айрим уринишлари ҳақида ҳам маълумот бериб ўтади. Умаршайх қайнотаси — бевосита Чигатой хоннинг авлодидан бўлган Юнусхонни бир неча бор иззат-икромлар билан бу ёққа олиб келади, ҳар гал у яна Шарқий Туркистонга кетиб қолаверади.

“Тафаккур”даги мақоламиизда Навоий асарларида Лутфий, Саккокийлар “ўйғурий” тилда асар битгани қайд этиб ўтилганини келтирган эдик. Бу ерда такрорлаб ўтирмаймиз.

Бироқ А. К. Боровков масалани кўндаланг қўяди: модомики, чигатой тили ҳам Мовароуннахр туркийлари, ҳам ўйғурлар тили хисобланса, Навоий асарларининг тили улардан қайси бирига яқинроқ?

Олимнинг “Алишер Навоий ўзбек адабий тили асосчиси сифатида” мақолосидаги (Боровков А.К. Алишер Навои как основоположник узбекского литературного языка. Алишер Навои. Сб. статей. М.-Л.: 1946. С. 92–120) “чигатой тили” билан боғлиқ энг муҳим талқинларни келтириб ўтишга тўғри келади.

Мўғул босқинидан кейинги даврда эски уйғур тили Ўрта Осиёда адабий тилни шакллантиришда ҳал қилувчи мавқе тутди. Бу тил таъсири Навоийгача бўлган қаламкашлар — Рабғузий, Хоразмий, ҳатто Атойи, Лутфий асарларида яқъол сезилади. Мўғуллар ҳукмронлиги даврида амалда бўлган уйғур ёзуви “чигатой ёзуви” деб ҳам юритилган.

XVII аср адаби — Хива хони Абулғози Баҳодирхоннинг далолат беришича, ўйғурлар орасида хат-саводли кишилар кўп бўлган, улар давлат ишларини юритишни (“дафтарлик”ни) ҳамда сарой ҳисобкитобларини (“девон ҳисоблари”ни) яхши билган. Чингизхон неваралари ҳукмронлиги даврида Мовароуннахр, Хурросон ва Ироқда барча маслаҳатчилар ва мирзалар ўйғурлардан эди.

Академик В. В. Радловнинг “Эски уйғур тили “чигатой” тили билан алмашди,

ундаги сўзлар ва грамматик шакллар ўрнини Ўрта Осиё туркй шеваларидағи сўз ва шакллар эгаллади, эски уйғур унсурлари оз қолди”, деган фикри ҳақиқатга кўп яқин эмас.

Уйғур тилида мумтоз форсий шеърият таъсири билан қиёслашга имкон берадиган соғ бадиий асарлар умуман ёзилмади. Уйғур тили Ўрта Осиёда, биринчи навбатда, диний тарғибот ва идора ишларни юритиш воситаси сифатида ёйилди.

Шу мулоҳазалари асосида А.К.Боровков қаттий бир илмий хulosани илгари суради: Навоий тилдаги уйғурний анъанадан қаттий воз кечиб, эски ўзбек адабий тили тараққиётида янги даврни бошлади.

Олим яна бир қизик далил келтиради. “Турк тили” атамаси Навоийгача ҳам умумтуркй тил учун ишлатилгани, шоир ўзининг “чигатой тили”да ёзганини қайд этганини айтиб, Шайбонийхон босиб олганидан кейин Мовароуннахрда “чигатойлар”ни “ўзбеклар”дан, “чигатой тили”ни “ўзбек тили”дан фарқлаш бошланганини кўрсатади. Бунда у XVI аср шоири Муҳаммад Солиҳнинг “Шайбонийнома”сидағи биз келтирган икки парчага суюнади.

Бу даврга келиб энди “чигатой” атамаси янада муайянлашади – у асосан Марказий Осиёдаги қарлуқ-чигил шевасида сўзлашувчи туркийларни, яъни бугунги тушунчадаги ўзбекларни билдиран. Шулардан келиб чиқиб, А. К. Боровков ишончли илмий далиллар билан Навоий асарларининг тили Шарқий Туркистондаги уйғуларнинг эмас, балки, Мовароуннахр ва Хуросондаги маҳаллий туркийларнинг, яъни бугунги ўзбекларнинг тилига асосланганини исботлайди.

Чигатой лафзи

Алишер Навоий асос соглан адабий тил кейинги асрларда ҳам шу юртдаги адабиётнинг анъанавий йўли бўлиб қолди. Ҳатто Муҳаммад Шайбонийхоннинг ўзи ҳам айнан чигатой тилида шеърлар битиб, девон тартиб берди.

Шуни унутмайликки, буюк қалам соҳиблари, улуғ зотлар ўзларига муносабатда ниҳоят даражада эҳтиёткор бўлади. Чунки улар яхши англаганки, буюклар тарихи кўп титкиланади, тортқиланади. Бир кун келиб шундай бўлмасин учунмикан, Навоий ўзининг айнан чигатой тилида асарлар ёзганини қайд этиб кетишини ҳам унутмаган.

“Мезон ул-авзон”нинг муқаддимасида бундай сўзларни ўқиймиз: “...**Турк тили** била қалам сурдум ва ҳар нечук қоиддаким, маъни абкорига зийнат ва оройиш кўргузуб эрдилар, **чигатой лафзи** (таъкидлар бизники — С. О.) била рақам урдум” (Алишер Навоий. Муқаммал асарлар тўплами. Т., 2000, жилд. 43-бет).

Шоир бу ерда икки муҳим лисоний атамани қўллаганига алоҳида диққат қилиш шарт. Биринчиси — **тил**. Бу умумий маънодаги туркй тилни кўзда тутиш учун (славян, роман, форсий дегандек) қўлланган. Иккинчиси — **лафз**. Бу туркй тиллар ичидаги муайян тилни (яъни бугунги ўзбек адабий тилига асос бўлиб келаётган қисмини) билдиради.

Навоий, умуман, туркй тилда ҳам, муайян бу лафзда ҳам ҳеч ким у эришган чўққига етолмаганини қайд этиб кетишини нокамтарлик деб билмаган: “Андоқким, то бу мазкур бўлғон **тил ва лафз** (таъкидлар бизники — С. О.) биносируд, ҳеч нозимға бу даст бермайдур ва ҳеч роқимға бу мұяссар бўлмайдур” (ўша асар, ўша бет).

Хулласки, “чигатой улуси”, “чигатой тили”, “чигатой адабиёти” ва таҳлил этилган шу билан боғлиқ бошқа атамалар, кўриб ўтилганидек, сунъий равишда ёки ўзгалар тарафидан киритилган эмас. Улар маълум тарихий тараққиёт ва ҳаётий зарурат натижасида, яъни миллатни ва унинг тилини ажратиб, аниқлаштириб ифодалаш эҳтиёжи орқасида келиб чиқкан.

Мантиқан ҳам кўриниб турибдики, бу масалада файримақсад ёки файриилем йўқ.

Абдуқодир ЗОҲИДИЙ

Beruniyning aql chirog'i

илем-фан, маданият ҳомийларининг минтақавий ва халқаро ҳамкорлиги натижасида шаклланган олий мақом “Мажлис ул-уламо” уюшмасини биринчи бор машхур Карл Брокельман ҳозирги замон академияларига тенглаштирган. (Қаранг: C.Brokermann. Geschichte der Arabischen Literatur. I-II Aufl. Weimar-Berlin, 1898-1901, Weimar-1989. s. 871).

Хоразм Маъмун академиясининг ташкил топиш санаси ҳақида турли нуқтаи назарлар мавжуд. Тадқиқотчиларнинг кўпчилиги, шу жумладан, С. П. Толстов, Н. Неъматов, А. Абдуллаев ва бошқалар бу санани Абу Райхон Берунийнинг 1010 йили Каспий бўйидаги Журжон шаҳридан келиши, тўғрироғи, Абулабbos Хоразмшоҳ талаби билан чақирилиб, олиб келиниши билан боғлайди. Бунинг манбавий далили сифатида машхур тарихчи, сайёҳ Ёқутнинг “Иршод ул-ариб”ига ҳавола қиласи. Бирок улар, нима учундир, Ёқут берган маълумотнинг давомига эътибор қилишмаган. Ҳолбукি, Ёқутнинг ёзишига қараганда, Урганчга етиб келган Берунийни Хоразмшоҳ Абулабbos Маъмун II саройи аъёнлари, мазкур “Мажлис ул-уламо” ходимлари, олимлари иштирокидаги тантанали қутлов мажлиси билан кутиб олган ва мазкур академияга у раис этиб тайинланган. Демак, Беруний етиб келишидан аввал ҳам хоразмшоҳлар саройида академия ишлаб турган. Хоразм-

Марказий Осиё тамаддуни вужудга келиши ва тараққий этишида минтақада яшаб келган барча халқлар, шу жумладан, ўзбекларнинг аждодлари фаол иштирок этган. Маданиятлар, тамаддуналар ўзаро таъсири ва бир-бирини бойита бориш жараёнида бошқа минтақа халқлари ҳам сезиларли таъсир кўрсатган.

Хоразмшоҳлар давлатида 997 — 1018 йилларда етишиб чикқан табиатшунослар, тиббиётчилар, кимёгарлар, тарихчилар, файласуфлар, адиллар, шоирлар, сиёсатчилар, ахлоқшунослар, диний арбоблар,

шоҳ Берунийни айнан ана шу олимлар мажлиси даврасида тантанали кутуб олиб, уларга бош қилиб қўйган.

Хоразм Маъмун академияси қачон пайдо бўлгани ҳақида Захириддин ал-Байҳакий ўзининг “Татимма сиван-ул-ҳикма” асарида бундай ёзади: “Сомонийлар аъмоллари таназзулга юз тутганида, зарурат уни (Ибн Синони — А.З.) Бухородан чиқиб кетишига ва Гурганжга (Урганч), Хоразмшоҳ Али ибн Маъмун ибн Муҳаммад ҳузурига боришига мажбур қилди. ... Унинг ҳузурида илмлар ҳомийси Абулҳасан ас-Саҳлий (Суҳайлий — А.З.) вазири аъзам эди. ... Унга (Ибн Синога — А.З.) кифоя қиласи миқдорда ойлик маош тайинлади” (Қаранг: С.Г.Багирова. Сочинение. “Татимма сиван ал-ҳикма” Ал-Байҳаки как образец средневекового энциклопедического справочника. Т., Фан, 1987, стр. 46).

Хоразмшоҳ Али ибн Маъмун ибн Муҳаммад 997 — 1009 йиллари ҳукмдорлик қилган. Ана шу муносабат билан ўша даврнинг қуидаги ўта мұхим аҳамиятга эга тарихий ҳодисаларини ҳисобга олиш зарур бўлади. Айни шу шоҳнинг отаси — Маъмун ибн Муҳаммад даврида 996 йили Жанубий ва Шимолий Хоразм бир давлатга бирлаштирилган, Қосдаги (Қиёт) охирги Афригий ҳукмдор билан Урганч амирининг “икки ҳокимиятчилиги”га барҳам берилган эди. Шундан сўнг Маъмун ибн Муҳаммад келажакда буюк салтанат қуриш орзусида ўзига “хоразмшоҳ” унвонини қабул қилган эди. Унинг мамлакат ичкарисидаги улуғ давлатчилик дағдағалари ва ташки сиёsat борасидаги иддаолари хоразмшоҳлар мустақиллигини мустаҳкамлабина қолмай, бу давлат таркибига Наса ва Faрав каби минтақаларнинг ҳам қўшиб олинишига, яъни давлат чегараларининг кенгайтирилишига олиб келган эди.

Хоразмшоҳ Али Абулҳасан ибн Маъмун ибн Муҳаммаднинг иқтидорли вазири илм-фан тараққиёти ҳомийси ва рафбатлантирувчи Абулҳусайн Аҳмад ибн Муҳаммад ас-Саҳлий, ўз саъӣ-харакатлари билан ички вазият, иқтисодий ахволни бар-

қарорлаштиришга эришиш билан чекланиб қолмайди. Тоҳирийлар, Сомонийлар, Бувайхий ҳукмдорлари каби маърифий мұхитни шакллантиришга уринади. Айниқса, бувайхийларнинг машҳур маърифатпарвар вазири Соҳиб ибн Аббодга тақлидан “Мажлис ул-уламо” ташкил этиш ҳаракатида бўлди. Бу ният ва ҳаракатларни Саҳлий 997 йилданоқ, яъни Али ибн Маъмун томонидан вазири аъзам этиб тайинланган даврдан бошлаб амалга оширишга жон-жаҳди билан киришган эди.

Бундан ташқари, Э. Захау, Ю.Н.Завадовскийнинг аниқлашларига кўра, 996 йил Беруний билан Ибн Сино ўртасида Арасту ёзган “Физика” ва “Осмон ҳақида” деган китобларнинг энг қийин табиий-илмий ва фалсафий масалалари юзасидан бўлиб ўтган машҳур ёзма баҳс-мунозараси, айни ўша 996 — 997 йиллари эндиғина шаклланниб келаётган хоразмшоҳлар “Мажлис ул-уламо”си вакилларининг сомонийлар академияси — “Сиван-ул-ҳикма” билан бошланаётган ижодий рақобат майлларини акс эттирганини ҳисобга олиш зарур (Қаранг: Al-Biruni. Chronologie Orientalischer Völker. 2 e-Aufl. Leipzig. 1923. XXXV.; Ю.Н.Завадовский. Абу Али ибн Сина. Жизнь и творчество. Душанбе, Ирфон, 1980, стр.88).

Сомонийлар давлатининг таназзули, яъни 999 — 1004 йиллари Ибн Синонинг айнан Хоразмга бориши ҳам тасодифий эмас эди. Хоразмшоҳ Ибн Синога ўз академиясининг ҳурматли аъзоси ва шарафли меҳмони сифатида шарт-шароит яратиб беради. Бу олимнинг Хоразмга боришдан кўзлаган мақсади ҳам чинакам илмий тадқиқотлар олиб бориши учун шарт-шароит, таъминот ва кафолатларга эга бўлиш эди. Натижада, Ибн Сино 1002 — 1004 йиллардан то 1017 йил 16 марта гача бўлган 15 йиллик вақт давомида хотиржам вазиятда



ўзининг фундаментал табиий-илмий ва фалсафий тадқиқотларини, мунтазам ва давомли клиник кузатиш, тажриба ва экспериментларини ўтказиш имкониятига эга бўлган. Шу ерда фундаментал асарлари “Ал-қонун фит-тибб”, “Ал-китаб уш-шифо” ва бошқаларни ёзиб тугатишга эришди.

Шундай қилиб, хоразмшоҳлар “Мажлис ул-уламо”си Али Абулҳасан ибн Маъмун ибн Муҳаммаднинг таҳтга чиқиш ва салтанатининг мустаҳкамланиш даврида, яъни 997 — 999 йилларда вужудга келган ва баъзи қиска узилишлар билан Хоразм 1017 йил 16 марта Махмуд Фазнавий томонидан босиб олингунича мавжуд бўлгани ҳақида асосли хulosса чиқаришимиз мумкин (Абул-Байҳаки. ИсторияMasъуда (1030-1041). М., Наука, ГРВЛ. 1969, стр.817).

Маъмун академиясининг 999 йилдан аввал ҳам мавжуд бўлганини Абулфазл Байҳакий “Таърихи Масъудий”ида келтирилган Ас-Саолибийнинг қуидаги эътирофи ҳам тасдиқлайди: “Мен, яъни Абулфазл эса Нишопурда “Йатиммат ад-даҳр фи маҳасин аҳл-ал-аср” ва бошқа кўплаб китоблар муаллифи Хожа (Абу) Мансур Саолибийдан эшитдимки, у Хоразмга борган ва бир неча вақт Хоразм шоҳи надими бўлган ва унинг шарафига бир неча асарлар ёзган” (Абул-Байҳаки. ИсторияMasъуда (1030-1041), стр.810).

Саолибий ҳақиқатан ҳам Хоразмга борган, у ерда 997-1002 йилларда яшаган ва хоразмшоҳ хузурида беш йил давомида надимлик қилган (Қаранг: Абу Мансур ас-Са’алиби. Йатиммат ад-даҳр фи маҳасин аҳл ал-аср. Узбекский перевод части IV И.Абдуллаева. Т., Фан, 1976, 24-бет).

Беруний ва Абулфазл Байҳакий Хоразмшоҳ Абулҳасан Али ибн Маъмун ибн Муҳаммад ҳақида жуда илиқ муносабат билдирган ва юкори баҳо берган:

“Хоразмшоҳ жуда олим, шужоъ ва амалларида событқадам одам. ...Унда ҳалимлик ва хайрлилик бисёр. Кунлардан бир куни у шароб ичиб, руд оҳангини тинглар экан, нафис нутқ сўзлаш санъати бўйича кўплаб танбех ва ишоратлар қиласарди, зеро у жуда билимдон ва маърифат соҳиби эди”.

Беруний ҳам Хоразмшоҳнинг илм-фан ахлига, ваъз айтубчи сўз усталарига хайриҳоҳлиги, мойиллигини тасдиқловчи мисол келтириб ўтар экан, айни пайтда унинг халифа Маъмун (813 — 832) каби “маърифатли шоҳ” деб ном қозонишга уринганини таъқидлайди.

Ана шу ниятига кўра кудратли Хоразмшоҳ Маъмун академиясининг бевосита ташкилотчиси ва раиси бўлиши мумкин эди. Моҳиятан, академия яратиб, маърифатли шоҳ сифатида шуҳрат қозонишдек эзгу ғоя ундан чиққанини тасаввур қилиш мумкин.

Беруний ва Байҳакий кўрсатиб ўтганидек, академияни барпо этиш, унинг ташкилий таркиби, йўналишлари, муаммолари, аъзолари, ходимлари, кутубхона, шифохона, расадхоналари ва ҳоказоларни шакллантириш, энг асосийси — уни молиялаштириш масъулияти хоразмшоҳ томонидан ақл-заковати кучли, маърифатпарвар деб ном қозонган, илм ва аҳли илм ҳомийси бўлган вазири аъзам Абулҳусайн Аҳмад ас-Саҳлийга топширилган.

Шу жиҳатлардан Ю. Н. Завадовскийнинг фикр-мулоҳазаларини ҳақиқатга яқинроқ деб ҳисоблаш мумкин. Олимнинг ёзишича, академияни вужудга келтиришда Саҳл наслидан бўлган вазирлар оиласи фаол иштирок этган, Ас-Саҳлий, бармакийларга ўхшаб, амирлик сулоласига мувозий (параллел) вазирлар сулоласини яратишга интилган. У ўлканинг энг бой-бадавлат дехқонлари қаторига кирар эди. Бадийи ижодга қобилияти бор, араб тилида шеърлар ёзарди. Саройда эгаллаган мақоми ва шахсий бойлиги илм-фанга ҳомийлик қилиш имконини берар эди. Шунча хайр-саҳова-тига қарамай, вафотидан сўнг 20 минг олтин динор мерос қолдиргани унинг ҳақиқатан ҳам бениҳоя бадавлат бўлганини тасдиқлайди. У жуда тақвodor мусулмон бўлган, эҳтимолки, ўз ҳукмдори Хоразмшоҳни шариат қоидаларидан оғмасликка ундан турган (Қаранг: Ю.Н.Завадовский, ўша асар. 101 — 102- бетлар).

Саҳлий академиясининг ҳақиқий ташкилотчиси ва раиси бўлганини бу даргоҳнинг кўп аъзолари ўз асарларини унга ба-

ғишилгани ҳам тасдиқлайди. Берунийнинг саккиз, Ибн Синонинг ўндан ортиқ рисоласи вазири аъзам Саҳлий номига атаб ёзилган.

Дарҳақиқат, Саҳлий академияни оқилона бошқарганига шубҳа йўқ. Саҳлий академияга Беруний Урганчга даъват этилиб, етиб келгунга қадар раислик қилган кўринади.

Академия ҳаётидаги бундай кескин, жиддий ўзгариш тасодифий эмас эди. Айни шу даврга, яъни 1009 — 1010 йилларга келиб ас-Саҳлий билан янги Хоразмшоҳ Абу-л-Аббос ибн Маъмун ўртасида жиддий келишмовчиликлар юз бериб, бу Саҳлийнинг вазири аъзам ва академия раиси лавозимларидан четлатилишига олиб келган эди. Бу келишмовчилик, Беруний сўзларига қараганда, 1011—1013 йиллари Ёқуб Жандий деган шахсни Хоразмшоҳдан тобеликка ўтиш, хайриҳоҳлигини исботлашни қатъий талаб қила бошлигани Маҳмуд Фазнавий ҳузурига элчи қилиб юбориш масаласида пайдо бўлган.

Ёқуб Жандий замон шоҳининг отаси даврида 997 — 998 йиллари Сомонийлар пойтахти — Бухорога Хоразм элчиси қилиб юборилган, лекин қўполлиги, манманлиги ва қабих мизожи туфайли Хоразм давлати манфаатларига катта зарар етказган, favго чиқарган эди. Шунга қарамай, хоразмшоҳ уни Маҳмуд Фазнавий ҳузурига шундай қалтис, хатарли пайтда элчи қилиб юбормоқчи бўлди. Саҳлий элчининг қилмишларидан яхши хабардор бўлгани учун хоразмшоҳни бу фикрдан қайтаришга бир неча бор уринади, лекин фойдаси бўлмайди.

Беруний бу ҳақда таассуф билан бундай ёзган: “Жандийнинг элчилиги орқасидан Хоразм тамомила йўқлиқка кетишга маҳкум эди. Энди Хоразмшоҳ яна уни (элчи қилиб) тайинлади. Буни Саҳл ва бошқалар қанча тушунтиришга уринмасин, фойдаси бўлмади, зеро тақдир остонаяга келган эди. Вужудида фирромлик, ҳийлакорлик тўлиб-тошган бу одамнинг ниятлари яширин қолди, Ёқуб элчиликка жўнатилди” (Абу-л-Фазл Байҳаки. История Масъуда (1030-1041), стр. 812.).

Бу элчилик Хоразм учун ҳалокатли тарзда якунланди. Ақлга зид хатти-харакатлари, айниқса, Абулаббосни Маҳмудга қарши қуткуловчи эски хоразмча шифрланган мактуби билан ўша ондаёқ Хоразмни Маҳмуд Фазнавийнинг қудратли давлати билан катта ҳалокатли уруш ёқасига олиб келиб қўйган эди. Саҳлий Хоразмшоҳни оқибати олдиндан кўриниб турган бундай қадамдан қайтариш учун, қолаверса, ана шу ҳалокатларга томошабин бўлиб турмаслик мақсадида истеъро сўради ва Урганчдан Бағдодга жўнаб кетди.

Берунийнинг 1010 йили шоҳ томонидан чақирилгач, Хоразмга етиб келиши, академия раиси этиб тайинланиши ва айни чоқда ҳукмдорнинг биринчи даражали сиёсий маслаҳатчиси бўлиб қолиши, ўша вақтларда Саҳлий билан Хоразмшоҳ ўртасида пайдо бўлган ва давом этиб келаётган келишмовчилик натижаси бўлган кўринади.

Саҳлий раислиги даврида академияда қўйидаги тарихий шахслар — олим, адиб ва сиёsatчилар фаолиятда бўлган: адаб илми, нафис нутқ, воизлик, котиблик соҳаларида собиқ вазир, “Вазир” таҳаллусли шоир Муҳаммад Тожир; котиб, шоир, мунахжим ва элчи Абдуллоҳ Раққошӣ; хоразмликлар орасида энг кўзга кўринган машҳур шоир, собиқ элчи Абу Абдуллоҳ Муҳаммад ибн Ҳомид. У “Шамсул Маолий” Қобус ибн Вушмагир ҳузурига юборилган элчиларга раҳбарлик қилган, 1011—1013 йиллари Балҳда турган Маҳмуд Фазнавий ўрдасига элчи қилиб юборилган эди. Бир вақтлар “араб шеъриятининг отаси” деб улуғлаб келинган Абу Бақр Хоразмий шаънига ҳажвия ёзиб, уни ҳақорат қилишга журъат этган Аҳмад ибн Абу Зирғом. Шоир, мунаққид ва ҳазил устаси Абу Аъло ас-Сарий. Шоир, адиб, бадиият билимдони ва олим Саолибий. У Хоразмшоҳга бағишилаб икита асар ёзган.


Академияда, шунингдек, қатор табиатшунослар, кимёгарлар, тиббиёт, риёзиёт илмлари вакиллари, мантиқшунос, файласуф, тарихчилар, мунахжимлар фаоли-

ят кўрсатган. Абу Райхон Беруний, Шайхурраис Ибн Сино, Абу Саҳл Масиҳий, Абу Али ибн Абулхайр ал-Ҳасан ал-Ҳаммор ва унинг ўғли Абу Али ибн Абулхайр ал-Ҳаммор, Берунийнинг устози ва ҳомийси (тутинган отаси) Абу Наср ал-Ироқ, Хоразмшоҳ Абулаббос ибн Али ибн Маъмун II ва унинг отаси Абулҳасан Али ибн Маъмун I ҳам йирик олим бўлган. Бу маълумотларни бирламчи манбалар, биринчи навбатда, Байҳақийнинг “Тарихи Масъудий” ва “Татимма Сиван ул-ҳикма”, “Тарихи аҳволи Шайхурраис” (“Ибн Синонинг таржимаи ҳоли”), Давлатшоҳ Самарқандийнинг “Чаҳор мақола”, Абдулкарим Сомонийнинг “Китобул-ансоб”, Абу Мансур Саолибийнинг “Йатимат ад-даҳр...” ва бошқа китоблардан топиб, аниқлаб келтиридик.

Хоразмшоҳ Али ибн Маъмуннинг ўзи таклиф этган ва унинг буйруғи билан Хо-

размга олиб келинган “Букрот ус-соний” (“Гиппократ II”) деган шарафга эга, асли исавий эътиқодли Ибн ал-Ҳаммор (941—1014) ва унинг ўғли Абу Али ибн Абулхайр кейинчалик Ибн Синонинг фалсафа, кимё, тиббиёт соҳаларидағи энг буюк устодлари бўлган эди.

Яна бир исавий эътиқодли файласуф, тиббиёт олими, мантиқшунос, Беруний ва Ибн Сино ёзма фалсафий баҳс-мунозарасида Беруний тарафида қатъий туриб иштирок этган Ҳаким Абулфараж ибн ат-Тайиб Жасалиқ ҳам шу академия аъзоси эди. Ибн Синонинг энг биринчи мураббийси, унга мантиқ, калом илмларидан таълим берган Абу Абдуллоҳ ан-Нотилий, ўз даврида Бухородаги “Сиван ул-ҳикма”га таклиф этилган эди. У кейинчалик Хоразмга бориб қолган ва Маъмун академияси тадқиқотларида фаол иштирок этган.



Хоразм Маъмун академияси биноси

Ибн Сино таржимаи ҳолининг турли нусхалари, ўрта аср манбалари ва ҳозирги замон тадқиқотлари маълумотларига кўра, у Бухорода исломнинг шиа йўналишидаги исмоилийлар оиласи муҳитида вояга етган. “Иҳвон ус-сафо” яширин файласуф-сиёсатчилари, қомусий алломалари тузган ва тарқатган рисолалар фоялари, назариялари, таълимотларини тиришиб ўқиб-ўрганганд. “Ат-таълим муаллим ус-соний” дастури, яъни 930 йиллар атрофида Дамашк, Ҳалабдан(Алеппо) Бухорога — Сомонийлар “Сиван ул-ҳикма”-сига маҳсус таклиф этилган, Абу Наср Форобийнинг табиий-илмий ва фалсафий билимларни ўрганиш усувлари ҳақида яратган тизими асосида таълим олган. “Иҳвон ус-сафо”чилар рисолалари ва Форобий дастурини Бухородаги “Сиван ул-ҳикма” аъзолари эътироф этар ва уларга амал қилар эди.

Ана шундай бошқачароқ маънавий муҳит вакили бўлган Ибн Сино, Хоразмдаги мұтазила мұхитида ўз ўрнини топа олди. Юнон, сурялиқ, исавий, мусавий, зардустий, собий, халдей, ҳатто хитойлик, тибетлик ва қадимги турк баҳси табиб-шомонлари билан ҳам тил топишиб, тадқиқотлар олиб борди. Мазкур ҳаддан ташқари турфа этноко-ғеффисионал мұхитда илмий ҳамкорликлар яхши йўлга қўйилган, бирон-бир миллий-этник ёки диний-конфессионал низо-нифоққа йўл қўйилмас эди.

Зеро, мумтоз араб-мусулмон тамаддуни — илм-фани, маданияти, сиёсий-мағкуравий муносабатлари ўзининг “олтин даври”ни бошдан кечирар, тадқиқотчилар орасида эркин, диний бағрикенглик асосидағи илмий рухият, хур фикрлилик, илмий холослиқ ва аклий танқидчилик қатъиятларига анчагина кенг кўламда, юксак савияда ва жиддий бир тарзда амал қилинап эди. Худ-

ди шу фазилат Фарбий Оврупонинг шарқ-шунос, манбашунослари Э. Катрмайер, Э. Захау, Б. Розен, И Крачковский, Ж. Сартон. Э. Гибб ва бошқаларни лол қолдирган.

Ибн Сино ҳали Бухорода, Беруний эса Журжонда (Каспий бўйидаги бу ўрта аср шахри ҳозир ҳам бор), Хоразмда, Рай, Ҳамадон, Нишопурда яшаган ёшлик йилларида ёқ давомли ёзишмалар орқали ўзаро баҳс-мунозаралар олиб борган. Ибн Синонинг ҳамадонлик, шерозлик, бағдодлик мантиқ илми устозлари билан ҳам мантиқ, мантиқий силлогизм назариясининг энг қийин, мураккаб масалалари бўйича ёзишмалар қилгани маълум (Қаранг: акад. М.М.Хайруллаев, А.Захидов. *Малоизученные страницы наследия Ибн Сины. О переписке и посланиях Ибн Сины — ж. “Вопросы философии”, № 7, 1980, с. 76–83).*

Маҳмуд Фазнавий Хоразмни босиб олгач, олимларнинг бир қисмини олиб кетди. Колганлари ҳар томонга тарқади. Лекин бу илм маскани анъаналари XI аср давомида Ўрта ва Яқин Шарқнинг илм-фан, маданият барқ урган Фазнин, Ҳирот, Ҳамадон, Рай, Нишопур, Бағдод шаҳарларида давом эттирилди.

Шу маънода, фан тарихининг йирик мутахассиси, америкалик Ж.Сартоннинг Берунийнинг жаҳон илм-фани, маданияти, цивилизацияси тараққиётидаги буюк хизматларини эътироф этиш рамзи сифатида XI асрнинг бутун биринчи ярмини инсоният тамаддуни, илм-фани ва маданияти тараққиётida “Беруний даври”деб търифлаш таклифи тасодифий эмас.

Шундай қилиб, Ватанимиз мумтоз араб-мусулмон тамаддуни, илм-фани ва маданияти тараққиётининг “олтин даври”-даёқ ҳалқаро илмий ҳамкорлик ўчоқларидан бири бўлиб қолди.

ЖАВОНДАГИ ЖАВОХИР



**Umarali Normatov
mufolaa qiladi**

Р.Уэллек, О.Уоррен. Теория литературы. М., 1978.

Филология факультетида таълим олган мутахассислар яхши билади: адабиёт назарияси бўйича улар асосан рус тилида чоп этилган “Теория литературы”, “Основы теории литературы”, “Введение в литературоведении” китобларини ўқиб савод чиқарган. Кейинчалик булар ёнига ўша китоблардан андоза олиб битилган, миллий адабиёт намуналаридан келтирилган мисоллар, шунингдек, миллий шеър тузилиши, аruz ҳақидаги маълумотлар билан тўлдирилган ўзбек муаллифларининг китоблари ҳам қўшилди. Уларни ўқиб назариядан савод чиқариш ниҳоятда осон ва қулай. Ижодий метод ва услублар — классицизм, романтизм, реализм, социалистик реализм; адабий тур ва жанрлар — эпос, лирика, драма тушунчалари шунчалик содда, мулојим қилиб чайнаб ўқувчининг оғзига солиб қўйиладики, шу ёзилганлари рост бўлса, назариячи бўлиш сартарошлик хунаридан ҳам осонроқ эканда, деган хulosага келади киши.

Назарий китоблардан бир-икки мисол. Ҳикоя жанрига берилган таърифларга қаранг: “Унинг мазмунни эртакдагидан ортикроқ ҳаётийdir. Ҳикояда фантастик ва мифологик элементлар йўқ ёки жуда кам бўлади... Ҳикоя латифа мазмунига кирган воқеадан каттароқ, аммо қиссага мазмун берувчи воқеадан кичикроқ саргузаштни, кўпинча киши ҳаётида бўлган бир эпизодни тасвир этади”; “Ҳикоя бу – инсон ҳаётидаги унча катта бўлмаган бир воқеа тасвиридир”.

Повесть жанрининг таърифи эса мана бундай: “Бир киши ва у билан ҳаёти боғлик бўлган бир неча кишининг тақдири ўртacha ҳажмда тасвир этилган, аммо ҳаётнинг кенг манзарасини чизиб беришни ўз олдига вазифа қилиб қўймайдиган асарлар повесть жанрига мансубдир”.

Драма — театр саҳнасида қўйиш учун ёзилган бадиий асар; “адабий ижоднинг материали — тилдан фойдаланади ва ада-

Р.Уэллек и О.Уоррен

ТЕОРИЯ
ЛИТЕРАТУРЫ

Издательство: Прогресс


бий ижоднинг умум қонунлари асосида яратилади”, дея таърифланади.

Колган жанрлар таърифи ҳам шу таҳлит. Соддадил талаба бу хил таърифларга (агар уларни таъриф деб аташ мумкин бўлса!) тўлиқ ишонади, бир умр ҳикоя, повесть деганда шу қоидалар ёдига тушади; диплом олиб мактабларда адабиётдан дарс берганида ҳикоя ва повестни ўқувчиларга шу тарзда тушунтиради. Бир оз эркин, мустақил мушоҳадага мойил талаба эса бу таърифларни ўзи мутолаа қилган ҳикоя ва қиссалар билан муқояса этиб кўрганида, улар бу таъриф мезонларига сифаслигидан таажҷубга тушади.

Шахсан ўзимнинг ҳам ана шу назарий китобларни ўқиб “тилим” чиққан. Кейинчалик Р.Уэллек билан О.Уорреннинг 1978 йили рус тилига таржима қилиниб чоп этилган китоби қўлимга тушиб қолди. Бу китоб ўша пайтга қадар назариядан олган, билган барча сабоқларимни остин-устин қилиб юборди. Энг қизиги, бу китобда бирорта адабий ҳодиса, чунончи жанр, тур, оқимларга узил-кесил таъриф бериш даъвоси йўқ. Масалан, ҳикоя, қисса, роман ҳақида жаҳон адабиётшунослигидаги энг характерли бир эмас, бир неча қарашлар, таъриfu тавсифлар келтирилади, ҳар ҳақида хукм чиқариш эса китобхон — талаба ихтиёрига қолдирилади... Бу хил дарслер, кўлланмани ўқиган китобхон истеъмолчи эмас, чин меҳнаткаш, заҳматкаш — фикрловчи **ШАХС-**га, бинобарин, ижодкорга айланади.

Мени қувонтирадиган ҳолат шундаки, бизда ҳам таълим тизими айни шу “жаҳон стандартлари” даражасига кўтарила бошлади. Афсус, минг афсуски, замонавий герменевтика, синергетика таълимоти қарор топган бу гунги кунда ҳам назариядан талabalарга тақдим этилаётган кўлланма ва дарслерлар (Дилмурод Куроновнинг 2004 йили чоп этилган “Адабиётшуносликка кириш” китобини мустасно этганда) аҳволу манзараси эски ҳаммом, эски тос қабилида.

Ўйлаб қоласан киши: бизда ҳам фаннинг ҳар бир соҳасида қарашлар, концепциялар хилма-хиллигини эътироф этадиган, унга амал қиладиган етук олимлар бўлган-ку! Менинг университетдаги талабалик йилларим — 1952-1957 йиллар тоталитар режимнинг тафаккурдаги асоратлари энг авжига чиққан ва доктматик қарашлар тагига сув кета бошлаган бир даврда кечган. I-II курсларда ўқиган кезларимиз дарслерларда, жумладан, “ВКП(б) тарихи”да ёзилган барча гапларни ҳақиқат деб билганимиз. Сталин вафотидан кейин секин-аста бошқача гаплар чиқа бошлади. Сарғайиб, титилиб кетган, маҳсус идораларнинг тасдидидан ўтган маъруза матнларини бош кўтармай ўқиб берадиган, аниқроғи, айтиб туриб бизга ёздирадиган домлалар ҳам, ниҳоят, матндан бош кўтариб ўз сўзларини айта бошлади. Шу орада яқиндагина номзодлик диссертациясини ёқлаган ёш тилшунос олим Шавкат Раҳматуллаев ўзбек тилидан бизга дарсга кирди. Ҳеч қанақа матн-патинсиз тил муаммоларидан сўз бошлади. Ўша пайтга қадар она тилидан билгандаримизни — сўз туркumlари, гап бўлаклари ҳақида биз ёд олган қоидаларнинг ҳаммасини бирин-кетин чирпирак қила кетди. Шавкат домла она тилимизнинг бойлиги аслида “улуг ofa” тилшунослигидан олиниб ўзбекчалашти-




рилган андозаларга асло сифмаслигини рад этиш мушкул бўлган далиллар орқали кўрсатиб, исботлаб берар эди. Бошда у кишининг бу хилдаги фаройиб дарслари, илмий жасорати ҳаммамизни довдиратиб кўйди, домладан шикоят қилиб деканатга кирганлар ҳам бўлди. Кейинроқ бошдан дўппини олиб мушоҳада қилиб кўрсанак, устознинг даъволарида асос жиддий экан; тил илмида ҳам ўйлаб кўрадиган, баҳслашадиган муаммолар бисёр экан. Секинаста Шавкат ака ёнига Озод Шарафиддинов, Матёкуб Кўшжоновлар кўшилди. Сокин дарсхоналар баҳс-мунозара ўчигига айланди. Афсуски, ана шу жўшқин ижодий руҳ тил ва адабиёт фанларидан дарслик, ўкув қўлланмалариға ниҳоятда секинлик билан кириб келарди. Зотан, мустабид тузум шароитида бунинг иложи йўқ — китоб устидан ниҳоятда қаттиқ назорат ўрнатилган эди.

Бугун унақа тўсиқлар йўқ-ку! Йўқса, бу борадаги сусткашликнинг боиси не? Мазали-мазасиз озиқларни ўқувчи оғзига чайнаб солиб кўйишдек ибтидоий усулдан қачон воз кечамиз?!

Теория литературы. Том IY. Литературный процесс. М., 2001.

Р.Уэллек ва О.Уоррен китобидан қарийб чорак аср ўтиб чоп этилган 600 саҳифадан ортиқ бу салмоқдор китобда сўз санъатининг илк ёзма намуналаридан тортиб ҳозирги кунга қадар босиб ўтган йўли, тараққиёт босқичлари замонавий методология асосида назарий жиҳатдан теран ёритиб берилган. Бу китобда ҳар бир адабиётшунос учун ибрат, сабоқ бўладиган жиҳатлар кўп. Айниқса, ундаги икки жиҳат мени ўйлантириб кўйди. Биринчидан, сўз санъати инсон дахосининг ниҳоятда тез ўзгарувчан, бетиним янгиланиб турадиган яратиги экан. Иккинчидан, даҳо санъаткорлар ижоди ҳамма даврларда ҳам муайян оқим, фалсафа, мафкуравий қарашлар доирасига сифмас экан. Ҳар бир янги оқим ўз даврида улкан сўз санъаткорларини, нодир асарларни бериши мумкин, бироқ миллий адабиёт ўша оқим, анъаналар доирасида керагидан узокроқ туриб қолдими, бас, адабий жараёнда тургунлик, бир хиллик, такрорлар бошланар экан. Мен Чўлпоннинг ўтган аср бошларида, бадий ижодда илк қадамларини кўяётган кезлари мумтоз адабиётимизни бехад ҳурмат қилгани ҳолда унинг йирик намояндаларини бирмабир санаб, афсус-надоматлар билан “бир хил, бир хил, кўнгил янгилик қидирадир” деган исёнкорона сўzlари маъносини “Теория литературы” мутолааси жараёнида теранроқ англаб етгандек бўлдим. Яшириб нима қиласиз, Навоийдек, Бобурдек буюк даҳоларни берган мумтоз адабиётимиз улардан кейинги тўрт асрлик тараққиёти давомида Машраб, Оғаҳий, Муқимий, Фурқатлар меросини асло камситмаган ҳолда нега Навоий, Бобурга тенглаша оладиган даҳо санъаткорларни бермади? Бунинг бош сабаби, биздаги миллий-адабий тафаккур, жараён эски ўзандан, анъаналар доирасидан чиқиб кетолмагани, бадий тафаккур тараққиётида кескин бурилиш, янгилик яратилмагани бўлса ажаб эмас.

“Теория литературы”да “Шарқ адабий жараёнида қонун-қоида барқарорлиги” боби бор; унда, жумладан, форс-тоҷик, ўзбек мумтоз адабиёти қоидалари ўзгармас эканлиги айтилади. Улкан сўз усталари, жумладан, ҳазрат Навоий ҳам қонун тусини олган анъаналарни ҳурмат қилган, чунончи, аруз



қоидаларидан салгина бўлсин четга чиқишини нуқсон санаган, ҳатто бу борада устоз шоирларни ҳам танқид қилган. Ажаб, ана шундай аллома мана бундай сатрларни-да битган:

Ани назм этки, тарҳинг тоза бўлғай,
Улусқа майли беандоза бўлғай.
Йўқ эрса назм қілғонни ҳалойик,
Мукаррар айламак сендин не лойик.
Хуш эрмас эл сўнгинча рахш сурмак,
Йўликим, эл югурмиштур югурмак.
Бирақвим бир чаманда сойир эрди,
Нечаким гул очилғон кўрди, терди.
Ҳамул ерда эмас гул истамак хўб,
Бу бўстон саҳнида гул кўп, чаман кўп.
Чу бу сўзларга фикр этти замирим,
Кўрунди борча маъни дилпазирим.
Килиб кўнглумни бу андиша шайдо,
Таворих айладим ҳар сори пайдо...

(Алишер Навоий. Хамса. Т., 1960, 164-165-бетлар)



Ўзгармас адабий қоидалар устуворлиги шароитида бу сўзларни айтишибитиш чинакам жасоратнинг ўзгинаси эди.

“Лайли ва Мажнун”, “Лисон-ут тайр”, айниқса, ундан Шайх Санъон қиссасини ҳар гал қайта мутолаа қилганимда ҳазратнинг мислсиз жасорати олдида лол қоламан. Мажнун билан Шайхнинг ҳам дунёвий, ҳам илоҳий ишқ йўлида жунун ҳолига тушиб, ҳалқ-миллат удумлари, шариат аҳкомлари доирасидан чиқиб, ўзларини ҳам, ўзгаларни ҳам кўп нокулай — танг ахволга солиб қўйишлари гаройиб ҳол! Мажнуннинг-ку ҳолини тушунса бўлар, у ҳали қайнаб қўйилмаган ошиқ йигит. Аммо ёши бир жойга етиб, Каъбадек муқаддас масканда неча йиллар кўплаб муридларга бош бўлган, у ердаги барча шайхларнинг шайхи даражасига етган пирнинг тарсо қизга ошиқи бекарор бўлиб, ақл-хушини йўқотиб, маъшуқасининг ҳамма шартларига сўзсиз кўниши — эътиқодидан қайтиб, шайхлик либосини ташлаб белига зуннор танғиши, ўгит-илтижоларга қулоқ тутмай бутхонани, оташгоҳни ватан тутиши, Куръони каримни ўтда ёқиши, май ичиши, чўчқабоқарлик қилиши — булар айтишга осон!.. Мен ҳам бошқа ҳамкасбларим қатори Шайхнинг бу хил хатти-ҳаракатларини даҳрийликка йўйишдан йироқман; булар рамзий маънога эга эканини, замираидан олий, яъни илоҳий ишққа чексиз садоқат ётганини озми-кўпми тушунаман. Бироқ, нима бўлганда ҳам, Шайхнинг ҳалқ удумларига, шариат аҳкомларига зид хатти-ҳаракатлари ўзини мусулмон санаган бандай мўминда таажжуб уйғотиши табиий.

Шуниси қизиқки, Мажнун қисмати тасвирида бўлгани каби Шайх тақдири, хатти-ҳаракатлари талқинида ҳам ҳазрат Навоий қаҳрамонини асло танқид қилиш, фош этиш йўлидан бормайди, балки енгил, латиф бир табассум билан уни англаб, авайлаб-ардоқлаб қалам тебратади. Бу жиҳатдан Шайх Санъон қиссаси жаҳон адабиётининг энг нодир намунаси деб тан олинган “Дон Кихот”ни эслатади.

Бу ҳам ўз даври учун буюк ижодий жасорат, мислсиз исён! Ҳазрат Навоий машҳур қитъасида бежиз ёзмаган:

Килибмен онча исёнким, агар дўзах аро кирсам,
Менинг беҳад гуноҳим бирла дўзах сарбасар тўлгай.
Худоё, афв осонроқдуур, йўқса, ғазаб қилсанг,
Магарким ўзга дўзах, ўзга ўт, ўзга азоб ўлгай.


(Алишер Навоий. Муқаммал асарлар тўплами. IV том,
504-505-бетлар)

Бу ёғи энди Аллоҳнинг ҳукмига, марҳаматига ҳавола!

**Э.Аҳмедова, Р.Габидулин. Культурология.
Мировая культура. Т., 2001.**

Бу китоб ҳақида республика матбуотида тақризлар чиқди, илиқ гаплар айтилди. Мен китобнинг “Импрессионизм ва жаҳон маданияти”, “XX аср маданиятидаги асосий бадиий йўналишлар” бобларини бир эмас, бир неча бор қайта мутолаа қилганман. Мазкур боблардаги XX аср жаҳон маданияти, санъатининг етакчи йўналиши бўлмиш модернизм талқинида аввалгидек бу ҳодисага нописанд, юзаки танқидий муносабат йўқ, муаллифлар бу шаклий-бадиий ҳодиса моҳиятини теран англаган ҳолда қалам тебратган. Клод Моне, Пьер-Огюст Ренуар, Эдгар Дега, Поль Сезанн, Эдуард Мане, Поль Гоген, Ван-Гог, Пабло Пикассо, Василий Кандинский, Сальвадор Дали каби тасвирий санъатининг янги оқимларига мансуб буюк намояндлари асарлари таҳлили орқали модернизмнинг инсоният бадиий тафаккури ривожидағи бекиёс ўрнини очиб берган. “Импрессионистлар, — дея хулоса чиқаради муаллифлар, — санъат маънавий фаолиятнинг мустақил соҳаси эканини амалда исбот этди. Постимпрессионистлар эса санъатни маънавий фаолиятнинг бошқа турларига қараганда анча юксакликка кўтарди, санъаткорни ҳам баланд мақомга олиб чиқди; улар назарида бадиий нафосат энг юксак маънавий ҳодисага, санъат эса маънавиятнинг энг олий шаклига айланди” (208-бет). Муаллифлар давом этиб модернизм, постмодернизмни маънавиятнинг бир кўриниши сифатида баҳолайди, “гўзаллик жаҳонни қутқаради” деган машҳур ақида модерн санъат намуналарида ҳам яққол намоён бўлганини, бундай санъат ҳам амалда жаҳонни асрамоққа улуш кўшаётганини таъкидлайди (225-бет).

Мени бир ҳолат таажжууга солади: миллий адабиётимизда модерн шеърият ва наср аллақачон адабий ҳодиса тусини олган, бу жараён теварагида қизғин баҳс-мунозаралар кетяпти. Модерн шеърият, наср муаммоларига бағишлиланган бир қатор диссертациялар ҳимоя қилинди, улар мұхокамаси, ҳимоясида қатнашиб тураман. Модерн йўлида ижод қўлаётган шоир, носирлар, ёш тадқиқотчилар билан сұхбатлашганда, уч-тўрт ёзувчи-шоир, ёш мунаққидни мустасно этганда, аксарияти модернизм бобида ёндош санъат турлари – кино, тасвирий санъат, мусиқа оламида бу борада нималар бўлгани, бўлаётганидан беҳабар. Модерн адабиёт муаммоларини улардаги, айниқса, тасвирий санъатдаги жараёнлардан айри ҳолда англаш мумкинми, ахир! Боз устига тажрибалироқ мунаққидларнинг модернизмга муносабати ҳам кўнгилдагидек эмас...



Устоз Озод Шарафиддинов эътироф этгандаридек, модернизм жўн ходиса эмас, уни англаш хийла мушкул. Лекин қийин, мураккаб деб ундан қўл силташ керакми?! Уни англаш, ўрганиш йўлида биз нима қилдик, қиляпмиз? Жаҳон санъатшунослиги, адабиётшунослигида маодернизмга оид юзлаб, минглаб китоблар бор. Юқорида тилга олинган “Теория литературы” тадқиқотининг юз эллик саҳифаси модернизм тадқиқига бағишиланган. Шунингдек, китобда “Модернлашган реализм” деб номланган салмоқдор бир боб ҳам бор.

Шуниси ачинарлики, сўнгги йилларда “Адабиёт назарияси асослари”, “Адабиёт назарияси”, “Адабиётшуносликка кириш” номи остида бизда чиқкан ўкув қўлланма, дарсликларда бу мавзуга лоақал бир саҳифа ҳам ўрин ажратилган эмас.

Бизда модернизм теварагида кечаетган гоҳ жўшқин, гоҳ сокин баҳс-мунозаралар, Абдулла Қаҳҳор айтмоқчи, юз йиллар бурун гугурт ихтиро қилинганидан бехабар, икки чақмоқтошни бир-бирига уриб учқун-олов чиқаришга уринишдай гап. “Культурология” китобидаги каби модернизм тўғрисида она тилимизда холис, теран таҳлилий асарлар яратиш пайти келди.

Гуннар С қ и р б е к к, Нилс Г и ль е. Фалсафа тарихи. Т., 2002.

Бу китобнинг ҳам русча, ҳам ўзбекча нусхалари, мана, икки-уч йилдирки иш столим устида. Деярли ҳар куни, кунора уни варақлаб тураман. Бундай нодир китобни чинакам она тилимда ўқигим келади, афсуски, таржима яхши чиқмаган, ўзбекчада тушунмаган жумлаларни русча ўқийман. Ницшедан тортиб Хайдеггер, Гадамер, Деррида, Хабермас каби файласуфлар таълимотига бағишиланган бобларни қайта-қайта мутолаа қилишдан чексиз завқ, табиийки, маънавий-маърифий озиқ оламан. Айни пайтда шундай китоб етмиш ёшдан ошган чогимда қўлимга тушганидан ўқинаман. Бундан кирқ-эллик йил олдин шу хил “Фалсафа тарихи” билан танишганимда борми, менинг фандаги тақдирим бутунлай ўзгача йўллардан кетган бўларди-ку! Талабалик йиллари бизга дунёда биргина тўғри, энг мукаммал таълимот бор, қолган бари нотўғри, реакцион деб ўргатилган. Бизнинг ёш умримиз маркс-ча-ленинча соҳта, асл илмга ёт фалсафа тарихини ўрганиш йўлида увол кетди... Биз яшаб, илм билан шуғулланиб юрган кейинги ярим аср мобайнида жаҳонда нақадар ранг-баранг, бой тафаккур дурдоналари яратилган экан!

Шундай доруломон замонда шу каби ноёб китобларни ўқимай, улардаги янгича қараш, талқинлардан бехабар ҳолда ижтимоий-гуманитар соҳада, публицистика, адабиётшунослик бобида қалам тебратаётган айрим ҳамкасб дўстларимизнинг мақолаю китобларидағи гаройиб мулоҳазаларга дуч келиб, таажжубдан ёқа ушлайсан киши. Адабиётшунос Дамин Тўраев “Давр ва ижод масъулияти” китобида ёзади бундай: “Ф. Ницше супер-инсонни тарғиб қилиб, бутун инсоният бошига ҳақоратлар ёғдирган. Фашизм Ф. Ницше гояларини ўзига шиор қилиб олган эди” (22-бет). Шунга яқин қарашни ёзувчи Faffor Хотамовнинг “Тарихнинг қонли ва кўзёшли саҳифалари” бадиасида ҳам учратамиз (“Жаҳон адабиёти”, 2004 йил, 9-сон, 33-34-бетлар).





Бу хусусда “Фалсафа тарихи” китобида, мана нималар дейилган: “Ницше ўзидан кейин бир қанча нашр этилмаган қўлёзма ва мақолалар қолдирди. Унинг антисемит кайфиятдаги, кейинроқ нацист бўлиб қолган синглиси Элизабет Фёрстер-Ницше (Elizabeth Forster-Nietzsche, 1846-1935) уларни таҳрир қилди ва нашр этирди. Ницшенинг антисемит ва миллатчи экани тўғрисидаги афсоналар ҳам синглиси билан боғлиқ. Ницшени нацизмнинг салафи сифатида тасвирлашга бўлган уринишлар ҳам унинг асарларини нашр этишда синглиси қилган ўзгаришлар туфайлидир” (“Фалсафа тарихи”, 534-бет).

Шу хил ҳақиқатлардан бехабар ҳолда “Зардушт таваллоси”-дек нодир асар муаллифи, фалсафа тарихида улкан бурилиш ясаган буюк сиймо ҳақида бирёклама мулоҳаза юритиш публицист ёки олимни нокулай ахволга солиб қўйиши турган гап...

“A Beautiful Mind”. (“Тафаккур ўйинлари”) АҚШ, 2001. Режиссёр — Рон Ховард. Бош ролда — Рассел Кроу.

“The Passion of the Christ”. (“Исо Масиҳ изтироблари”) АҚШ, 2004. Режиссёр — Мэл Гибсон. Бош ролда — Жэймс Кавизел.

Кейинги йилларда жавондаги китоб шаклидаги жавоҳирлар ёнига видеокассеталар ҳам қўшилди. Бозорларга бир кур кўз ташланг, китобларга қарагандан кассеталар бир неча бор кўплигига иқрор бўласиз. Ҳозир китоб дўкони тансик бўлиб колди, аммо ҳар қадамда кассета дўконларига дуч келасиз; видеокассеталарнинг бозори эса китобларга қарагандা хийла чақон...

Менинг китоб жавонимда ҳам бугунги жаҳон киносининг бир талай нодир асарлари тўпланиб қолди. Шулардан айримларини визуал мутолаа — томоша қилиш асносида кўнглимдан кечган ўй-мушоҳадаларни айтсан дейман.

“Тафаккур ўйинлари”ни ўн мартадан ортиқ томоша қилдим, шекилли. Ҳар гал фильмнинг икки жиҳати мени лол қолдирди. Биринчиси, асарда улкан шахс табиати, қисмати билан боғлиқ ниҳоятда нозик, қалтис ҳолат — юксак маънавий заковат, дохиёна ақл-идрок билан жисмоний хасталик, телбалик жазаваси. Ҳар гал фильмни томоша қилаётганда юрак ҳовучлаб тураман: даҳо олим тутқаноқ жазавасига тушиб ақл-хушини йўқотган кезлари у ҳақда томошабинда ўзгача, ноxуш таассурот туғилиб қолмасмикан? Йўқ, актёру режиссёрларнинг маҳоратини қарангки, қаҳрамонни ана шундай қалтис вазиятлардан бир неча бор унинг шаънига заррача бўлсин дод туширмасдан олиб чиқиб кетади. “Тасанно!” дейман. Мана буни чинакам санъят дейдилар.

Иккинчиси, биз кўпинча Farb санъати, адабиётида, аниқроғи, замондошлар ҳаётидан олинган асарларда улкан муҳаббат тасвири йўқ бўлиб кетди деган хәёлда юрардик. “Тафаккур ўйинлари” бу борадаги тасаввурларни тубдан ўзгартириб юборади. Бу фильмда улкан муҳаббат, севгига садоқатнинг мислсиз ҳаётбахш кучи ниҳоятда табиий, самимий бир тарзда чин санъаткорона тараннум этилган. Фильм томошаси чоғи кўнгилга яқин, таниш оҳанглар оғушида хаёл сураман: асар нимаси биландир ўзимизнинг мумтоз

шеъриятимиздаги оташин севги тароналарини, “Фарҳод ва Ширин”, “Лайли ва Мажнун”, “Ўткан кунлар”, “Мехробдан чаён” қаҳрамонлари кечмиши ни ёдга солади. Дарвоҷе, фильм Зулфия Назарнинг “Ёрқин тафаккур” деган китоби асосида суратга олинганд. Муаллифнинг ота қонидан ўтган шарқона-ўзбекона руҳ “Тафаккур ўйинлари” фильмига ҳам кўчган бўлиши табиий-ку, дейман; унинг жаҳоний довруғида ўзбекона руҳнинг ҳам хиссаси борлиги-дан фарҳ этаман...

“Исо Масиҳ изтироблари” томошаси асносида тарихий шахс ифодаси, талқини бобида кино санъати тарихий романчиликка қараганда анча илгарилаб кетганига амин бўласиз. Исо Масиҳнинг сўнгти ўн икки соатлик ҳёти, унинг жоҳил мутаассиблар, мустабидлик тузум жаллодлари қўлида чеккан мислсиз жисмоний ва руҳий азоб-укубатлари ифодасини томоша қилиш осон эмас. Биринчи гал телеэкран қархисида охиригача ўтиrolмадим, юрагим дош бермади. Иккинчи-учинчи марта аранг чидадим. Жаллодларнинг қилмиши маълум, уларнинг қўлидан келадиган юмуш — шу. Мустабид режим етиштирган оломоннинг ҳолига қаранг: Оллоҳ таоло ҳалоскор этиб юборган Пайғамбарнинг дилидагини тушунишни асло истамайди, тоқат қилиш имконсиз бўлган жазо пайлари ҳам унинг қархисида жимгина томошабин бўлиб туради! Бугина эмас, жаллодлар куткуси билан уюштирилган сазойи чоғи шу қабиҳ жараёнда фаол иштирок этади. Энг ачинарлиси — икки жинояткордан бирини озод қилиш имкони туғилганида, нотавон оломон чинакам ҳалоскорни эмас, қип-қизил жиноятчи, тубан бир кимсани танлайди! Ана сизга оломоннинг чин қиёфаси! Оломон орасида Исо Масиҳни тушунадиган, унга қайишадиганлар ҳам бор, бироқ уларнинг қўлидан ҳеч иш келмайди, бундайлар фақат алам-изтироб, кўзёши тўкиш билан чекланади...

Хар қандай қилмишнинг охир-оқибат жазоси бор; пировардида балохўрларни ер ютади, Исо Масиҳ руҳи эса мангу тирик қолади.

Фильм томошалари чоғи ўйга толаман: адабиёт ва санъатни шунчаки эрмак, ўйин деган гаплар қуруқ сафсатабозлик эканига яна бир карра икror бўламан. Улуғ адабимиз Абдулла Қаҳҳор “Адабиёт атомдан кучли, лекин унинг кучини ўтин ёришга сарф қилиш керак эмас” деганида нақадар ҳақ эканини мана шу фильм ҳам яна бир бор тасдиқлайди. Эшитишимча, Америка аҳолисининг қарийб 80 фоизи бу фильмни бевосита кинотеатрда томоша қилибди. 2004 йил ёзида Тошкент шаҳрининг айрим кино залларида бу фильм на мойиш этилди. Бироқ Америкадагидек шуҳрат қозонмади. Ҳолбуки, фильм қаҳрамони Исо Масиҳ насронийларгагина эмас, биз мусулмонлар учун ҳам азиз. Исо Оллоҳнинг каломи нозил этилган пайғамбарлардан. Куръони қаримда бир неча бор унинг табаррук номи эҳтиром билан тилга олинади. Унга нозил бўлган “Инжил” кейинчалик аслиятдан узоқлашиб кетгани, ўзгаришлар, бузилишларга учрагани рост. Бунинг учун Исо Масиҳ айбор эмас. Бу фильм бизни буғунги кунда улуғ зотларнинг инсоният олдидағи буюк хизматларини қадрлашга, улар ишончини топтаган мустабид кимсалар, мутасибларнинг асл башарасини таниб олишга чорлаши билан ҳам қадрлидир.

Азиз журналхон! Умарали Норматов адабиётшунос-мунаққид бўлатуриб нега бадиий асарлар устида маҳсус тўхтамабди деб ажабланманг. Матбуот саҳифаларида чиқсан мақолаларимга, кейинги йилларда чоп этилган китобларимга кўзингиз тушган бўлса, уларда миллий адабиётимизда пайдо бўлаётган, кўлга олишга арзирли китоблар ҳақида баҳолиқудрат ўй-мулоҳазаларимни айтишга интилганман.



Inson omilining faollashuv asri

Бозор иқтисодиётига ўтаётганимиз рост. Бозорнинг эса ўз талаблари бор. Жумладан, ишлаб чиқариш самарадорлигини оширишнинг янги шаклларини топиш, меҳнат захираларидан самараали фойдаланишининг ноанъянавий усулларини кўллаш ва ҳоказо. Лекин баридан мақсад — инсон, унинг жамиятда тутган мавқеини ошириш.

Инсоннинг меҳнат салоҳиятини ўтириш, муаммоларни ҳал этиш, унинг жамият тараққиётiga хос энг муҳим кўрсаткичлар миқёси ва динамикасига кўрсатадиган таъсирини тадқик этиш, тадбиркорликни ривожлантириш бўйича тавсиялар ишлаб чиқиш, турмуш дарражасини юксалтиришга қаратилган муайян чора-тадбирларни амалга ошириш — замон талаби. Чунки ишлаб чиқариш ва тараққиётнинг асосида, диккат марказида инсон, унинг манфаатлари ва эҳтиёжлари ётади.

Инсон жамиятдаги ислоҳотларни ҳаракатга келтирувчи кучdir. Президент Ислом Каримов таъкидлаганидек, ҳар биримиз, қайси соҳада раҳбар ходим ёки тадбиркор-мулқдор бўлмайлик, "ислоҳот — ислоҳот учун эмас, балки инсон ва унинг манфаатларини қондириш учун" ўтказилаётганини унутмаслигимиз, меҳнаткаш инсоннинг фаровон турмуш кечиришини таъминлаш йўлида жонбозлик кўрсатишимиш лозим. "Бутун дунёдаги энг яхши тадбир — бу инсон саодати учун курашибиши, бутун жаҳонга эркинлик-озодликни ёйишдир". АҚШ президенти Жорж Бушнинг ушбу сўзлари Юртбошимиз фикрлари билан ҳамоҳанг (*Аргументы и факты. 2005 йил январь, 4-сон*).

Жамиятнинг энг олий бойлиги бўлган инсон иқтидорини ва салоҳиятини эъзозлаш, юзага чиқариш тараққиётнинг бош омилидир. Шахснинг шаклланиши, камолга етиши жамиятнинг ижтимоий ривожланиши, иқтисодий тараққиётiga ҳам боғлиқ. Мамлакатимизнинг бозор иқтисодиётига ўтиш жараёнлари таҳлили шуни кўрсатадики, аҳолининг муайян қисми билими ва малакаси замонавий бозор талабларига жавоб бермаслиги оқибатида ишсизлик, касбий билим ва малаканинг пастлиги каби ўта муҳим ижтимоий муаммо-

лар юзага чиқмоқда. Бу муаммолар айни пайтда фуқароларда бозор муносабатлари кўнинмаси шаклланмагани билан узвий боғлиқдир. Шу сабабли меҳнат самарадорлигини ошириш, инсон салоҳиятини юксалтириш оркали аҳоли ижтимоий фаолигини кучайтириш зарурати мавжуд.

Демократик ҳукуқий давлат ва фуқаролик жамиятини барпо этиш каби стратегик максадларни инсон омилига аҳамият бермай туриб амалга ошириб бўлмайди. Инсон омили ва унинг жамият тараққиётida тутган ўрни масаласи илмий-методик жиҳатдан етарли даражада ўрганилмаган. Бинобарин, бозор иқтисодиётி қарор топиши шароитида инсон омилининг жамият тараққиётiga таъсири конуниятлари ва хусусиятларини тадқик этиш долзарб аҳамиятга эга.

Ишлаб чиқариш жараёнда меҳнат салоҳиятининг юксалиши ҳам инсон омилига боғлиқ. Шундай бўлгач, инсон омилининг ишлаб чиқариш тараққиётiga таъсирини, бу жараёндаги ижтимоий-иктисодий шароитларни тахлил қилиш аҳолининг фаровонлигини таъминлашда, ижтимоий йўналтирилган бозор иқтисодиётiga ўтишда жуда ҳам муҳимдир.

Бозор иқтисодиёти шароитида тадбиркорликни ривожлантириш, бунда инсон омилига алоҳида аҳамият бериш устувор вазифалардан. Кичик ва ўрта бизнеснинг инсон салоҳиятини мустаҳкамлашга қўшган хиссаси унинг мамлакат ялпи маҳсулотини яратишда қатнашиши, ижтимоий соҳада ресурс аҳамияти унинг фаолияти жараёнда аҳоли бандлигини таъминлаш ва даромадларни бир текисда тақсимлаш, мулқдорлар синфини кенгайтириш ва унинг мевқеини мустаҳкамлаш, шунингдек, салбий экологик оқибатлар олдинци олиш каби қатор ижтимоий муаммоларни ҳал қилишдан иборатдир. Инсон омилининг кичик ва ўрта бизнес шаклланиши ва такомиллашуви жараёнига таъсирини ўрганиш шу жиҳатдан ҳам муҳим.

Хуллас, инсон омилини фаоллаштириш жараёнини, унинг меҳнат самарадорлигини ошириш йуналишларини белгилаш ҳамда республика аҳолиси фаровонлигини ўтиришга

таъсирини ўрганиш объектив заруриятдир. Бозор иқтисодиёти муносабатлари шароитида кучли ижтимоий сиёсат юритиш, яъни аҳолининг кенг қатламини ташкил этган но-чор ва кам таъминланган фуқароларни ҳар то-монлама ҳимоялаш мухим аҳамиятга эга. Шу жиҳатдан ҳам инсон омилини фаоллаштириш-

нинг илмий асосларини ишлаб чиқиш, бу бо-рада аниқ тавсия ва таклифлар бериш ҳамда уларни амалиётга жорий этиши замон тақозо-сидир.

Мұхаббат ИСАЕВА,

педагогика фанлари номзоди

Ekologik barqarorlik omillari

Агар сўнгги йигирма-йигирма беш йил мобайнида экологик муаммолар, атроф-муҳит ҳолати, экологик онг ва маданият ҳақида чоп этилган асарлар бир жойга жамланса, улкан кутубхона ҳосил бўлар эди. Лекин, афсусла-нарли жиҳат шундаки, ушбу мавзу бўйича нашр қилинган илмий, публицистик, бадиий асарлар, турли дараҷада (умумжоҳон ҳамда турли минтақалар миқёсида) ўтказилган ан-жуманлар миқдори кўпайған сари, экологик вазият барқарорлашиш ўрнига тобора кескинлашиб бормоқда. Масалан, 1980 йили “Рим клуби”да чоп этилган “Тараққиёт чегараси” деб аталган машҳур маърузада сайёрамиз иқти-садий, ижтимоий-сиёсий ривожига хавф түғ-дираётган энергетик ва хомаше захираларининг тугаб бораётгани ҳақида сўз юритилган бўлса, бугун масала одамзод ҳаётига жиддий хавф солаётган табиат ва атроф-муҳит ҳола-тининг кескин ёмонлашуви, биосферага тех-ноген таъсирининг кучайиши, кўплаб жонивор ва ўсимликлар турларининг йўқолиб кетиши оқибатида инсоният генофондидага тузатиб бўлмас ўзгаришлар рўй бераётгани тўғриси-да бормоқда.

Президент Ислом Каримов “Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт тамоиллари” асарида минтақамиздаги экологик бекарор-лик омилларни хусусида тўхталиб, инсон — табиатнинг хўжайини, деган соҳта социалис-тик мағкуравий даъво, айниқса, Марказий Осиё минтақасида кўплаб одамлар, бир қан-ча ҳалқлар ва миллатларнинг ҳаёти учун фо-жиага айланди”, дея таъкидлаган эди.

Тўғри, мустақиллик йилларида юртимизда экологик барқарорликнинг ҳуқуқий асосларни яратиш (табиатни муҳофаза этиши ва ун-дан оқилона фойдаланиш, ўсимлик ва ҳайво-нот дунёсини асраб-авайлаш, қўриқоналар

ташкил этиш, Давлат экологик экспертизаси-га доир ўнлаб қонунлар), ҳалқаро ва минта-қавий ташкилотлар иштироқида Орол муам-моси, чўллашув жараёнига қарши, шунингдек, сув ва бошқа табиий захиралардан оқилона фойдаланиш бўйича маҳсус дастурларни иш-лаб чиқиш ва амалиётга татбиқ этиш бораси-да салмоқли ишлар амалга оширилди. Нати-жада, 1991-2003 йилларда атмосферага чи-қарилаётган заарарли чиқиндилар миқдори 1,7, оқава сувлар — икки баробар, қишлоқ хўжалигида кўлланаётган заарарли кимёвий моддалар (пестицидлар) миқдори эса тўрт ба-робар камайди (*Просто пишем о среде. Эко-логический альманах. Т., “Янги аср авлоди”, 2004. Стр. 13*). Аммо, мавжуд маълумотларга кўра, турли дараҷадаги экологик таҳдидлар (глобал таҳдидлар — иклим ўзгариши, озон туйнугининг кенгайиб бораётгани, Орол муаммоси; минтақавий таҳдидлар — Оролбўйи минтақасида истиқомат қилаётган аҳоли са-ломатлигининг ёмонлашуви, сув тошқини, кўчки, зилзила сингари техноген оғатлар, Қирғизистондаги ядрорий чиқиндилар, Тожи-кистон алюминий заводи томонидан атмос-ферага чиқарилаётган ўта заарарли кимёвий моддалар; маҳаллий таҳдидлар — сув захи-раларининг тақчиллиги, ерларнинг шўрланиши, Тошкент, Олмалиқ, Фарғона, Навоий каби шаҳарларда ҳаво бўшлиғининг ифлосланиши) мамлакат ижтимоий-иқтисодий тараққиёти ва инсон саломатлигига жиддий таъсир этаёт-ганидан далолат беради. Бизнингча, Ўзбекистоннинг экологик барқарорлиги куйидаги омиллар билан белгиланади:

1. Иқтисодий омил. Мамлакат иқтисодиё-тини модернизация қилиш борасидаги испло-хотлар экологик талабларга қатъий риоя қилиш, ишлаб чиқаришга технологияларни жорий этиши, мавжуд табиий захиралардан

оқилона фойдаланиш, табиий генофондни сақлаб қолиш ва бойитишга йўналтирилмоғи даркор. Бошқача айтганда, инсоннинг иқтисодий фаолияти экотизимнинг бузилиши ва емирилишига эмас, унинг такомиллашуви, таъбир жоиз бўлса, гўзаллашувига хизмат қилиши шарт.

2. Сиёсий омил. Минтақа миқёсида экологик хавфсизликни таъминлаш учун шу худудда жойлашган барча мамлакатлар ҳамда нуфузли халқаро ташкилотлар имкониятлари ва инвестициялари жалб этилиши, бу борада қабул қилинган барча битимларнинг бажарлишига эришиш лозим. Айрим мутахассислар мазкур соҳада кўзга ташланадиган тўсиқлар экологик таҳдидларни бартараф этишга имкон бермаётганини эътироф этмоқда. Масалан, Оролни кутқариш Халқаро жамғармаси агентлиги раҳбари Рим Гиниятуллин минтақадаги бирорта ҳам давлатда сувни тежаш имконини берадиган технологияларнинг жорий этилмаётгани, “тежамкорлик” асосан қоғозда акс этаётгани, обиҳаётга муносабат тубдан ўзгармаётганини тавъидлади. (Просто пишем о среде. Стр. 121-122)

3. Маданий-мағкуравий омил. XX асрда инсоният тамаддуни рўбарў келган экологик муаммолар антропоген ҳусусиятга эга экани (яъни одамзод ўзи “ўтирган” шохга болта урайтгани) иммий асарларда ҳам, бадий адабиётда ҳам атрофлича акс эттирилган. Шунга қарамай, бугун — XXI аср бошларида “табиат — инсон” муносабатларида ахлоқий-машнавий қадриятлар эмас, моддий, иқтисодий баъзи ҳолларда сиёсий манфаатлар устуворлик қилаётгани ачинарлидир. Шу боис файласуфлар, социологлар, ахлоқшунос ва маданиятшунослар “табиат — инсон” муносабатларининг ўйғунлашуви, ўсимлик ва ҳайвонот

оламини асраб-авайлаш, юксак экологик маданият кўнникмаларини шакллантириш механизmlарини изламоқда. Масалан, экоцентризм назариясини илгари сурган америкалик олим О. Леопольд назарида, “инсон — табиат ҳукмдори” деган ваҳшиёна гоядан воз кечиб, органик ва ноорганик материянинг ўзаро ўйғунлиги, бир-бири билан узвий боғлиқлигини, экотизим инсон сингари бетакрор, ноёб экани, унинг ҳам “жон”и борлигини тан олиш лозимлигини уқтиради. Норвегиялик олимлар Арнс Нейс ва Жорж Сессионинг фикрича, Ердаги ҳаётнинг барча шакллари, инсониятга фойда келтириши ёки келтирмаслигидан қатби назар, бекиёс қиммат касб этиши боис кишиларнинг табиий жараёнларга аралашувини чеклаш, турмуш даражасини оширишга эмас, унинг янги сифат босқичига кўтарилишига интилиш лозим. Мазкур ёндашувларнинг ахамияти шундаки, улар негизида экофалсафа, экозестетика, биоэтика, экомаданият сингари кишиларнинг табиатга нисбатан онгли ва оқилона муносабати шаклланишига хизмат этадиган янги, истиқболли иммий йўналишларнинг вужудга келишига туртки берди.

Ўйлашимизча, биздаги экологик тарбия тизимида ана шундай йўналишларни жорий этиш вақти етди. Чунки кишиларда замонавий илм-фан натижаларига таянган экологик маданият кўнникмаларини шакллантирмай туриб, мамлакат жамоатчилигини ташвишга солаётган жиддий экологик муаммоларнинг ҳал этилишига, демакки, инсониятнинг порлоқ келажагига умид боғлаш қийин.

Элдор УСМОНОВ,

ЎЗФА Шарқшунослик институти
директорининг ўринбосари

Vaxt berarmi odamga odam?



XX асрнинг иккинчи ярми — XXI аср бошлари ўзбек адабиёти тараққиётини Абдулла Орипов шеъриятисиз тасаввур этиш мушкул. Шоирининг ўтган аср 60-йилларидағи ижоди, айниқса, бадий тафаккурда кескин бурилиш ясади.

Абдулла Орипов шеъриятининг ўзига хос-

лиги шундаки, унда Шарқ ва Фарб фалсафаси ажаб бир ўйғунликда ифодаланади. Бу шеъриятдаги инсон дардини тинглаш, оғриклиарига маълам бўла олиш кудрати, миллатни ҳур ва озод кўриш орзуси, ижтимоий руҳнинг исёнкорона тажассуми, эҳтироснинг шекспира на ифодаси, жамиятдаги иллатларга муро-

сасизлик миллий адабиётга тоза бир рух олиб кирди, янги уйғониш фалсафасининг пойдеворини кўйди.

Шоирнинг илк шеърларидан бири "Куз хаёллари"да унинг соҳир овози, ўзига хос олами намоён бўлади. Инсон — табиатнинг бир бўлгаги. У табиатни кузатиш жараёнида ўз мавжудлигининг асл моҳиятини англашга уринади. Куз — хазон фасли, инқиroz рамзи. Дараҳтлар — ҳаёт, япроқлар — бани башар, одамзод. Баҳор замирида куз дараги, яшнаш ва яшариш моҳиятида эса хазон аломати яширин.

Шоирнинг маҳзун куз лаҳзаларини тасвирлашдан мақсади ўқувчи шуурини табиатнинг сирли қўшиғидаги пинҳон нола сари етакла-моқдир:

*Нимани хоҳлайман? Истагим нима?
Чангалзор шовқинин тинглаб тураман,
Япроқлар бандида кезган жимгина;
Майюс ва безовта кузни кўраман.
Унинг қўшиғида, унинг оҳида,
Сезаман одамзод қалбин гоҳида.*

Шоир табиат тасвири орқали моҳиятни англашга, одамзоднинг қалб изтиробларини тинглашга уринади. Ҳаётий қарашларини тасдиклашга, яшашнинг маъно ва мазмунини топишига ҳаракат қиласди. "Яшагину, япроқ бўлма сен" деб ўз олдига талаб кўяди. У табиатнинг айрилиққа ошно фаслига термулиб, мангу яшил гулшанни орзу қиласди: "Мангу яшилликнинг маскани қайда, қайдадир хазонни билмаган баҳор?". Табиатни инсон қалб, хатти-ҳаракатлари моҳиятини кўрсатадиган ойна деб тушунган шоир "Нечун уйғонади қайтадан баҳор", "Нечун инсон умри бўлмагай такрор?" деб "Йигит ёши"да "кексалик қисмати"ни ўйлади. Куз Абдула Орипов шеъриятида фақаттинга туйғулар ифодаси эмас, балки тафаккурни фалсафий мушоҳадага ундовчи фасл ҳамдир:

*Кўярпсанми гавжум бутоқдан
Чирт узилиб тушди бир япроқ,
Барглар йигласа-да фироқдан,
Кутқаролмас дўстини бироқ.
Баҳт кутмасман ўзгадан зинҳор,
Бирорвга баҳт беролмасман ҳам.
Сен баҳтимсан демагил, дилдор,
Баҳт беролмас одамга одам.*

Дарҳақиқат, одамни одам том маънода баҳтли қилиши мушкул. Баҳт инсон учун ҳамиша кўл етмас буюк орзу бўлиб қолади.

Бутун бошли тузум, жамият инсонга баҳт ваъда этаётган, одамлар кимдир, қаҷондир беражак баҳтга ишониб, фаолиятсизлик боткоғига ботган ўша даврда бу шеър инсонни ўз баҳти учун курашга чорлаган эди десак, муболага бўлмас. Бу кураш шоир лирик қаҳрамони бўғзига тикилаётган истиқтол соғинчи, унга тезроқ етиш умидидаги "энг порлоқ инсон" орзусидан туғилган эди. Чунки инсон не учундир мудом адашади, ҳақ йўлини тополмай саргардон бўлади:

*Кимларки яхшилик донин экдилар
Ёмон деб ном олди ўзи оқибат.
Наҳотки дунёда ҳақсизлик мангур,
Наҳот ўша Фрейд ҳақ бўлса, ёху,
Наҳот қотил бўлса ўсиб чақалок.*

Инсоннинг эртаси ғамида, уни тубсиз тубанлик ҳоҳига кулашдан асрар қайғусидаги шоир нажотнинг ягона йўлини, чорасини ахтаради:

*Она ҳалқ баҳти деб ҳар вақт, ҳар қачон,
Истайман, бир сафда турса одамлар.*

Бу миллий ўзликни англаш, миллат қадрими тиклаш изтироблари, замон билан муроса қила олмайтган огоҳ қалб безовталиклариидир. Шу боис шоир шуурини "Нега?" деган савол тинимсиз тъяқиб этади.

Бу оғриқ тўла мисралар музлаган тафаккурларга кураш ҳароратини улашгани рост. Шоирнинг самимий орзу-истаклари миллат истиқболи умиди билан яхлитлик касб этгандир. "Шоир сунъий мағкура ҳоким бўлган ва кўпгина шоирларни маълум андозалар асосида фикр айтишга ўргатиб кўйган бир даврда ҳам умуминсоний, ҳалқ манфаатига мос келадиган фикр ва мушоҳадалар айтишини ўз бурчи деб билди" (М.Қўшконов. Беназир ис-теъзод. "Совет Ўзбекистони" газетаси, 1991 йил 29 март).

Дарҳақиқат, шоирнинг илк шеърлари ёк у шеъриятни мағкура ташвиқотчиси эмас, инсон руҳияти тадқиқотчиси деб билишидан дарак берар эди. Абдулла Орипов ҳур фикрга, юксак образлиликка, инсонпарварлик ва эзгуликка асосланган Шарқ шеъриятининг янги бир шакл ва мазмундаги кўринини сифатида намоён бўлган шеърлари билан ҳақли равища ўзбек миллий адабиётининг йирик сиймолари қаторидан ўрин олди.

Гулноза ЭРНАЗАРОВА,
Қарши Давлат университети доценти



Ruhiyning estetik manzaraları

Баъзи ижодкорлар, айниқса, шоирлар ҳақида гап кетганда, муҳлислар уларни ҳаёлпаст, ўзгача бир оламда яшайдиган одамлар қаторига кўшади. Лекин аслида-чи? Асар қандай туғилишини, ижодкор яратган асарнингина эмас, унинг ижод жараёнидаги руҳиятини таҳлил қиласидиган илмий изланишлар ёки кашфиётлар қилинганми? Нима учун Фарбда муаллифни эмас, унинг асарини танқид қилишиади? Нега Фарблик тадқиқотчиларнинг фикрига кўра асар учун муаллиф жавоб бермаслиги керак?

Бу каби саволларга, ижодкор руҳиятини билмасдан туриб жавоб бериш қийин. Зеро инсон ўзини англасагина ҳақиқатни англайди. Буюк мутафаккир, шайх Азизиддин Насафий ўзининг “Зубдат ул-ҳақойик” (“Ҳақиқатлар қаймоги”) асарида инсонни олами сурго — кичик олам деб атайди. “Эй дарвеш, сен кичик оламсан, бутун оламнинг ўзи эса улуф оламдир. Сен ҳар икки оламнинг нусхаси ва тимсоли — белгисисан. Улуф оламда бор нарсалар кичик оламда мавжуддир. Эй дарвеш, улуф оламнинг аввали охири, зоҳиру ботини моҳият ва шаклларни идрок этиш учун ўзингнинг моҳиятинг, зоҳир ва ботинингни англаб етгин. Бундан бошқа йўл йўқ” (Азизиддин Насафий. Зубдат ул-ҳақойик. Т., Камалак, 1995, 5-бет).

Айрим Farb олимларининг фикрича, санъаткор, қай жиҳатдан олиб кўрилмасин, асаб касаллигини бошидан кечирган руҳан заиф шахс ёхуд бадиий ижодни невроз касалидан кочиш воситаси деб билувчи инсон бўлиб кўринади. АҚШнинг машҳур руҳшуносларидан Франц Александр эса руҳан заиф билан руҳан соғлом одамлар ўртасида деярли фарқ мавжуд эмас, руҳан бемор киши ўз ҳаёлоти дунёсида доимий равишда яшайди. Соғлом одам ва санъаткорларда эса бу муддат муайян вактни ташкил этади, деб хисоблади.

Инглиз санъатшуноси Херберт Рид санъаткорни руҳий бемор сифатида кўриш лозим ва санъат асари орқали у ўз шаҳвоний хирси ҳамда ҳудбинликларидан озод бўлади, деган фикри билдиради. Савол туғилади: модомики, санъат инсон руҳий хасталиги туфайли вужудга келса ёки невроздан кутулиш воситаси бўлса, руҳий хасталик нима учун санъат орқали даволанмайди? АҚШ руҳий таҳлилчиларидан бири бўлмиш Эрнест Крис “Руҳий таҳлил

чегаралари ҳамда ютуқлари” деган мақоласида Фрейднинг санъат дунёсига қўшган ҳиссасини таъкидлаш баробарида, руҳий таҳлилнинг ижодий истеъодод масалаларини тадқиқ этишга ҳали қодир эмаслигини айтиб ўтади.

Дарҳақиқат, бадиий ижод ва инсон руҳияти муносабатлари ўта мураккаб ҳамда етарлича тадқиқ этилмаган.

Карл Юнгнинг “Руҳий типлар” китобида эстетикага доир қатор муаммолар таҳлили кенг ўрин олган. Юнг инсон руҳий ҳаётида санъатнинг катта ўрин эгаллашини таъкидлагани ҳолда, гўзалликни ҳис қилиш доирасини ва гўзалликка бўлган турлича муносабатларни қаламга олади, бу борадаги бошқа эстетиклар фикрларига кўп ўринларда танқидий ёндашади:

“Асаб қасалликлари билан оғриган беморлар билан тиббий муолажалар олиб бориш мобайнида, бундан анча бурун, инсон руҳиятида кўпроқ ўзининг эмас, балки бошқа қаламга олади, бу борадаги бошқа эстетиклар фикрларига кўп ўринларда танқидий ёндашади: Минск. “Попурри”, 1988, стр. 20).

Олимнинг фикрича, экстраверт шахс бирон бир машғулот танлар экан, қайси бирига макон ва замон яхши имкониятлар яратиб берса, ўшанисига майл билдиради. Ё шундай нарса таклиф этадики, у жамият эҳтиёжига жавоб беради. У кўпроқ ўзининг эмас, балки бошқа қаламнинг фикри билан ҳисоблашади. Бу, албатта, унинг яхши, лекин айни пайтда экстраверт одам ўз “мен”ини назарга илмагани натижасида “мен”и заифлашиб қолади. Аниқроқ килиб айтганда, экстраверт киши руҳида одамлар наздида ҳар томонлама баркамол бўлишига кучли интилиш пайдо бўлади. У қандай бўлмасин, жамият хурматини қозонишига интилади. Ўз “обрў-эҳтибор”ига гард юқтирувчи ҳар қандай ҳаракатдан қочади. Энг ёмони шундаки, унинг шахсий майли шу қадар ташки дунёга қаратиладики, руҳий ҳолати у ёқда турсин, ҳатто ўз вужудига ҳам баъзан етарли эҳтибор бермайди. Бу нуқсон кўпинча оиласидаги ҳиссий муносабатларда яхши сезилади. (Масалан, у иш жойида, кўшилар, маҳалла ва умуман уни ўраб турган мухит вакиллари олдида

шириңсүзлиги, юксак маданияти, чакқон ва меҳнаткашлiği билан катта хурматга эга, аммо ўз яқинларига кўрс, қаттиккўл ва қўпол муносабатда бўлади.)

Интроверт шахс эса, экстравертдан фарқли ўлароқ объектив эмас, субъектив омилларга таянади. Объект унинг наздида керакли даражада эътиборга молик эмас. Аммо объект шундай нарсаки, ундан воз кечиб бўлмайди. Индивид қанчалик объектдан узоқлашиб, эркинлик томон ҳаракат қиласин, барibir объект ўзининг кучли тасирини сақлаб қолади.

Хуллас, экстраверт шахс ташки олам билан банд бўлса, интроверт шахс ҳаддан ташқари ботиний оламга эътибор қиласди. Бироқ К.Юнг, инсонлар фақат бир типга мутлақ тегишли бўлмайдилар, бъязан у ёки бу тарафга оғадилар, деган фикрни билдиради. Чунончи, интроверт шахс, ҳаётий тажриба туфайли экстраверта га айланиши ёки аксинча бўлиши мумкин.

Санъат ва санъаткор ҳам икки руҳий типга ажратади. Интроверт ижодкорнинг ижод жараёнини Юнг ўсимликт билан тупроқ орасидаги алоқадорликка қиёслайди. Унинг фикрича, бадиий асар авлоддан авлодга ўтмайди, у худди ўсимликка ўхшайди. Ўсимлик — ер маҳсули, ундан озиқа олиб, унинг бағрида ўсади. Лекин тупроқнинг табиати билан унинг ҳеч қандай умумийлиги йўқ, тирик, мустакил жараёнга эга бўлган биологик ҳодиса. Шунга ўхшаб, санъат асарининг бетакор ўзига хослиги ҳам ташки дерминантларда эмас, балки унинг ўзида жойлашган. Бадиий асар ўз ижодий мақсади йўлида муаллифдан, озиқа сифатида инсондан фойдаланади. Асар ўсимлик бўлса, муаллиф — тупроқ. Асарнинг вужудга келиши ҳам табиий ҳодиса; истеъоддли ёзувчи кўлига қалам олиши биланоқ асар бевосита қозогза туша бошлайди. Бундай жараёнда вужудга келадиган асарлар ўз қудрати билан муаллифни жиловлаб олади ва унинг қаламини шундай бошқарадики, ҳар қандай истеъодд эгаси ҳам бундан лол қолади. Асар муаллифнинг онигига ўз шакл, услуб ва қонуниятларини олиб киради; ижодкор киритмоқчи бўлган нарсалар инкор қилиниб, у четлаб ўтмоқчи бўлган жиҳатларни қамраб олади. Бундай фавқулодда бадиий ҳодиса билан курашиб уни енгишга улгурмаган муаллиф асарнинг етовида юришга мажбур бўлади; агар ихтиёр ўз қўлида бўлганида эди, ижодкор ҳеч қачон асар талаб қилган ўзгаришларга йўл қўймасди. Карл Юнг бунга мисол қилиб, Гёте-нинг “Фауст”ини келтиради. Зоро, унда асар маҳсули муаллифга бўйсунмаганини аниқ кўриш мумкин. Санъатда бундай ҳодисалар жуда кўп. Чунончи, Анна Каренинанинг ўлимими ни истамаган, лекин асар талаби билан уни ўлдиришга мажбур бўлган Лев Толстойнинг из-

тироблари, Кумушбибини “ўлдириб” қўйганидан йиғлаб, кўзлари шишиб кетган Абдулла Қодирийнинг руҳий ҳолати бунга далиллар. Бундай ҳолатни бъязан илмий ижода ҳам учратиш мумкин.

Экстраверт ижодкор асари замон билан ҳамнафас, даврнинг долзарб муаммоларини акс эттиради. У оддий халқ томонидан яхши қабул қилинади, оммага тушунарли бўлади. Бироқ бундай асарлар вақт ўтиши билан жонли асарга хос хусусиятни йўқотиб тарихга айланади. Интроверт ижодкор асари эса кўп ҳолларда оммага тушунарсиз бўлади. Чунки уларда нафакат замон, балки бутун борлиқ ва коинот муаммолари акс этади. Уни идрок этган киши бундай ифода қошида қай даражададир довдираб қолади. Бунга мисол қилиб Жалолиддин Румийнинг “Ичиндаги ичиндадир” асарини ёки Франц Кафканинг “Каср” романини келтириш мумкин. Шуну таъкидлаш жоизки, айнан интровертлашган ижодий фаолиятга мояил санъаткорлар асарлари асрлар мобайнида барҳаёт бўлиб қолади. Интровертлашган бадиий ижодда биз қандайдир бетакор нарсага дуч келамиз. Кўп маъноли ва образларга бой бўлгани учун уни интуитив равишда илғаб олувчи одамгина тушунади. У гўёки номаълум киргоқча ташланган кўприкка ўхшайди.

Интровертлашган бадиий жараённинг иккичи жиҳати шундаки, у жамиятга унинг кусурларини бошқача тарзда тушунтиришга ҳаракат қиласди. Бу усул халқимизнинг “коса тагида ним-коса” деган иборасига тўғри келади. Бунда ижодкор ўз норозилигини жамият томонидан англанишига йўл қўйилмайдиган зарқоғозга ўраб тортиқ қиласди.

Экстраверт ижод жараённада асар муаллифнинг хоҳиши асосида вужудга келади. Санъаткор маълум бир мақсадни амалга ошира бориб, асар хужайрасига ниманидир қўшиб, ундан ниманидир олиб, ўз маҳсулоти вужудга келишини қатъий равишда бошқаради, ўзи танлаган қонун-қоида ва шакл-шамойилга кучли эътибор беради. Асар бус-бутиун муаллифнинг бадиий мақсадига бўйсунади. Шундай қилиб, интровертлашган бадиий ижод жараённада субъектнинг мақсади объект тасдиғи билан характерланса, экстравертлашган бадиий ижод жараённи учун эса объект қўйган талабларга субъектнинг бўйсуниси хос.

Ушбу фикрларнинг ўзи ҳам кўрсатиб турибдики, руҳий таҳлил эстетикаси асримиз кишиси учун ҳали-ҳануз кашф этилмаган кўллаб ижодкорларнинг “сирларини”, улар ижодий маҳсулларининг ботиний хусусиятларини очиб беражак.

Феруза ОБИДЖОНОВА,

ЎзМУ аспиранти



Etnik stereotip

Стереотип атамаси грекча "stereo" — қаттиқ, "tip" — нусха, намуна сўзларидан ташкил топган бўлиб, "набордан металл, резина ёки пласмассага кўчирилган нусха, босма қолип" сифатида аслий маънони билдиrsa; кўчма маънода "этник" сўзи билан биргаликда инсонга хос доимий ва ўзгармас хусусиятларнинг муайян миллатга мансуб жиҳатни англатади. Демак, этник стереотип — муайян миллатга (этнос) хос бўлган турғун, бир маромда тақрорланиб турувчи одатий хулқатвор, мумомала ва юриш-туриш тарзидир. Стереотип терминини биринчи марта илмий мумомалага 1922 йилда У.Липпман олиб кирган, "Фарбда (ундан сал олдинроқ Америкада) ижтимоий социал стереотизация ҳодисасини эмпирик ўрганиш билан ижтимоий психологияда шов-шов бошланиб" кетади. (Трусов В.П., Филиппов А.С., Этнические стереотипы/ Этническая психология, М., 1984, с. 3-18.) Бугунги кунда бу атама тарих, социология, этнография фанларида ҳам кенг искеъмолга кирган. Этнографияда (у орқали фольклоршуносликда) психологиядаги каби мумомала ва юриш-туриш тарзи маъносига қўллансан; тарих, социология фанларида "догматик онг" билан боғлиқ догматик характер, яъни "сиёсий жиҳатдан котиб қолган онг" маъносига ишлатилади.

Характер ва стереотип бир-бирига яқин тушунчалар бўлгани боис баъзан уларни ўхшаш деб изоҳлаш ҳам мумкин. Лекин бу тушунчалар кўлами жиҳатидангина эмас, маъно нозиклиги билан ҳам бир-биридан фарқ қиласди.

Стереотип — характерга нисбатан кенг кўлами илмий атама бўлиб, бир (ягона) шахс орқали кўпчиликнинг (яъни миллатнинг) бошқа миллатларда учрамайдиган доимий ўзига хос хусусиятини англатади. "Этник стереотип тушунчалиси остида, — деб ёзди Л.Байбурин, — турғун ва мунтазам тақрорланувчи хулқ шакллари тушунилади". Шу ўринда "этник ахлоқий стереотип"га аниқлик киритиш зарур. Чунки "ахлоқий" деганда кўп ҳолларда одоб (ижобий) жиҳати англашилади. Лекин инглизларга хос вазминлик билан бирга ўта расмиятилик, испанларга хос жўшқинлик билан бирга сергаплик, финларга хос индамаслик билан бирга со-вуконлик ҳам стереотип хисобланади.

"Характер — инсон хулқи намоён бўлади-

ган ва унга одат бўлиб қолган энг мухим руҳий ҳолатлар мажмуи, феъл-атвор" дейиш орқали "Ўзбек тилининг изоҳли лугати"да (II том) "хулқ-атвор"га ҳам айни изоҳ берилган. Аммо тилимизда "характерим шундай", "фалончининг шундай яхши бир характеристи бор" деган гаплар ишлатилганда бутун хулқ-атвор эмас, балки хулқнинг бир таркибий кисми ёки элементи назарда тутилади. Демак, фарқлаш керакки, хулқ — кишининг мумомала ва руҳий хусусиятлари мажмуи; характер эса унинг бир жиҳати, элементидир. Этник стереотип эса бир миллатга хос (нисбатан) турғун ва мунтазам, шунингдек, бошқа миллатда учрамайдиган мумомала, руҳий хусусият ва юриш-туришлар дея изоҳлаш мумкин.

Шунингдек, стереотипнинг "турғун ва мунтазам" лигига ҳам тўхталиб ўтиш зарур. Чунки тарихда баъзи ҳалқларга хос қадимий хусусиятлар борки, ижтимоий ва мажбурий сиёсий шароитда "турғунлик ва ўзгармаслик" ўз аҳамиятини йўқотади. Масалан, жуда қадимда мавжуд бўлган меҳмон кутиб олиш билан боғлиқ келган кишини таниса-танимаса уч кунгача иззатини жойига кўйиш шаклан ўзгарган бўлса-да, моҳият мавжуд. Бугунги урбанизация ва техник таракқиёт шароитига бу одат — танимаган-бilmagan одам келса, уйидан жой бериб, меҳмон қилиш тўғри келмайди; ёки ўтган асрнинг 20-йилларигача хотин-қизларнинг паранжига ўраниб юришлари ва бегона (ёки номаҳрам) эркак киши билан гаплашмаслиги; ҳатто аёлларнинг эрига хурмат маъносидаги "сиз"нинг (II шахс, бирлик) ўрнида III шахс, бирликдаги "у киши" сўзини ишлатиши, шунингдек, таниган-танимаган ёши улувларга (ёки умуман) салом бериш маълум бир даврларда ўзбеклар учун этник стереотип бўлган. Буни "шартли рефлекс тизими" (Словарь практического психолога, Минск, 1998, с.648) деб изоҳлаш тўғрирор. Чунки "этник стереотиплар социал психологик хусусият остида шакланади, бир томондан, у кўп-миллатли аҳолининг этно-психологияси асосларини акс эттиради". Масалан, собиқ шўро даврида турли миллат вакилларини бирлаштиришга асосланган соҳта "ягона миллат" сиёсати ана шу тенденцияга асосланган эди. Унга кўра, "этник онг йўқ бўлиб кетиши билан бир қатор этник реал воқеа-ходисалар сақланиб колса ҳам шахслар (миллатлар — Р.Э.) асси-

милияцияси" бўлади деб ишонилган эди. Аммо бунинг қай даражада тўғри эканини вақт кўрсатди.

Маълумки, ҳар бир миллатнинг этник стереотипи уларнинг маънавий хазиналари — адабиёт ва санъатнинг бошқа турларида акс этади, бу табиий ҳол. Шу маънода "Алпомиш" дос-

тони ҳам ўзида этник (миллий) стереотипларни акс эттирган. Ҳатто бу Ўзбекистон ҳудудида яшовчи халқнинг этнолокал жойлашуви билан боғлиқ равишда акс эттирилиши мумкин.

Раъно ЭГАМШУКУРОВА,
ЎзФА Тил ва адабиёт институти аспиранти

Olis-olislarda kórinar yog'du...

Маълумки, 1918 йилнинг февралида ташкил этилганига эндиғина икки ой бўлган Муҳторият тор-мор этилиб, Фарғона водийси қонга ботирилади. Озодлик, сиёсий дахлсизлик йўлида курашган муҳториятчиларнинг бир қисми ўлдирилгандан сўнг, уларнинг аксарияти "босмачилар", яъни миллий истиқлолчилар ҳаракати сафига қўшилиб кетади. Кўзи қонга тўлган большевиклар эса мазлум ва ожиз халқни қиличдан ўтказа бошлайди. Шўро давлатининг ваҳшийлиги ва адолатлизлигидан безор бўлган халқ ўз нахжоткорлари бўлмиш миллий истиқлолчилар ҳаракатини кўллаб-кувватлайди, улар сафинани кенгайтиради.

ХХ асрнинг 20-30-йилларида яшаб ижод қилган, қатағон қурбони бўлган эркесвар шоир Шокир Сулаймоннинг ilk шеърларидан бири — "Кутилиш алангаси" (Фарғонага бағишиланган) 1919 йили ёзилган. Шеърда тасвиrlанишича, юртда олис-олислардан бир ёруғлик кўринади. Бу — ботирлар юрагидаги лахча чўғ, озодликка интилаётган халқ қалбиди ўт олай деб турган аланга. Бу чўғнинг алангага айланishi гуноҳсиз тўкилган қонлар учун олинажак интиқомга ишоради.

Шеърдаги "ботирлар", аслида шўро тарихчилари узоқ йиллар давомида "босмачилар" деб атаб келган муҳториятни зўравонлик билан тор-мор этиб, Фарғона водийсини вайрон қилган большевиклар ва дашнокларга қарши мардона кураш бошлаган кишилардир. Бу шеър ёзилган вақтда улар том маънода ботирлар эди. Шунинг учун ҳам шоир улар олиб бораётган кураш натижасига катта умид билан қарайди. У ватандошларининг мустақиллик йўлидаги курашини алангага образи орқали акс эттиради.

Шоир назарида, кураш алангаси битмас-

туганмас бир кучга эга. Шу боис у алангага образини янада ривожлантира бориб, бу алангага манбаи халқ эканини айтади ва халқ вулқон — ёнартоф тимсолида тасвиrlанади.

Ш.Сулаймон бу шеъри билан ўзининг Октябрь тўнтишига, большевиклар ҳукуматига, унинг Туркистондаги мустамлакачилик ва шовинистик сиёсатига бўлган кескин муносабатини ифодалаган эди.

Ўтган асрнинг 20-йилларида Фарғона фожиаларига бағишилаб ёзилган асарларнинг аксари Чўлпон қаламига мансуб. Унинг "Бузилган ўлкага" (1921) номли шеърида Фарғона бошига ёғилган фалокатларнинг ёрқин бир тасвири, дард-аламининг, дил оғрининг аниқ ифодаси берилган.

Ҳар икки шоирнида ҳам булат, кўланка, алангага образлари мавжуд. Агар Чўлпон ўз туйғуларини "зўр ўлка"га хитобан ифода қилган бўлса, Ш.Сулаймон ўша ўлка "бош"ини қоплаган куюқ булат — кўланкага мурожаат этади. Ҳар икки шоирнинг ижтимоий воқеликка муносабатларида ҳам, ифода услубида ҳам, ўшашлик, ўзаро яқинлик яққол сезилади.

Ш.Сулаймон "Фарғона" номли шеърида ҳам 1918 йили Туркистон муҳторият ҳукуматини тутагиши баҳонасида ўн мингдан зиёд тинч аҳолиси қирилган ("Сирдарёси кучсизлар қони билан тўлиб тошган"), чақалоқларига найза саншиб, кексалари эса жодуда чопиб ўлдирилган, ўндан зиёд қишлоғига ўт кўйилган, озиқ-овқат ва саноат моллари билан тўла дўкон ва омборлари таланганди Фарғона воқеаларини тасвиrlаган. Орадан тўрт йил ўтгандан кейин ҳам у Кўқонга бориб, ўша воқеаларнинг қонли изи билан танишганида, энди бу воқеаларни ҳудди даҳшатли эртакдек айтиб юришларига гувоҳ бўлган. Ана шундай "эртакчилар" билан учрашувлар таъ-

сирида ёзилган бу шеър бошдан-оёқ зулм ва золимларга нафрат руҳида.

ХХ аср бошида Туркистон бўйлаб истибодод ва зулм ҳукм сурар эди. Ана шу эрксизликка қарши кураш аланга олмоқда. Бу ўт, бу аланга истиқлол учун сўнгги ёниш, сўнгги интилиш... Денгиз каби тўлиб-тошаётган ҳалқ руҳида ҳардам ўзгариш, фикрида, онгида, шуурида кураш руҳи... Ҳатто, денгиз ҳам бундай кучли кўзғалиш қарисида ожиздир...

“Нега кучли, булқонли ёнар тоғ!

Кутилиш алангасидир у!

Мангу ёнар, тўхтамас асло.

Мазлумларнинг қони — дил ўтлари англа”

(Сулаймон Ш. Кутилиш алангаси. Сайланма асарлар тўплами. Ўздавнашр, 1934, 29-бет)

Шафақда, уфқда, борлиқда ловиллаб ёнаётган ўт мазлумларнинг ноҳақ тўкилган қонлари, дил нолалари, чеккан изтироблари. Фаргона водийсига бағишлаб ёзилган сочма-

ларда кураш, ўлим, аланг, тўкилган қонлар учун олинажак интиқом, ҳалқ руҳиятида кечётган жараёнлар тасвирланган. Ушбу асарларнинг юзага келиши ХХ асрнинг биринчи чорагида Туркистонда кечётган зиддиятли жараёнлар: мамлакатда рўй берадётган ижтимоий-сиёсий ўзгаришлар, мустақилликка интиланган ҳалқнинг алдангани, синфий ва ички сиёсий курашлар, миллий истиқлолчилик ҳаратати билан боғлиқ.

Эрксиз, кишинланган, зинданда ётган кимса, озодлик, эрк қадр-қийматини яхши билади. Шу маънода, босқинчилар қўли остида эзилаётган миллатнинг эзғу истаги озодлик ва истиқлол бўлади. Чўпон, Шокир Сулаймон ва уларнинг замондошлари шу орзу-истакни шеърий мисраларга жойлади. Ҳудди шу нисбатда биз учун мустақилликнинг накадар қадрли неъмат эканини англаш, хис қилиш қийин эмас.

Нилуфар МИРСАИДОВА,

ЎзФА Тил ва адабиёт институти аспиранти

Mustamlaқа strategiyasining бир көрініши

Россия империяси Туркистонни ўз мустамлакасига айлантиргач, ўлканинг иқтисодий имкониятларини метрополия манфаатларига бўйсундиришга ҳаракат қилди. Ушбу мақсаднинг ҳал қилувчи омили сифатида аграр соҳага алоҳида эътибор қаратди. Бунинг учун мустамлақа маъмурияти махаллий шароитда анъанавий ер-сув муносабатларини, мулкчилик шакллари, уларнинг ҳуқуқий асосларини, эгалик ва тасарруфнинг жамоачилик тамоийллари билан боғлиқ анъаналарни, ердан ундириладиган солиқлар тизимини атрофлича ва чукур ўрганишга ҳаракат қилди. Табиати, ахолисининг турмуш тарзӣ, ишлаб чиқариш ресурслари, ижтимоий шароити бошқача бўлган ўлкада маҳаллий анъаналарни ҳисобга олмаслик мумкин эмас эди. Шунга қарамай, мустамлақа сиёсати аграр соҳага жиддий таъсир кўрсата бошлади.

Россия империяси Туркистон ерларининг асосий қисмини хазина ерлари тоифасига киритишга ҳаракат қилди. Айниқса, чорвадор чўл минтақалари, ўтлоқ ва яловлар, ўрмон-

лар азалий жамоа тасарруфидан чиқарилиб, Россиянинг хазина ерлари деб расмийлаштирилиши чорвадан, жамоа мевазорларидан келадиган даромад шубҳасиз хазинага тушишини таъминлаши лозим эди. Туркистон ўрмон ва бутазорлари, мевали дарахтлари хосили, улардан чиқадиган қайта ишланган маҳсулотлар ҳам мустамлақачилар дикқат марказида турганини архив материаллари ҳам тасдиклайди. Улар Чор Россияси Туркистондан манфаат кўришига ниҳоятда катта эътибор қаратганидан, фойда келадиган бирор соҳани назардан қочирмаганидан далолат беради. Таҳлил қилинаётган ҳужжатлар Туркистоннинг турли ҳудудларида ўрмон ҳўжалиги маҳсулотларидан фойдаланиш ҳамда мулкий ҳуқуқ масалалари қай аҳволда бўлганини ўрганишга ёрдам беради.

Жумладан, Андижон ўрмон ҳўжалиги бошқарувининг масъул раҳбари номидан 1902 йил 29 декабрда, Туркистон генерал губернатор-лигининг зироатчилик ва давлат мулки бошқармасига жўнатилган ахборотнома бошдан

оёқ бир масалага — ёнғоқ дараҳтининг танасида ҳосил бўулувчи пўқакни ҳисобга олиш, кесиб йифиш ва экспортга тайёрлашга багишланган. Ҳужжатда кўрсатилишича, рўйхатга олинган пўқакнинг бир қисми кирқиб олингунгача “пишиб” ўтиб кетган ва экспорт талабига жавоб бермайдиган ҳолга келган. Қисман бу гурӯҳ пўқаклар ичдан чирий бошлаган. Бунга кўпинча текшириш мақсадида пўқакларни ўйиб кўриш сабаб бўлаётгани таъкидланган.

Бу ҳужжат яна бир муҳим масалани аниқлашга имкон беради. Унда ёзилишича, 1885 йили Андижон ўрмончилик бошқармаси ёнғоқзорларни айрим шахсларга сотиши ташкил қилган. Ёнғоқ пўқагининг “пул” бўлиб қолганини билган мулкдорлар уни ҳисобга олиш, ўйиб сифатини текшириб кўришга киришиб кетган. Натижада пўқаклар зарарлана бошлаган. Ҳолбуки, текшириш учун ўйилганда ҳосил бўлган чукурча маҳсус коришма билан тўлдирилиши лозим бўлган-у, аммо бунга амал қилинмаган.

Шунингдек, ҳужжатда ёзилишича, ёнғоқ пўқаги хомашё сифатида муҳим аҳамиятга эга бўлиб, “қимматли товар” сифатида экспорт қилинган. Экспорт ёнғоқ пўқаги дастлаб Батуми портига, ундан Қора денгиз, Ўрта ер дengизи орқали Марсель портига етказилган. Марсель бозоридан улгуржи товар Парижга келтирилган. Германиянинг Гамбург бозорига, афтидан, қуруқлик орқали ёки Болтиқ дengизи орқали етказилган. Қизиги шундаки, 1896-1902 йиллар мазкур шахарлар бозорида пасаймасдан бир меъёрда турган. Юқори сифати пўқакларга эса талаб ортиб борган.

Ҳужжатда ёнғоқ пўқакларини сифатли тайёрлаш юзасидан бир қатор таклифлар ҳам баён этилган. Масалан, уларни ёнғоқ дараҳтидан

кешиб олишда сифатини аниқлаш, ҳажмига қараб пўқакларни бўйи 7 вершок шаклида таҳлашга мўлжаллаб қалинлиги бир хил 10 вершок ўлчамда кирқишиш пўқакларнинг сифати яхшилигига, ичи айнимаганлигига харидорни ишонтириш учун зарур. Қизиги шундаки, ўрмон хўжалигининг рус нозири ёнғоқ пўқакларини тайёрлашда Кавказдан бу иш билан кўп йиллар давомида шуғулланган билағон мутахассисларни чақириб ишлатишни таклиф этади ва бундай усталар камлигини, агар Батумидан уларнинг иккитаси бир-бир ярим ойга чақирилса, 1902 йил хомашёсини ўз вақтида ийғиб олиш мумкин бўлишини таъкидлайди.

Ахборотда ёнғоқ пўқагининг йўл харажати тоғлардан Андижонга келтириш бир пуди учун 2 рубл 50 копеек, поезд йўли орқали Батумигача 1 рубл 80 копеек, кемада Марселягача 40 копеек бўлиши кўзда тутилган. Юкни суғурталашга 2%, бозор ва даллолларга тўлов 1-1,5% сарфни талаб қилган.

Хулоса қилиб айтиш мумкинки, чор РОССИЯСИ Туркистон ўлкасининг табиий ресурсларидан максимал даражада фойдаланган, бойликларни асосан хомашё сифатида ташиб кетган. Баъзи ҳолларда мустамлакачилар Туркистон ўлкаси неъматларини шу ернинг ўзида қайта ишланган хомашё кўрининшида жаҳон бозорига чиқаришга ҳам характер қилган. Хусусан, бу ўринда Туркистоннинг кучли бўёқ моддаси берувчи ёнғоқ пўқаклари Европа бозорларига чиқарилгани мустамлакачиларнинг шафқатсиз ва улкан иқтиносидий стратегиясидан бир кичик кўрининши эди, холос.

Ойгул СУЮНОВА,
Тошкент давлат Шарқшунослик
институти доценти

Xos Ҳојибнинг хукмдорга оғитлари

Фарб ва Шарқ олимлари шу пайтгача “Кутаду билиг”ни асосан тилшунослик, адабиётшунослик ва тарих нуқтаси назаридан ўрганиб келган. Ваҳоланки, асар сиёсатшунослик учун ҳам бой манба бўла олади. Чунки асарда давлат сиёсий тузуми, унда асосий роль

ўйновчи раҳбар ва раҳбарият тўғрисида ҳам муҳим фикрлар мавжуд.

Юсуф Ҳос Ҳојиб Фикрича, фуқароларнинг билимлари ақл-заковати, укув ва идрокига қараб турли даражададир. Одамларнинг жамиятдаги ўрни ҳам шунга мувофиқ. Яъни,

чукур билимли одамлар бошқарувчи — раҳбар, саёз билимлilar эса бошқарилувчи — фуқаро. Жамият аъзоларининг мавқеи ана шу билим, ақл-заковат, уқув-идрок даражасига кўра белгилансагина чинакам тараққиётга эришилади.

Юсуф Хос Хожиб раҳбар танлашда тил ва муомалани билимдан кейинги ўринга қўяди. Чунки давлат бошқарувида билим ва ақл-заковат қанчалик аҳамиятли бўлса, муомала маданияти ҳам шунчалик мухим.

Улуғ мутафаккирнинг таъкидлашича, давлат бошқарувида муайян даражада мудафакиятга эришмоғи учун раҳбар амалда ҳам, сўзда ҳам эзгуликка интиломоғи зарур. Сўзи ва амали бир-бирига зид бўлган раҳбар эл назаридан қолади. Оқибатда, мамлакатда парокандалик келиб чиқади, давлат таназзулга юз тутади.

Юсуф Хос Хожиб ҳукмдор ҳақида сўзлашдан олдин дунёнинг бевафолиги, ўткинчилиги хусусида фикр билдиради. Бу билан раҳбар шахс буни доим ёдда тутмоғи лозимлигини таъкидлайди. Алломанинг фикрича, ҳукмдорнинг мол-давлат йиғишга, фақат ўз баҳтини кўзлаб яашашга интилиши халқнинг қашшоқлашувига, айни вақтда раҳбарнинг обрўзизленишига олиб келади. Раҳбар ўзини халқ хизматига бағишлиши, ўзидан эзгу ном қолдиришга интилиши зарур.

Юсуф Хос Хожиб ҳукмдорни рамзий маънода Кунтуғмиш деб атайди ва унинг адолат тимсоли эканини таъкидлайди. Ҳукмдорнинг адолати шундай бўлмоғи керакки, ундан бой ҳам, факир ҳам, аъло ҳам, адно ҳам баравар баҳра олмоғи зарур. Раҳбар куйи ёки юқори табақани ажратмаслиги, кўрилаётган ишнинг муҳимлигига қараб ҳар икки табақа вакилини ҳам албатта қабул қилиши, тинглаши шарт. Ҳатто тинглабгина қолмай, уларнинг муаммоларини ҳал этиши лозим.

“Кутадгу билиг” муаллифи ҳукмдорда яна қўйидаги хусусиятлар бўлиши шарт деб ҳисоблади. Булар — олий наасаб, илм-маърифат, ҳарбий салоҳият, ташаббускорлик (шижоат, абжирлик), саховат, ҳушфөълик, ҳушёрлик, илмпарварлик, уддабуронлик, ҳиммат, бағрикенглик, ҳилм, қаттиққўллик, эътиқод, пархезкорлик. Муаллиф бу хусусиятларнинг раҳбарга келтирадиган фойдаларини қўйида-гича баён этади:

1. Давлат раҳбарининг феъл-атвори, характер-хусусиятлари ундан қуиғи поғонода турувчи барчага таъсир кўрсатади. Раҳбар ва раҳбарият амалда қандай иш тутса, ҳалқ ҳам ўз аъмолини шунга мувофиқлаштиради, яъни улар юрган йўлдан боради.

2. Раҳбарлик энг масбутиятили иш сифатида доим мешақат келтиради. Унинг хурсандчилиги оз, қайғуси кўп, раҳмати кам, лаънати мўлдир. Раҳбарни ёқтирамайдиганлар кўп бўлади, уни яхши кўрадиганлар — кам. Ташибши ҳаддан зиёда, роҳати эса арзимас. Раҳбарга ишонч оз, ундан шубҳаланиш эса меъеридан ортиқ. Раҳбар учун хатар кўп, душмани мўл, ҳаловати ва дўсти жуда озидир. Ҳукмдорга нисбатан салбий қарашларнинг ягона чораси мазкур фазилатларга эга бўлишдир. Жамият шундай тузилганки, унда ёмонлик тез ўйлади ва авж олади, яхшиликка эса жуда секин одатланилади.

3. Раҳбардаги бундай фазилатлар жамиятда хайриҳолик ва ишонч кайфиятини уйғотади. Бу — бошқарувдаги энг ишончли услуб. Жамиятдаги иллатларнинг тез барҳам топиши шу орқали бўлади.

4. Ҳукмдорнинг феъл-атворидан аъёнлар улгу олади. Бу эса фуқаронинг ҳеч қандай ортиқча ваъз-даъватларсиз ҳақ йўлдан боришига олиб келади. Бундай ҳукмдорнинг кўллаб-куватловчиларга эҳтиёжи бўлмайди. Аксинча, унга қарши бўлган фикр ёки ҳарагатга одамларнинг ўзи зарба беради.

Юсуф Хос Хожиб раҳбар масаласида шу каби кўплаб муроҳазалар баён қилган ва уларда раҳбар кадрлар танлашга хос хусусиятларга етарлича тўхталиб ўтган. XI асрдан кейин яратилган “Сиёсатнома”, “Конуннома”, “Темур тузуклари”, “Хумоюннома”, “Дастурул мулук” каби бевосита раҳбаршуносликка доир асарларда ҳам биринчи навбатда маънавий етуклика эътибор қаратилган ва бу фазилат инсонни тўрт кусурдан — бевафолик, ёлғончилик, баднафслик ва ёвузлиқдан асрорчи омил сифатида баҳоланади. Раҳбар танлашда ҳар бир давр ва ҳар бир давлат учун ҳам маънавий камолот даражасининг юксаклиги мухим омил бўлиб қолаверади.

Фазлиддин РАВШАНОВ,
филология фанлари номзоди

RESUME

In his article entitled “Constructive dialectics” Fakhreddin Musaev conveys his views about studies of dialectics, its historical types. Through lots of evidences the author concludes that the principles of communistic ideology that were in power for 70 years are destructive dialectics, but the ideology that has been formed after the independence, which represents all dreams and hopes of the nation, is an example of constructive dialectics.

The issue of enlightenment and its opposite — cruelty has been on the centre of attention of all intellectuals of all periods. The more enlightenment leads the humanity to peak, the less cruelty pulls it to the meanness. In his article “What is enlightenment, what is cruelty?” literary scientist Nurboy Abdulhakim meditates on these two controversial concepts and tries to discover why they always come together.

Abdurahim Erkaev’s “Freedom of thought” is about the origin of the ancient type of thought — mythological thought, its development, qualities and the process of its transformation to traditional thought. The author muses on the similarities and dissimilitude of mythological and traditional thoughts, as well.

“My childhood” — is a symbolic work of love and respect of friends, brothers-in-arms and admirers dedicated to a well-known writer Chingiz Aytmatov. It is written on the base of the writer’s childhood memoirs and describes his adventures in a Kyrgyz village when a child, stories about his grandma, parents and relatives, threatening 37th year of the past century, events that took place during the World War II.

“Father of Turkistani jadids”, outstanding enlightener and patriot Mahmudkhodja Behbudiy sacrificed his life on the way to gain liberty for his fatherland. But, however, nobody knows about his mystic death. Investigations, discussions on this matter and identification of the place of his death are still on track. Literary scientist Naim Karimov’s “Last days of Behbudiy” is devoted to this issue and the author, relying on some facts, tries to draw attention to some new possible suppositions about the patriot’s death.

Many believed that Ahmad Donish was like Saadiy Sheroziy in poetry, Behzod and Moniy in painting, Ulughbek Kuragoniy in astrological science, Avicenna in medical science. He was a penman, musician, perfect historian and statesman, as well. Literary scientist Ibrohim Haqqul’s essay entitled “Ahmad the Brain” is about a troublesome life experience and working activity of this celebrity who “fought with a gentle courage against lots of problems caused by an intellectual invalidity.”

Famous French philosopher and writer Jean Paul Sartre, who wrote a lot of novels, dramas and philosophic essays, moved forward the view that “A human educates himself; the existence is composed of human life and his activity”. In his article “Father” of the existentialism” Philosopher Viktor Alimasov gives information about the writer’s personal life and creative work.

Literary scientist Sultonmurod Olimov in his article “I write in Chigatay language” talks about terms like “Chigatay people”, “Chigatay language”, “Chigatay literature” that still cause many discussions among intellectuals. The author, relying on some sources, expresses his views on these terms.

Эртанги кун ёғдуси



Нашр кўрсаткичи: 869/870
Баҳоси келишилган нархда

TAFAKKUR

ТАФАККУР 3/2005

